

**Hitesranjan Sanyal Memorial Collection**  
**Centre for Studies in Social Sciences, Calcutta**

Record No.	CSS 2000/120	Place of Publication:	Calcutta
		Year:	1267b.s (1860)
		Language	Bangla
Collection:	Indranath Majumder	Publisher:	Ramchandra Gupta, Prabhakar Jantra.
Author/ Editor:	Issurcunder Gooptoo	Size:	15x22cms.
		Condition:	Brittle
Title:	Hita-Prabhakar	Remarks:	Hitoprobhakur by the late Baboo Issurchunder Gooptoo

# HIT-PROBHAKUR.

BY THE LATE.

Baboo Issurchunder Goopto.]

হিত-প্রভাকর।

সংবাদ প্রভাকর সম্পাদক  
শ্রীরামচন্দ্র গুপ্ত কর্তৃক  
প্রকাশিত হইয়া

কলিকাতা।

প্রভাকর যন্ত্রে মুদ্রিত হইল।

সিমুলিয়ার অন্তঃপাতি হোগলকুড়িয়ার দুর্গাচরণ  
মিত্রের ষ্ট্রিট ৪২ নং ভবনে।

১১ চৈত্র ১২৬৭।

কুমিল্লা ।

আমার অগ্রজ মহাকবি ঈশ্বরচন্দ্র গুপ্ত মহাশয় প্রণীত হিতপ্রভাকর মুদ্রিত ও প্রচারিত হইল। এই অতি চমৎকার রসভাবপূর্ণ গদ্যপদ্যময় চম্পুকাব্য বঙ্গীয় নব্য কবিগণের কণ্ঠভূষণ স্বরূপ, বিদ্যার্থীগণের উপদেশ স্বরূপ এবং বাঙ্গলাপুস্তকালয়ের অলঙ্কার স্বরূপ। হিতপ্রভাকর পাঠ করিলে সহৃদয় কাব্য রসজ্ঞেরা বুঝিতে পারিবেন কবির এই কাব্য মধ্যে কি চমৎকার অলৌকিক কবিত্ব শক্তি প্রকাশ করিয়াছেন, এই চমৎকার চম্পু কাব্য মধ্যে কবির সহজ শব্দচাতুর্য্য, অলঙ্কৃত রচনা মাধুর্য্য এবং সরস ভাব গাঙ্গুর্য্য পদে পদেই পাঠকগণের মনোহরণ করিবে তাহার আর কোন সন্দেহ নাই।

কালে সকলেই হয়, এক্ষণে সেই মহাকবির এই অমূল্য কাব্য মুদ্রিত হইয়া প্রচারিত হইল কিন্তু তিনি এই সম্ভাবিত লৌকিক সুখকে সামান্য জ্ঞান করিয়া পুণ্য লোকে অবস্থান করিতেছেন। দাদা মহাশয় অসময়ে প্রাণত্যাগ করিয়াছেন বলিতে হইবে, যে বয়সে কবিগণ যথার্থ শক্তি সম্পন্ন হইয়া নিজ নিজ কাব্য প্রচার করেন, যে বয়সে কবিগণ সমুদ্রের সিংহাসনে আরোহণ করিবার যোগ্য হন, যে বয়সে কাব্য লিখিতে আরম্ভ করেন, ইনি সেই বয়সেই নিজ কবিত্বশক্তিবলে স্বদেশের প্রধান কবি, প্রধান সম্ভ্রান্ত, এবং প্রধান কাব্যকর্ত্তা রূপে পরিচিত ও বিখ্যাত হইয়া সংসারলীলা সম্বরণ করিয়াছেন। বঙ্গভাষায় এতবড় মহাকবি কি আর এদেশে জন্মগ্রহণ করিবেন !!

ভূমিকা।

There is no doubt that much Knowledge, both in the way of moral precept and of general description, can be given in verse, in a form which is both more attractive to Children to learn, and more easy for them to remember, than in prose.

I have heard from many persons that you are one of the best living writers of Bengali poetry, and you could not well be more usefully employed than in preparing a few poems for this express purpose. In England, many distinguished writers, have not thought it beneath them to compile works for the use of the young: indeed it is a far more difficult task than to write for those of full age, as will be readily acknowledged by any who have tried it, the object being to convey sound sterling sense or else beautiful and poetical ideas in simple language, suited to the comprehension of the young minds for whom they are intended. If you will devote some time to this task, and succeed in producing such a book as is wanted, your Countrymen will have much reason to be obliged to you, and to their gratitude I shall readily add mine. If you will call on me, I will shew you some specimens of English poems written for children, which might be of use to you: I need hardly remark on the necessity of excluding rigorously every loose or impure thought, or indecent word from such a collection, I mention this, however because it is a fault from which I understand some of your most admired writers are not wholly free.

Yr. Siny:

J. D. W. Bethune:

Baboo:

Issurchunder Goopto.

৭ জুলাই ১৮৫১ ইংরেজী পত্রের অনুবাদ নিম্নে সঙ্কলিত হইল মহাশয়।

শ্রী বিদ্যালয় সকলের অধ্যক্ষগণ সর্বদাই আমার নিকটে এই অভিযোগ করিয়া থাকেন, তাঁহারদিগের অধীনস্থ বিদ্যালয় সকলের ব্যবহারার্থ সরল ভাষায় এ পর্যন্ত একখানিও কবিতাপুস্তক প্রকাশিত হয় নাই।—

নীতিশিক্ষা ও অন্যান্য সাধারণ বিষয়ের পরিজ্ঞান শিক্ষা কবিতার দ্বারা বালক বালিকাদিগকে অনায়াসে প্রদান করা যায়, গদ্য অপেক্ষা পদ্যজুড়ে তত্তাবৎ পাঠ করণেও তাহারদিগের লালসা বৃদ্ধি হইয়া থাকে, এবং তাহারা তাহা অনায়াসে পাঠ করিতে ও স্মরণ রাখিতে পারে।

ভূমিকা।

১৭

আমি অনেক লোকের নিকটে অবগত করিয়াছি, বাঙ্গালা বর্তমান কবিতালেখকদিগের মধ্যে আপনিই একজন প্রধান ও সুকবি, আপনি যদিও উক্ত অভিযোচন নিমিত্ত কবিতাবলী প্রস্তুত করেন তবে আপনার সেই শ্রমদ্বারা বিশেষ উপকার করা হয়।

বিলাতের সুকবি ও সুলেখকগণ বালক বালিকাগণের শিক্ষণযোগ্য পুস্তকাদি প্রস্তুত করণের কার্যকে আপনাপন প্রভূত মহিমার হানিজনক বোধ করেন না। কলতঃ ইহা যথার্থ বটে, যাহারা এই প্রকার লেখার চালনা করিয়াছেন তাঁহারা সকলেই স্বীকার করিয়া থাকেন, বঙ্গো-প্রিয় লোকদিগের অনুশীলনোপযোগী পুস্তক বিরচনাপেক্ষাও সরল ভাষায় সহপদ্য ব্যবহারোপযোগী সদভিপ্রায় এবং সুন্দর পরিজ্ঞান পুরিত পুস্তক বাহা বালক বালিকাগণের অনায়াসে বোধগম্য হইয়া থাকে, তাহা রচনা করা অতি কঠিন। আপনি যদিও এই সংকার্য সম্পাদন নিমিত্ত আপনার সময়ের কিঞ্চিদংশ ক্ষেপণ করিয়া উল্লেখিত প্রকার এক খানি পুস্তক রচনা করেন, তবে আপনার দেশীয় ব্যক্তিগণ আপনার দ্বারা বিশেষোপকৃত হইয়া কৃতজ্ঞতা পাশে বদ্ধ হইবেক এবং সেই কৃতজ্ঞতার সহিত আমি আমার কৃতজ্ঞতার সংযোগ করণে আনন্দিত হইব।

আপনি যদিও আমার সহিত একবার সাক্ষাত করেন তবে ইংরাণী ভাষায় বালক বালিকাগণের শিক্ষণযোগ্য কতকগুলি কবিতা দেখাই বাহা উদ্দেশ্য কার্য সম্পাদন জন্য আপনার পক্ষে উপকারজনক হইবেক, যে কবিতা পুস্তক বিরচিত হইবেক, তাহাতে কোন অসৎ অভিপ্রায় নীতিজ্ঞান বিরুদ্ধভাব এবং অশ্লীলবাক্য লিখিত হইবেক না, একথা আমার পক্ষে বলা বাহুল্য, কিন্তু এইস্থলে উল্লেখ করিবার তাৎপর্য এই যে বঙ্গ ভাষায় উত্তমোত্তম কবিতা লিখিয়া যাহারা বিখ্যাত হইয়াছেন, তাঁহার দিগের মধ্যে কেহই এই দোষকে পরিত্যাগ করিতে পারেন নাই।

আপনার

ডবলিউ জে. ডি. বিটন।

BLOCKED INFORMATION.

## হিতপুতাকর

পরমেশ্বরের মহিমা বর্ণন।

হে নিত্য সত্য, সর্বশক্তিমান সর্ব-  
ময় সর্বজ্ঞ!—হে পরমপিতা: পরমা-  
ত্ম পরমেশ্বর!—তুমি নিষ্কিয় নি-  
লৈপ নিগুণ নিরাকার, পূর্বতন জ্ঞান-  
গুরু আচার্য্যগণ একপ উল্লেখ করি-  
য়াছেন।—হে নাথ! তুমি, যে, এক  
কি পদার্থ, নিশ্চিতরূপে তাহা নিরূ-  
পণ করেন এমন ব্যক্তি এই মানব-  
মণ্ডলে কাহাকেই দেখিতে পাইনা।  
—তুমি অরূপ, স্বরূপ, কিরূপ? আমি  
তদ্বিশেষ কিরূপে জানিতে পারি-  
ব?—তোমাকে তুমি আপনিই জান  
কি, না, তাহাও কেহ জানিতে পারে-  
ন না।—কারণ কোনোমতেই ইহা  
জানিবার বিষয় নহে।—তোমাকে  
“তুমি,, এই বচন ভিন্ন আর কি  
বচনে ডাকিব? আর কি বলিব?—  
তোমাকে নিগুণ বলিব? কি সগুণ  
বলিব? তোমাকে নিষ্কিয় কহিব?

কি সক্রিয় কহিব?—তোমাকে অকর্তা  
কহিব? কি কর্তা কহিব? তো-  
মাকে বহুবিধ বিশেষণবিশিষ্ট কহি-  
ব? কি বিশেষণবিহীন কহিব?  
তোমাকে অসঙ্গ কহিব? কি সঙ্গ  
কহিব?—কি কহিব? কি কহিব?  
তোমাকে কি কহিব?—ইহার সার-  
কথাটি আমাকে কে কহিবে?—কি  
প্রকারেই বা নিশ্চিত নিদর্শন প্রদ-  
শন হইবে? কেননা দর্শন তোমার  
দর্শন পান নাই, শাস্ত্র সকলের মধ্যে  
পরস্পর বিষমতর বিবাদ দেখিতেছি,  
এক শাস্ত্রের সিদ্ধান্ত একরূপ, অপর  
এক শাস্ত্রের সিদ্ধান্ত আর একরূপ।  
—কেহ কেহ কহেন “তুমি “প্রণব,,  
মন্ত্রময়, কর্ম্মস্বরূপ,,—কেহ কেহ ক-  
হেন “তুমি নিগুণ-নির্বিশেষ,,।—  
কেহ কেহ কহেন “তুমি সগুণ সর্ব-  
বাপক,,।—কেহ কহেন “তুমি পু-

কব,, কেহ কহেন “তুমি প্রকৃতি,,।  
—কেহ বা কহেন “তুমি স্বভাব,,—  
কেহ কেহ কহেন “তুমি নিত্য-জগৎ  
অনিত্য,,—এবং কেহ কেহ কহেন  
“তুমিও নিত্য এবং এই সংসারো  
নিত্য,,—এইরূপ যাহার যতদূর প-  
র্য্যন্ত জ্ঞানের সীমা, তিনি ততদূর  
পর্য্যন্তই নিরূপণ করিয়াছেন, কিন্তু  
তুমি, যে, কি এক অনির্কচনীয় পদার্থ,  
তাহা কখনই বচনীয় হইবার নহে,  
এবং তুমি, যতদূর রহিয়াছ ততদূর  
পর্য্যন্ত কেহই বোধনেত্র বিস্তার ক-  
রিতে পারেন না।

হে বস্তু!—এই, যে “আমি,,  
আমি আমি করিতেছি, এই “আমি  
টি, কি? যখন তাহাই জানিতে পা-  
রিনাই, তখন আমি “নিজবোধনেত্র-  
বিহীন, হইয়া তোমাকে জানিব  
ইহা কিরূপে সম্ভব হইতে পারে?—  
এই “আমি,, কে?—আমি আমাকে  
কেনই বা আমি বলি?—এবং এই  
আমাকে এই “আমি কে বলায়?—  
আমি, যে “আমি,, বলি, এ বলের  
কি আমিই বলি?—না “তুমি,, বল?  
তুমিই “বলী,,?—বল বল, এই  
“আমি,, বলিবার বল, কাহার বল?  
—আমার বল? কি তোমার বল?

এ কথাটি কে বলে?—একথাটি কে  
বলে?—আমি বলি? কি তুমি বল?  
তাহাই বল।

আমার এই দেহ পরিগ্রহ কেন  
হইল?—কি এই দেহ?—  
না, আমার এই দেহ?—আমি দেহ-  
ধর্মে আক্রান্ত হইয়া কেন দেহী হই-  
লাম?—এই দেহে আমার “আমি-  
বোধইবা,, কেন হইল?—এই শরীর-  
টিই বা কি?—এই শরীর মধ্যে  
শরীররূপে আমিই বা কি?—আমি  
এই শরীরে এই “আমি,, অধুনা  
যে রূপ আমিই রহিয়াছি, এই আমি  
কি এই “আমিত্ব,, প্রথম পাইলাম?  
যদিমাত্র আমি ইহার পূর্বে শত-  
শতবার এইরূপে দেহধর্মে আমি  
আমি করিয়া এইরূপে আবার বস্তু-  
মান এই দেহে আমি আমি করিতে-  
ছি, তবে ইহার পরেই বা ভবিষ্যতে  
আর কতবার এবং প্রকার “আমার  
আমার,, “আমি আমি,, করিতে হই-  
বে?—আহা!—এই আমি কি এই  
ভাবেই আমি থাকিব?—আমার এই  
“আমিত্ব,, আর কতকাল রাখিব?  
মোহ-জালে নিজবোধরূপ জ্যোতিঃ  
আর কতকাল ঢাকিব?—আর তো-  
মাকে এই ভাবেই বা কতকাল ডা-

কিব?—হে তুমি! তুমিই কি আমা-  
কে এই “আমিত্ব,, প্রদান করিয়াছ?  
অথবা আমি স্বয়ং “আমিত্ব,, পাইয়া  
আমি হইয়াছি?—যদি তুমিই আমা-  
কে আমার “আমিত্ব,, প্রদান করিয়া  
থাক, তবে আমি কখনই আমি নহি,  
যেহেতু তোমার প্রদত্ত এতৎ “আ-  
মিত্ব-ধনে,, কিছুতেই আমার কর্তৃত্ব  
হইতে পারেনা, অপিচ যদিমাত্র  
আমিই আমার এই “আমিত্ব,, স্বয়ং  
সম্পন্ন করিয়া থাকি, তথাচ আমি  
স্বয়ং শব্দের অভিমানে আমিত্বলাভে  
আমার কর্তৃত্ব দেখিতে পাইনা।—  
কারণ আমি আমার “আমিত্ব,, দা-  
নের কর্তা হইতে পারিনা।—গৃহীতা  
হইলেও হইতে পারি।—তুমি দিয়া-  
ছ, আমি পাইয়াছি, কিন্তু হে প্রভো!  
—এ বিষয়ের কে দাতা? কে গৃহী-  
তা? এই সংশয়চ্ছেদন কর।—তুমিই  
দাতা? তুমিই গৃহীতা? না, আমিই  
দাতা, আমিই গৃহীতা?—তুমি  
আদি? কি আমি আদি?—আগে  
আমি “তুমি,, বলিব? না, আগে  
আমি “আমি,, বলিব?—স্থিররূপে  
প্রণিধান করিলে যদিও তুমিই  
তুমি, আমিই আমি, এবং তুমিই  
আমি, আমিই তুমি, তথাচ তুমিই

আদি, আমি কখনই! আদি  
নহি।—তুমিই “আমি,, আমি  
কখনই “তুমি,, নহ!—তোমার  
“তুমিত্ব,, তোমাতেই আছে, তোমার  
দত্ত আমার “আমিত্ব,, আমাতেই  
রহিয়াছে। যদিও তোমার আমা-  
চৈতন্যরূপে অতদ পদার্থ, তথাচ  
তোমার সম্বন্ধেই আমি হইব, আ-  
মার সম্বন্ধে তুমি হইবেনা, যেনত  
চন্দ্রের জ্যোৎস্না তাবতেই কহে,  
জ্যোৎস্নার চন্দ্র কেহই কহেনা, অন-  
লের দাহিকা তাবতেই কহে, দাহি-  
কার অনল কেহই কহেনা, জলের  
শীতলতা সকলেই কহে, শীতলতার  
জল কেহই কহেনা, এবং যেমন  
সমুদ্রের তরঙ্গ সকলেই কহে, তরঙ্গের  
সমুদ্র কেহই কহেনা, সেইরূপ তো-  
মার “আমি,, সকলেই কহিবে,  
আমার “তুমি,, কেহই কহিবেনা।

হে নাথ! যদিও আমি, তোমা-  
র অর্থাৎ “তুমিরূপ,, বিশুদ্ধ বিদ্যে-  
র “প্রতিবিম্ব,, কিন্তু তুমি আমাকে  
দেহেন্দ্রিয় সংসর্গের অধীন করিয়া  
একপ মলিন ও ক্ষীণ করিয়াছ, যে,  
আমি “অহং অভিমানে,, অন্ধ হইয়া  
আপনাকেই আপনি দেখিতে পাই-  
না, আপনাকেই আপনি জানিতে

পারিনা, অতএব তোমাকে কি উপায়ে জানিতে পারিব? এবং কি উপায়ে দেখিতে পাইব? করুণাময়! তুমি করুণা করিয়া আমার প্রতি প্রসন্ন হও, আত্মতত্ত্বজ্ঞান বিতরণ কর, তাহা হইলেই আমি চরিতার্থ হইয়া আপনাকে জানিতে পারিব।—আমায় আমি জানিতে পারিলে তোমায় জানিবার আর অপেক্ষা থাকিবেনা। কিন্তু তোমার পরিপূর্ণ প্রসন্নতা ভিন্ন কিছুই হইতে পারেনা। যে পর্য্যন্ত আমি, আমি অভিমান করিব এবং অহঙ্কারের অধীন থাকিব, সে পর্য্যন্ত কিছুই হইবেনা, কেবল ঘোরতর অজ্ঞানময়-অন্ধকারে আবৃত থাকিয়া অনবরতই হাহাকার করিব।

তুমি স্বরূপ-বিরূপ ।—আমি সেই স্ব-  
রূপে-বিরূপে বিরূপ করত অজ্ঞানতা  
প্রযুক্ত এতকাল পর্যন্ত ভজনা সাধনা  
উপাসনা বিষয়ে তোমার নিকট যে  
সকল অপরাধ করিয়াছি, হে অপ-  
রাধ-তঞ্জন ক্ষমাকর !—অনুকম্পা পু-  
র্ব্বক আমার সেই “সকল অপরাধ  
ক্ষমাকর ।—যেভাবে তোমার আরা-  
ধনা করিতে হয়, আমি তাহার বি-  
ছুই করিনাই, একাগ্রচিত্তে তোমায়  
কখনই স্মরিনাই,—যথার্থরূপে তো-

মার ধ্যান ধারণা কখনই ধরিনাই।  
তোমার ভক্তিক্ষেত্রে কখনই চরিনাই,—বিষয়বাসনাবারিধি হইতে ক্ষণকালের জন্য কখনই তরিনাই।  
“অহং-ভ্রম” প্রমেও কখনই হরিনাই।—বৈরাগ্যের বস্ত্র কখনই পরিনাই।—যাহা করিতে হয়, তাহারতো কিছুই করা হয়নাই।—হে নাথ!—  
কিছুই করা হয়নাই।—হায় কি আশ্চর্য্য!—আশ্চর্য্যের পর আশ্চর্য্য!  
এই ভৌতিক-ভবরাজ্য-ঘটিত-কার্য্য-তাৎপর্য্য মিথ্যাক্রমে অবধারণ্য হইতেছে, তথাচ মন তাহা গ্রাহই করেনা।—আহা মায়ার প্রভাব কি অনিবার্য্য!—হে নাথ মায়ার প্রভাব কি অনিবার্য্য!—হে কান্ত!—অশান্তসান্ত্বনিতান্ত্বই ভ্রান্ত।—এই সান্ত্বক্ষণ-কাল শান্ত হয়না।—শান্তময়-পাপপথের পান্থ হইয়া ভ্রমে আর শ্রান্ত হয়না;—ক্লান্ত হয়না,—ক্ষান্ত হয়না।  
নিবৃত্তির-নিকেতনে আর ক্ষণকাল রয়না।—“বিরতি”, বালাবধূর অঙ্গঙ্গ আর লয়না।—সত্যের তার একবারো আর মস্তকে বয়না।—অবিনাশি নিত্যসুখ সঞ্চয় বিষয়ে আর কোনো কথাই কয়না; বারম্বার-ত্রিতাপের যাতনা আর সয়না।—হে নাথ যাতনা আর সয়না।

ସଂଗୀତ ।

রাগিণী সুহিনী বাহার । তাল মধ্যমান  
 হে নাথ ! আমি আমি, আমি, কেন, কই হে ? ।  
 জেনেছি, জেনেছি, সখা, আমি, আমি, নই হে ॥  
 আমি, কভু নই, আমি, আমি, তুমি, আমি,  
 তবে কেন মিছে আমি আমি হোয়ে রই হে ? ।  
 আমি আমি, এই ভাষ, এ, যে, আমি, চিনা ভাস,  
 ভাসেতে মিশালে ভাস, আমি তবে কই হে ? ॥  
 নাজেনে পড়েছি ফাঁদে, ছাঁদিয়াছে ঘোর-ছাঁদে,  
 মাতনায় প্রাণ কাঁদে, কিসে মুক্ত হই হে ? ।  
 হোয়ে গেল, যা, হবার, উপায় ছিলনা তার,  
 বারবার কেন আর, করি হই হই হে ? ।  
 লেগেছে বিষম ফাঁস, নিজ-অস্ত্রে কাটো পাশ,  
 আশাবাস, কর নাশ, বলি পই পই হে ॥  
 এমন কে আর আছে, বলিব কাহার কাছে,  
 আপনি তুলিয়া গাছে, কেড়ে নিলে মই হে ॥  
 তরঙ্গ প্রবাহ অতি, বেগবতী শ্রোতস্বতী,  
 ত্রিবেণীতে তিনধার, জল তই তই হে ।  
 হও হও অকুল, দেও দেও, দেও কুল,  
 অকুল-পাথারে পোড়ে, পাবনাকে, থই হে ॥  
 সকলিতো গেল বোঝা, থাকিতে সুখ-দোষী,  
 এ পাপ ভূতের বোঝা, কেন আর বই হে ? ।  
 এদিগে হয়েছি দীন, খেটেছি অনেক দিন,  
 এখনিই দিন দিন, হোলো দিন-সই হে ॥  
 মিটে গেল আশাবাই, থেকে আর কাজ নাই,  
 আপনার দেশে যাই, হোয়ে রিপূজই হে ।  
 সমুদ্রের বিষ যাহা, সমুদ্রের বস্তু তাহা,  
 মাটির নির্মিত ঘট, নহে মাটি বই হে ॥  
 রাখিবনা “আমি নাম” ছেড়ে এই “পঞ্চগ্রাম,  
 আমার, যে, “নিজধাম”, তাই আমি লই হে ।,  
 “তুমি বিশ্ব, প্রভাকর, প্রতিবিশ্ব প্রভা হর,  
 ভোমার “ভামাতে, নাথ, লয় আমি হই হে ॥

પદ્ય ।

তুমি কেবা, আমি কেবা, না পাই সন্ধান ।  
তোমা ছাড়া "আমি" হোয়ে "আমি" অভিমান  
এই তুমি, এই আমি, এক যদি হয় ।  
তুমি তুমি, আমি আমি, তেদ নাহি রয় ॥  
আমায় জানিলে আমি, আর নাহি দায় ।  
অহং-কার, বোধ হোলে, অহঙ্কার যায় ॥  
বল বল, তত্ত্ব কথা, শুনি সবিশেষ ।  
দেহ দেহ দেহ নাথ, দেহ উপদেশ ॥  
তুমি, আমি, এই যদি, হোলো নিরূপণ ।  
তুমি আমি, দুই ছাড়া, কারে বলি মন ? ॥  
কে-মন ?—কেমন সেই, সে মন কিরূপ ? ।  
কেমনে জানিব সেই, মনের স্বরূপ ? ॥  
হায় হায়, কারে আমি, জুধাইব আর ? ।  
বুঝিতে না পারি কিছু, মনের বাপার ॥  
তুমি, আমি, এক ঘরে, থাকি দুই জন ।  
কোথা হোতে এ আবার, আসিয়াছে মন ॥  
এক ঘরে বাস বটে, কিন্তু একা একা ।  
গুপ্ত ভাবে থাক তুমি, নাহি দেও দেখা ॥  
তোমায় না দেখে একে, বিষম ব্যাকুল ।  
তাহাতে আবার মন, করিল আকুল ॥  
না দেখি, না দেখি, নাথ, না দেখি তোমায় ।  
মনের না দেখা পেয়ে, ঘটিয়াছে দায় ॥  
কোনোমতে নাহি হয়, বাধ্য সে আমার ।  
এই দেখি, এই আছে, এই নাই আর ॥  
বায়ুৎ গতি করি, কোথা যায় উড়ে ? ।  
কার সাধ্য ধরে তারে, ত্রিভুবন টুঁড়ে ।  
কবে বা, এ মন-হবে, মনের মতন ? ।  
কেমনে মনের বেগ, করিব বারণ ? ॥

যতদিন এই মন, না হইবে বশ।  
 ততদিন পাইবনা, তত্ত্ব-সুধারস ॥  
 মন যদি বেশে আসে, তবে করে ভয়।  
 একেবারে করি আমি, সমুদয় জয় ॥  
 তখন এরূপভেদ, আর নাহি রবে।  
 দয়াময় নিজ তুমি, মনোময় হবে ॥  
 কর কর কর প্রভু, কল্যাণ আমার।  
 হর হর হর সব, মনের বিকার ॥  
 মনের ঘুচিলে রোগ, ভোগ হবে শেষ।  
 রহিবেনা, কাম, ক্রোধ, মোহ, মদ, দ্বেষ।  
 দূর হবে অহঙ্কার, আত্ম-অভিমান।  
 বিবেক বৈরাগ্য দ্বৌহে, মনে পাবে স্থান ॥  
 ভ্রম-ভ্রম নাশ কর, তাপন হইয়া।  
 রেখনা আপন ভাব, গোপন করিয়া ॥

গীত।

রাগিণী সুরিনী বাহার। তাল মধ্যমান  
 হে নাথ! মন, আমার, বশ কেন হয়না?।  
 এ মন, কেন এমন হোলো হে?।  
 মন, আমার, বশ কেন হয়না?।।  
 চঞ্চল চপল প্রায়, কোথা থাকে কোথা যায়,  
 ক্ষণমাত্র স্থির হোয়ে, ঘরে কভু রয়না।  
 আমিই সকলি হই, আমা ছাড়া বস্তু কই,  
 আমি আমি, আমি, বই, কোনো কথা কয়না।।  
 ভবভারে ভারি হোয়ে, মরিদেছে ভার বোয়ে,  
 একবার ভ্রমে কভু, তব-ভার বয়না।  
 স্বদেশে করিয়া দ্বেষ, ভ্রমিতেছে দেশ দেশ,  
 নিজ-হিত-উপদেশ, কখনই লয়না ॥  
 মনের না পেয়ে দেখা, ঘরে পোড়ে কাঁদি একা,  
 বার বার, কারাগার, কষ্ট আর সয়না ॥

হে ভক্তাধীন ভগবন্—শরণা-  
 গতবৎসল! আমি নিরতিশয়—আ-  
 নন্দ লাভের সাধন—সামগ্রী কিছুই  
 সঞ্চয় করিতে পারি নাই, সেই অ-  
 মূল্য মহানিধি আমার নিকটেই  
 রহিয়াছে, আমি দুর্ভাগ্য-বশতঃ  
 তাহা দেখিতে পাইনা। হে নাথ!  
 আমায় দেখাও দেখাও। আমি  
 সেই ঘরের সঞ্চিত ধনে বঞ্চিত হইয়া  
 পরের নিকট অন্বেষণ করিতেছি,  
 হে নাথ! রূপা পূর্বক ঘরের কপাট  
 খুলিয়া দেও, আমি প্রবেশ করিয়া  
 মহারত্ন গ্রহণ করি,—গ্রহণ করি।—  
 হে সর্বকালেশ্বর-মহাকাল! আমার  
 সেই শৈশবকাল এখন গত হইয়াছে,  
 যে কালে, কাল কাহাকে বলে, তা-  
 হাই জানিতামনা।—তোমাকেও  
 জানিতামনা,—কিছুই মানিতামনা।  
 মনের মধ্যে কোনো বিষয়ের চিন্তাই  
 আনিতামনা।—বাসনার-রথ কখনই  
 টানিতামনা।—অভিমানের বাণ কথ-  
 নই ছানিতামনা।—শঠতারূপ-শানে  
 কখনই হিংসা-অস্ত্র শাণিতামনা।—  
 হে নাথ! হিংসা-অস্ত্র শাণিতাম-  
 না।—তখন জলে ভয় করিনাই,  
 অনলে ভয় করি নাই, সর্পে ভয় করি  
 নাই, কিছুতেই ভয় করিনাই, যম-

কেও ভয় করিনাই, হে নাথ!  
 তোমাকেও ভয় করিনাই।—সদা ধু-  
 লায় চরিতাম—কেবল খেলাই করি-  
 তাম,—পথের একটি ঢেলা ধরিতাম,  
 তাহাই লইয়া এই পাকাপথে হেলা  
 করিতাম।—ছাই ভস্ম উদরে ভরি-  
 তাম,—কটির কাপড় মাথায় পরি-  
 তাম,—কেবল ইচ্ছা-সুখেই কাল হরি-  
 তাম, হে নাথ! কেবল ইচ্ছা-সুখেই  
 কাল হরিতাম।—তখন কেবল মাত্র  
 আহার চাইতাম,—যা পাইতাম,  
 তাই খাইতাম,—যে স্নেহ করিত তা-  
 হারি কোলে ঘাইতাম,—কেবল স্নেহ-  
 কারির গুণ-গাইতাম, হে নাথ! কে-  
 বল স্নেহকারির গুণ-গাইতাম।—চাঁ-  
 দেব উদয় দেখিয়া আছাদে গলি-  
 তাম,—“আয় চাঁদ, আয় চাঁদ, চি,  
 দিয়ে, যারে, এই কথা বলিতাম।  
 মুখের সকল কথা ফুটিতনা।—মনের  
 সকল ভাব ব্যক্ত হইয়া উঠিতনা।  
 আমার মনে কি আছে?—কেহই  
 তাহা বুঝিতনা,—আমি সেই মনের  
 দুঃখে কেনে উঠিতাম,—ধূলায় লুটি-  
 তাম,—মাথা কুটিতাম, পথে ছুটি-  
 তাম।—আমার সেই সে কালের অ-  
 জ্ঞাত-অভিमानে আপনিই কাটি-  
 তাম।—দাঁতে করিয়া আপনার

হাত আপনিই কাটিতাম।—হিতা-  
 হিত কিছুই বুঝিতামনা, হে নাথ!  
 কিছুই বুঝিতামনা।

হে নাথ! এখন আমার সেই  
 যৌবনকাল আর কি আছে? যে  
 যৌবন মধ্যাহ্নকালের প্রভাকরের  
 ন্যায় প্রভা-ধারণ করিয়াছিল,—বাহার  
 অভিमानে আমি মরণকে স্মরণ করি-  
 নাই,—তোমার শরণ লই নাই,—আপ-  
 নাকে আপনি অমর এবং এই ক্ষণ-  
 বিধ্বংসি মল-মূত্র-মাংসময়-অনিত্য  
 ভৌতিক-দেহকে নিত্য ভাবিয়া য-  
 থেচ্ছাচারে অশেষবিধ অপকৃষ্ট  
 কর্মে কেবল ইন্দ্রিয়গণকে চরিতার্থ  
 করিয়াছি। না করিয়াছি, এমত  
 কুকর্মই নাই,—অসৎ সঙ্গে বসৎ করি-  
 য়া সাধু-সমাজের সমীপস্থ হই নাই,  
 নিত্য-সুখের নিকেতনে এক দিনো  
 রই নাই।—তোমার নাম কখনই  
 লই নাই,—কোথা অধমতারণ-অনা-  
 থ-বন্ধো, এই মধুর “ধনি”, একবারো  
 কই নাই, হে নাথ! একবারো কই  
 নাই।—আমার অজ্ঞান-মানস মদ-  
 মত্ত মাতাল মাতঙ্গ-বৎ কেবল পর-  
 মার্থ পঙ্কজবন দলন করিয়াছে,—এই  
 পদে কখনই সুপথে সৃজন সমীপে  
 গমন করিনাই। পদ, শুদ্ধ বিপদ

এবং ছুর্গতির পথেই গতি করি-  
য়াছে।—এই কর কেবল অনর্থকর কু-  
কার্যই করিয়াছে,—মহামঙ্গলকর,  
কোনো কর্মই করে নাই। তোমার  
গুণ-সংগাত রচনা করে নাই, সে থি-  
ষয়ে লেখনী ধরে নাই।—এই নাসি-  
কা সুগন্ধি-কুসুমের সুবাস লইয়া  
কেবল অশেষ-প্রকার অলীক আমো-  
দেই আমোদ করিয়াছে, কিন্তু সেই  
আত্মাণ গ্রহণ-সময়ে মনকে এমন  
কথাটি একবারো বলে নাই—“রে  
মন! যে, পরম-প্রেমিক-পরমপূজ্য  
পরম-পুরুষ এই প্রফুল্ল-পুষ্পটিকে  
সুবাসে বাসিত করিয়া তোমাকে  
এতদ্রুপ আমোদ প্রদান করিতে-  
ছেন, এই আত্মাণের সঙ্গে সঙ্গেই  
সেই পরম-পুরুষের পরমপবিত্র-  
প্রেম-পুষ্পের আমোদের আত্মাণ  
একবার নে-রে—একবার নে-রে,,।—  
এই নেত্র-ক্ষেত্র নিরন্তর কেবল কুদৃষ্টি-  
রূপ কুশস্য প্রসব করিয়াছে, তাহাতে  
কোনো সুফল ফলে নাই। জ্ঞান-  
গর্ভগ্রন্থে কখনই কটাক্ষ করে নাই,  
তোমার পরম প্রসঙ্গে প্রেমাত্ম বর্ষণ  
করে নাই, এই নেত্র যখন কোনো  
বিচিত্র বিনোদ-ব্যাপার বিলোকনে  
প্রকলিত হইয়াছে তখন মনকে এম-

ত উপদেশ কদাচই করে নাই,  
“ওরে মন! এই অনিত্য ভূতের  
ব্যাপারে জড়ীভূত হইয়া কেন অভি-  
ভূত হোস্? সেই নিত্য অতি অদ্ভুত  
ভূতাতীত ভূতের কর্তা ভূতনাথকে  
একবার দেখ-রে, একবার দেখ-রে,,  
আমার এই শ্রবণ সতত শুদ্ধ অসাধু-  
শব্দই শ্রবণ করিয়াছে, তাহাতেই  
উৎসুক হইয়াছে। সুধাময়-সাধু-  
শব্দ বিষ-বোধ করিয়াছে,—যখন  
কোনো সাধু-ভক্ত অনুরক্ত-পুরুষ  
বাহ্যজ্ঞানবিহীন হইয়া প্রেমাত্ম-  
পাত করিতে করিতে তোমার গুণ-  
সংকীর্ণন করিয়াছেন, তখন তচ্ছবণে  
পুলকিত হইয়া এমত বলে নাই।—  
“মন রে, মন রে, শোন রে-শোন রে,  
এই সাধু কি মধুর গীত গাহিতে-  
ছেন?—ও মন! এই সাধক সাধুর  
সঙ্গি হইয়া ত্রককথা বল-রে, বল-রে।  
ও মন! ত্রকরসে গল-রে, গল-রে,  
গল-রে,,।—এই রসনা তোমার গুণ  
কখনই গান করে নাই, তোমার  
নামামৃত কখনই পান করে নাই।  
রসনা কখনই পীযুষ-বচন ঘোষণা  
করে নাই,—যখন কোনো সুমিষ্ট-মধু-  
র-রসের আশ্বাদনে তৃপ্ত হইয়াছে,  
তখন মনকে অনুরোধ করে নাই,

“ও চিত্ত! এই লৌকিক সামান্য  
রস রাখ-রে, রাখ-রে, রাখ-রে। যিনি  
এই রসদাতা-রসাতীত সর্বরসের র-  
সিক রসময়, তাঁর প্রেমরস চাক-রে,  
চাক-রে, চাক-রে। তাঁর ভক্তিরস  
মাখ-রে, মাখ-রে, মাখ-রে। ও  
মন! তাঁরে ডাক-রে, ডাক-রে, ডাক-  
রে। ওরে কি থাস-রে।—ইথে কি  
তোর ক্ষুধা যাবে? রাম নামামৃত  
পান কর-রে। ওরে এমন সুখ হবে-  
না হবেনা,—একবার পান করিলে  
আর ভব-ক্ষুধা রবেনা রবেনা,,।—হে  
নাথ! যৌবন সময়ে মন আমার বশ  
হয় নাই, মন আপন-বশে ইন্দ্রিয়  
চালিয়াছে, এবং ইন্দ্রিয়-বশে আপ-  
নি চলিয়াছে।

হে ত্রাণনাথ! অধুনা আমি.  
বার্দ্ধক্যরূপে পতিত হইয়াছি। চরম-  
কাল উপস্থিত। আমার সেই দেহ,  
এই দেহ,—কিন্তু, হে অশরীর!—জরা  
অরির হস্তে পড়িয়া প্রহারে শরীর  
শীর্ণ, জীর্ণ, চূর্ণ, হইতেছে।—আমার  
সেই পদ, এই পদ, কিন্তু, হে সর্বপদ!  
এখন এই পদে দুই পদ গমন করিতে  
হইলেই বিষমতর বিপদ ঘটয়া উঠে।  
আমার সেই কর, এই কর, কিন্তু, হে  
সর্বকরকর! এই কর এখন আর

কার্যকর নহে। অধুনা এই করে, এই  
করে,—কার্য সাধনে অশক্তি হইয়া  
কেবল কপালেই আঘাত করে।—  
আমার সেই নাসা, এই নাসা।  
কিন্তু, হে ত্রাণহীন-ত্রাণদাতা! এই  
নাসা এখন আর আত্মাণের বাসা  
নহে। কেবল আপনার গাত্র গলি-  
ত ছুর্গন্ধের আমোদেই মত্ত হইয়া  
রহিয়াছে।—আমার সেই নয়ন, এই  
নয়ন, কিন্তু, হে নয়ন-নয়ন, সর্বনয়ন!  
এই নয়ন, আর দৃষ্টি-বৃষ্টির সৃষ্টি ক-  
রিতে পারেনা। লোচনের জ্যোতিঃ  
গিয়াছে; তথাচ বার্কক্যধর্মে আর  
একখানি চমৎকার নূতন জ্যোতিঃ  
হইয়াছে। বস্তু কিছুইতো দেখিতে  
পায়না। কাহারো গুণ কিছুইতো  
দেখিতে পায়না। কিন্তু দৃষ্টিহীন  
হইয়াও লোকের দোষ-দর্শনে বিল-  
ক্ষণ পটু হইতেছে।—আমার সেই  
শ্রবণ, এই শ্রবণ, হে শ্রুতির শ্রুতি!  
এখন এই শ্রুতি, তোমার গুণ-সংকী-  
র্ণন শুনিতে পায়না, বজ্রবাদ শুনি-  
তে পায়না। কিন্তু পরনিন্দা ও  
পরকুৎসা শুনিলার জন্য বিলক্ষণ-  
রূপেই ব্যাকুল ও তৎপর হইতেছে।  
আমার সেই মুখ, এই মুখ, কিন্তু,  
হে সর্বমুখ! মুখের সে শোভা নাই,

ক্রী নাই, দন্ত নাই, মুখে কথা স্বরে-  
না। আশ্চর্য্য এই, য, মুখ বাক্য ব্য-  
দনে বিমুখ হইয়াও দিন দিন কেবল  
দারুণতর জ্বলি হইতেছে। কর্ণ  
আর শব্দ শুনিতে পায়না। হৃদয়  
হওয়াতে কেহই আর আদর পূরক  
আমার কথা শুনিতে চাহেনা, এই  
জ্বলে আমার “মুখের বাক্য” কো-  
থায় প্রবেশ করিবে, এই জন্য নির-  
ন্তর কেবল ছিদ্ৰই অন্বেষণ করিতে-  
ছে।—হে নাথ! আমার স্বরূপ  
অবস্থা তোমার নিকট ব্যক্ত করি-  
তেছি, এ অবস্থায় যাহা করিতে হয়  
তাহাই কর। আমার মরণের দিন  
যদি নিকট হইয়া না আসিত, তবে  
কদাচই তোমার নিকট এতরূপ কা-  
তরতা প্রকাশ করিতামনা, কি চমৎ-  
কার! এখনো আমার চৈতন্য হই-  
লনা,—যতই মৃত্যুর সমীপবর্ত্তি হইতে-  
ছি, ততই আমাকে অধিক মোহে  
আচ্ছন্ন করিতেছে,—দেহের প্রতি এবং  
প্রাণের প্রতি ততই অধিক মায়া  
জন্মিতেছে। হে নারায়ণ! মহা-  
দেব! এই সময়ে আমার প্রতি মায়া  
করিয়া এই মায়ায় গ্রস্থি ছেদন কর।  
এখন যেন আর অজ্ঞান না হই।—  
মরিলে পর কি হইবে? একেবারেই

কি শেষ হইবে? না, আবার আর  
একটা নূতন দেহ ধারণ করিয়া কর্ম-  
ভোগ ভোগ করিব? হে নাথ কি ক-  
রিব?

সংগীত।

রাগিণী পরজ। তাল কাওয়ালি।

মোলে কি হে, সকলি ফুরায়?।

বল বল, নাথ।

মোলে কি হে, সকলি ফুরায়?।

এই জীব আর নাহি, আসে পুনরায়।

ধূম্রা।

এই দেহ এপ্রকারে, নাহি হয় বারে বারে,  
কর্মভোগ একেবারে, সব ঘুচে যায়।  
এই দেখি এই এই, দেখিতে দেখিতে নেই,  
এই এই, সেই সেই, শূনি পরম্পরায় ॥  
এই সব, এই শব, এইরূপ এই ভব,  
কে মরে, কে বেঁচে থাকে, বোঝা বড় দায়।

নাথ মাত্র ঘটাকাশ, এই জীব চিদাত্মস,  
ঘটের হইলে নাশ, পাঁচ পাঁচ আয় ॥  
অবিনাশি চিদাত্মস, তার কিছু নাহি নাশ,  
দেহ নাশে কেন লোক, করে হায় হায়?।

কে, মরে, কে পায় মুক্তি, বুঝিতে না পারি মুক্তি,  
নানা জন্মে নানা উক্তি, শুনে হাসি পায় ॥

এই বলে, হোলো হোলো, এই বলে মোলো মোলো,  
কেবা হোলো, কেবা মোলো, সুখাইব কায়?।

যত নরে পরম্পরে, বিচার বিতর্ক করে,  
ঠিক যেন সম্ভাষণ, কালয় কালয়।

কেহ কয়, এই হয়, কেহ কয়, নয় নয়,  
রূপের প্রসঙ্গ যেন, কাণায় কাণায় ॥

সার কথা বলি যারে, সেই গালে চড় মারে,  
বিচারেতে নাহি হারে, হাসিয়া উড়ায় ॥  
ডাকছাড়ে চোটে চোটে, মুখে যেন খই ফোটে,  
কার সাধ্য এঁটে ওঠে, কথার ছটায় ॥  
কত ছাঁদে করি ছাঁদ, বাড়ি হোয়ে তুলে নাদ,  
যুক্তিহীন তর্কবাদ, কতই ঘটায়।  
উপাসক এক দল, প্রকাশিয়া বুদ্ধি বল,  
মোলে পর জন্ম নাই, বলিয়া বেড়ায়।  
এই কথা ব্যক্ত করে, নরলোক যত মরে,  
তাদের সকল আত্মা, ভোগ নাহি পায় ॥  
আছে তোলা, গাছেঝোলা, বাতাসে খেতেছে  
দোলা, গগণে ঘুরিয়া সব, এখন খেলায়।  
ভবিষ্যতে একদিন, হবে তারা ভোগাধীন,  
বিচার হইবে শেষ, বিভূর সভায় ॥  
পুণ্যবান লোক যারা, চিরস্বর্গ পাবে তারা,  
পাপি রবে চিরকাল, নরক বাসায় ॥  
জন্ম এই হোলো সব, পরে নাহি জন্ম হবে,  
এ কথাটি স্থির কোরে, কে এসে শুনায়?।  
কবে কোন্ নরলোক, গিয়ে সেই পরলোক,  
ফিরে আসিয়াছে পুন, পুরাতন কায়?।  
পূর্বজন্মে ছিল যাহা, প্রকাশ করিয়া তাহা,  
কেবা সব হৃদয়ের, সংশয় কাটায়?।  
স্থির যার আত্ম মন, সেই করে নিরুপণ,  
কিছু মাত্র প্রয়োজন, নাহি জিজ্ঞাসায় ॥  
জন্ম আর স্থিতি, নাশ, স্বভাবেতে সুপ্রকাশ,  
বারবার সাক্ষ্য দিয়ে, প্রমাণ দেখায়।  
ভূতের না হয় ধ্বংস, ভূতে ভুক্ত ভূত-অংশ,  
সমবেত হোয়ে ভূত, শরীর গড়ায় ॥  
জড়দেহ ভূতময়, ভূতে হয় ভূত লয়,  
সকলেই অতিভূত, ভূতের খেলায়।  
যদি বলি দেহ “জড়,” “চার্য্যাকেতে মারে চড়,”  
তখনি চেতন বোলে, লাঠি নিয়ে ধায় ॥

ভক্তি-রথ টানেনাকো, পরকাল মানেনাকো,  
তব-তত্ত্ব জানেনাকো, আসিয়া ধরায়।  
তবতত্ত্ব যারা হয়, তাদের পাগল কয়,  
অনল নিবাতে চায়, তৃণের শাখায় ॥  
তৃপ্ত নয় তরুরসে, রত সদা অপযশে,  
নাস্তিক বলিয়া বসে, গায়ের জ্বালায়।  
আত্মার শরীর ধরা, বস্ত্রছেড়ে বস্ত্র পরা,  
জৌক সব, তৃণে তৃণে, যেমন বেড়ায় ॥  
প্রবৃত্তির বশ হোয়ে, প্রাক্তনের ক্রিয়া লোয়ে,  
দেহ ঘরে ঢোকে জীব, তোমার ইচ্ছায় ॥  
দেহ ঘটে আত্মা রন, কিন্তু তিনি দেহ নন,  
সচেতন অচেতন, মায়ায় মায়ায় ॥  
স্থিতি নাশ, নাশ স্থিতি, সংসারের এই রীতি,  
কেমনে কহিব তবে, মোলেই ফুরায়।  
কেমনে ঘুচিবে রোগ, না হয় সুযোগ যোগ,  
নাশিতে কর্মের ভোগ, সন্তোষ বাড়ায় ॥  
ভোগেতে কি ভোগ ছাড়ে, কর্মেতেই কর্ম বাড়ে,  
ঘুচাতে গায়ের মলা, ধূলা মাখে গায়।  
ঔষধ না খেলে পরে, শরীরে কি রোগ মরে,  
কুপথ্যে রোগের নাশ, হয়েছে কোথায়? ॥  
বিনা আলোকের ভাস, কিসে হবে তম নাশ,  
অন্ধকার, অন্ধকার, কেমনে ঘুচায়?।  
কাটিতে দড়ির কাঁস, অস্ত্রের না করে আশ,  
স্বতা দিয়ে সেই “গেরো,” কেবল জড়ায় ॥  
মিছে করি পরিক্রম, কিছুই হোলোনা ক্রম,  
ঘোচেনা ননের ভ্রম, অজ্ঞান-দশায়? ॥  
মিথ্যায় সত্যের ভ্রম, ননে নাহি পায় স্থান,  
তদ-নিরূপণ হয়, জ্ঞান-অবস্থায়।  
“জানি, যদি তুমি, হই, আমার বিনাশ কই,  
এ কথাটি করে কই, কে বলে আশায়? ॥  
ছিল শিব, হোলো জীব, আছি জীব, হব শিব,  
এইরূপ জীব শিব, আনায় ভোমায় ॥

পাশভুক্ত হোলে জীব, পাশমুক্ত হোলে শিব,  
জীব ঘুচে শিব হব, কোথা সছুপায় ॥  
যখন কাটিব ডোর, ঘুচ যাবে কর্মঘোর,  
জীব ঘুচে শিব হব, সন্দেহ কি তায়।  
যে জীবতে দয়াময়, তোমার না দয়া হয়,  
সেই জীব জীব রয়, শিবত্ব না পায় ॥  
তুমি কৃপা কর যারে, ত্রিতাপে ভরাও তরে,  
সেই জীব একেবারে, শিব হোয়ে যায়।  
ফলত তোমার তাত, কিছুমাত্র নাহি হাত,  
নিজ নিজ ভাগ্য ভোগ, করে সমুদায় ॥  
কর্ম যার, যে প্রকার, তব ইচ্ছা সহকার,  
সে প্রকার ভোগ তার, ঘটায় ঘটায়।  
ক্রিয়াসাক্ষী সচেতন, ফলদাতা-সনাতন,  
অখচ নির্লেপ তুমি, আকাশের প্রায় ॥  
নিজকর্ম উপসর্গ, তাতেই নরক স্বর্গ,  
পুণ্য পাপে স্মৃৎ দুখ, ভোগায় ভোগায়।  
তব তত্ত্বত যত, প্রবৃত্তির পথে-রত,  
দুখে স্মৃৎ অবিরত, দোষ গুণ গায় ॥  
মরি মরি, আহা আহা, তোমার বিচার যাহা,  
কেহই জানেনা তাহা, হায় হায় হায়।  
কিন্তু নাথ! স্থির জানি, ঘোরতর অভিমানি,  
কেবল অধর্ম করে, মানব সভায় ॥  
রিপু-পিশাচের মতে, পাপাচার নানামতে,  
তোমার পবিত্রপথে, ভ্রমে নাহি ধায়।  
এমন, যে, মূঢ় জন, যদি স্থির করি মন,  
ক্ষণকাল চোখ-বুজে, তোমা পানে চায় ॥  
মনে মুখে এই কয়, হর মন পাপ-চয়,  
দীনদয়াময় তুমি, রয়েছ কোথায়?।  
কটাক্ষেতে একবার, সে পাপ থাকেনা আর,  
কর্মপাশ কাটে তার, তোমার কৃপায় ॥  
কিন্তু ওহে কৃপাময়, এ বড় সহজ নয়,  
অকস্মাৎ এ প্রবৃত্তি, কেবা দেয় তায়?।

ভিতরের ভাব তার, সাধ্যকার, বুঝিবার,  
তবেই বুঝিতে পারি, বুঝালে আমায় ॥  
এ বোঝাতো, সোজা নয়, বক্তা হোয়ে কেবা কয়,  
কে বোঝাবে, কে বুঝিবে, তব অতিপ্রায়।  
বুঝিবার নাহি পুঁজি, কাজ নাই বোঝাবুজি,  
এই বুঝি, সোজা মুজি, স্থান দেহ পায় ॥  
তুমি প্রভু, আমি দাস, পদ মাত্র অভিসাম,  
ফিরিনেকো আর কোনো, পদের আশায়।  
এই ঘরে ঢুকাইয়া, আছ তুমি লুকাইয়া,  
দেখা যদি নাহি দেও, কি কাজ দেখায়?।  
এখন রয়েছি একা, পাবই পাবই দেখা,  
চাতকের জলধর, কদিন ভাঁড়ায়?।  
পূর্ণিমার নিশি হোলে, আপনি টানিবে কোলে,  
চকের চাঁদের সূখা, প্রভাতে কি পায়? ॥  
যখন সময় হবে, আপনিই কোলে লবে,  
আপনিই দেখাইবে, বিহিত উপায়।  
অঙ্কুর হয়েছে সবে, সময়ে সূফল হবে,  
অঙ্কুরে ফলের আশা, বৃথায় বৃথায় ॥  
শুন ওহে মন-মূল, হও হও অমূলক,  
যেন নাহি হয় ভুল, দশম দশায়।  
তাড়ো তাড়ো হয় মেলা, এখন কোরোনা হেলা,  
যায় যায় যায় বেলা, খেলা হোলো সায় ॥  
সার যেন হই অল্ল, আর যেমত কানো কল্ল,  
মায়ার মাতালে-গল্ল, নাহি পাড়ি সায়।  
পূজা, হোম, জপ, মন্ত্র, নাহি জানি, বেদ, তন্ত্র,  
স্বতন্ত্র-স্বতন্ত্র পুঁতি, প্রকৃতি পড়ায় ॥  
কখনো পোড়িনি শ্রুতি, পেয়েছি যুগল শ্রুতি  
শ্রুতির অধীন স্মৃতি, স্মৃতি কেবা চায়?।  
রসনা আচার্য্য হয়, শ্রুতিমূলে সদা কয়,  
“জয় জগদীশ জয়,, মধুর ভাষায় ॥  
এই ধ্বনি-প্রতিফল, ধ্বনি ধনে ধনি মন,  
আপনি আপন ভাবে, হাসায় কাঁদায়।

শুনেছি দর্শন ছয়, নয়ন দর্শন ছয়,  
সমুদয় ব্রহ্মময়, নিয়ত দেখায় ॥  
কাজ-নাই দরশন, যাহা করি দরশন,  
তাতেই মোহিত মন, তব মহিমায়।  
ধরা, জল, বহি, বাত, দিবা নিশি সন্ধ্যা, প্রাত,  
সকলেই প্রতিভাত, তোমার প্রত্যয় ॥  
যত কিছু রমণীয়, যত কিছু কমণীয়,  
সকলিই শোভনীয়, তোমার শোভায়।  
প্রভাকর প্রভাকর, তুমি তার প্রভাকর,  
নতুবা এ রবি ছবি, কোথায় লুকায় ॥  
এই ভব চরাচর, বটে বটে মনোহর,  
কিন্তু নহে স্থিরতর, রচিত মায়ায়।  
বিবেকী বিবেকে কয়, নিত্য নয়, নিত্য নয়,  
সমুদয় ভূতময়, ভূতের মেলায় ॥  
ভূতাতীত নিরঞ্জন, তুমি মাত্র নিত্যধন,  
এ ধনের মদে মত্ত, কর হে আশায়।  
তোমায় চিনেছে যেই, তোমায় কিনেছে সেই,  
না চায় কিছুই আর, তোমায় না চায় ॥  
একেবারে স্থির হয়, কোনো কথা নাহি কয়,  
সে, কি, আর ভবঘোরে, ঘুরিয়া বেড়ায়?।  
কিছু আর নাহি চায়, কোনোখানে নাহি যায়,  
বোসে থাকে, তবতত্ত্ব-তরুর ছায়ায় ॥  
সত্ত্বাধের সমুদয়ে, মগ্ন হোয়ে স্থান করে,  
নাহি থাকে তৃষ্ণা ক্ষুধা, শান্তিসুখা খায়।  
সদানন্দ ভাব ধরে, নিত্যসুখে কাল হরে,  
কর্ণপাত নাহি করে, কাহারো কথায় ॥  
নিজভাবে নিজে গলে, নিজবোধ-পথে চলে,  
দেহ মাত্র গেহ তার, বাস করে যায়।  
ভেদাভেদ কিছু নাই, সমভাব সব ঠাঁই,  
সতত সমান স্মৃৎ, যথায় তথায় ॥  
বিকারবিহীন-মন, তৃণ দেখে ত্রিভুবন,  
কোটি কোটি ইন্দ্র এলে, ফিরে নাহি চায়।

মুচি নাই, শুচি নাই, তুল্য দেখে হোণা ছাই,  
ব্রহ্মপদ তুচ্ছ করে, পড়িয়া ধূল্য ॥  
সে সময়ে তুমি তার, দেহ কর অধিকার,  
রাজা হোয়ে বোসো গিয়ে, মনের সভায়।  
অন্তরে বিরাজ কর, ধীরাজের ধর্ম ধর,  
যত সব, দুই চোর, ভয়েতে পলায় ॥  
অভেদে হইয়া এক, কর আত্ম-অভিষেক,  
উপসর্গ আদি তেক, আসিতে না পায়।  
বিষম বিপক্ষ যারা, কেমনে আসিবে তারা,  
প্রবোধ গ্রহরি হোয়ে, বোসে গ্রহরায় ॥

### ত্রিপদী।

তুমি ধাতা, তুমি পাতা, ফলদাতা, তুমি ভ্রাতা,  
তুমি নাথ সর্ব-মূলধার।  
সৃজিয়াছ শত শত, অচল সচল যত,  
চলাচল অখিল-সংসার ॥  
তৃণ আদি ধরাধর, এই সব চরাচর,  
অপরূপ শোভার ভাণ্ডার।  
আহা, কিবা, মরি মরি, স্বভাব স্বভাব ধরি,  
দেখাতেছে মহিমা তোমার ॥  
জলে, স্থলে, শূন্য পরে, পরস্পরে স্মৃৎ চরে,  
সকলেরি সরস-অন্তর।  
অহঙ্কার সুরাপানে, যেতে ঘোর অভিমানে,  
কেবল অসুখি যত নর ॥  
বাসনার হোয়ে বশ, খেতেছে বিষয়-রস,  
পেতেছে তাহাতে কষ্ট দুখ।  
আশা নাহি হয় নশি, ক্রমে বাড়ে অভিলাষ,  
কেহ নাহি পায় সত্য-সুখ ॥  
যত ভোগ বাড়ে যার, তত রোগ বাড়ে তার,  
কিছুতেই শেষ নাহি হয়।  
কিবা দীন, কিবা ভূপ, সকলেরি একরূপ,  
সব ঘরে হাহাকারময় ॥

যার যত বাড়ে পদ, তার তত বাড়ে মদ,  
মদে পদ স্থির রাখা দায়।  
শত, লক্ষ, কোটীধর, সম্রাট ভূপতিবর,  
তার পর ব্রহ্মপদ চায়॥  
কতই কল্পনা জানে, ইন্দ্র, চন্দ্র, বেঁধে আনে,  
শমনেরে করে ছত্রধারী।  
স্বর্গ, মর্ত্য আদি স্থল, সব দেয় রসাতল,  
তোমারে করিয়া আত্মাকারী॥  
কখনো, এ, ভাব ধরে, তোমার “তুমি” হরে,  
একেবারে মানেনা তোমায়।  
যে বলে “ঈশ্বরে” নাস্তি, কেবা তার দেয় শাস্তি  
তুমি কিছু বলনা তো তায়॥  
এখন, না, বল বল, পরে দিবে প্রতিফল,  
এ, কথাটি, বুঝাইব কারে?।  
এই দেহ অন্তে তার, দণ্ড হবে কি প্রকার,  
তথ্য তার কে কহিতে পারে?॥  
দুর্য্যচার বলী যত, পরের পীড়নে রত,  
প্রকাশিয়া প্রবল প্রতাপ।  
নির্দোষ অধীন যারা, তাদের করিছে সারা,  
পদে পদে দিয়ে পরিতাপ॥  
এমন নিদয় নর, তাদের উন্নত কর,  
দণ্ড কিছু দেখিতে না পাই।  
মনোদুখে তাই কই, দণ্ডদাতা বিভূ কই,  
নাই নাই নাই, “তুমি,” নাই॥  
ক্ষণ পরে পুনর্বার, করি এই সুবিচার,  
তোমারে কৃপার উপদেশে।  
যুক্তি আছে স্থির করা, এবেল পাপের “ভরা,”  
ভোবেই ভোবেই, ভোবে, শেষে॥  
দোষহীন দীনচয়, পীড়া পেয়ে এই কয়,  
মুখফটে কিছু কবনাকো।  
“ব্যথা পাই যে প্রকার, কর তার প্রতীকার,  
হে ঈশ্বর! যদি তুমি থাকো॥”

আয়না দি শুনে তার, না করিয়া সুবিচার,  
তুমি আর, কিরূপেতে বাঁচো?।  
সোয়ে সোয়ে বারে বারে, দণ্ড দেও একেবারে,  
আছ আছ, আছ, তুমি, আছো॥  
দণ্ডদাতা নাম ধর, দোষি-জনে দণ্ড কর,  
হর হর হর পাপভার।  
ক্রিয়ামাক্ষী দয়াময়, বিচারে যেমন হয়,  
সাপুজনে দেও পুরস্কার॥  
“কর্তা নাই কেহ আর, এইরূপ, এ সংসার,  
নিজে হয়, নিজে পায় নাশ।”  
এ কথা-তো, শুনিবনা, “যুক্তি,” বোলে গুণিবনা  
এখনি করিব উপহাস॥  
“স্বভাবে,” যদিপি হয়, সে “স্বভাবে,” অন্য নয়,  
সে “স্বভাবে,” তুমিইতো হও।  
স্ব-ভাবে স্বভাব লোয়ে, ধাতা, পাতা, ত্রাতা,  
হোয়ে, “কারণ-রূপেতে,” সদা রও॥  
আমারে, এ সব লোক, আস্তিক, নাস্তিক, কোক,  
যে প্রকার ইচ্ছা যার হয়।  
অস্তি, নাস্তি, নাই জানি-কেবল তোমায় মানি,  
তোমাতেই মন যেন রয়॥  
প্রাণাধিক, প্রিয়তম! হর হর হর ভ্রম,  
কর কর কৃপা বিতরণ।  
গুরু বোলে কারে ধরি, কার কাছে শিক্ষা করি,  
মানবের ধর্ম-আচরণ?॥  
অনেকের কাছে যাই, গুরু না দেখিতে পাই,  
মিছেমিছি, তর্কবাদ করা।  
সর্বশাস্ত্রে সুপণ্ডিত, কিন্তু একি বিপরীত,  
ভিতরেতে অভিমান ভরা॥  
বিদ্যার, যে, সার মর্ম, নাই দেখি তার মর্ম,  
কর্ম নাই শর্মের সঞ্চার।  
আমি “স্বামি” বড়, কত, চলিবে আমার মত,  
বিদ্বানের এই অহঙ্কার॥

পৃথিবীর সব চাই, সমান দেখিতে পাই,  
অভিমাণে সাধিতেছে ক্রিয়া।  
দেখ দেখ, দেখ, পিতে, ধর্ম, মত, চালাইতে,  
দলাদলি করে “তোমা” নিয়া॥  
কত মতে চলিতেছে, কত কথা বলিতেছে,  
কত ছলে চলিতেছে কত।  
এইরূপ দেখাচ্ছে, পরস্পর দেশে দেশে,  
মতগর্বে সবে অল্পরত॥  
একের সন্তান হোয়ে, একের “দোহাই” লোয়ে,  
বিচারেতে বিবাদ বাড়ায়।  
ভবতত্ত্ব ছোঁবেনাকো, ভিতরেতে ভোবেনাকো,  
ভেসে ভেসে কেঁবল বেড়ায়॥  
ধর্মযুদ্ধে যুদ্ধ করি, পরস্পর অস্ত্র ধরি,  
কাটাকাটি, এতে, ওতে, তোতে।  
প্রকৃতিরে, হাসাতেছে, পৃথিবীরে তাসাতেছে,  
স্বজাতির শোণিতের স্রোতে॥  
ধর্মের আচার্য্য যারা, এইতো ধার্মিক তারা,  
বুঝিলাম ধর্ম-আচরণে।  
দেখে শুনে সাধু যত, বিরলে হাসিছে কত,  
তুমিও হাসিছ মনে মনে॥  
সর্বধর্ম ছাড়ে যেই, তোমারেই পায় মনে,  
অল্পকূল তুমি হও তায়।  
অহঙ্কার অভিমান, যতক্ষণ বলব,  
ততক্ষণ তোমায় কি পায়?॥  
শিখে, “বিদ্যা অর্থকরী”, গৃহস্থের ধর্ম ধরি,  
অর্থ এনে চালিব সংসার।  
কিরূপেতে অর্থ পাই, বল বল কোথা যাই,  
সেতো নয়, সহজ ব্যাপার?॥  
জানে উপার্জন ধারা, বিষয়-পুরুষ যারা,  
“অর্থকরী” বিদ্যা শিখিয়াছে।  
বড় বোলে নিজে জানে, নিজে থাকে নিজমানে  
কারে নাই যেতে দেয় কাছে॥

সত্য-অভিমানি যারা, মরি কিবে সত্য তার,  
সত্যতারি কব ব্যাভার?।  
কার্য্য কোরে দেখিয়াছি, পরীক্ষায় জানিয়াছি,  
সত্যতাই পাপের ভাণ্ডার॥  
কত কাণ্ড ঘরে ঘরে, ভিতরে সকলি করে,  
গোপনে পাপের নাহি ভয়।  
চুপি চুপি ব্যবধান, সাবধান সাবধান,  
দেখো যেন প্রকাশ না হয়॥  
যাঁরা কিছু সত্য হন, অনাসেই এই কন,  
উছ উছ, বাপ বাপ বাপ।  
আড়ালে থাক তাই, তাহে কোনো পাপ নাই,  
প্রকাশ হোলেই বড় পাপ॥  
কোথা নাথ দয়াময়, দেখ দেখ সমুদয়,  
মজিল মজিল সব দেশ।  
পরস্পর পরস্পরে, পাপাচারে রত করে,  
করিয়া গিথ্যার উপদেশ॥  
দেখিতেছি এই “ধরা”, ছলনা চাতুরি ভরা,  
ন্যায়পথে ধন নাহি আসে।  
ন্যায়েতে, যে, ধন হয়, সে কিছু অধিক নয়,  
নির্ঝাঁহ না হয় অনায়াসে॥  
বিনা ধনে কি প্রকারে, উদর চলিতে পারে,  
পরিবার কিসে থাকে বশ?।  
যাই আমি যার বাসে, দুখি বোলে সেই হাসে,  
কয় কত বচন কর্কশ॥  
কিঞ্চিৎ ধনের পতি, তারা নয় শান্তমতি,  
মানমুদে মৈতে গুদী রয়।  
নত্ন হোয়ে প্রতিক্ষণ, যতই যোগাই মন,  
তথাপিও তুষ্ট নাহি হয়॥  
কত উপাসনা করি, কতরূপ ভেক ধরি,  
নর প্রভু নাহন সদয়।  
যে সময়ে চাই টাকা, তখনি বদন বাঁকা,  
আর নাহি হেসে কথা কয়॥

ব্যবসা বাণিজ্য করি, যদ্যপি উদর ভরি,  
বিষু কত, সহজু সে নয়।  
ভেবে করিলাম স্থির, কোনোমতে সংসারির,  
কিছুতেই সুখ নাহি হয় ॥  
পাইতে রাজার প্রীতি, যদি শিখি রাজনীতি,  
রাজরীতি অতি সুকঠিন।  
রাজা রন রাজপাটে, ফিরিতেছি হাটে ঘাটে,  
আমি নিজে দীনহীন ক্লীণ ॥  
তুমি অতি অপরাধ, সকল ভূপের ভূপ,  
দেখিতেছ রাজ-আচরণ।  
রাজাদের রাজ্য পাট, যেন নাটুয়ার নাট,  
ব্যবহার বেশ্যার মতন ॥  
ভূপতির শুভদৃষ্টি, কাণামেঘে যেন বৃষ্টি,  
রুষ্টি, তুষ্টি, পারিনে বুঝিতে।  
তোমার কত পোরে আশ, রোষে হয় সর্বনাশ,  
নাহি দেয় দেখিতে শুনিতে ॥  
লোচন, যাঁহার কাণ, চোখে না দেখিতে পান,  
শুনে শুধু করেন বিচার।  
ইতে যত হোতে পারে, সে কথা কহিব কারে,  
মন্ত্রির চরণে নমস্কার ॥  
বচনেতে কার্য্য নাই, রাজদ্বারে অর্থ চাই,  
কিসে হয় সংঘটনা তার।  
“মান,” আর “অপমান,” দ্বারি দুই বলবান,  
রক্ষা করে ভূপতির দ্বার ॥  
এই কথা কহে “মান,” থাকে মান, পাবে মান,  
এসো এসো খোদা! আছে পুর।  
“অপমান,” ডেকে কয়, অর্পমানে থাকে ভয়,  
এসোনারে দূর দূর দূর ॥  
মানবের অভিমান, কত তার, পরিমাণ,  
অনুমান কিছুতে না হয়।  
কিসেই বা, বাড়ে মান, কিসে হয় অপমান,  
ব্যবহারে মনে করি ভয় ॥

ধনি আর রাজাগণ, কি বলিলে তুচ্ছ হন,  
নিরুপণ করিতেছি তাই।  
মানময়-সম্ভাষণ, মহিমার সম্বোধন,  
“বিশেষণ,” খুঁজে নাহি পাই ॥  
যখন যে ভাবে রই, তোমারে হে “সর্বজই,”  
‘তুমি’ বোলে ‘তুই’ বোলে ডাকি।  
যদি বলি, তাতেই তুচ্ছ, কিছুতে না হও রুচ্ছ,  
মনে কিছু ভয় নাহি রাখি ॥  
মানুষের সম্বোধনে, বড় ভয় হয় মনে,  
তুমি “তুই,” সাধ্য কার কয়?।  
“মহামান্য গুণমণি,” শিরোমণি, নৃপমণি,  
মহারাজ “বাবু,” মহাশয় ॥  
যত কর সম্বোধন, তবু নাহি উঠে মন,  
কি বলিব, ভেবেমরি দুখে।  
তোমারে-হে দয়াময়, যদি বলি “মহাশয়,”  
বাধো বাধো যেন হয় মুখে ॥  
যেখানে দ্বিপদ যত, প্রায় সব এই মত,  
তুই এক সাধু লোক যাঁরা।  
স্বজাতির দেখে গতি, হোয়ে অতি শুদ্ধমতি,  
লোকালয় ছেড়েছেন তাঁরা ॥  
বুদ্ধির, কুটুম্ব-গণ, আর আর নিজ জন,  
সুখে রব সকলের সহ।  
নাহি সুখ একটুক, দিন দিন ঘটে দুখ,  
বৃদ্ধি হয় কেবল কলহ ॥  
লোকাচারে দেশাচারে, জাতি-প্রথা-ব্যবহারে,  
নাহি হয় সত্যের প্রকাশ।  
সত্যের হইলে দাস, এ সকল হয় নাশ,  
সমাজেতে করে উপহাস ॥  
সমাজেতে যদি রই, সত্য-সভা ছাড়া হই,  
তোমা ছাড়া হোতে তবে হয়।  
সত্য আর লোকাচার, আলো আর অন্ধকার,  
একাধারে কেনেতে রয় ॥

যদ্যপি তোমায় স্মরি, সত্যের সাধনা করি,  
দেশ তায় দেয় করে কত।  
অনাচারি নিজে যাঁরা, অনাচারি বলে তারা,  
হরি হরি, ভেবে জানহত ॥  
স্বভাবে বিকারে মরে, হরি-বলে ভাস ধরে,  
নিখ্যাগয় জগৎ-অসৎ।  
আপনি অসৎ হয়, সতেরে অসৎ কয়,  
হায় হায় হায় রে, জগৎ ॥  
জগতের এই গতি, নর নহে মহাগতি,  
সুখ নাহি হয় ধনে জনে।  
পূর্বতন সাধু যত, তপস্যায় হোয়ে রত,  
সাধু কোরে গিয়াছেন বনে ॥  
রাগ, দ্বেষ, অহঙ্কার, অভিমান, পাপাচার,  
ধনের বিকার নাই যথা।  
বনচর-সঙ্গি হোয়ে, কেবল সাধনা লোয়ে,  
নিভাসুখে রয়েছেন তথা ॥  
সে সাধুর সঙ্গ-যোগ, কপালে হোলোনা ভোগ,  
মিছে কেন নরদেহ ধরি?।  
যথা-যোগি যোগাসনে, গিয়ে আমি সেই বনে,  
পশু কিষা পাখি হোয়ে চরি ॥  
ওহে পশু, পক্ষিগণ! শুন মম নিবেদন,  
যাতনা সহেনা প্রাণে আর।  
মানবের দেহ নিয়া, তোদের শরীর দিনে  
কর রে আমার উপকার ॥  
সাধু-রে তোরাই সাধু, সাধু সাধু, সাধু, সাধু,  
বিষয়ে না হও বালাপালা।  
যথা রুচি তথা যাও, যথা রুচি খাও দাও,  
ভুগিতে না হয় কোনো ছালা ॥  
কুল, মান, জাতি, ধর্ম, নাহি জান কোনো কর্ম,  
নাহি থাক দলাদলি ঘোটে।  
পরকাল নাহি মানো, রাজপীড়া নাহি জানো ॥

খ

তাই খাও, যখন যা জোটে ॥  
নাহি জান জুয়াখেলা, নাহি জান গুরু, চেলা,  
নাহি জান মন্ত্র, পুজা, স্তব।  
নাহি জান প্রবঞ্চনা, তোষামুদি, উপাসনা,  
কেবল শিখেছ নিজ-রব ॥  
অভিমান কিছু নাই, এক ভাব সব ঠাঁই,  
এক ভাষে থাক চিরদিন।  
সদাই আনন্দময়, সুখময় সদাশয়,  
নাহি মানো মৌলিক কুলীন ॥  
নাহি দেও রাজকর, রাজারে না কর ডর,  
ঠেকনিকো রাজনীতি-দায়।  
দেওনি হাটের কড়ি, খাওনি গুরুর ছড়ি,  
নাহি জান ব্যয় আর আয় ॥  
নাহি চড় গাড়ী ঘোড়া, নাহি পর জামাজোড়া,  
নাহি পর বস্ত্র, অলঙ্কার।  
আপনি না বাবু হও, কাহারে না বাবু কও,  
নাহি বও “যে আজার” ভার ॥  
কিছুই বালাই নাই, সম-সুখে আছ তাই,  
নাহি চাও বালিস, মাজুর।  
স্বভাবে হয়েছ রাজা, নাহি আর রাজাসাজা,  
নাহি কর “হজুর হজুর ॥  
কেহ নও হাড়ি, মুচি, সবাই সমান গুচি,  
কখনই না হও মলিন।  
ধূলা, কাদা, কাঁটাবন, তাহাতে প্রফুল্লমন,  
নাহি করে গাত্র ঘিন ঘিন ॥  
নাহি-দান, প্রতিগ্রহ, ঙ্গেণ কর শুভগ্রহ,  
ঈশ্বরের অনুগ্রহ পেয়ে।  
স্থিতি, নাশ, কি প্রকারে, কি হতেছে এসংসারে,  
একবার দেখনাকো চেয়ে ॥  
নাহি চাও রাজ্য, দেশ, মনে নাই দেবাদেয়,  
পরধন করনা হরণ ॥

ভাণ্ডার উদরমাত্র, পূর্ণ কর সেই পাত্র,  
নাহি জান সখ্য কেমন? ॥  
পরকুছা নাহি কর, পরীবাদ নাহি ধর,  
নাহি কর, লোকাচার তয়।  
সামুদ্র খাতক নও, আপনিই সাধু হও,  
সদাকাল সদয়হৃদয় ॥  
নিরন্তর মনতোষা, নাহি ছাঁও, কুশি কোশা,  
কুশো হাতে আঁদ্ধ নাহি কর।  
নাহি লও কোনো দুখ, কেবল করিছ সুখ,  
বাপ্ মোলে, কাচা নাহি পর ॥  
রবি আর ক্ষিতি, গোল, শান্ত্রেশান্ত্রে কত গোল,  
সে গোলের গোলে নাহি থাকো।  
কিছুর সংশয় নাই, মীমাংসার তরে তাই,  
গুরু বোলে, কারে নাহি ডাকো ॥  
এলে মানবের কাছে, পাপতাপ ঘটে পাছে,  
মনে মনে করি এই ত্রাস।  
সিদ্ধ-সাধু যোগি সহ, বিভূ-ধ্যানে অহরহ,  
বিমল-বিপিনে কর বাস ॥  
লোকালয়ে এসো নাই, ভাল করিয়াছ তাই,  
এলেপরে প্রমাদ ঘটিতো।  
মানুষের ব্যবহারে, অভিমান, অহঙ্কারে,  
হৃদয়ের ভাণ্ডার ভরিতো ॥  
কিন্তু তাই, স্তুতি করি, সরল স্বভাব ধরি,  
সরলতা দেখাও দেখাও।  
স্বভাবের ভাব যাহা, বিশেষ করিয়া তাহা,  
মানবের শেখাও শেখাও ॥  
তোমাদের আচরণ, সদালাপ স্রবচন,  
জানেনা অজ্ঞান-নর যত।  
হোয়ে ঘোর অভিমানি, তাই বলে নীচপ্রাণি,  
হাসিব, কঁাদিব, আর কত? ॥  
দস্ত যার নাহি রয়, মহাপ্রাণি তারে কয়,

অভিমানি মহাপ্রাণি নহে?।  
মত্ত হোয়ে অহঙ্কারে, এই নর কি প্রক'রে,  
আপনারে মহাপ্রাণি কহে? ॥  
তোমাদের ভগবান, করেছেন "যাহা" দান,  
তাই নিয়ম সুখে কর ভোগ।  
ভাব, সেই পরপ্রভু, শিখনা শিখনা কভু,  
মানবের অভিমান-রোগ ॥  
দেখিয়া স্বভাব ভাব, করিতেছি অমৃত্যুভাব,  
যখন যে ভাব ঘটে ঘটে  
ওহে তাই বনচর! যদিও না হও নর,  
মহৎ তোমরা বটে বটে ॥  
ঈশ্বরের "আজ্ঞা" যাহা, তোমরা পালিছ তাহা,  
কখনই করনা লঙ্ঘন।  
যথাচারি নর যত, হিতাহিত জ্ঞানহত,  
নাহি করে নিয়ম-পালন ॥  
স্বভাবে শোভিত সবে, স্বভাবেই সুখে রবে,  
অভাব না হবে কোনোদিন।  
আমার এ কলেবর, অভাবে পুরিত-ঘর,  
আমিনর চিরদিন দীন ॥  
নরদেহ, নেরে, নেরে, তোর দেহ, দেরে দেরে,  
নেরে, নেরে, ঘর, দ্বার, ছাপা।  
বিনয় বচন ধর, দায় হোতে মুক্ত কর,  
ক্ষীণ দেখে হোসনে রে থাপা ॥  
ধোরে মানুষের দেহ, মানুষে করিয়া স্নেহ,  
মিছা কাল করিলাম বই।  
স্বরূপে মানুষ কই, এমন মানুষ কই,  
আমিতো মানুষ নিজে নই ॥  
কোথা বিভূ বিশ্বকর, আমায় করিয়া নর,  
বেদনা দিতেছ কেন আর?।  
কর দেখি উপদেশ, কেন দিলে রাগদেহ,  
কেন দিলে দস্ত, অহঙ্কার? ॥

তুমি নাথ ইচ্ছাময়, কর যাহা ইচ্ছা হয়,  
ইচ্ছায় চালিছ এ সংসার।  
যে কলে চলাও চলি, যে বলে বলাও বলি,  
সম্ভাবনা কি আছে আমার? ॥  
কিন্তু নাথ মনে জানি, নর বটে মহাপ্রাণি,  
তাহাতে সংশয় কিবা আছে?  
কাম, ক্রোধ, অহঙ্কারে, লোভে যায় ছারেখারে,  
এই বড় দোষ ঘটিয়াছে ॥  
মানবীয় মানসীয়, শক্তি অতি রমণীয়,  
হয় তায় অভাব-মোচন।  
নানারূপ যুক্তি ধরি, নানাবিধ গ্রন্থ করি,  
বস্তুতত্ত্ব করে নিরূপণ ॥  
ব্যাকরণ, অলঙ্কার, জ্যোতিষাদি কাব্য, আর,  
আয়ুর্বেদ, নীতি-উপদেশ।  
অঙ্ক আদি শত শত, বিষয়ের বিদ্যা যত,  
জ্ঞান আর বিজ্ঞান বিশেষ ॥  
জ্ঞানেতে জেঁমায় জানে, ভক্তি করি তাই মানে  
জ্ঞানে করে গ্রন্থের রচনা।  
রাশি, পক্ষ, গ্রহ, বার স্থির করি বার বার,  
গ্রন্থাদি করিছে গণনা ॥  
কৃষিকার্য্যে দেয় ভোগ, চিকিৎসায় হরে রোগ,  
শিল্পকার্য্যে হয় কত ক্রিয়া।  
পরস্পর সহকারে, পরস্পর উপকারে,  
যায় সব অভাব ঘুচিয়া ॥

মানুষের বুদ্ধিবলে, কলে, জলে তরি চলে,  
স্থলে কলে লে বাস্পরথ।  
তাহাতে কল্যাণ কত, সুখি লোক শত শত,  
দূর নহে, হমাসের পথ ॥  
বিলাতে হতেছে যাহা, এখনি এখানে আহা,  
তারে তার আসে সমাচার।  
ঘটিকাদি ছাপাকল, সকলি বুদ্ধির কল,  
বিশেষ কহিব কত আর? ॥  
এত গুণে গুণি নর, হোয়ে এত কার্য্য কর,  
এত সব করি প্রকরণ।  
দেব, দত্ত, কার্য্য-দোষে, নাহি থাকে পরিতোষে,  
না পায় সুখের আশ্বাদন ॥  
ভবসিদ্ধি পার হেতু, জ্ঞানরূপ এক সেতু,  
মানবে করেছ তুমি দান।  
সংসারমাগর পার, কেহ নাহি হয় আর,  
অকূলে পড়িয়া যায় প্রাণ ॥  
হায় হায়, হাহাকার, মুখে রব সবাকার,  
জীবিকার সঞ্চার কারণ।  
সন্তোষের সমাচার, কেহ নাহি লয় আর,  
বুখা করে জীবন-যাপন ॥  
কৃপা কর কৃপাকর, মানবে মানব কর,  
হর হর মনের বিকার।  
আমিও, মানুষ হই, মানুষে মানুষ কই,  
ধরি মানুষের ব্যবহার ॥

## মিত্রনাথ

লীলাচলের অন্তঃপাতি লীলাচ-  
লে নীলরত্ন নৃপতি নিবসতি করেন।  
নৃপেন্দ্র, নরেন্দ্র, নগেন্দ্র এবং নবেন্দ্র,  
তাহার এই চারিপুত্র।—মহারাজ  
এক দিবস মনে মনে একপ বিবেচনা  
করিলেন, যে, আমার এই পুত্রদিগে  
বিদ্যাভ্যাসে নিযুক্ত করা অতি কর্তব্য  
হইয়াছে। সন্তান বিদ্বান না হইলে  
সকলি বৃথা। বিদ্যা ব্যতীত কখনই  
জ্ঞান-লাভ হয়না। এই জ্ঞান সমুদয়  
সংশয়সংহেদক এবং অপ্রত্যক্ষ বি-  
ষয়ের প্রত্যক্ষকারি শাস্ত্র সকলের  
নেত্র-স্বরূপ। যে ব্যক্তি জ্ঞানহীন, সেই  
ব্যক্তিই অন্ধ। যাহারা অজ্ঞাতশাস্ত্র,  
তাহারা মূর্থতা দোষে সর্বদাই বিপথ-  
গামি হয়। কুসঙ্গে কুপথে ভ্রমণ করি-  
য়া পুরুষার্থ নষ্ট করে। বিশেষত আ-

মার পুত্রেরা যদি এই সময়ে বিদ্যা-  
রূপ-ভূষণে বিভূষিত না হয়, তবে  
বাল্যকাল গত করিয়া “যৌবন-প-  
থের” পথিক হইলে কতদূর-পর্যন্ত  
অনর্থ-উৎপাদন করিবে, তাহা কথ-  
নাভীত। একে ভয়ঙ্কর যৌবনকাল,  
তাহাতে এই সুদীর্ঘরাজ্য, কোষাদি  
সম্পত্তি, তাহার উপর পারিপূর্ণরূপ-  
প্রভুত্ব এবং সর্বোপরি আবার অবি-  
বেকতা, যখন ইহার একেতেই রক্ষা  
নাই, তখন একেবারে একাধারে চতু-  
র্ঘের একত্র সংযোগ হইলে আর  
কি রক্ষা থাকিবে? যেমন কোনো  
এক নূতনপাত্রে কোনো প্রকার চিহ্ন  
প্রদান করিলে কখনই সেই চিহ্নের  
অন্যথা হয়না, সেইরূপ বাল্যকালে  
নীতিশাস্ত্রের উপদেশ প্রদান করি

## হিতপ্রভাকর।

২৯

লে সেই নীতি বলবতী ও ফলবতী হ-  
ইয়া ফলপ্রদানে কদাচই বঞ্চনা ক-  
রেনা।

অতএব এই সময়ে সন্তানদিগে সং-  
শয়-নাশক জ্ঞান-প্রকীর্শক কোনো  
এক সুপণ্ডিত আচার্য্যের নিকট বি-  
দ্যানুশীলনে নিযুক্ত করি।

### পদ্য।

সেই হয় পূজনীয়, বিদ্যা আছে যার।  
বিদ্যাহীন নর যেই, বৃথা জন্ম তার॥  
বিদ্বানের সমাদর, স্বদেশ, বিদেশ।  
বিদ্যার নিকটে নাই, ইতর, বিশেষ॥  
নীচ যদি জ্ঞানি হয়, পূজা করি তার।  
মন্ত্রী হোয়ে, বসে গিয়ে, রাজার সভায়॥  
যেমন মানব করি, তরির উপায়।  
নীচগা-নদীর গুণে, রত্নাকর পায়॥  
বিদ্যাবান সেইরূপ, বিদ্যাধন লোয়ে।  
জীবন সফল করে, রাজপ্রিয় হোয়ে॥  
বিদ্যা, করে, বিদ্যাবানে, বিনয়-বিধান।  
বিনয়, বিদ্বানে করে, ক্ষমতা প্রদান॥  
ক্ষমতায় ধন হয়, নাহি রয় দুখ।  
ধন হোলে, ধর্ম হয়, ধর্মে হয় সুখ॥  
শাস্ত্রে হয়, সমুদয়, সংশয়-ছেদন।  
বধিরের “কর্ণ”, ইনি, অন্ধের “নয়ন”,॥  
যে, না করে, শিবকর, শাস্ত্র-আলোচন।  
নয়ন থাকিতে হয়, অন্ধ সেই জন॥  
পিতা হোয়ে, পুত্র নাহি, বিদ্যা দেয় যেই।  
সন্তানের শত্রু হয়, পিতা নয় সেই॥

পুত্র যদি মূর্থ হয়, সকলি বিফল।  
কেমনে হইবে তার পিতার কুশল?॥  
কুলদ্বার, বোলে তার, নাম হয় দেশে।  
ধন যায়, মান যায়, কুল যায় শেষে॥  
স্ব্যাতি-হীন অর্থি যথা দুখের কারণ।  
ছাগলের গলে “বাঁট” বৃথায় যেমন॥  
বিদ্যাহীন পুত্র হয়, সেরূপ প্রকার।  
কেবল কুলেতে করে, কলঙ্ক প্রচার।  
সতত শরীর স্তম্ভ, স্তম্ভি সেই জীব।  
সদাকাল সমভাবে, ভোগ করে শিব।  
প্রতিদিন অনায়াসে, অর্থ আসে যার।  
তার চেয়ে ভাগ্যধর, কেহ নাহি আর॥  
অর্থকরী “বিদ্যাবলে” বল যেই ধরে।  
কোনোকালে কিছুতে কি, ক্ষুদ্র তারে করে?॥  
প্রিয়া আর পুত্রভাষিণী, ভাষা যার।  
সংসারেতে সংসার, সার্থক হয় তার॥  
বিনয়ী যাহার পুত্র, অধচ বিদ্বান।  
তার চেয়ে কেহ আর, নহে ভাগ্যবান।  
সে, বরন-ভাল, “দার” বক্ষা হোয়ে রয়।  
কিছুমাত্র খেদ নাই, সন্তান না হয়॥  
প্রসব না হয় যদি, হয় গর্তস্রাব।  
কিছুমাত্র নাহি ভায়, স্ত্রের অভাব॥  
“ছেলে” হোয়ে মোরে যায়, তাহে নাহি দুখ।  
দেখিতে না হয় যেন, কুপুত্রের মুখ॥  
বরঞ্চ দুঃখিতা হয়, দুঃখিত মুখ।  
দেখিতে না হয় যেন, কুপুত্রের মুখ॥  
ঘরেতে সন্তান নাই, তাহে কি জঞ্জাল।  
মূর্থ নিয়ে, দুঃখ কেন, পাব চিরকাল?॥  
কুলের প্রদীপ-প্রভা, যাহাতে না রয়।  
এমন সন্তান যেন; কখনো না হয়॥

বিদ্যা নাই, বুদ্ধি নাই, ধর্ম নাই যার।  
 আপনার হিতাহিত, না করে বিচার ॥  
 কোনোরূপে নাহি ভাবে, মান, অপমান।  
 নাহি করে উপার্জন, নাহি করে দান ॥  
 গুণিগণ-গণনায়, নাহি উঠে “নাম,”।  
 দিনে রোতে একবার, নাহি জপে “রাম,”।  
 তাহার জননী যদি, পুত্রবতী হন।  
 “বক্ষ্য” বোলে তবে পারে, করি সম্বোধন? ॥  
 ফলহীন-তরু আর, জলহীন-নদ।  
 বলহীন দেহ আর, মানহীন পদ ॥  
 অজ্ঞহীন সেনাপতি, রাজাহীন ভূপ।  
 লজ্জাহীন কুলবধু, শোভাহীন রূপ ॥  
 গন্ধহীন-ফুল যথা, কেবা তারে চায়।  
 বিদ্যাহীন পুত্র তথা, শোভা নাহি পায় ॥  
 মাতুষের সহ তার, সব বিপরীত।  
 সমান তুলনা হয়, পশুর সহিত ॥  
 রতিরসে রত সদা, ভয়েতে ব্যাকুল।  
 খায় আর নিদ্রা যায়, হোয়ে প্রেমাকুল ॥  
 ধর্মার্থ বোধ নাই, নাহি জানে বেদ।  
 পশুর সহিত তবে, কি আর প্রভেদ? ॥  
 এক যদি বিদ্যাশীল, বংশধর হয়।  
 তার কাছে শতশত, মূর্থ কিছু নয় ॥  
 পুত্র হোয়ে কুলরক্ষা, করিতে না পারে।  
 জননীর বিষ্ঠা বোলে, ঘৃণা করি তারে ॥  
 ধনেতে “কুবের পুত্র,” মড় যদি হয়।  
 পুত্র নয়, নয়, মৃত্যু, পুত্র কত নয় ॥  
 শূকরের শত স্তূতে, কিছু নাই ফল।  
 স্তান করি, অপবিত্র, গায়ে মাখে মল ॥  
 পারীক্ষের এক পুত্র, প্রবল কেমন।  
 পশুপতি হোয়ে করে, কানন-শাসন ॥  
 এক চাঁদে আলো করে, অখিল সংসার।

শোভাহীন, কোটি তার, চারিদিকে তার ॥  
 ধনে, জ্ঞানে, যশে পূর্ণ, যাহার কুমার।  
 তার চেয়ে পুণ্যশীল, কেহ নাহি আর ॥  
 কোনো, ধন, নাহি হয়, বিদ্যা সম-তুল ॥  
 প্রাণ দান, করিলেও, নাহি হয় মূল ॥  
 কোনোকালে, কিছুতেই, নাহি পায় ক্ষয় ॥  
 যতই বয়স বাড়ি, বৃদ্ধি তত হয় ॥  
 জ্ঞাতরি পারেনা, কত, বিভাগ করিতে।  
 তরুরে পারেনা কত, এ ধন হরিতে ॥  
 “শাস্ত্র” আর “শস্ত্র” এই, বিদ্যা দুইরূপ ॥  
 এর মাজে “শাস্ত্রবিদ্যা” অতি অপরূপ ॥  
 বুড়া হোলে “শস্ত্রবিদ্যা” হাস্যকরী হয় ॥  
 তখন তাহার আর, আদর না রয় ॥  
 “শাস্ত্রবিদ্যা” সর্বকাল, স্বভাবে সমান ॥  
 শুভকরী হোয়ে করে, চতুর্দশ দান ॥  
 বুদ্ধিশালি সুপণ্ডিত, যত যত নর।  
 আপনারে, জ্ঞান করি, অজর, অমর ॥  
 বিদ্যার প্রভাবে, পদে, প্রাপ্ত হোয়ে ধন ॥  
 কেবল করেন স্তূখে, কীর্তির স্থাপন ॥  
 মৃত্যু ধরেছে কেশ, কর বিস্তারিয়া ॥  
 এখনি মরিতে হবে, একরূপ ভাবিয়া ॥  
 পরিহারি বিষয়ের, বিষ-আলাপন ॥  
 নিয়ত করেন শুধু, ধর্ম-আলোচন ॥  
 বিদ্যা বিনা নাহি হয়, ধর্মের অধিকার ॥  
 অতএব, এই বিদ্যা, সর্ব-মূল্যধার ॥  
 বিনয় বচনে বলি, প্রিয়তম-গণ ॥  
 সাধ্যমত স্তূতে কর, বিদ্যা-বিতরণ ॥  
 পড়াতে না পারো যদি, দোষ কিবা আছে।  
 নিয়ত নিয়োগ কর, পণ্ডিতের কাছে ॥

সমাজে থাকিলে ছেলে, সাধু-কথা কবে।  
 সঙ্গপণে কিছু ফল, হবে, হবে, হবে ॥  
 কুপজল, পূজা হয়, পোড়ে গঙ্গানীরে ॥  
 পুষ্প সহ “সূত্র” উঠে, দেবতার শিরে ॥  
 নররূপে সকলেই, জন্মে, আর মরে।  
 যতদিন বেঁচে থাকে, খায় আর পরে ॥  
 এপ্রকার যাতায়াতে, কিছু নাই ফল ॥  
 মিছে দেহ সাংসার, মৃত্যু আর মল ॥  
 যশরবি, করে, করে, ত্রিকূল উজ্জ্বল ॥  
 জনম সফল তার, জনম সফল ॥  
 পূর্বজন্মে যোরতর, তপস্যা যে, করে।  
 সেই তপস্যার বলে, পুণ্যরাশি ধরে ॥  
 পুণ্যবলে হয় তার, ধার্মিক সন্তান ॥  
 ধনবান, গুণবান, পণ্ডিত প্রধান ॥  
 জনম, মরণ, আর, আয়, কর্ম, ধন ॥  
 গর্ভেতেই হয় এই, পাঁচের সৃজন ॥  
 নহে অসম্ভব, এতো, নহে অসম্ভব ॥  
 অবশ্যই “ভাবি ভোগ” স্বভাবে সম্ভব ॥  
 সাক্ষি তার, চিরকাল, “নগ্ন,” দেখ “হর,” ॥  
 হরির “অনন্ত-শয্যা,” মর্প—বিষধর ॥  
 হইবার যোগ্য যাহা, অবশ্যই হয় ॥  
 কখনো কি হয় তাহা, হবার, যা, নয় ॥  
 একরূপ ভাবনা করি, করেন সৃজন ॥  
 চিত্তরূপ বিষহর, ঔষধসেবন ॥  
 কপালের ফল যাহা, তাই হবে পরে ॥  
 একরূপ ভাবিয়া মনে, আলস্য, যে, করে ॥  
 তার মত মূঢ়জন, কেহ নাই আর ॥  
 পরমার্থ লাভ কত, নাহি হয় তার ॥

পূর্ব পূর্ব জন্মকৃত, কর্ম যাহা হয় ॥  
 “অদৃষ্ট,” মানিয়া লোক, “দৈব,” তারে কয় ॥  
 অবশ্যই “দৈব ফল,” করিব স্বীকার ॥  
 কিন্তু চাই, যত্ন, শ্রম, সহকার তার ॥  
 বিনা, শ্রমে, বিনা যত্নে, “দৈব,” সিদ্ধ হয় ॥  
 তাহর, কি, সুবোধ বলি, এ কথা, যে, কয়? ॥  
 শ্রম করে, যত্ন করে, তবে যায় দুখ ॥  
 কখনই অলসের, নাহি হয় সুখ ॥  
 “একচক্র-রথে,” যথা গতি নাহি হয় ॥  
 চেষ্টা বিনা সেইরূপ, “দৈব,” সিদ্ধ নয় ॥  
 চেষ্টাহীন হোয়ে সিংহ, “সুপ্ত,” হোলে পরে ॥  
 অনাহারে নষ্ট হয়, কষ্ট পেয়ে মরে ॥  
 হরিণাদি পশু তার, দূরে যায় চোলে ॥  
 যেচে নাহি মুখে আসে, খাও খাও বোলে ॥  
 উদ্যোগী পুরুষ হন, সিংহের সমান ॥  
 আপনি কুমলা তারে, দেন ধন, মান ॥  
 দৈবতে নির্ভর করি, যত্নহীন যেই ॥  
 কাপুরুষ, কাপুরুষ, কাপুরুষ, সেই ॥  
 অতএব “দৈব,” প্রতি, করি উপহাস ॥  
 সাধ্যমত পুরুষার্থ, করহ প্রকাশ ॥  
 যতনে রতন-লাভ, যদি নাহি হয় ॥  
 নাহোলে, নাহোলে তাহে, দোষ কিছু নয় ॥  
 যে প্রকার “কুড়কা,” লইয়া ॥  
 ইচ্ছামত “ঘট” আদি, করে নানা ক্রিয়া ॥  
 সেইরূপ কৃতি-নর, করিয়া উপায় ॥  
 আপনার কৃত-কর্ম, নানা ফল পায় ॥  
 সমুখে থাকিলে নিধি, বহু মূল্যবান ॥  
 দৈব তারে, হাতে তুলে, নাহি করে দান ॥

চেফার অসাধ্য আর, নাহি কোনে ক্রিয়া।  
সেরতন, নিতে হয়, যতন করিয়া ॥  
শ্রমাদীন-কার্যে হয়, আশার সুসার।  
আশামাত্র, মনোরথ, পূর্ণ হয় কার ? ॥  
অতএব সন্তানের, শিক্ষা চাই আগে।  
বিদ্যায় মানুষ্য হবে, নিজ-অমুরাগে ॥  
গুরুর নিকটে নাহি, উপদেশ ধরে।  
আপনি পুস্তক পাঠ, যে জন না করে ॥  
জ্ঞানজের মত তার, নত হয় মুখ।  
সতায় প্রবেশ করি, নাহি পায় সুখ ॥  
সময় বিলম্ব আর, না হয় বিহিত।  
এখনি নিয়োগ করি, প্রবীণ পণ্ডিত ॥  
রীতমত প্রতিদিন, নীতি-শিক্ষা দানে।  
করিবেন নীতিশীল, আমার সন্তানে ॥  
উপদেশ প্রাপ্ত হোলে, ঘৃণেবে সংশয়।  
“সাসঙ্গ-ফল” কভু, বিফল না হয় ॥  
কাঞ্চনের সহবাসে, কাঁচ-যে প্রকার।  
প্রাপ্ত হয়, মরকত-মণির আকার ॥  
সেইরূপ সাধু জনে, বস্তু আছে গুঢ়।  
সাধু সহ, বাস করি, বিজ্ঞ হয় মূঢ় ॥

মহামতি মহীপতি এতদ্রূপ চিন্তা  
করিয়া “পরিশেষ সর্বশাস্ত্র-বিশারদ  
জ্ঞানগুরু” “সিদ্ধান্তশেখর” ভট্টা-  
চার্য্য-মহাশয়কে আনয়ন পূর্বক তাঁ-  
হারি নিকট আপনার পুত্রগণকে অ-  
ধ্যয়নার্থ নিযুক্ত করিলেন।

আচার্য্য কহিতেছেন।

হে মহামহিমার্ণব মহারাজ !—  
আপনি মহাবংশোদ্ভব মহাত্মাপুরুষ,  
আপনার বংশশাস্ত্রব সন্তানেরা কৃত-  
কার্য্য হইয়া বংশ-মর্যাদা রক্ষা করি-  
বেন, এ কোন বিচিত্র।—সুবর্ণখনিতে  
সুবর্ণই জন্মিয়া থাকে, সিংহের স-  
ন্তান সিংহই হয়। পদ্মরাগমণির  
আকরে কিছু ক্রীচমণির জন্ম হয়না,  
অমৃতরূক্ষে অমৃতফল ফলিয়াই থা-  
কে, অতএব চিন্তার বিষয় কি ? ই-  
হারা আমার নিকট নিয়োজিত  
হইলে অতি সংক্ষেপ সময়ের মধ্যেই  
নীতিশাস্ত্রে নিপুণ হইবে, তাহাতে  
সংশয়মাত্রই নাই।

নৃপতি পুনর্বার কহিলেন।

পদ্য

উদয়-অচলে যত, বস্তু করে বাস।  
সকলেই ধরে তারা, ভাস্করের ভাস।  
সাপুসঙ্গে, অসৎ, বসৎ, যদি করে।  
সঙ্গগুণে, সতের, স্বভাব, সেই ধরে ॥  
তৃণ-কীট, বাস করি, ফুলে, গঙ্গানীরে।  
আরোহণ করে গিয়া, দেবতার শিরে ॥  
সুজন যদ্যপি করে, প্রস্তর স্থাপন।  
ভক্তিভরে, পূজা করে, সকল ব্রাহ্মণ ॥  
নীতিশাস্ত্র শিক্ষা করি, তব সমিধান।  
বিদান হইবে সব আমার সন্তান ॥

করিল্যগ আপনার, চরণে অর্পণ।  
করুন সুশিক্ষা-দান, উচিত যেমন ॥

তৎপরে সুপণ্ডিত ভট্টাচার্য্য প্রা-  
সাদ-মধ্যে আসনোপরি পরমসুখে  
উপবিষ্ট হইয়া রাজপুত্রদিগ্যে উপ-  
দেশ প্রসঙ্গে কহিলেন।

ত্রিপদী।

ক্রীমান ধীমান যত, অবিরত অনুরত,  
কাব্য-সুধারস আশ্বাদনে।  
বিদ্যাহীন মূঢ় যারা, হোয়ে নীতি জ্ঞানহারা,  
কাল কাটে, কেবল ব্যসনে ॥  
নিদ্রাযায় দিবাতাগে, নারী-সহ নিশি-জাগে,  
মিছে-গান, মিছে-গল্প লোয়ে।  
মৃগয়ায় মুগ্ধ-মন, করে মিছে পর্যটন,  
কলহের কল্লতরু হোয়ে ॥  
নৃপতিনন্দন-গণ, শুন শুন, দিয়ে মন,  
উপদেশ, যাবেনা বিফলে।  
সিদ্ধ হবে অভিজ্ঞ, বলি আমি নীতিভাষ,  
“কাক—কূর্ম” ইতিহাস-ছলে ॥  
বৃথা-কথা পরিহর “অনুরাগ অস্ত্র,” ধর,  
জয়রূপ-পাশ কর নাশ।  
গুরুদেব-খ্যান করি, মিত্রলাভ আশ করি,  
“মিত্রলাভ,” প্রস্তাব প্রকাশ ॥  
মুখিক, হরিণ দয়, স্থলচর অস্ত্র দয়,  
কাক, কূর্ম, খচর, কচর।  
এদের বিশেষ কথা, বিস্তারিত যথা যথা,  
সমভাবে সবরি গোচর ॥  
ক্রমাগত একমত, সত্যবে উপায়-হত,  
অথচ কাহারো নাই ধন ॥

কিন্তু বহু বুদ্ধি-ধরে, এই হেতু পরস্পরে,  
শীঘ্র করে কার্য্যের সাধন ॥

রাজপুত্রেরা জিজ্ঞাসা করিলেন,  
হে গুরো !—সে কি প্রকার? আমরা  
তচ্ছবগার্থ অত্যন্ত অনুরত হইয়াছি,  
অতএব অনুগ্রহ পূর্বক প্রকাশ ক-  
রিয়া অসম্ভাদির অন্তঃকরণে আনন্দ  
বিতরণ করুন।

আচার্য্য কহিতেছেন।

পদ্য।

“সুবর্ণরেখার” তট, বটবৃক্ষ পরে।  
নিশাভাগে, নানাজাতি, পক্ষি বাস করে ॥  
কোনো এক বাগিনীতে, বাগিনীর স্বামী।  
হইলেন, শেষভাগে, অস্তাচল-গামী ॥  
“চতুর,” নামেতে, কাক, জাগিয়া তখন।  
চতুর্দিক করিতে করিতে, নিরীক্ষণ ॥  
দেখিল লইয়া জাল, ব্যাধ একজন।  
দ্বিতীয় যমের ন্যায়, করিছে জয়ণ ॥  
“চতুর,” ভাবিছে মনে, হইয়া চঞ্চল।  
অদ্যপ্রাতে হায় একি, দেখি অমঙ্গল ॥  
নিদয় নিষাদ, এই, শঠশিরোমণি।  
না জানি কি, সর্বনাশ, ঘটাবে এখন ॥  
দেখি দেখি, যদি পারি, করি প্রতীকার।  
এত ভেবে পশ্চাতে, পশ্চাতে, যায় তার ॥  
মুখ-জনেরাই শোকাকুল হইয়া  
ছুঃখ ভোগ করে, যিনি পণ্ডিত, তিনি  
বিপদকালে ধৈর্য্য হইয়া সুখলাভ  
করিয়া থাকেন।

পদ্য !

ধরাতলে শোক-ছাড়া, লোক কেবা আছে ?  
সে শোক, দুখের নয়, পণ্ডিতের কাছে ॥  
ঐখ্যানে, ধীমানের, সততই স্থখ ।  
বোধহীন মূঢ় যারা, তারা পায় দুখ ॥  
ভয় পেয়ে ভীত হয়, বিপদের কালে ।  
অজ্ঞানে জড়িত হয়, যাতনার জালে ॥  
স্ববোধ-স্বধীর যেই, স্বভাবে সরল ।  
সম্পদ, বিপদ, তার, সমান সকল ॥  
বাস্তবিক, বিষয়ির, এ, হয়, উচিত ।  
সদাকাল দৃষ্টি করা, নিজ-হিতাহিত ।  
সূতু আর রোগ আদি, শোকের বাতনা ।  
কি জানি কখন হয়, কিরূপ ঘটনা ॥  
আজ নাই, কাল নাই, নাই কালকাল ।  
শরীরের শুভাশুভ, বিষম-বিশাল ॥  
বখন যেক্রপ হয়, কলেবর-দেশে ।  
ঐখ্য হোয়ে, সহ্য কর, স্থখ পাবে শেষে ॥  
বনী, দুখী, ছোটো, বড়, ভেদ মাত্র নাই ।  
জীব মাজে অবস্থার, অধীন সবাই ॥  
বা, হবার, তাই হবে, স্থির রাখো মনে ।  
প্রেমতে প্রণত হও, প্রভুর চরণে ॥

ত্রিপদী ।

কিছু দূর গিয়া পরে, পাখি ধরিবার তরে,  
তগুলের কণা ছড়াইয়া ।  
বিস্তার করিয়া জাল, কিরাৎ-কৃতান্ত-কাল,  
আপনি রহিল লুকাইয়া ॥  
কপোতের অধিপতি, নাম তার "চাকরতি"

ডড়ে যায় নিজ দল নিয়া ।  
দূর-হোতে দরশনে, বিষয় হইল মনে,  
বনমাজে তগুল দেখিয়া ॥  
কহিতেছে দেখ সব, আজ একি অসম্ভব,  
যুক্তি কর, বিচার করিয়া ।  
সম্ভাবনা যাহা নয়, কেমনে সম্ভব হয়,  
বনে কেম তগুল পড়িয়া ? ॥  
কারণ ব্যতীত কার্য, কিরূপেতে হয় ধার্য,  
অকারণে একরূপ কি হয় ? ।  
ইথে যদি করি লোভ, এখনই পাব ক্ষোভ,  
নাহি তায় কিছুই সংশয় ॥  
এই ক্ষুদ্র যদি খাই, তবে আর রক্ষা নাই,  
সেইরূপ হইব নিধন ।  
কক্ষণ-লাভের আশে, পড়িয়া বাঘের গ্রাসে,  
মোলো যথা পথিক-ব্রাহ্মণ ॥  
কপোতেরা কহিল, সে কিরূপ ? ।  
কপোত রাজ কহিতেছেন ।  
তবে শ্রবণ কর ।  
দক্ষিণ-অরণ্যে আমি, ছিলাম যখন ।  
একদিন দেখিলাম, করিয়া চরণ ॥  
সরোবরে বুড়া এক, বাঘ, স্নান করি ।  
পুলিনে রয়েছে খাড়া, কুশা হাতে ধরি ॥  
পথিক চোলেছে যত, তাদের দেখিয়া ।  
লোভ দিয়া ডাকিতেছে, আঙুল নাড়িয়া ।  
"ওরে রে, পথিক কর, কোথায় গমন ? ।  
নিয়্যে যারে, নিয়্যে-যারে, সোণার কক্ষণ ॥

বাঘ দেখে সকলেই, হোতেছে বিষয় ।  
দূরে হোতে সোঁরে যায়, মনে পেয়ে ভয় ॥  
খনলোতী কোনো দ্বিজ, করি দরশন ।  
মনে মনে করিল, একরূপ আন্দোলন ॥  
বিধির কৃপায় থাকে, ভাষারল যার ।  
খনলাত হয় তার, একরূপ প্রকার ॥  
কিন্তু ইথে, কিন্তু এই, জীবন-সংশয় ।  
অতএব হেন লোভ, উচিত না হয় ॥  
অনিষ্ট হইতে ইষ্ট, ইষ্ট-লাভ নয় ।  
অমঙ্গল হয়, তায়, অমঙ্গল হয় ॥  
সুখার হইলে সঙ্গ, বিষের সহিত ।  
মরণ-নিশ্চিত, তায়, মরণ নিশ্চিত ।  
কিন্তু হয়, সন্দেহেতে, ধনের প্রবৃত্তি ।  
বিনা ধনে, কিসে হবে, আশার নিবৃত্তি ? ।  
সংশয়েতে আরোহণ, না করিলে পর ।  
কুশল না হয়, কতু, জীবের গোচর ॥  
কিন্তু সেই সংশয়েতে, করি আরোহণ ।  
যদি তায়, রক্ষা পায়, জীবের জীবন ॥  
তবেই মঙ্গল হয়, তবেই মঙ্গল ।  
নতুবা বিফল, সব, নতুবা বিফল ॥  
এত ভাবি পথিক, জিজ্ঞাসা করে তায় ।  
কক্ষণ কোথায় ভোর, কক্ষণ কোথায় ? ॥  
হাত তুলে বাঘ বলে, "বিপ্লবের কুমার" ।  
দেখ দেখ, এই দেখ, কক্ষণ আমার ॥  
ব্রাহ্মণ বলেন, বাঘ ! কি বলিস ওরে ।  
বিশ্বাস কি, তোরে, বল, বিশ্বাস কি তোরে ? ।  
"বাঘ" বলে শুন দ্বিজ, কি কব তোমায় ।  
করিয়াছি, কত পাপ, যৌবন-দশায় ॥

গোরুহত্যা, ব্রহ্মহত্যা, হত্যা কত আর ।  
সংখ্যা নাই, তার/তাই, সংখ্যা নাই তার ।  
সেই পাপে দারা, পুত্র, মরেছে আমার ।  
হারবার হইয়াছে, সোণার সংসার ॥  
প্রাণে মাজ বেঁচে আছি, পাপতার বোয়ে ॥  
শৌকে তাপে জর জর, বংশহীন হোয়ে ॥  
ধার্মিক ব্রাহ্মণ এক, আমায় দেখিয়া ।  
কহিলেন উপদেশ, করুণা করিয়া ॥  
"কর-গিয়ে" দান আদি, ধর্ম আচরণ ।  
তবেই তোমার হবে, পাপের মোচন ॥  
পাপ গেলে তাপ যাবে, শাস্ত্রের বচন ।  
পরলোকে, নরলোকে, হবেনা গমন ॥  
সেই উপদেশে আমি, করিয়াছি স্নান ।  
ব্রাহ্মণে করিয়া পূজা, দিব আজ দান ॥  
নখ-দন্ত হীন ক্ষীণ বৃদ্ধ অতিশয় ।  
অবস্থাম কোরে তুমি, কেন কর তয় ? ॥  
অধ্যয়ন তপস্যা, ও, যজ্ঞ আর দান ।  
সত্য, ধৃতি, ক্ষমা, আর, লোভ-সমাধান ॥  
"ধর্মধামে", গমনের, পথ এই আট ।  
যার বলে মুক্ত হয়, মনের কপাট ॥  
এই মাজে তপস্যা, পূর্ণ চতুর্ভুজ ।  
দান্তিক জনের মনে, করেছে আশ্রয় ॥  
ক্ষমা আদি চতুর্ভুজ, মহারত্ন-ধন ।  
রয়েছে আশ্রয় করি, মহাত্মার মন ॥  
বিকার নাহিক আর, আমার অন্তরে ।  
কাম, ক্রোধ, লোভ, মোহ, গিয়েছে অন্তরে ॥  
এই দেখ, করেতে, ভূষণ, লোয়ে আছি ।  
না সয়, বিলয় আর, দিলে পরে বাঁচি ॥

হায় হায়, কার কাছে, ফেলিব নিশ্বাস ?।  
 “বাব” বোলে, তবু কেউ করেনা বিশ্বাস ॥  
 ধারাবাহি-লোক যারা, তাদের এ ধারা।  
 অবিশ্বাসে বিশ্বাস, করেনা কভু তারা ॥  
 যে, নারীরে, দ্বিচারিণী, বোলে লোক জানে।  
 তার, “ধর্মকথা”, কেহ, শুনে নাকো কাণে ॥  
 যে, ব্রাহ্মণ পাপাচার, করে একবার।  
 তাহারে প্রত্যয় কেহ, নাহি করে আর ॥  
 কলত আমার আর, সে রোগ-তো নাই।  
 দোহাই, দোহাই, ভাই, ধর্মের দোহাই ॥

ওহে ব্রাহ্মণ! শ্রবণ কর।

যেমন আপন প্রাণ, প্রিয় আপনার।  
 সেরূপ সবার প্রাণ, প্রিয় সবাকার ॥  
 আপন শরীরে যথা, আপনার সুখ।  
 সেইরূপ সবে দেখে, নিজ নিজ দেহ ॥  
 অতএব উপদেশ, লহ জীবগণ।  
 আত্মবৎ কর সবে, দয়া-বিতরণ ॥  
 নিজ-সুখে সুখি যারা, ছবি নিজ ছুখে।  
 ভ্রমেও তাদের নাম, এনো নাকো যুখে ॥  
 আপনি আপন ভাবে, করি প্রণিধান।  
 প্রেমতরে দেখ ভবে, সকল সমান ॥  
 ওহে দ্বিজ, নিজবৎ, দেখি সমুদয়।  
 কেন কর ভয়, ভ্রম, কেন, কর ভয় ২ ॥

যাঁহারা জানি পুরুষ, তাঁহারা  
 পরস্পরকে মাতৃবৎ জ্ঞান, পরদ্রব্যকে  
 লোক্যবৎ জ্ঞান এবং সর্বভূতে আত্ম-  
 বৎ জ্ঞান করেন।

পদ্য।

পরনারী জ্ঞান কর, জননী প্রায়।  
 মনের বিকার যেন, নাহি ঘটে তায় ॥  
 লোভ যেন মনে, কভু, নাহি পায় স্থান।  
 পরধন জ্ঞান কর, তেলার সমান ॥  
 সূজন হইতে যদি, থাকে অভিযত।  
 সমুদয় প্রাণি দেখ, আপনার মত ॥  
 ধনিজনে ধন দিয়া, নাহি প্রয়োজন।  
 ধনহীনে সাধ্যমত, দান কর ধন ॥  
 রোগিরে ঔষধ দান, সুবিহিত হয়।  
 অরোগিরে দিলে পরে, নাহি ফলোদয় ॥  
 পণ্ডিতেরা করেছেন, একরূপ বিধান।  
 দানের প্রধান দান, সাত্ত্বিক, যে, দান ॥  
 বিশেষত, উপকারী, বেজ্ঞন না হয়।  
 তারেই করিবে দান, শাস্ত্রে এষ্ট কয় ॥  
 ‘দরিদ্র ব্রাহ্মণ তুমি, উপকারী নও।  
 তোমারেই করি “দান” লও লও লও ॥  
 প্রত্যয় তাহার বাক্যে, করিয়া তখন।  
 স্নানহেতু সরোবরে, নামিল যেমন ॥  
 মহাপঙ্কে পোড়ে শেষ, করে হাহাকার।  
 উচ্চিবার, শক্তি তার, রহিলনা আর ॥  
 “বাব” বলে, আহা, আহা, কি হইল হায় ॥  
 স্থির হও, আমি গিয়ে, উঠাই তোমায় ॥  
 এত বলি কাছে গিয়ে, ধরিল যখন।  
 রোদন-বদনে দ্বিজ, কহিছে তখন ॥  
 পরের অনিষ্টকারী, যেজন দুর্জন।  
 কখনো কি ভাল হয়, তার আচরণ ? ॥  
 ধর্মশাস্ত্র পাঠ তার, বেদ-অধ্যয়ন ॥

ধর্মের কারণ, নয়, ধর্মের কারণ ॥  
 ধার্মিকতা, সদাচার, কেমনে সে পাবে ?।  
 স্বভাবের দোষ তার, কিরূপেতে যাবে ? ॥  
 স্বভাবে মধুর হয়, “গোরস”, যেকূপ ॥  
 সকলের অতিরিক্ত, স্বভাব সেরূপ ॥  
 ইন্দ্রিয় সহিত মন, যেনা করে বশ ॥  
 কিসে হবে বশ, তার, কিসে হবে বশ ? ॥  
 করী যথা স্নান করি, উঠিয়া অমনি।  
 ধূলায় ধূসর হয়, তখন তখন ॥  
 ছুটের সেরূপ হয়, শিফট ব্যবহার ॥  
 এই দেখি সাধুভাব, পরে নাই আর ॥  
 দ্বর্ভগা নারীর যথা, বস্ত্র অলঙ্কার ॥  
 ধর্মহীনে, গুণ, জ্ঞান, সেরূপ প্রকার ॥  
 আপনার বুদ্ধিদোষে, না দেখি উপায়।  
 বাখেরে বিশ্বাস কোরে, কি করেছি হায় ? ॥

পণ্ডিতেরা কহিয়াছেন, স্ত্রী, রা-  
 জকুল, নদী, নখী, শৃঙ্গী, এবং অস্ত্রধারী,-  
 ব্যক্তিকে কোনোমতেই বিশ্বাস করী  
 কর্তব্য হয়না।

যথা।

পদ্য।

রমণীরে, বিশ্বাস, কোরোনা, কোনোমতে।  
 তার চেয়ে অবিশ্বাসী, নাহি এ জগতে ॥  
 দয়া নাই, ধর্ম নাই, নাই লজ্জা, ভয় ॥  
 সকলি করিতে পারে, ইচ্ছা যাহা হয় ॥  
 কোনোকালে বিশ্বাস, কোরোনা, রাজকুলে ॥

যেওনা যেওনা, রাঙ্গ-বচনেতে ভুলে ॥  
 কাটাতরু ছায়াবৎ, রাজার প্রণয় ॥  
 অমুকুল, অতিকুল, সমান উভয় ॥  
 বিশ্বাস কোরোনা তারে, শিঙা আছে যার।  
 সীমধানে তার সহ, কর ব্যবহার ॥  
 বিশ্বাস কোরোনা তারে, অস্ত্র হাতে যার।  
 এখনি তোমারে পারে, করিতে সংহার ॥  
 নদীরে বিশ্বাস কভু, কোরোনারে ভাই ॥  
 কখন কি ভাব তার, স্থির কিছু নাই ॥  
 এই আছে, একরূপ, পরে আর ভাব।  
 পলকে প্রলয় করে, এমনি স্বভাব ॥  
 বিশ্বাস কোরোনা তারে, নথ আছে যার।  
 তার কাছে মানবের, কোথা উপকার ? ॥  
 গুণের পরীক্ষা করি, প্রয়োজন নাই ॥  
 স্বভাবের স্বভাব, পরীক্ষা কর ভাই ॥  
 সকল গুণের গুণ, বিগুণ করিয়া ॥  
 স্বভাব রয়েছে গিয়া, মাথায় চড়িয়া ॥  
 জ্যোতিধারী-পাপহারী, গগনবিহারী ॥  
 কুমুদপ্রকাশকারী, সর্বগুণচারী ॥  
 সেই সুধাকরে করে, রাছ এসে গ্রাস ॥  
 কপালে, যা, লেখা আছে, কে করিবে নাশ ? ॥  
 একরূপ করিয়া খেদ, ব্রাহ্মণকুমার ॥  
 শাদুলের গ্রাসে পোড়, হইল সংহার ॥  
 তাই বলি, শুন সবে, আমার বচন ॥  
 যেমন কঙ্কণলোভে, মরিল ব্রাহ্মণ ॥  
 এখানে তগুল দেখে, হোতেছে সংশয় ॥  
 আনাদের ভাগ্যে যেন, সেরূপ না হয় ॥

কপোতরাজ পুনর্বার কহিতেছেন।

পুরাতন অতি সুরু অম্ব যেরে যার।

আহারে পেটের ভয়, কিছু নাই তার।

অপণ্ডিত সন্তান, গৃহেতে যার ভাই।

ধরাধামে তার চেয়ে, অখী কেহ নাই।

যার নারী অতি প্রিয়া, বশীভূতা হয়।

তার মত ভাগ্যবান, কেহ আর নয়।

রাজা যারে, সমাদরে, সদা দেন মান।

সর্বমতে অখী কেবা, তাহার সমান।

সদা যেই কার্য করে, করিয়া বিচার।

তার কার্যে কোনোরূপ, বিষু নাই আর।

এই কথা শ্রবণ করিরা কোনো-  
লোভী-কপোত দস্ত পূর্বক কহি-  
তেছে।

আঃ—তুমি এ কি কথা কহিতেছ?

বিশেষ বিপদ হয়, ঘটনা ঘটন।

তখন শুনিতে হবে, বৃদ্ধের বচন।

সময়েতে আর আর, যে কিছু ব্যাপার।

শুনিব বুড়ার কথা, করিয়া বিচার।

ভোজনে বুড়ার কথা, শুনিতে কি আছে?

আহারেতে, ভাল, মন্দ, বিচার কে বাছে?

অম্ব, জল, পরিপূর্ণ, এই দেখ ধরা।

সমুদয় বস্তু হয়, সংশয়েতে ভরা।

পদে পদে, যদি করি, সংশয় এমন।

কিরূপেতে হবে তবে, জীবন ধারণ?

শাস্ত্রের বচন শুন।

ঈর্ষান্বিত। ঘৃণাযুক্ত। ক্রোধি।

ভয়াকুল। অসন্তোষচিত্ত। এবং পর-  
ভাগ্যোপজীবী, ইহার। কখনই সুখি  
হইতে পারেনা।

পদ্য।

বুদ্ধিদোষে, যে পুরুষ, ঘেষের অধীন।

ঘৃণায় সতত যার, মানস-মলিন।

কিছুতেই নহে তুষ্ট, রুষ্ট প্রতিক্ষণ।

অখের আবাদ নাহি, পায় তার মন।

নিয়ত কোধের বশে, থাকে যেইজন।

বোধের সহিত তার, না হয় মিলন।

মিছেমিছি তয় পেয়ে, যে, হয়, আকুল।

পশুর সহিত তার, সদা সমতুল।

পরভাগ্য-উপজীবী, যেইজন হয়।

চিরস্থায়ী বলি তারে, অখী সেই নয়।

এই কথা শ্রবণ মার্জেই সেই স-  
কল কপোত ক্ষুদ্রভোজনার্থ সেই স-  
্থানে উপবিষ্ট হইল।—“চারু-  
ম-  
তির, নিষেধ-বাক্য কেহই শ্রবণ করি-  
লনা, লোভাকুল হইলে অতি পণ্ডিত  
ব্যক্তিও বিপদের হস্তে পতিত হ-  
য়েন।

পদ্য।

অশীল অধীর অতি, ভাবের ভেদক।

সর্বশাস্ত্রে অপণ্ডিত, সংশয়ছেদক।

লোভের অধীন হোলে, এমন অজ্ঞান।

কোনো দিন, নাহি হয়, অখ্যেতে যাপন।

সকলের কাছে হয়, উপহাস সার।

কেহ নাহি করে আর, গুণের বিচার।

গুণ, জ্ঞান, যত কিছু, মিছে সং হয়।

কেহ নাহি আর তার, উপদেশ লয়।

এত শিখে, এত পোড়ে, লাহি পায় অখ।

যথা তথা অপমান, পদে পদে ছুথ।

লোভ হইতে ক্রোধ জন্মে, কাম-  
জন্মে, মোহ জন্মে। এই লোভেতেই  
মৃত্যু হয়, অতএব লোভ সকল পা-  
পের ও সকল তাপের আকর হই-  
য়াছে।

পদ্য।

লোভেতে ক্রোধের জন্ম, ক্রোধে বোধ যায়।

বোধহীন হোলে নয়, কি রহিল ভায়?

লোভ হোতে হয় সদা, কামের সঞ্চার।

এই কাম, নানারূপ, দোষের আধার।

লোভেতে জন্মায় মোহ, নাহি থাকে শিব।

পড়িয়া মায়ায় ঘোরে, মারা যায় জীব।

পদেপদে, পরিভাপ, দিবানিশি শোক।

লোভের অধীন হোয়ে, মরে কত লোক।

এই লোভ সমুদয়, পাপের আধার।

লোভের অধীন জীব, হোয়োনাকো আর।

পরে সকলেই জালে বদ্ধ হইয়া

অত্যন্ত ব্যাকুল হইল এবং যাহার

পরামর্শক্রমে এতদ্রূপ বিপদ ঘটনা

হইল, তাহাকে তিরস্কার করিতে

লাগিল।

কোনো কার্যেই অগ্রে গমন করা

উচিত হয়না। কারণ যদি কার্য-

সিদ্ধ হয় তবে তাবতেই সমানরূপে

তাহার ফলভোগ করেন। কিন্তু বিড়-

ম্বনা-বশত বিষ হইলে প্রধান-ব্য-

ক্তিই দোষভাগী হইয়া থাকেন।

পদ্য।

আগেভাগে, কোনো কর্মে, দিওনাকো হাত।

পদেপদে, ঘটে ভায়, বিষম ব্যাঘাত।

ছোটো, বড়, সকলের, অভিমত লও।

ভাল, মন্দ, যুক্তি করি, অগ্রসর হও।

কার্য যদি সিদ্ধ হয়, কত উপকার।

সমভাগে ফলভোগ, হয় সবাকার।

বিড়ম্বনা হোলে পরে, কত ভায় ক্ষতি।

সব দোষপড়ে এসে, প্রধানের প্রতি।

সবে করে অপমান, অশেষ প্রকার।

পুরস্কার কোথা তার? তিরস্কার সার।

অতএব শুন শুন, যুবক-সমাজ।

আগে করি বিবেচনা, পরে কর কাজ।

দশে-মিলে যুক্তি করি, করিবে যে কাজ।

সে কাজ অসিদ্ধ হোলে, কিছু নাই লাজ।

ইচ্ছিদমন হয়, সম্পদের পথ।

যেপথে করিলে গতি, পূরে মনোরুথ।

ইচ্ছিয়ের অশাসন, সুপথভ্রান্ত নয়।

সেপথে করিলে গতি, অধোগতি হয়।

হুই পথ বর্তমান, রয়েছে প্রকাশ।

সেই পথে গতি কর, যাহে অভিলাষ।

এই কথা শ্রবণ করিয়া কপো-

তেশ্বর কহিলেন।—আহা! এ ব্যক্তির

কোনো অপরাধ নাই। কেন এত  
ভৎসনা কর? কেননা স্থল বিশেষে  
হিত বিষয়ও পতনশীল আপদের  
কারণ হইয়া থাকে, যেমন জননীর  
জজ্ঞা বৎসের রন্ধনের নিমিত্ত স্তম্ভ-  
স্বরূপ হয়।

পদ্য।

আহা,আহা, কেন এরে, কটুকথা কও?।  
নিজ নিজ কর্মফল, অংশ কোরে লও ॥  
পতনের কাল এসে, হইলে উদয়।  
হিত কর্মে বিপরীত, ষটে সে সময় ॥  
জননীর “জজ্ঞা”, যথা, বিশেষ সময়।  
পুত্রের বন্ধন-হেতু, স্তম্ভরূপ হয় ॥

বিপদকালে যে ব্যক্তি বন্ধুর কর্ম  
করিয়া বিপদ উদ্ধার-করণে যোগ্য  
হয়, সেই ব্যক্তিই যথার্থ পণ্ডিত।  
ভীতজনের পরিত্রাণের জন্য যে-  
ব্যক্তি ধন গ্রহণে পণ্ডিত, সে ব্যক্তি  
কখনই পণ্ডিত ও বন্ধু নহে।

পদ্য।

আপদ উদ্ধার হেতু বন্ধু হয় যেই।  
প্রাণাধিক, প্রিয়তম, বন্ধু হয় সেই ॥  
বিপদের বন্ধু যিনি, বন্ধু বলি তাঁরে।  
“বন্ধু” বোলে, সম্বোধন, করি আর কারে?।  
সময়ে-মধুর মাচি, অনেকেই হয়।  
অসময়ে কেহ তারি, নিকটে না রয় ॥

ভয়াকুল, যে জন, হরিতে তার ভয়।  
অর্থলোভে পণ্ডিত, যদ্যপি কেহ হয় ॥  
“বন্ধুত্ব”, তাহার সহ, কখনো কি হয়?।  
তারে কি পণ্ডিত বলি, পণ্ডিত সে নয়? ॥  
এই বিপদকালে বিস্ময়াপন্ন  
হওয়া কাপুরুষের লক্ষণ। অতএব  
পরিত্রাণের নিমিত্ত উপায় চিন্তা কর,  
কারণ বিপদে ধৈর্য্য, উন্নতি সময়ে  
ক্ষমা, সভায় বাকপটুতা, যুদ্ধে পরা-  
ক্রম-প্রকাশ, যশে অভিরুচি এবং  
শাস্ত্র কথা শ্রবণে আগ্রহ, এই সমু-  
দয় উত্তম পুরুষের সুলক্ষণ ও স্বভাব-  
সিদ্ধ সংস্কার।

পদ্য।

ধৈর্য্যশীল নহে যেই, বিপদ সময়।  
বোধহীন, কাপুরুষ, সবে তারে কয় ॥  
কিপদে যে ধৈর্য্য হয়, যুদ্ধ নয় শোকে।  
বন্ধুর-স্ববোধ তারে, বলে সব লোকে ॥  
সম্পদ সময়ে যেই, ক্ষমাশীল হয়।  
ক্রমাক্রমে তার সম, সাধু কেহ নয় ॥  
সভায়, যে, জয়ী হয়, বক্তৃতার বলে।  
সমাদরে, সবে তারে, সাধু সাধু, বলে ॥  
সমরে সাহসী হোয়ে, প্রকাশে, যে, বল।  
রণবিজ্ঞ বীর সেই, জীবন সফল ॥  
সতত সূখ্যাতি লাভে, রুচি আছে যার।  
স্ববোধ সজ্ঞান সেই, পুরুষের সার ॥  
শুনিতে শাস্ত্রের কথা, শ্রদ্ধা যার মনে।  
ধার্মিক পুরুষ তারে, কহে সর্বজন ॥

সম্পদে আত্মা দান নাই, নাহি ভাবে সুখ।  
বিপদে বিষাদ নাই, নাহি পায় দুখ ॥  
সম্পদ বিপদ, যার, সকল সমান।  
সমরে প্রভুত্ব করে, হইয়া প্রধান ॥  
এমন ত্রিলোকশ্রেষ্ঠ, প্রাণের নন্দন।  
যে জননী, জঠরেতে, করেন ধারণ ॥  
তার পদে কোটি কোটি, করি নমস্কার।  
“ভগবতী”, বোলে সদা, পূজা করি তাঁর ॥  
নারী শিরোমণি সেই, রত্নগর্ভা সতী।  
চরণে প্রণত হোয়ে, করহ প্রণতি ॥

যে পুরুষ ঐশ্বর্য্য, ও সুখ-লাভের  
প্রত্যাশা করেন, তিনি যেন নিদ্রা,  
তন্দ্রা, ভয়, ক্রোধ, আলস্য এবং দীর্ঘ-  
সূত্রতার অধীন না হন।

পদ্য।

ধন আর সুখ লাভে, আশা যদি হয়।  
দীর্ঘসূত্রীতাব ধরা, সুবিহিত নয় ॥  
শ্রমজলে পূর্ণ কর, শরীর-কলস।  
হোয়োনা হোয়োনা, তবে, হোয়োনা জলস ॥  
নিদ্রা, তন্দ্রা, ভয়, ক্রোধ, কর পরিহার।  
ভ্রম হর, শ্রম কর, সাধা, যে, প্রকার ॥  
দীর্ঘসূত্রী, ভীত, ক্রোধী, নিদ্রালু, অলস।  
কখনো না পায় সুখ, নাহি পায় যশ ॥  
অসময়ে নিদ্রাগিরা, যদি হর কাল।  
কেমনে হইবে তবে, প্রসন্ন কপাল? ॥  
বিফলে হরিলে কাল, অলস হইয়া।  
স্বাধীনতা-সুখ পাবে, কেমন করিয়া? ॥  
এই দণ্ডে, যে, কর্ম, সফল হোয়ে যায়।  
কোনোমতে বিলম্ব, বিহিত নহে তা ॥

ভয় আর ক্রোধ হয়, বিষম বিশাল।  
উভয়ের বশ হোয়ে, যদি হর কাল ॥  
পদেপদে হবে তবে, বিপদ তোমার।  
সম্পদ নিকটে কড়ু, আসিবেনা আর ॥  
সমুচিত যত্ন কর, ধন আহরণে।  
তবিরত হও রত, সুকার্য সাধনে ॥  
ন্যায়মত, পার যত, কর উপার্জন।  
হিতকর কার্যে তাহা, কর বিতরণ ॥  
প্রথমে আপনি কর, হিত আপনার।  
পরে কর শক্তিসারে, পর উপকার ॥  
প্রমোদিত ধন ব্যয়, কুশল-কারণ।  
সার্থক শরীর তায়, সার্থক জীবন ॥  
বিনাপ্রাণে বিফলেতে, দিন যার যায়।  
জনম বুধায় তার, জনম বুধায় ॥  
তবে এসে নাগ যার, না হয় প্রকাশ।  
অদ্যাপি নাগের গর্ভে, সে, করিছে বাস ॥

অতএব আর ক্ষণকাল মাত্র বি-  
লম্ব করা বিধেয় হয়না। এইক্ষণে  
সকলে ঐক্যমতে স্থিরপ্রতিজ্ঞ হইয়া  
জাল লইয়া শূন্যমার্গে উদ্ভীষমান  
হও। একতার অপেক্ষা মহদগুণ  
আর কিছুই নাই। তৃণ সকল একত্র  
সংযুক্ত হইলে মত্ত-মাতঙ্গকে অনায়া-  
সেই বন্ধ করে। স্বজাতীয় অতি  
তুচ্ছ-বিষয়ের সংযোগও পুরুষের  
পক্ষে মহামঙ্গলদায়ক হয়।

পদ্য।

পরস্পর ঐক্য হোয়ে, থাকো পরস্পর।  
সবাই নির্ভর কর, সবারি উপর ॥

হীন বোলে কেহ কারো না করিবে দেষ।  
স্বজাতির মাজে নাই, ইউর, বিশেষ ॥  
তুণ সব পরস্পর, হইয়া মিলন।  
রজ্জুর আকার করে, যদ্যপি ধারণ ॥  
তার কাছে কোথা আছে, দারুণ দাঁতাল।  
অনায়াসে বাঁধা যায়, মাতঙ্গ-মাতাল ॥  
সেই সব তুণ যদি, ভিন্ন হোয়ে রয়।  
পীপিড়ারে, বদ্ধ করে, সাধ্য নাহি হয় ॥  
আর দেখ, অপরূপ, তুণুলের ভাব।  
স্বজাতীয় ধর্মে ধরে, কেমন স্বভাব ॥  
অসার তুণের মাজে, যতক্ষণ রয়।  
“খান্য” নামে ততক্ষণ, সার ভার বয় ॥  
রোপণ করিলে করে, অক্ষুর ধারণ।  
জীবের জীবিকা হোয়ে, বাঁচায় জীবন ॥  
তুষহীন হোলে পরে, সেভাব না রয়।  
আর তাতে, কোনোমতে, অক্ষুর না হয় ॥  
অসারের মাজে সার, সারেতে অসার।  
বীজ দেখে, কর সবে, ফলের বিচার ॥  
অসার ভেবনা কিছু, আকার দেখিয়া।  
দোষ-গুণ, স্থির কর, বিচার করিয়া ॥  
স্বজাতির, মাজে নাই হয়, উপাদেয়।  
সকলেই শ্রেয় আর, সকলেই প্রেয় ॥  
অতএব জাল লোয়ে, উড়ে চল সবে।  
উপায় করিয়া দেখি, যা, হবার হবে ॥

এবং প্রকার পুরামর্শ করিয়া সকল  
পক্ষি জাল লইয়া উড়ারে উড়িল।—  
সেই ব্যাধ দূর হইতে জালহরণকারি  
কপোতকুলকে দৃষ্টি করিয়া পশ্চাৎ  
পশ্চাৎ গমন করিতে করিতে এমত  
বিবেচনা করিল, যে, ইহার এই-

ক্ষণে উড়িতেছে, উড়ুক। কিন্তু যখন  
পৃথিবীতে পুনর্বার পতিত হইবে  
আমি তখন অনায়াসেই ধৃত করিব,  
অনন্তর বিহঙ্গমগণ যৎকালে তাহার  
দৃষ্টিপথ অতিক্রম করিয়া প্রস্থান  
করিল, তৎকালে ব্যাধ নিরূপায় ও  
নিরাশ হইয়া নিরস্ত হইল।—নিষা-  
দকে নিরস্ত দেখিয়া কপোতেরা কহি-  
তেছে, এখনকার কর্তব্য কি? মাতা-  
পিতা এবং মিত্র, এই তিন জন স্বভা-  
বতই হিতকারি হইয়া থাকেন, অপর-  
লোকেরা কার্য্য-কারণের অনুরোধ-  
পরবশ হইয়া হিত-সাধন করে।

আমারদিগের মিত্র “সুহৃৎ”  
নামক মুষিকরাজ “বিমলা” নদীর  
তীরে “বিনোদবনে” বসতি করেন,  
অতএব চল তাঁহার নিকট গমন করি,  
সেই “সুহৃৎ” পরম সুহৃৎ, ও ধা-  
র্ম্মিক, তিনি দৃষ্টিমাত্রেই দয়া প্রকাশ  
পূর্বক এইদণ্ডেই বন্ধন-মোচন ক-  
রিয়া দিবেন। একপ স্থির করিয়া  
পাশবদ্ধ কপোত সকল সেই ইন্দুর  
রাজার নিকট গমন করিল।—ই-  
ন্দুর প্রাণের ভয়ে সর্বদাই শতদ্বার-  
গর্ত মধ্যে বাস করেন, পক্ষিপুঞ্জের  
পতনে পক্ষের শব্দ শ্রবণে অভ্যস্ত

ভীত হইয়া এক দ্বারের এক পাশে  
চুপ করিয়া রহিলেন।

কপোতরাজ কহিলেন।

হে সুহৃৎ! তুমি পরমবন্ধু, সু-  
হৃৎ হইয়া অদ্য কেন বিমুখ হই-  
তেছ? এই দেখ, আমরা অতিশয়  
বিপদগ্রস্ত, শরণাগত হইয়া বিপদ-  
ভঞ্নের জন্য তোমার আশ্রয়ে আ-  
সিয়াছি, অতএব আমারদিগে যথা-  
যোগ্য সম্ভাষণ কর।

মুষিক সেই স্বরে মিত্রের আগ-  
মন নিরূপণ পূর্বক তৎক্ষণাৎ বাহির  
হইয়া কহিলেন, হায়!। আমি কি  
পুণ্যবান! অদ্য প্রাতে গৃহে বসিয়া  
পরম-বন্ধুর দর্শন পাইলাম।

পদ্য।

মিত্র-সহ একত্র, ফে গৃহে করেবাস।  
পবিত্র তাহার সব, ধন্য তার বাস ॥  
উভয়ত পরস্পর, সুখের সম্ভাষণ।  
না বহে কাহারো মনে, দুখের বাতাস ॥  
সাধুভাবে সদাচার, সদা সদালাপ।  
একেবারে দূর হয়, সকল বিলাপ ॥  
পরস্পর ভেঙে যায়, উভয়ের ভেদ।  
কারো মনে, কিছুমাত্র, নাহি থাকে খেদ ॥  
উভয়ের একতাব, স্বভাবে সরল।  
মনের মন্দিরে নাই, গরিমা গরল ॥  
এরূপ প্রণয়-ভাবে, কাল কাটে যারা।

সাধু সাধু, ধরাতলে, পুণ্যবান তারা ॥  
অদ্য কিবা, শুভদিন, সুখের ঘটন।  
যরে বোসে পাইলাম, মিত্র-দরশন ॥  
ত্রিজনতে কেহ নাই, বন্ধুর সমান।  
হায়, হায়, হায় আমি, কিবা পুণ্যবান ॥  
বহুকাল দেখি নাই, আহা মরি মরি।  
এসো এসো এসো ভাই, কোলাকুলি করি ॥

তাহার পর কপোতকুলকে পাশবদ্ধ  
দৃষ্টে-বিস্ময়াপন্ন হইয়া ব্যাকুলচিত্তে  
জিজ্ঞাসা করিলেন, বন্ধু, একি?  
একি?

চারুমতি কহিলেন।

আর ভাই, দুঃখের কথা কি ক-  
হিব? এই দেখ, আমারদিগের পূর্ব-  
জন্মের কর্মের ফল,—মনুষ্য পূর্ব পূর্ব  
জন্মে যে যে রূপ কর্ম করে, পরজন্মে  
সেই সেই কর্মানুরূপ শুভাশুভ ফল-  
ভোগ করিয়া থাকে,—ঈশ্বরেচ্ছায় তা-  
হার অন্যথা কখনই হয়না।

পদ্য।

নিজকৃত-কর্মরূপ, অপরাধ-শাখি।  
ফলবান হোতে আর, কিছু নাই বাকী ॥  
ব্যসন, বন্ধন, আর, শোক, তাপ, রোগ।  
ফলেছে সকল ফল, ভাই করি ভোগ।  
তখন ইন্দুররাজ কপোতরা-  
জার বন্ধন-মোচনার্থ শীঘ্রই সমীপস্থ  
হইলেন “চারুমতি” কহিলেন, হে

তাই মুকুৎ!—আমার আশ্রিত এই  
সমস্ত পক্ষির পাখি অগ্রে ছেদন  
কর—পরে আমাকে বন্ধন হইতে  
মুক্ত করিও।

মুখিক কহিলেন।

লঘুত্ৰিপদী।

স্বভাবে অবল, না হই সবল,  
কোমল-রদন ধরি।  
হোয়ে ক্ষীণজন, সবার বন্ধন,  
কেমনে ছেদন করি? ॥  
যতক্ষণ বল, ততক্ষণ বল,  
বল'করা' তাই সাজে।  
বলগেলে পর, কিসে করি ভর,  
কাতর হইব কাজে ॥  
নিজ-প্রাণ তাই, আগে রাখা চাই,  
মানা কর কেনু তবে?।  
প্রথমে তোমার, করিব উদ্ধার  
যা, হবার, শেষ হবে ॥  
তব অলুচর, এসব খেচর,  
বাঁচাতে পারিব যত।  
করিবনা ক্রটি, জাল কুটি কুটি,  
কাটিতে হইব রত ॥  
নীতিশীল যারা, নিজ প্রাণ তারা,  
আগে ভাগে রক্ষা করে।  
আপনি বাঁচিয়া, উপায় করিয়া,  
পরে, বাঁচায় পরে ॥  
বিধি যেই রূপ, কর সেই রূপ,  
বুধ গণ যাহা কহে।

দিয়ে নিজ প্রাণে, অপরে বাঁচানো,  
বিধানো কখনো নহে ॥  
ওহে তাই! লোক-প্রসিদ্ধ কথা।  
“আয় রেখে ধর্ম। পরে পিতৃলোকের কর্ম  
বিপদ রক্ষার হেতু, ধনে প্রয়োজন।  
সেই ধনে করে লোক, দারার পালন ॥  
ধন দ্বারা, দারা দ্বারা, নিজ রক্ষা, করে।  
সকলি বৃথায় হয়, দেহ গেলে পরে ॥

কপোতরাজ কহিলেন।

তোমার এই বাক্য নীতিশাস্ত্র-  
সম্মত বটে।—কিন্তু তাই, ইহারা  
আমার নিতান্তই অধীন, ইহারদি-  
গের দুঃখ কোনোমতেই সহ্য করিতে  
পারিনা। অতএব আমার প্রাণ-  
নাশ হউক, তাহাতে হানিমাত্রই  
নাই, আমার আশ্রিত অনন্যগতি  
এই পক্ষিদিগে তুমি প্রাণদান কর।

পত্নী।

বৈষ্ণবো বিভূষিত, পণ্ডিত যে জন।  
স্বভাবত সর্বমতে, সে হয় সূজন ॥  
হরিতে পরের দুঃখ, করিতে উদ্ধার।  
মরিতে যদ্যপি হয়, সে করে স্বীকার ॥  
ধননাশ, প্রাণনাশ, সর্বনাশ হোলে।  
“উপকার-ধর্ম” কভু, ছাড়েনাকো সোলে ॥  
আপনার অমৃতগত, আশ্রিত যে হয়।  
তাহার “কুশল-পথে” মন যেন রয় ॥  
বিশেষত যিনি হন, সাধু সূতাজন।  
যাতে হয়, কর তাঁর, বিপদ ভঞ্জন ॥

সাধুর উদ্ধারে যায়, যদ্যপি জীবন।  
সাধুবাদ দিবে তায়, সকল সূজন ॥  
ধন, জন, আদি সব, বিভব বিষয়।  
মানবের পক্ষে কিছু, চিরস্থায়ি নয় ॥  
জীবন ধরেছ এই, শরীর আগারে।  
কখন বিনাশ হবে, কে কহিতে পারে? ॥  
নিত্য নয় “মলময়” শরীর তোমার।  
কালের প্রভাবে হবে, হবেই সংহার ॥  
হবেনা সমান ভোগ, রবেনা জীবন।  
অমৃতরাগে কর শুধু, কীর্তির স্থাপন ॥  
যতদিন না হবে, সে, কীর্তির সংহার।  
ততদিন হবে ভবে, সুখ তোমার ॥  
সাধ্যমতে না করিলে, কীর্তির স্থাপন।  
বৃথায় শরীর তেবে, বৃথায় জীবন ॥  
বিনয়েতে তাই তাই, বলি বারেবারে।  
ধর্মের সঞ্চয় কর, শক্তি অমৃতসারে ॥  
বিপদে অশ্রিত হোয়ে, যে লয় শরণ।  
বাঁচাও বাঁচাও, তার, বাঁচাও জীবন ॥

এতদ্বর্ণে-মুখিকেশ্বর প্রফুল্লচিত্তে  
কহিলেন।

হে মিত্র, সাধু সাধু!—তোমার  
এই শরণাগতবাৎসল্যধর্ম আমা-  
র অন্তঃকরণরূপ-সমুদ্র আনন্দ-তর-  
ঙ্গে প্লাবিত হইল। আহা! তোমাকে  
ত্রিলোকের প্রভু প্রদান করাই ক-  
র্তব্য।

পরে একে একে সকলের বন্ধন  
মোচন করিয়া কহিলেন। হে সখে!

এই বন্ধনদশায় পতিত হওয়াতে  
তুমি আপনার প্রতি আপনি অবজ্ঞা  
করিওনা। ইহাতে তোমাদের দোষ  
মাত্রই নাই।

পদ্য।

আকাশে যোজন-শত-দূরপথে থাকি।  
আহার দেখিতে পায়, যে সকল পাখি ॥  
পক্ষ সব পক্ষ করি, ইচ্ছাধীন চরে।  
এক্য হোয়ে পরস্পর, কত লক্ষ্য করে ॥  
শ্রেণী গাঁথা লক্ষ লক্ষ, লক্ষ্য করে সুখে।  
উপলক্ষ একমাত্র, খাদ্য দেবে মুখে ॥  
এপ্রকার সূচতুর, বিহঙ্গম যত।  
হইলে দশার দোষ, হয় জ্ঞানহত ॥  
যুনালে নিজ নিজ, মরণের কাল।  
চোখে না দেখিতে পায়, নিষাদের জাল ॥  
আহারের লোভে ভুলে, সন্ধান না জানে।  
পাশের বন্ধনে পোড়ে, মারা যায় প্রাণে ॥  
গভীরসাগর-জলে, চরে যত মীন।  
তাহারা হতেছে সব, জালের অধীন ॥  
আগেতে না জেনে মনে, বিপদের লেশ।  
ধরাপোড়ে, ধরা দেখে, মারাপড়ে শেষ ॥  
জ্যোতির্ময় জগতের, প্রকাশক রবি।  
প্রকাশে প্রকাশ করে, মনোহর ছবি ॥  
শোভাকর নিশাকর, সুধার আধার।  
চারুকরে, দূর করে, নিশির আধার ॥  
হেন রবি, হেন শশী, কে বুঝিবে হেতু।  
উভয়েরে পীড়া দেয়, রাহু আর কেতু ॥  
ভয়ানক “শয়ানক” নাম বিষধর।  
মূর্ত্তিখানি মনেহোলে, কাঁপে কলেবর ॥

অধর অমৃতরস, যারে করে দান।  
অমনি অধির করে, হরে তার প্রাণ ॥  
বায়ুখেয়ে, আয়ু রেখে, বিনা পদে চলে।  
পাষাণেরে তন্ম করে, নিশাসের বলে ॥  
হেন সর্প দর্পহীন, "সাপুড়ের" হাতে।  
বিষদাঁত ভেঙে দেয়, অস্ত্রের আঘাতে ॥  
মিছে করে ফোঁস ফাঁস, ফুলাইয়া ছাতি।  
হেলায় খেলায় তারে, বুকে মেরে লাতি ॥  
ভয়ঙ্কর কলেবর, দণ্ডধর-করী।  
খর খর কাঁপে দেহ, যারে দৃষ্টি করি ॥  
এমন প্রকাণ্ড হাতী, বন্ধ হোয়ে পাশে।  
মানবের অধীনেতে, আসে অনায়াসে ॥  
নানাশাস্ত্রে সুপণ্ডিত, জ্ঞানবান যত।  
দীন হোয়ে, দিন কাটে, দুঃখ পায় কত ॥  
বিধাতাই বলবান, সন্দেহ কি তার।  
যা, করেন, তাই হয়, কি আছে উপায় ॥  
বল, বল, বুদ্ধি, বল, কিছু কিছু নয়।  
যা, হবার তাই হয়, হইলে সময় ॥  
এখান, সেখান, নাই, নাই উঁচু, নীচু।  
কালপেলে কাল আর, বাছোনাকো কিছু ॥  
প্রতিক্ষণ মুখপেতে, রয়েছে শমন।  
দূর হোতে সকলেরে, করিছে গ্রহণ ॥

অনন্তর পক্ষি সকলকে যথাসাধ্য  
খাদ্যদ্রব্য প্রদান পূর্বক ভোজন ক-  
রাইয়া সম্মান-সহকারে বিদায় ক-  
রিলেন।

অতএব শত শত সংখ্যায় মিত্র-  
বৃদ্ধি করা মনুষ্যের পক্ষে কর্তব্য হই-  
তেছে।—দেখ, ইন্দুরের সহিত মি-

ত্রতা করাতেই কপোতেরা অন্য-  
য়াসে বন্ধনদশা হইতে মুক্ত হইল।

“চতুর” নামক কাক তৎসমু-  
দয় প্রত্যক্ষ দর্শন করিয়া মচৎকৃত  
হইল, এবং কহিল, হে মুষিকরাজ!  
তুমি ধন্য। তুমিই ধন্য!—হে ভদ্র!  
তোমার মিত্রতাক্রপ রত্নলাভের নি-  
মিত্ত আমি অত্যন্ত লোলুপ হই-  
য়াছি।—অনুকম্পা পুরঃসর আমাকে  
সেই পরমধন বিতরণ কর।

মুষিক, গর্ভের মধ্যে প্রবেশ ক-  
রিয়া জিজ্ঞাসা করিলেন “কে তুমি,  
এখানে আগমন করিয়াছ?”

কাক কহিল, আমি “চতুর” নামক  
কাক, আপনার ধার্মিকতা, বন্ধুতা  
এবং করুণা প্রভৃতি গুণে বদ্ধ হইয়া  
প্রণয়-করণার্থ নিতান্তই উৎসুক হই-  
য়াছি।

ইন্দুর কহিলেন, তোমার সহিত  
তোমার সখ্যতাব কিরূপে সম্ভবে?

যেহেতু আমি ভক্ষ্য, তুমি ভক্ষক। অ-  
পিচ কুল এবং স্বভাব জ্ঞাত না হইয়া  
অকস্মাৎ আগন্তকের প্রতি বিশ্বাস  
করা উচিত হয়না।

পদ্য।

হিংস্রকের সহ-বাস, না হয় উচিত।  
ভক্ষকের প্রেম কোথা, ভক্ষ্যের সহিত ॥

খলের প্রণয়ে কার, কবে হয় হিত।  
হিত তেবে প্রীতি কোরে, ঘটে বিপরীত ॥  
প্রেমভাবে থাকে কোথা, করী আর হরি?।  
প্রেমভাবে থাকে কোথা, হরি আর হরি?।  
বাঘ বল, কোনকালে, মেঘপালে পালে?।  
কোনকালে প্রেম হয়, ইঁদুর বিভালে?।  
কোনকালে প্রেম হয়, পুণ্য আর পাপে।  
কোনকালে প্রেম হয়, বেজী আর সাপে।  
কোনকালে প্রেম হয়, আলো আর ঘোরে।  
কোনকালে প্রেম হয়, সাধু আর চোরে?।  
কোনকালে কাঁচ সহ, তুলা হয় হেম।  
হীন-সহ, সবলের, কবে হয় প্রেম?।  
অমৃত অমৃত সহ, কখনো কি রয়?।  
ছুধের সহিত কোথা, ঘোলের প্রণয়?।  
এক ঠাই কোথা থাকে, সত্য আর ছল?।  
সবলের প্রেমে প্রেমী, কবে হয় খল?।  
ব্যাধের নিকটে কোথা, প্রেম পায় পাখি।  
কুঠারের কাছে কোথা, প্রেম পায় শাখি?।  
কোনকালে মিল হয়, অগ্নি আর জলে?।  
কোনকালে মিল হয়, শূন্য আর স্থলে?।  
সরল স্বভাবে হোলে, উভয় সমান।  
পরস্পর প্রেম করা, বিহিত বিধান ॥  
কুল, শীল, স্বভাবের, নিয়ে পরিচয়।  
সবিশেষ জ্ঞাত হবে, ভাব সমুদয় ॥  
অকস্মাৎ আগন্তকে, করিয়া বিশ্বাস।  
কানোমতে বিধি নয়, তার সহ বাস ॥  
স্বভাবে জানিব যারে, সুশীল স্বজন।  
মিত্রভাবে লব গিয়া, তাহার শরণ ॥  
তার সহ সদালাপে, দূর হবে দুখ।  
স্থির প্রেমে চিরকাল, পাব কত সুখ ॥  
একে দেখী, তাহাতে, অজ্ঞাতপরিচয়।

কেমনে তোমার সহ করিব প্রণয়?।  
বিড়ালের বাক্যে ভুলে, করিয়া প্রণয়।  
অবশেষে শকুনির, দণ্ড পাছে হয় ॥  
প্রাচীন শকুনি, এক সালবৃক্ষ পরে।  
পুখিদের ছানাগুলি, সদা রক্ষা করে ॥  
বিড়াল, তপস্বীবেশ, করি ধারণ।  
কহিল কপট করি, ধর্মের বচন ॥  
“রাম রাম” কৃষ্ণ কৃষ্ণ, হরে হরে হরে।  
কেমন করিয়া লোক, জীবহত্যা করে?।  
অনায়াসে বাঁচে প্রাণ, ফল লম্বু খেয়ে।  
ধর্ম আর কিছু নাই, “অহিংসার চেয়ে ॥  
তরু আছে, শাক আছে, পাতা আছে ডালে।  
পাপ কোরে কেন তবে, পোড়া-পেট পালে? ॥  
কত কষ্টে আহরণ, আমিষ-ভক্ষণ।  
পরিণামে, পরিপাকে, মলের স্বজন ॥  
আহারেতে, এক জীব, কিছু সুখ পায়।  
এক জীব একেবারে, যমায়গে যায় ॥  
যাহারে ছেদন কর, লোভে করি ভর।  
মৃত্যুকালে হয় সেই, কেমন কাতর? ॥  
দেখিয়া না হয় মনে, দয়ার উদয়।  
হায় হায়, হায়, এরা, এমন নিদয় ॥  
প্রথমে করেছি কত, পাপ-আচরণ।  
হয়েছি তপস্বী শেষ, কোর চান্দ্রায়ণ ॥  
শরীরে ইন্দ্রিয় আর, নহে বলবান।  
এখন কেবল করি, ধর্ম অনুষ্ঠান ॥  
সমুদয় নাশ হয়, দেহের সহিত।  
মোলে পাবে আর কেহ, নাহি করে হিত ॥  
কেবল সঙ্কেতে যায়, এক মাত্র ধর্ম।  
সকল সময়ে করে, মিত্রতার কর্ম ॥  
অতএব কর সব, ধর্মের সঞ্চয়।  
পাপ যেন, মনের, নিকটে নাহি রয় ॥

দেখ, হিংসা পরিহার, ক্রমাগত ধর।  
সাধ্যমতে, জগতের, উপকার কর ॥  
এ প্রকার মহাশুণে, বিভূষিত যেই।  
ইহলোকে স্বর্গসুখ, ভোগ করে সেই ॥  
তার সহ থাকে যেই, ধার্মিক সে, হয়।  
সাক্ষাৎ “দেবতা” তারে, সকলেই কয় ॥  
আর তার, পাপ, তাপ, কিছু নাহি রয়।  
“সাধুসঙ্গে স্বর্গবাস” শাস্ত্রে তাই কয় ॥  
এরূপ কপট-ধর্ম্মে, ভেবে পুণ্যবান।  
শকুনি বিশ্বাস করি, দিলে তারে স্থান ॥  
তাপসের বেশধারী, বিড়াল তখন।  
পাখির শাবক সব, করিল ভোজন ॥  
শকুনি খেয়েছে “ছানা” ভেবে এ প্রকার।  
সকল পাখিতে তারে, করিল সংহার ॥  
সহজে দুর্বল আমি, কি জানি, কি, হয়।  
তোমার প্রণয়ে তাই, তাই করি ভয় ॥

কাক কহিতেছেন।

ভাই, আমি প্রণয়াকাজক্ষী, আ-  
শ্রিত, অতিথি।—তুমি মহৎ হইয়া  
আমাকে সুসস্তাষণে কেন রূপণ হই-  
তেছ? অতি শত্রুব্যক্তি গৃহে আই-  
লেও তাহাকে আদর করিতে হয়।

দীর্ঘ চৌপদী

কোনোরূপ অভিলাষে, শত্রু যদি কাছে আসে,  
সুমধুর প্রিয়ভাষে, কর তার তোষণ।  
প্রেমভাব মনে ধরি, পূর্বভাব পরিহারি,  
দেষভাব দূর করি, স্বভাবেই দোষনা ॥  
বাহিরের শত্রু যারা, কি করিতে পারে তারা,  
ভিতরের শত্রুগণে, একেবারে রোষণ।

ভেদ নাই আগ্র পরে, থাকে নিজ ভবতরে,  
অনুরাগ রবিকরে, “জ্ঞানিন্দী” শোষণ।  
আপনার কলেবরে, মানসের সরোবরে,  
মোহন-মরাল চরে, সেই পাখি পোষণ।  
নিজবোধ কবে কবে, নিজভাব তাব সবে,  
এই ভবে, বিধিরবে, রবে তবে ঘোষণ।

পয়ার।

অতিশয় নীচ লোক, বাসে যদি আসে।  
প্রিয়ভাষে সাধু তারে, তখন সম্মাষে ॥  
সমাদর, সাধুভাষ, সজ্জনের কাছে।  
স্থল, জল, আসনের, অতাব কি আছে? ॥  
মহতের মহিমার, কি কহিব ভেদ।  
তার কাছে, ছোট, বড়, কিছু নাই ভেদ ॥  
কিছুতেই নাহি ভাবে, মান অপমান।  
শত্রু আর মিত্র তার, উভয় সমাদর ॥  
দেখ দেখ, নিশাপতি, কিবা গুণ ধরে।  
ইতর বিশেষ, কিছু, ভেদ নাহি করে ॥  
কোথাবা, চণ্ডাল নীচ, কোথা বিপ্রবর।  
সমভাবে সকলের, ঘরে দেন কর ॥  
আপনি রাহুর মুখে, হইয়া পতন।  
শুক্লিমাননে, নরে করে, মুক্তি বিতরণ ॥  
কুঠারে তরুর ফল, ছেদন, যে, করে।  
ছায়াদানে তরু তরু, তাপ তার হরে ॥  
স্বকরে আখের মূল, যে, করে ছেদন।  
মধুর আশ্বাদ তারে, করে বিতরণ ॥  
যতদিন লবে তুমি, আশ্রমের সুখ।  
কেহ যেন আশ্রয়েতে, না হয় বিযুখ ॥  
তবেই মহিমা বুঝি, জগ যদি হর।  
যে, যেমন পাত্র, তারে, সেইরূপ কর ॥

যথাসাধ্য সেবা কর, দিয়ে কিছু গ্রাস।  
অতিথি কখনো যেন, না হয় নিরাশ ॥  
কিছু যদি নাহি জোড়ে, হোয়ে নিরুপায়।  
বিনয়েতে তুটু করি, করিবে বিদায় ॥  
অখিতি যদ্যপি হয়, বিযুখে বিদায়।  
আপনার, পাপ দিয়ে, পুণ্য লোয়ে যায ॥  
রীতিমত, যদি তার, রাখ তুমি মান।  
পাপ নিয়া, আপনায়, পুণ্য করে দান ॥  
ব্রাহ্মণ, ক্ষত্রিয়, বৈশ্য, শূদ্র, চতুর্কর।  
ব্রাহ্মণ সবার গুরু, শাস্ত্রে এই কয় ॥  
রমণীর পতি গুরু, তাহে কি সংশয়।  
সকল বর্ণের গুরু, অতিথি, যে, হয় ॥  
সর্বদেব স্বরূপ, অতিথি, এই জেনে।  
যথাসক্তি পূজা কর, নীতিশাস্ত্র মেনে ॥  
প্রেমের অতিথি আমি, অন্য নাহি চাই।  
প্রেমধন আমায়, প্রদান, কর ভাই ॥

ইন্দুর কহিলেন।

অতিথি সর্বজই পূজ্য বটে, কিন্তু  
দুষ্কর্তব্য, খল মিত্র, প্রত্যাশ্রয়দায়ক  
দাস এবং সর্পের সহিত বাস করণ বি-  
ধেয় নহে।

পদ্য।

দারা যদি দুষ্কা হয়, দূর কর তারে।  
সে যেন নিকটে আর, আসিতে না পারে ॥  
দাস হোয়ে করে যেই, সমান উত্তর।  
তার চেয়ে নাহি আর, অধম কিঙ্কর ॥  
কখন কি রূপ কহে, সদা এই ভয়।  
এ দাসের, প্রভু যেন, কেহ নাহি হয় ॥

মিত্র যদি খল হয়, মিত্র সেই নয়।  
তার চেয়ে শত্রু অঙ্গ, জগতে কি হয়? ॥  
গরল-মিশ্রিত সুখ, মন্দ অতিশয়।  
সেইরূপ অবিকল, খলের প্রণয় ॥  
তার সহ, প্রেমালোপে, ঘটে বিপরীত।  
খলের ছলের প্রেমে, নাহি হয় হিত ॥  
সর্প-সহ গৃহে বাস, না হয় বিধান।  
কখন দংশন করি, বিনাশিবে প্রাণ ॥  
নষ্টানারী, খলমিত্র, অবিনয়ী দাস।  
সমভাবে, সকলেই, করে সর্বনাশ ॥  
সর্প সহ একঘরে, বাস যদি হয়।  
তখাচ এদের সহ, বাস বিধি নয় ॥  
সাপের কামড়ে বটে, মরে জীবগণ।  
এ তিনের কামড়েতে, জীয়ে মরণ ॥  
প্রতীকার নাহি তার, ঘোর বিড়ম্বনা।  
বৈচে থেকে চিরকাল, সমান যাতনা ॥

ভাই। “মিত্র” এই শব্দটি শু-  
নিত অতি সুমধুর বটে, কিন্তু সমূহ-  
সৌভাগ্য ব্যতীত কখনই মিত্রলাভ  
হয়না, এক হরিণের সহিত এক কা-  
কের যথার্থরূপ মিত্রতাই হইয়াছিল,  
এক বঞ্চক-বন্ধু বঞ্চক কপট-প্রণয়ে  
সেই কুবঞ্চকে পাশবদ্ধ করিয়াছিল,  
অকপট-সরল বন্ধু কাক তাহাকে  
সেই বিপদ হইতে উদ্ধার করিল।

পদ্য।

“কাক” আর “যুগ” এক, চম্পকনগরে।  
অকপট-প্রেমে দোঁহে, সুখে বাস করে ॥

বঞ্চক বঞ্চক এক, তথাকাসিয়া।  
 কহিল মৃগের প্রতি, বিনয় করিয়া।  
 শুনেছি, ধার্মিক তুমি, প্রেমিক পণ্ডিত।  
 প্রণয় করিতে চাই, তোমার সহিত।  
 হুখে করি দিনপাত, এই বনে রোয়ে।  
 মৃতদেহ বোয়ে মরি, বন্ধুহীন হোয়ে।  
 তোমায় প্রাণের প্রিয়, করি দরশন।  
 আজ আমি মৃতদেহে, পেলেন জীবন।  
 তব অমুচর হোয়ে, থাকিব এ বনে।  
 “সাধু-সঙ্গ স্বর্গস্থ” পাব প্রতিফল।  
 স্বভাবে সরল মৃগ, চাতুরী না জানে।  
 শৃগালে আদর করি, রাখিল সম্মানে।  
 সন্ধ্যাকালে “কাক” কহে, মৃগ সন্নিধানে।  
 কোথা হোতে ধূর্ত “শ্যাল” এসেছে এখানে?।  
 “কুরঙ্গ” কহিল, ইনি, “জম্বুক” সাজন।  
 এসেছেন, মিত্র-লাভ-সন্তোষ কারণ।  
 “কাক”, কহে, কেন এরে, দিয়েছ আশ্বাস?।  
 অকস্মাৎ আগন্তকে, কোরোনা বিশ্বাস।  
 বিশেষত, স্বভাবত “শ্যাল” শঠ হয়।  
 মিত্রতার যোগ্য এরা, কখনই নয়।  
 কোপে কাঁপে কলেবর, কদলির প্রায়।  
 “শ্যাল” বলে, “কাক” তুমি, কি বল আমায়?।  
 আগন্তক আমি বটে, তাহে কি সংশয়।  
 দৃষ্টি-মাত্রে শত্রু, মিত্র, ভেদ কিসে হয়?।  
 যখন মৃগের সহ, প্রথম মিলন।  
 কল্পে বিশ্বাসী তুমি, হইলে তখন?।  
 নিজে “কাক” নষ্ট তুমি, নষ্টব্যবহার।  
 নষ্ট ভাই, দেখিতেছ, অখিল সংসার।  
 কুরঙ্গের নিকটে, মাছুষ নাই আর।  
 বেড়েছে তোমার ভাই, এত অহঙ্কার।  
 শুক, পিক, হংস আদি, পক্ষি নাই যথা।

কটুভাষি কাকের, আদর হয় তথা।  
 যে বনেতে সিংহ আদি, নাই, মৃগপাল।  
 সে বনেতে রাজা হয়, চতুর শৃগাল।  
 ভুজঙ্গের অবস্থান, যেখানে না বয়।  
 মহীলতা “কেঁচো” তথা, বিষধর হয়।  
 যে দেশেতে, নাই থাকে, সাধুর সমাজ।  
 সেদেশে প্রভুত্ব করে, চোর ধূর্তরাজ।  
 যেদেশেতে বিদ্যমান, নাই, বিজবর।  
 সেদেশেতে হয় শুধু, মূর্খের আদর।  
 যেদেশে উদয় নাই, চাঁদ সুধাকর।  
 সেদেশে প্রদীপ হয়, আলোর আকর।  
 যেদেশেতে দাতা নাই, দাতা তথা “রেয়ে”।  
 যেদেশেতে “সতী”, নাই, বেশ্যা তথা, এয়ে।  
 সুফলের তরু যথা, নহে ফলবান।  
 সেদেশে “ভেড়ে গু”, হয়, তরুর প্রধান।  
 দ্বিতীয় স্তম্ভ কেহ, নহে বিদ্যমান।  
 এখানে হয়েছ তাই, তুমিই প্রধান।  
 একথা শুনিয়া কাক, নীরব হইল।  
 মিত্রতা করিয়া “মৃগ”, পাণ্ডবে রাখিল।  
 এক দিন, প্রভাতে, শৃগাল শঠ কয়।  
 আমার সহিত এসো, মিত্র মহাশয়।  
 খেৎ-ভরা, খন্দ আছে, খাবে খুব সুখে।  
 কচি-কচি শিশু-গুলী, আগে দেবে মুখে।  
 সে কথায় লোভে মৃগ, করিয়া গমন।  
 নবনব শস্য করে, সুখেতে ভোজন।  
 একদিন কুষকেরা, পেতেছিল জাল।  
 মৃগ তাহে বদ্ধ হোলে, ঘটিল জঞ্জাল।  
 হরিণ পড়িয়া পাশে, কহিছে তখন।  
 ওহে বন্ধু, কর কর, বন্ধন-মোচন।  
 তোমা বিনে এ শঙ্কটে, কে করে নিস্তার?।  
 এ বিপদে বন্ধু বিনা, গতি নাই আর।

ছলহীন অকপট “বন্ধু”, যেই হয়।  
 তাহারে জানিতে পারি, বিপদ সময়।  
 ধীর বোদ্ধা, ধীর যোদ্ধা, “শূর”, যেই হয়।  
 তাহারে জানিতে পারি, সংগ্রাম সময়।  
 “শুচি”, বোলে, যারে সবে করে সন্মোদন।  
 ঋণেতে জানিতে পারি, তার আচরণ।  
 ধনহীন হোলে পরে, বস্ত্র নাই আর।  
 তখন জানিতে পারি, তার্য্যার ব্যাভার।  
 বান্ধবের ব্যবহার, যেরূপ প্রকার।  
 ব্যসনের কালে হয়, বিশেষ প্রচার।  
 ব্যসন, দুর্ভিক্ষ আর, দেশউপদ্রব।  
 শ্রমশান, নৃপতিদ্বার, মহা মহোৎসব।  
 সুখে দুখে, সর্বকালে, যে, হয়, সহায়।  
 বান্ধব বলিয়া আমি, পূজা করি তায়।  
 খল শ্যাল হৃদমনে, তাহে এ প্রকার।  
 এতদিনে আশা পূর্ণ, হইল আমার।  
 রক্তমাখা হাড়গুলা, অবশ্যই পাব।  
 মনে যত সাধ আছে, পেতেভারে খাব।  
 শৃগাল কহিছে করি, “কাঁচুগাচু”, মুখ।  
 আহা! তব দশা দেখে, ফেটে যায় বুক।  
 মাথায় আকাশ যেন, পড়িতেছে খসি।  
 একে আজ “রবিবার”, তাহে “একাদশী”,  
 উপায় না পেয়ে স্থির, ভেবে হই মাটি।  
 চামের নিশ্চিত-পাশ, কেমনেতে কাটি?।  
 দাঁতে করা দূরে থাক, ছুলে হবে হানি।  
 সদ্য সদ্য, “ধর্ম”, যাবে, যাবে “হিছয়ানী”,  
 রহিব নিকটে করি, নিশি জাগরণ।  
 যখন “পোয়াবে”, রাৎ, বাঁচাব তখন।  
 সন্ধ্যাকালে “কাক”, এসে চাঁপার তলায়।  
 প্রাণপ্রিয় মিত্র মৃগে, দেখিতে না পায়।  
 চারিদিগ্ অন্বেষণ, করিতে করিতে।

বন্ধনদশায় তারে, পাইল দেখিতে।  
 “কাক”, কয়, কোথা সেই, নব-মিত্র খল?।  
 বটে এই, মিত্র-কথা, অবজার ফল।  
 মৃগ কয় ধূর্ত শ্যাল, এখানেই আছে।  
 ঠাইবে আমার মাংস, মনে করিয়াছে।  
 “বায়স”, বিলাপ করি, ব্যথা পেয়ে কয়।  
 ওরে রে-পামর তুই, এমন নিদয়?।  
 প্রিয়বাদি ছলকারি, যত খল নর।  
 মুখে এক, পেটে আর, অতি ভয়ঙ্কর।  
 সাক্ষাতে জানায় যেন, কতই সুশীল।  
 মনের মন্দিরে আঁটা, ছলনার খিল।  
 বাহিরে আশ্রিত হোয়ে, ভণ্ডাব ধরে।  
 অসাক্ষাতে, সর্বনাশ, প্রাণনাশ করে।  
 এমন দুর্জুন জনে, নাই দেবে স্থান।  
 তার হাতে মান যাবে, যেবে ধন প্রাণ।  
 স্বভাব হইলে মন্দ, গুণ নাই রাখে।  
 “আঙার” কি, কোনো কালে, ভাল হোয়ে থাকে?।  
 চুইলে আঙার তপ্ত, ঘটায় ব্যাঘাত।  
 শীতল করিলে পর্শ, কালো হয় হাত।  
 দেখ দেখ, খল মশা, কিরূপ প্রকার।  
 প্রাণির আশ্রিত হোয়ে, করে ব্যবহার।  
 পায়ে পোড়ে শিরে চোড়ে, কাণে কোরে গান।  
 ক্রমে ক্রমে করে সব, ছিদ্দের সন্ধান।  
 এমন “মুশক” লোক, ঘরে রাখে পুষে।  
 লোম ফুঁড়ে, গুঁড় জুড়ে, রক্ত খায় শুষে।  
 মশা হোতে নীচ ক্লেথ, যত খল জনে।  
 শোণিত শুকায়ে যায়, তাদের স্মরণে।  
 জগতের উপকারি, সদয়-হৃদয়।  
 সমভাবে সকলের, সহিত প্রণয়।  
 সহজে সুধীর অতি, সাধু সদাশয়।  
 স্বপনে কাহারে নাই, কটু কথা কয়।

অহিত-রহিত মন, সর্বদা গুণধর।  
 ইহলোকে সাধু আর নাহি যার পর ॥  
 হেন জনে করে যেই, মন্দ ব্যবহার।  
 তার চেয়ে নরাধম নীচ নাই আর ॥  
 শূকরের চেয়ে হয়, হীন সেই জন।  
 “মানব” বলিয়া তার, না হয় গণন ॥  
 ওগো মাতা, বসুগতি, স্থূল কথা কহ  
 কুজনের পাপভার, কেমনেতে বহ? ॥  
 এতো কি কঠিন “মাগো” তোমার হৃদয়?  
 পাতকিগণের তার, অনাসেই সয় ॥  
 ধারণ করিছ সব, হইয়া সদয়।  
 হৃদয়েতে কিছুমাত্র, বেদনা না হয় ॥  
 এত বলি, “কাক” করি, উপায় নির্ণয়।  
 হরিণের কাণেকাণে, চুপিচুপি কয় ॥  
 একরূপ ছলনা কর, শ্বাস করি রোধ।  
 যেন তুমি মরিয়াছ, হেরে হয় বোধ ॥  
 মরণ নিশ্চয় করি, এসে ক্ষেত্রপাল।  
 যখন গুড়ায়ে লবে, আপনার জাল ॥  
 যেমন ডাকিব আমি, অমনই উঠে।  
 লাফ মেরে, একেবারে, পলাইবে ছুটে ॥  
 আশাভরে, চাসা করে, শেষে এই “শ্বনি”।  
 আঃ! তুই জালেতে পোড়ে, মরিলি আপনি ॥  
 অন্য দিগে মন করি, জাল গুড়াইল।  
 কাকের ডাকেতে যুগ, ছুটে পলাইল ॥  
 গেল গেল, বোলে চাসা, লগুড় মারিল।  
 তাহার প্রহার পেয়ে, শৃঙ্খল মরিল ॥  
 পণ্ডিতের মুখে শুনি, একরূপ বচন।  
 ঘোরতর পুণ্যপাপ, করে যত জন ॥  
 তিন-দিন, তিন-পক্ষ, আর তিন মাস।  
 কিম্বা তিন বর্ষ হয়, ফলের প্রকাশ ॥  
 পাপ কোরে পেলে খল, হাতে হাতে কল

কাকের মিত্রতা-গুণে, বাঁচিল সরল ॥  
 পণ্ডিতে বিরক্তানারী, আর শত্রু জন।  
 কখনই নাহি হয়, বিশ্বাস-ভাজন ॥  
 এতদূর উপরেতে, বিশ্বাস, যে, করে।  
 আপনার কার্য-দ্রোষে, আপনি, সে, মরে ॥  
 মার্জার, মহিষ, মেঘ, কাপুরুষ, কাকে।  
 বিশ্বাস করিলে কি হে, রক্ষা আর থাকে? ॥  
 এই পাঁচ কখনো কি, শুভপথে ধায়?।  
 বিশ্বাসেতে প্রভু হোয়ে, প্রমাদ ঘটায় ॥  
 “চতুর”, চপল তুমি, তাহে বলবান।  
 তোমার সহিত নয়, প্রণয়-বিধান ॥

মুষিকের এই বচনে “চতুর”  
 নামক কাক কহিলেন।

তোমাকে ভক্ষণ করিলে কি আ-  
 মার আর চিরকালের জন্য ভোজন  
 করিতে হইবেনা? আমি তোমার  
 সমস্ত কথাই শ্রবণ করিলাম, কিন্তু  
 তোমার ন্যায় এবং সেই “চারুমতি”  
 কপোতরাজের ন্যায় আমি ধার্মিক  
 পুরুষ কৃত্রাপিই দেখিতে পাইনা।  
 অতএব তোমার সহিত অবশ্যই প্র-  
 ণয় করিব, তুমি যদি নিতান্তই বিমুখ  
 হইয়া আমাকে বন্ধুরূপে বিত্ত-বিধা-  
 নে বঞ্চিত কর, তবে এইখানেই অ-  
 নাহারে প্রাণত্যাগ করিব।

তৎপরে “সুহৃদ” নামক মুষিকরাজ  
 বিবর হইতে বহির্গত হইয়া কহিলেন,

আমি তোমার বচনে অমৃতাভিষিক্ত  
 হইলাম।—হে ভাই! তুমিই যথার্থ  
 মিত্রতার যোগ্যপাত্র।—নিজ্জনে  
 অভেদভাবে ব্যবহার, আর মঙ্গল-  
 প্রার্থনা, ইহাই সাধু মিত্রের সুলক্ষণ,  
 তাহা তোমাতেই দেখিতেছি, নিষ্ঠু-  
 রতা চিত্তচাঞ্চল্য, ক্রোধ, মিথ্যা-  
 কথন এবং দ্যুতক্রীড়া, এই সকল দোষ  
 যাঁহাতে বর্তমান থাকে, তিনি কখনই  
 মিত্র নহেন, তোমাতে ইহার একথা-  
 নিও দোষ দেখিতে পাইনা। বাক্যের  
 দ্বারাই পটুতা এবং সত্যবাদিত্ব প্র-  
 কাশ পায়।—আর চাঞ্চল্য ও অচা-  
 ঞ্চল্য, ইহাও প্রত্যক্ষদ্বারা বুঝা  
 যায়।—যাহারা কোমল অথচ নির্মল-  
 চিত্ত, তাহারদিগের মিত্রতা এক প্র-  
 কার,—এবং খলতাপূর্ণ-দুষ্ট-লোকের  
 রদের প্রণয় অন্য প্রকার, তুমি  
 সর্বপ্রকারেই শ্রেষ্ঠ, মহাত্মা, অতএব  
 তোমার সহিত প্রণয় করা অবশ্যই  
 কর্তব্য।

তদনন্তর উভয়েই ধর্মপ্রতিজ্ঞায়  
 মিত্রতা স্থাপন করিল। তদবধি সেই  
 ইন্দুর এবং কাক পরস্পর আহার,  
 দান, মঙ্গলপ্রস্তাব এবং সদালাপ  
 দ্বারা কালযাপন করিতে লাগিল।

এক দিবস “চতুর” সুহৃদ মুষি-  
 ককে কহিলেন, এখানে আহারের  
 অভ্যস্ত কষ্ট, অনেক ছুখে আহরণ  
 করিয়াও উদর পূর্ণ হয়না। এজন্য  
 আমি স্থানান্তরে গমনের প্রার্থনা  
 করি।

ইন্দুর কহিলেন।

ভাই! তুমি কোন্ স্থানে গমনের  
 অভিলাষ করিয়াছ?—যাহারা বুদ্ধি-  
 মান, তাঁহারা গমন সময়ে অগ্রে  
 একপদ নিষ্ক্ষেপ পূর্বক দৃষ্টি করিয়া  
 পশ্চাতে অপর পদ চালনা করেন,  
 এবং উত্তমরূপে নূতন স্থান নিরূপণ  
 না করিয়া আপনার পূর্বস্থান কথ-  
 নই পরিত্যাগ করেননা। যেদেশে  
 বিদ্যা নাই, বিদ্বান্ নাই, বৃত্তি নাই,  
 বান্ধব নাই, সম্মান নাই, সজলানদী  
 নাই। চিকিৎসক নাই, ঋণদাতা নাই,  
 পুরোহিত নাই, লোকের গমনাগমন  
 নাই, উয় নাই, লজ্জা নাই, দাতা-  
 নাই, প্রণয়ী নাই, এবং নিপুণ-মনুষ্য  
 নাই, সেদেশে বাস করা কখনই ক-  
 র্তব্য হয়না। কেননা তথায় মানব-  
 জন্মের সুখ ও মনুষ্যত্বলাভের কিছু  
 মাত্রই সম্ভাবনা নাই।

পদ্য ।

বুদ্ধিমান জন যত, গমনের কালে ।  
 এক পদ আগে, ফেলে, অন্য পদ চালে ॥  
 দেখিতে দেখিতে চলে, চালে পদদ্বয় ।  
 যেতে যেতে পথে কোনো, বিপদ না হয় ॥  
 নিবাস বলিয়া যথা, কর অবস্থান ।  
 ভাল যদি নাহি হয়, তোমার সে স্থান ॥  
 স্থানান্তরে যেতে লোক, করিলে বিধান ।  
 করিবে বিশেষরূপে, তাহে প্রণিধান ॥  
 আগেতে উত্তম স্থান, করি নিরূপণ ।  
 পশ্চাতে তথায় তুমি, করহ গমন ॥  
 বাসের বিহিত স্থান, না হোলো নির্ণয় ।  
 কোনোমতে নিজ-স্থান, ত্যাগ করা নয় ॥  
 মাতৃঘের যাতায়াত, যে দেশেতে নাই ।  
 ভয় আর লজ্জা, যথা, নাহি পায় ঠাই ॥  
 বৃত্তি নাই, বিদ্যা নাই, নাহি বিদ্যাবান ।  
 নাহি যথা ঋণদাতা, নাহি যথা দান ॥  
 শান্তি নাই, দয়া নাই, নাই যথা মান ।  
 নদী নাই, বৈদ্য নাই, নাই ধনবান ॥  
 প্রণয়ীবাঙ্গুর নাই, নাই পুরোহিত ।  
 সে দেশেতে বাস-করা, না হয় বিহিত ॥  
 এমন অধমদেশে, বাস করে যারা ।  
 মানবদেহের স্মৃৎ, নাহি পায় তারা ॥  
 ধর্ম নাই, প্রেম নাই, নাই জ্ঞান-আলো ।  
 তার চেয়ে বদে গিয়ে, বাস করা ভালো ॥

কাক কহিলেন ।

দণ্ডকারণ্যে কপূর সরোবরে  
 “মোহন” নামক “কচ্ছপ” আ-  
 মার বহুকালের বন্ধু, তিনি যেমন

পণ্ডিত তেমনি ধার্মিক, অনেকেই  
 পরের উপদেশে পণ্ডিত, কিন্তু স্বয়ং  
 ধর্ম-আচরণে পণ্ডিত নহেন । ই-  
 হার বাক্য যেকপ, ব্যবহার এবং  
 কার্যও সেইকপ ।

পদ্য ।

অনেকেই বক্তা হয়, উপদেশ গেয়ে ।  
 অনেকেই বক্তা হয়, উপদেশ পেয়ে ॥  
 কেহ বা করিছে ব্যয়, মুখের বচন ।  
 কেহ বা শ্রবণে তাহা, করিছে শ্রবণ ॥  
 বলাবলি, শুনাশুনি, করে পরস্পর ।  
 কেহ না প্রবেশ করে, ধর্মের ভিতর ॥  
 নানারূপ শাস্ত্রকথা, প্রকাশ করিয়া ।  
 পরিচয় দেয় সব, পণ্ডিত বলিয়া ॥  
 বিদ্যার সাগর বটে, গুণের আধার ।  
 কলে দেখি, কারো নাই, ধর্মের অধিকার ॥  
 পরস্পর জয়লাভে, সবাই ব্যাকুল ।  
 বিচার সাগরে ডুবে, নাহি পায় কুল ॥  
 মাগরে, খেলিতেছে, “অভিমান-চেউ” ।  
 ও পারের কি বস্তু আছে, নাহি জানে কেউ ॥  
 স্ত্রী-সময়ে সেই, তরঙ্গে পড়িয়া ।  
 “হাবুডুর” খায় শুধু, ভাসিয়া ভাসিয়া ।  
 সকলেই চলিতেছে, ভাসিতে ভাসিতে ॥  
 নিজ নিজ “আয়ুধন” নাশিতে নাশিতে ।  
 বিচার বিচার করি, দ্বন্দ্ব-কোরে মরে ॥  
 আপন বিচার আর, কেহ নাহি করে ।  
 কতই কল্লানা করে, কথায় কথায় ॥  
 কেবল কুতর্ক করি, কুপথ দেখায় ।  
 “দর্শন” দর্শন, করি, ঘুরিছে সবাই ॥

সে দর্শন কোথা তার, নিদর্শন নাই ॥  
 করিছে “বাদার্থ” কত, বিচারের বলে ।  
 “ন্যায়” পোড়ে, ন্যায়কথা, কেহ নাহি বলে ॥  
 না করে, সিদ্ধান্ত কিছু “বেদান্ত” পড়িয়া ।  
 অবিপ্রান্ত “শাস্ত্রকুপে” রয়েছে পড়িয়া ॥  
 শাস্ত্র পোড়ে, যিনি হন, ধর্মপরায়ণ ।  
 “প্রেম-ফুলে” আমি তাঁর, পুজিব চরণ ॥  
 শাস্ত্র পোড়ে, নিজতত্ত্ব, যে করে বিচার ।  
 দূর করে, সকলের, মনের আঁধার ॥  
 মনের সম্ভাপ যত, যে করে হরণ ।  
 শিষ্য হোয়ে আমি তাঁর, পুজিব চরণ ॥

তাঁহার নিকট গমন করিলে সেই  
 ধার্মিক-বন্ধু প্রিয়বাক্যে, ধর্মোপ-  
 দেশে এবং উত্তমরূপ আহার দ্বারা  
 তৃপ্ত করিবেন ।

ইন্দুর কহিলেন, ভাই, তুমি-  
 আমার প্রাণের বন্ধু, তোমার সহিত  
 বিচ্ছেদ হইলে আমি আর ফণাধী-  
 কালো জীবিত থাকিবনা, অতএব  
 চল, আমিও তোমার সঙ্গে সেই  
 “মোহনের” নিকট গমন করি ।

তাহার পর উভয়েই একত্র হইয়া  
 কূর্মের নিকট দণ্ডকারণ্যে গমন  
 করিলেন ।

কচ্ছপ দূর হইতে দৃষ্টি করিয়া  
 কাক এবং ইন্দুরকে সমাদর পূর্বক  
 আহ্বান করিলেন ।

কাক কচ্ছপকে কহিলেন, হে  
 বন্ধো ! এই মুষিকরাজ সাক্ষাৎ-  
 ধর্মপুত্র, অতএব অগ্রেই ইহার  
 উচিতমত আতিথ্য কর, ইনি প্রধান  
 পুণ্ড্রাবান এবং সমস্ত গুণের ভূষণেই  
 ভূষিত, এই পূজ্যপাদের পূজার যেন  
 ত্রুটি না হয়, এই প্রস্তাবের পরেই  
 “কূর্মরাজের” নিকট “চারুমতি  
 কপোতরাজের” বন্ধন-বিমোচনের  
 বৃত্তান্ত ব্যাহ বিশেষরূপে বর্ণন করি-  
 লেন ।

“মোহন” যথাসম্মানে “সুহৃ-  
 তের” সেবা করিয়া বিনয় বচনে জি-  
 জ্ঞাস করিলেন, হে পূজ্যবর মহাত্মন !  
 তোমার এই বিরল বিপিনে আগমন  
 করণের কারণ কি ! শুনিতে অভি-  
 লাষ করি ।

ইন্দুর কহিলেন ।

পূর্বে আমার অনেক ধনসম্পত্তি  
 ছিল, সেই ধনেতেই স্বজাতি মধ্যে  
 শ্রেষ্ঠ হইয়া সকলের উপর প্রভুত্ব  
 করিতাম,—একজন সম্মানসী সেই  
 সমস্ত ধন-সংহরণ করাতেই নিধন  
 হইয়া মনের দুঃখে বিজনবনে আগ-  
 মন করিয়াছি ।

পদ্য ।

ধনবলে ধনিজন, সদাই স্বাধীন ।  
এ জগতে, সকলেই, ধনের অধীন ॥  
ধন না থাকিলে পর, মরে নর দুখে ।  
দীন হোলে, কবে কার, দিন যায় সুখে ? ॥  
ধনেতেই পূজা হয়, ধনেই আদর ।  
বৃহস্পতি আদি সবে, ধনের কিঙ্কর ॥  
ধনহীন জন যেই, বৃথা জন্ম তার ।  
প্রতিকূল হয় তারে, দারা পরিবার ॥  
যেখানে সেখানে যায়, আদর না হয় ।  
“লক্ষ্মী ছাড়া” বোলে কেহ, কথা নাহি কয় ॥  
গুণ, জ্ঞান কিছু তার, না হয় প্রকাশ ।  
মনে মনে মোরে রয়, পেয়ে উপহাস ॥  
ধনি যদি মূর্থ হয়, দুঃখ কিবা তার ।  
“পাণ্ডিত” বলিয়া সবে, করে নমস্কার ॥  
কুরূপ হইলে ধনী, ধনে রূপবান ।  
সকলে সুরূপ দেখে, কামের সমান ॥  
সবদিগে ধনিদের, সুখের সংযোগ ।  
দরিদ্রের চিরকাল, সম কষ্টভোগ ॥  
বিশেষত, ধনী হোয়ে, দীন যেই হয় ।  
মরণ মঙ্গল তার, বাঁচা বিধি নয় ॥

হরি, করী, আদি মৃগ, থাকে যেই বনে ।  
তথা গিয়ে বাস কর, হরষিত মনে ॥  
তরুর তলেতে গিয়ে, সুখে কর বাস ।  
নিজার ভাবনা কিবা, “শয্যা” আছে ঘাল ॥  
বৃক্ষের বাকল আছে, কর পরিধান ।  
বস্ত্রের ব্যাপার তায়, হবে সমাধান ॥  
পাড়িয়া গাছের ফল, করিয়া ভোজন ।  
করপাত্রে নদীনির, করহ ভক্ষণ ॥

তাহে কিছু খেদ না, নাই কিছু দুখ ।  
দেখিবেনা, কারো মুখ, দেখাবেনা মুখ ॥  
ধনহীন হোলে পরে, মান নাহি রয় ।  
স্বজাতি-সমাজে থাকা, ভাল তাই নয় ॥  
যেখানে প্রতাপ ছিল, সিংহের সমান ।  
“ধনবান” বোলে সবে, করিত সম্মান ॥  
যায় যাবে, নিবে যাক, জীবনের আলো ।  
সেখানে শূণ্য হোয়ে, থাকা নয় ভালো ॥

অনায়াসে জল খেতে, পায় যেই জন ।  
অভয়ে মধুর অন্ন, যে, করে ভোজন ॥  
সহজেতে, এরূপ, নির্বাহ, হয় যার ।  
মানবেতে তার চেয়ে, সুখী নাই আর ॥  
কাজ নাই, ক্ষীর, সর, নবনী, শর্কর ? ।  
কাজ নাই, মেঠায়াদি, মণ্ডা মনোহর ? ॥  
কাজ নাই, মৃত, দধি, পঞ্চাশ ব্যঞ্জন ? ।  
তার তার, গ্রহণেতে, নাহি প্রয়োজন ॥  
অধীন, না, হোয়ে, কারো, যথা কালে ভাই ।  
গৃহে বোসে, এক মুটো, অন্ন যদি পাই ॥  
কুবেরের ধন, আর, স্বর্গে কাজ নাই ।  
সেই সুখে, হাসি, খেলি, নাচি আর গাই ॥

বরণ নীরব থাকা, সুবিধান হয় ।  
মিছে কথা, বলা তবু, ভাল নয় নয় ॥  
“নপুংসক” ভাল, তাহে, এক দোষ রয় ।  
“পরনারী ভোগ করা” ভাল তবু নয় ॥  
বরণ, মরণ ভাল, কি ফল জীবনে ? ।  
রুচি যেন নাহি হয়, খেলের বচনে ॥  
বরণ, ভিক্ষায় ভর, করা ভাল হয় ।  
পরধন আশ্রয়, ভাল তবু নয় ॥

“গোশালা” থাকুক শূন্য, তাহে কেবা দুখে ।  
কিছুমাত্র লাভ নাই, দুখ-গোরু পুষে ॥  
“বেশ্যা”, যদি, “ভাৰ্য্যা”, হয়, তাহে নাই দুখ ।  
সদ কাল সমভাবে, প্রণয়ের সুখ ॥  
বিনয়বিহীনা হোলে, কুলবধু দারা ।  
নিয়ত ফেলিতে হয়, নয়নের ধারা ॥  
না, হোলো, রমণীভোগ, ক্ষতি তাহে নাই ।  
“মুখরা প্রখরানারী”, তখাচনা চাই ॥  
যে রাজা অনায়াস করি, করে অবিচার ।  
যে রাজার অধিকারে, নাহি সুবিচার ॥  
বনে গিয়ে বাস করা, বিধি যদি হয় ।  
তবু তার অধিকারে, থাকা ভাল নয় ॥  
অনাহারে, দেহে প্রাণ, না রয় না রয় ।  
অধমের উপাসনা, ভাল তবু নয় ॥  
“চন্দ্রিকা”, নিশিতে যথা, অন্ধকার হরে ।  
“জরা”, এসে, দেহে যথা, শোভা নষ্ট করে ॥  
“সাধুসঙ্গ”, হরে যথা, অন্তরের তাপ ।  
“হরিকথা”, হরে যথা, সমুদয় পাপ ॥  
সে প্রকার, সেবায়, সমুদয়, হয় নাশ ॥  
“যাচঞায়”, গুণরাশি, না হয় প্রকাশ ॥  
নাপোড়ে, পল্লবগ্রাহী, পাণ্ডিত, যে, হয় ।  
তার চেয়ে লজ্জাহীন, কেহ আর নয় ॥  
ধন দিয়া “রতিসুখ”, ক্রয় যেই করে ।  
তার চেয়ে মূঢ় নাই, ভবের ভিতরে ॥  
পরধীন হোয়ে নিত্য, যে করে ভোজন ।  
কেমনে সুখের স্বাদ, পাবে তার মন ? ॥  
চিররোগী, চিরদিন, পরান-ভোজন ।  
বাঁচন মরণ তার, মরণ বাঁচন ॥  
লোভরূপ-পিপাসায়, কাতর যে, হয় ।  
কোনোকালে, বুদ্ধি তার, স্থির নাহি রয় ॥

এতরূপ আন্দোলন, কোরে মনেমনে ॥  
জুড়াতে এসেছি ভাই, জনহীন বনে ॥

একজনে ছেড়ে যদি, কুল রক্ষা পায় ।  
অনায়াসে রাখ কুল, দোষ নাহি তায় ॥  
গ্রাম যদি রক্ষা পায়, কুল ত্যাগ কোরে ।  
তখনি তেজিবে কুল, স্থিরতাৰ ধোরে ॥  
গ্রাম ত্যাগ করিলে, যদ্যপি, দেশ বাঁচে ।  
তখনি ছাড়িবে গ্রাম, যশ তায় আছে ॥  
আপনার কারণেতে, সকলি করিবে ।  
পৃথিবী ছাড়িতে হয়, তখনি ছাড়িবে ॥  
অধুনা একপ স্থির করিয়াছি, যে,  
সন্তোষচিত্ত জনেরাই সুখি ।—অস-  
ন্তোষচিত্ত লোভি লোকেরা কখনই  
সুখি হইতে পারেনা ॥

পদ্য ।

একে লোভী তাহে মন, পরিতুট নয় ।  
এ সংসারে, সুখ তার, কিছুতে না হয় ॥  
সদা যেই পরিতুট, পুলকিত মন ।  
যরে বোসে পায়সেই, ত্রিলোকের ধন ॥  
ক্ষণমাত্র তার মনে, নাহি হয় দুখ ।  
সমভাবে কাটে কাল, সততই সুখ ॥  
চলে যেই, পায়ে দিলে, জুতো এক জোড়া ।  
ভাবে সেই, -সকল-পৃথিবী, চামেমোড়া ॥  
যারা যায়, খালিপায়, তারা পায়কাদা ।  
কিরূপে তাদের হবে, পদতল শাদা ? ॥  
কিছুতেই পরিতোষ, নহে যেই জন ।  
তাহার সহিত এই, জুতার তুলনা ॥

প্রতিকূণ পোড়ে মন, ভাবের দোষে ।  
 সন্তোষ যাহার মনে, থাকে সেই তোষে ॥  
 স্তূথে যেই পান করে, সন্তোষের স্তূধা ।  
 তার মনে নাহি থাকে, লোভরূপ ক্ষুধা ॥  
 যথা তথা যুগে মরে, লোভশীল যারা ।  
 সন্তোষের সার স্তূথ কিসে পাবে তারা ? ॥  
 সাধু সাধ, সাধু সেই, সাধু বলি তারে ।  
 ধনলোভে যে না যায়, ধনিদের দ্বারে ॥  
 সরিসরি, সরি কিবা, সাধু সেই জন ।  
 বিরহ-অনলে যার, নাহি পোড়ে মন ॥  
 সাধু সাধু, সাধু সেই, সাধু বাদ তার ।  
 “নপুংসক” বোলে খ্যাতি, নাহি হয় যার ॥  
 ধনলোভ-পিপাসায়, যারে দেয় ভাপ ।  
 কতরূপে সেই পাপী, ভোগ করে পাপ ॥  
 অনাসেই হাত দেয়, সাপের বদনে ।  
 পর্ত্তে প্রবেশ করি, ভ্রমে বনে বনে ॥  
 প্রাণের উপরে মায়া, নাহি থাকে আর ।  
 পাতালে প্রবেশ করে, সিদ্ধি হয় পার ॥  
 এইরূপে কত দূরে, করিয়া গমন ।  
 কোনরূপে করে, কিছু অর্থ আহরণ ॥  
 পরিতোষ নহে তায়, নাহি মিটে ক্ষোভ ।  
 ক্রমেই অধিক আরো বেড়ে যায় লোভ ॥  
 যাহার অন্তর থাকে, তুষ্ট নিরন্তর ।  
 করস্থিত ধনে সেই, করেনা আদর ॥  
 সে লোক, ত্রিলোকজয়ী, প্রিয় সবাকার ।  
 তার চেয়ে পুণ্যশীল, কেহ নাই আর ॥  
 মানসিক বলে যেই, আশা করে নাশ ।  
 নিরাশার নিকেতনে, নিত্য তার বাস ॥  
 “নিরানন্দ,” আর তার, নিকটে না যায় ।  
 জীব হোয়ে শিব হয়, শিবের কৃপায় ॥

কল্পপ কহিলেন ।

হে ভাই, তুমি ধনের নিমিত্ত  
 কেন এতই কাতর হইয়াছ ! যদি  
 আমার অভিমত জিজ্ঞাসা কর,  
 তবে শান্তিরূপ স্তূধা সেবন করিয়া  
 ধনক্ষুধা নিবারণ কর, আর যদি  
 ধনাক্ষুধন দ্বারা সন্তোষ স্তূথের নিতা-  
 স্তই অভিলাষ থাকে, তবে তাহার  
 নিমিত্ত এতই ভাবনার বিষয় কি ?  
 তুমি অতি স্পৃহিত, বোদ্ধা, উদ্যো-  
 গী-পুরুষসিংহ, শূর, অতএব তোমা-  
 র অভাব কি ? সর্বত্রই তোমার প্রভু-  
 ত্ব বর্ত্তমান রহিয়াছে ।

পদ্য ।

বীর আর বিদ্বানের, স্বদেশ বিদেশ ।  
 কিছুমাত্র ভেদ নাই, ইতর বিশেষ ॥  
 যেখানে গমন করে, সেখানেই মান ।  
 সর্ব-ঠাই হোয়ে বসে, সবার প্রধান ॥  
 করে বীর বাহুবলে, বশ সমুদয় ।  
 বিদ্যাবলে বিদ্বান, সকল করে জয় ॥  
 সহজে ধরিলে পরে, নিজ নিজ ভাব ।  
 কোনাথানে নাহি থাকে, কিছুর অভাব ॥  
 লাজ নথ আর “দত্ত,” করিয়া ধারণ ।  
 কেশরী যখন করে, যে বনে গমন ॥  
 সেখানেই নিজ বলে, করী করি নাশ ।  
 মাংস আর রক্ত খায়, বিস্তারিয়া গ্রাস ॥  
 রাজা হোয়ে করে গিয়ে, প্রভুত্ব প্রকাশ ।  
 দাস হোয়ে সব পশু, ভয়ে করে বাস ॥

প্রবল সবার কাছে, যে হয় সবল ।  
 কোনাথানে দুর্ব্বলের, কিছু নাই বল ॥  
 প্রবল অনলে বায়ু, প্রভাব বাড়ায় ।  
 প্রদীপ পাইলে পরে, তখন নিভায় ॥  
 যে পুরুষ শূর হয়, সদা তার স্তূথ ।  
 ধনাভাবে কোনাথানে, নাহি পায় দুখ ॥  
 সমাদর করে সেই, যার কাছে যায় ।  
 সকলেই নত হয়, অধীনের প্রায় ॥  
 আপনার বলে গিয়া, উচ্চপদে বসে ।  
 শাসন করিয়া সব রাখে নিজ-বশে ॥  
 বহুধনে ধনী হোয়ে, যে হয় কৃপণ ।  
 সদাকাল পরাজয়, হয় সেই জন ॥  
 কোনাথানেই মান নাই, বুধায় বিভব ।  
 কৃপণতা-দোষে নিজ, নষ্ট করে সব ॥  
 স্বভাবে সুন্দর শোভা, সিংহের জটায় ।  
 করে বন স্তূশোভন, রূপের ছটায় ॥  
 কুবুর গলি ধরি, কনকের হার ।  
 কখনো কি শোভা পায়, সেরূপ প্রকার ? ॥

ভাই, তোমার কৃপণতা দোষেই  
 একপ হইয়াছে, কারণ তুমি সদা  
 দ্বারা ধনের এবং দেহের সার্থকতা  
 কর নাই ।

দাতার অন্তরে নাহি, থাকে অভিমান ।  
 প্রিয়বাক্যে দান করে, সেই দান দান ॥  
 অহঙ্কার নাহি যার, জানী বলি তারে ।  
 অহঙ্কারে গুণ জ্ঞান, যায় ছারেখারে ॥  
 বীর হোয়ে ক্ষমাশীল, সেই বীর বীর ।  
 ধীর হোয়ে কার্য করে, সেই ধীর ধীর ॥  
 নিয়ত নিযুক্ত দানে, সেই ধন, ধন ।  
 সদা স্তূথে, পরিপূর্ণ, সেই মন, মন ॥

ধন পেয়ে, দান নাহি, কেবল সঞ্চয় ।  
 সে ধন, কখনো তার, ভোগ নাহি হয় ॥  
 কৃপণ, আপন ধনে, আপনি বঞ্চিত ।  
 অথচ সে, ধন, তার, থাকেনা সঞ্চিত ॥  
 পুরিজন মধ্যে কারো, ভোগে নাহি আসে ।  
 ভূপতি, অনল, চোর, সেই ধন নাশে ॥  
 আপনি পেয়েছ কষ্ট, না খেয়ে, না পোরে ।  
 সঞ্চয় করেছ ধন, কৃপণতা কোরে ॥  
 তাহার উচিত ফল, ভোগ কর ভাই ।  
 কৃপণতা হোতে আর, পাপ কিছু নাই ॥  
 দূর কর সমুদয়, মনের বিকার ।  
 এখন ধনের শোক, কোরোনাকো আর ॥

ধন আর পদ, ভাব, ধূলার সমান ।  
 ধনে আর পদে কেন কর অভিমান ? ॥  
 সম স্তূথে চিরদিন, যাপন না হয় ।  
 বিষয় বিভব কভু, আপনার নয় ॥  
 আপনি যখন তুমি, নহ আপনার ।  
 তখন কি রূপে হবে, সম্পদ তোমার ? ॥  
 নগনিবাসিনী-নদী-নীর, যে প্রকার ।  
 ক্রণেকে প্রবল হয়, পরে নাই আর ॥  
 যৌবন সঞ্চার দেহে, হয় সেইরূপ ।  
 কিছুকাল, কমণীয়, পরেতে বিরূপ ॥  
 অতএব শরীরের, ছাড়ো অহঙ্কার !  
 চিরদিন রহিবেনা, যৌবন তোমার ॥  
 “জলবিষ” যে প্রকার, স্বভাবে চঞ্চল ।  
 নিয়ত লহরী লীলা, করে চলচল ॥  
 গুণেতে চপলবৎ, অস্থির এ নীর ।  
 কখন শুধায়ে যাবে, কিছু নাই স্থির ॥  
 সেই রূপ আয়ু বায়ু, এই দেহ-বাসে ।  
 কখন উড়িয়া যাবে, শেষের নিখাসে ॥

জীবনের ফণা সম, জীবনের জীবন।  
 এখন তখন নাই, কি হয় কখন।  
 হায়, হায়, কারে কব, মনের বচন?।  
 চেতনের একবার, না হয় চেতন!।  
 প্রতিদিন দেখিতেছে, একরূপ প্রকার।  
 দেখিতে দেখিতে এই, পরে নেই আর।  
 এই এই, এই এই, এই এই, সেই।  
 সেই সেই, সেই সেই, এই এই, এই।  
 সকলি “অসার” তবে, কি ভেবেছে সার?।  
 স্বর্গের সোপান নাহি, করে পরিকার।  
 এখন না হয় যদি, ধর্ম অধিকার।  
 চরণে করিতে হবে, শুধু হাহাকার।  
 তখন না পাবে আর, শান্তিরূপ জল।  
 পোড়াবে প্রবল হোয়ে, শোকের অনল।  
 অতএব জীবগণ “উপদেশ” লহ।  
 সত্যের সাধনা করি, ধর্মপথে রহ।  
 তাহে আর নাহি রবে, শেষের, সে, ভয়।  
 পাইবে পরম ধন, চরম সময়।  
 ধন বল যারে সেতো, চিরধন নয়।  
 ধন, ধন, ধর্মধন, চিরকাল রয়।  
 আগেতে সামান্য ধনে, ছিলে ভাই ধনী।  
 যেখন অশেষবিধ, বিপদের খনি।  
 ধর্মধনে ধনী হও, ভাই এ সময়।  
 কোনোকালে, যে ধনের, হইবেনা ক্ষয়।  
 ইন্দুর কহিলেন।

মহৎ ব্যক্তিই মহতের বিপদ  
 উদ্ধার করেন, তুমি মহাত্মা, একা-  
 রণ আমি তোমার আশ্রয় লইলাম।  
 পদ্য।

মহতের যদি হয়, বিপদ সঞ্চার।

মহতেই করে সেই, বিপদ উদ্ধার।  
 মহৎ যে, হয়, হয়, স্বভাবে প্রধান।  
 মহতেই রক্ষা করে, মহতের মান।  
 যেজন মহৎ নয়, তারে কেবা মানে।  
 অমহতে মহতের, মহিমা কি জানে?।  
 “গুরু” হোলে, গুরুতার দান কর তারে।  
 লম্বু হোয়ে গুরুতার, কে বহিতে পারে?।  
 বাড়ে পড়িয়া হাতী, প্রাণে যদি মরে।  
 হাতি বিনা, সে, হাতিরে, উদ্ধার কে করে?।  
 করি, করী শুভ-যোগ, করে প্রাণ দান।  
 শৃগালের ল্যাজ ধোরে, নাহি পায় জ্ঞান।  
 মহৎ হইতে মনে, সাধ যার আছে।  
 সে, গিয়ে, করুক বাস, মহতের কাছে।  
 মহতের আশ্রয়, লইলে একবার।  
 হবেই হবেই ভায়, কল্যাণ তোমার।  
 সর্বনাশ হয় যদি, মারা যাও প্রাণে।  
 তখাচ যেওনা কভু, নীচ-সম্মিধানে।  
 সমানের সহবাসে, সমানে রহিবে।  
 উত্তমের কাছে গেলে, উত্তম হইবে।  
 স্বভাবে অধম করে, অধম-ব্যাভার।  
 তুমিও অধম হবে, কাছে গেলে তার।  
 ভতিশয় সাবধান, চতুরের শেষ।  
 কালির কুটির যদি, করেন প্রবেশ।  
 কোনোমতে চতুরতা, খাটেনাকো আর।  
 লাগেই লাগেই কালী, খায়ে লাগে তার।  
 পরশমণির কথা, কাণে আছে শোনা।  
 যে তারে পরশ করে, সেই হয় সোণ।  
 বিশেষ উত্তম গুণ, উত্তমই রয়।  
 অধমে উত্তম গুণ, কখনই নয়।  
 এসেছি তোমার কাছে, মহৎ জানিয়া।  
 নিজগুণে লও তুমি, মহৎ করিয়া।

চন্দ্রনের ঘরে গেলে, কেবা হয় কালো।  
 মাধে বলি, মহতের, “অস্হাভ” ভালো।  
 হে মিত্র! তুমি সর্বাত্মক  
 প্রধান।

সেজন, সূজন অতি, সাধুর প্রধান।  
 যে, করে, আশ্রিত জনে, আশ্রয় প্রদান।  
 তারেই, সূজন, বলে, সকল সূজনে।  
 যে, করে, অভয় দান, ভয়শীল জনে।  
 মানী বোলে সেই জনে, সকলেই মানে।  
 যেজন, নানির মান, রাখে নিজ মানে।  
 তারে বলি, সাধু সাধু, করুণানিধান।  
 ঔষধে বাঁচায় যেই, পীড়িতের প্রাণ।  
 প্রিয় বোলে বাঁধি তারে, প্রণয়ের জালে।  
 যেজন সহায় হয়, বিপদের কালে।  
 ধনের সার্থক করি, সেই পায় সুখ।  
 যাচকে যাচা কাছ, না হয় বিমুখ।  
 অতি সাধু ধর্মশীল, গুরু বলি তারে।  
 সুনীতি শিখায় যেই, সাধু ব্যবহারে।  
 ধন্য তার অধ্যয়ন, পণ্ডিত সেজন।  
 উপদেশে করে যেই, সংশয়-ছেদন।  
 তাহারে স্বভাবদাতা, বলে সর্বজন।  
 স্নানাত দেখিলে যার, দয়া হয় মনে।  
 কেবা আত্ম, কেবা পর, কে বুঝিতে পারে।  
 যে হয় ব্যথার ব্যথী, আত্ম বলি তারে।  
 দেশের কুশলকারী, উত্তম সেজন।  
 যে জন নিয়ত করে, বিদ্যা বিতরণ।  
 তুলনা না হয় তার, কাহারো সহিত।  
 কখনো না করে যেই, পরের অহিত।  
 সূশীল সূধীর সেই, পুরুষের সার।  
 আপনার নিন্দা শুনে ক্রোধ নাই যার।

কমার ভূষণে সদা, ভূষিত সেই।  
 শক্রগণে হাতে পেয়ে, ক্ষমা করে যেই।  
 সেজন “প্রথমরিপু,” করেছে শাসন।  
 রূপসী দেখিলে যার, নাহি টলে মন।  
 লোভ আর তার কাছে, নহে বলবান।  
 পরধন দেখে যেই, ভূণের সমান।  
 একেবারে মোহরিপু, সে করেছে ক্ষয়।  
 মমতা, মদের ঘোরে, মোহিত, যে, নয়।  
 সেজন “পঞ্চমরিপু,” রেখেছে শাসিয়া।  
 যে জন, না, মত্ত হয়, বিষয় পাইয়া।  
 অহঙ্কার পরাভব, সদা তার স্থানে।  
 আপনারে “বড় বোলে যেজন” না জানে।  
 প্রবণ পবিত্র হয়, তার নাম শুনে।  
 তাপিতে যে, তৃপ্ত করে, আপনার গুণে।  
 একভাবে সবে তার, সদা গায় বশ।  
 যে করে, বিনয় বাক্যে, সকলেরে বশ।  
 তার চেয়ে প্রেমী কেবা, এই ধরা-বাসে।  
 যেজন, জগৎ বাঁধে, প্রণয়ের পাশে।

এতদ্রূপ কথোপকথনের পর  
 “কাক,” “কূর্ম,” এবং “মুষিক” পর-  
 স্পর অভেদপ্রণয়ে একত্রে আমোদ  
 প্রমোদে; কাব্যাদি নানা শাস্ত্রের  
 আলাপনে স্বচ্ছন্দে সানন্দে সময়-  
 সম্বরণ করিতে লাগিলেন।

এক দিবস মধ্যাহ্ন সময়ে “প্রণ-  
 যী” নামক “হরিণ-রাজ” প্রচণ্ডমার্ত-  
 ও-তাপে তাপিত ও ব্যাধভয়ে ভীত  
 হইয়া তথায় আসিয়া উপস্থিত হই-

লেন, তাঁহাকে দেখিয়া “মোহন” মিষ্টবাক্যে কহিলেন। হে ভদ্র! আপনি অনুগ্রহ পূর্বক এখানে আগমন করিয়াছেন, ইহাতে আমারদিগের পরম সৌভাগ্যই স্বীকার করিতে হইবেক, অতএব সুখে নবনব ছুৰ্ছাদল ও শীতল-সলিল আহার করুন। মৃগরাজ তৃষ্ণায় অত্যন্ত কাতর ছিলেন, জলপান পূর্বক কিঞ্চিৎ সুস্থ হইয়া কহিলেন, আমি নির্দয়-নিষাদের পাশে নাশের গ্রাসে পতিত হওনের জায়ে আপনারদিগের বাসে আসিয়া আশ্রিত হইলাম, আপনারা প্রসন্ন হইয়া “মিত্র-তা-রূপ মহৌষধ এবং “অভয়দান-রূপ-সুপথ্য দ্বারা এই শরণাগত-জনের বনের ও মনের আশঙ্করূপ-রোগ নিবারণ করুন।

মোহন, চতুর এবং সুহৃদ কহিলেন, তোমার সহিত মিত্রতা করণ, ইহা অমরদিগের শুভাশুভ বলিতেই হইবে, কারণ আপনি অতি সাধু ব্যক্তি। হে ভাই! মিত্রতা চারি-প্রকার।

যথা।

ঔরস ১। কৃতসম্বন্ধ ২। বংশ-ক্রমাগত ৩। এবং বাসন-রক্ষক ৪।

“ঔরস” পুত্রাদি। “কৃতসম্বন্ধ” সম্বন্ধ দ্বারা মিত্রতা-করণ, অর্থাৎ সেঙাপাতানো এবং কুটুম্বিতা প্রভৃতি।

“বংশক্রমাগত” পুরুষানুক্রমের মিত্র এবং “বাসনরক্ষক” অর্থাৎ-বিপদের মিত্র।

এই স্থান তোমার আপনার স্থান, মনের আনন্দে আহার বিহার কর। কিন্তু ভাই! তুমি কি নিমিত্ত ভয় পাইয়াছ?!

হরিণ কহিল।

আমি শুনলাম, ব্যাধেরা কহিতেছে, এক রাজা কটক সংগ্রহ পূর্বক আগমন করিতেছেন, তিনি কল্যাণ-প্রাপ্তে এই বনে আসিয়া মৃগয়া করিবেন।

“মোহন” কহিলেন, তবেতো আর এখানে থাকা নয়, চল আমরা এখনিই স্থানান্তরে প্রস্থান করি, “চতুর, ও সুহৃৎ” কহিলেন, ভাই তুমি জলচর, তোমার স্থলে গমন কিরূপে সম্ভবে?!

“মোহন” সেই নিষেধ না শুনিয়া চঞ্চলচিত্তে জলাশয় পরিত্যাগ

পূর্বক স্থলপথে বনান্তরে চলিল। কাক, ইন্দুর, এবং হরিণ মিত্রতা-ধর্মের প্রণয়প্রযুক্ত তাহার সঙ্গে সঙ্গে গমন করিল।—অতি অপদূর-মাত্রই গমন করাতে অনেক ব্যাধ আসিয়া সেই কচ্ছপকে ধরিল। “কুর্ম” ধৃত হওয়াতে আপনার কার্য ও ভাগ্যদোষ মনে মনে বিবেচনা করিতে লাগিল। বন্ধুর বন্ধনদশা-বিলোকনে পশ্চাদ্গামী বন্ধুত্ব অত্যন্তই দুঃখিত হইল, এবং তাহার বন্ধন-মোচনার্থ বিবিধপ্রকার উপায় চিন্তা করিল। কাক যুক্তি করিয়া কহিল, “ওহে হরিণ! তুমি ব্যাধের অগ্রভাগে দূরে গিয়া মৃতদেহের ন্যায় জল-সন্নিধানে পথে পাড়িয়া থাক, আমি ঠোঁট দিয়া তোমার অঙ্গে ঠোকোর মারিতে থাকি, তোমাকে দেখিবামাত্রই মৃত-জ্ঞানে ব্যাধ কচ্ছপকে ভূমে রাখিয়া ছেদনার্থ তোমার নিকটে আসিবে, তখন আমার ইচ্ছিতমাত্রই তুমি অমনি উঠিয়া প্রস্থান করিবে। সেই অবসরে ইন্দুর গিয়া আপনার দন্তের দ্বারা কচ্ছপের বন্ধন ছেদন করিয়া দিবেন, মোহন তখন অমনি বাষ্প-

দিয়া জলে প্রবেশ পূর্বক রক্ষা পাইবেন।

পরে পরামর্শ পূর্বক এইরূপ কুরাতে ব্যাধ তদ্রূপে কৃষ্ণমনে কচ্ছপকে ভূমে রাখিয়া “কাতান” লইয়া যেমন মৃগ-সমীপে গমন করিবে, হরিণ অমনি কাকের ডাকে উঠিয়া ছুটিয়া পলায়ন করিল। কাক বৃক্ষশাখায় উড়িয়া বসিল, ইন্দুর কচ্ছপের জাল কাটিয়া দিল, কচ্ছপ বাষ্প দিয়া জলে গমন করিল, হরিণ পলায়ন করিলে ব্যাধ প্রত্যাগত হইয়া কুর্মকে না দেখিয়া ক্ষুব্ধচিত্তে এবস্ত্রকার আক্ষেপ করিতে লাগিল।

যথা পদ্য।

কিসে ভাল, কিসে মন্দ, না করি বিচার।  
হঠাৎ, যে করে কোনো, কর্মের সঞ্চার ॥  
সে কর্মে কখনো তার, প্রভুল না হয়।  
বহুবিধ বিঘ্ন ঘটে, জানিবে নিশ্চয় ॥  
নিশ্চিত বিষয়ে যার, ভুট্ট নহে মন।  
লোভে ভুলে, নিতে চায়, অনিশ্চিত ধন ॥  
অনিশ্চিত, অনিশ্চিত কখনো না পায়।  
লাভে হোতে নিশ্চিত-বিষয় তার যায় ॥  
অতএব প্রিয়গণ! লহ উপদেশ।  
আগে করি বিবেচনা, কার্য কর শেষ ॥  
নিশ্চিত বিষয় যাহা, তাই কর ভোগ।  
অনিশ্চিত আশা করা, সে, যে, ঘোর রোগ ॥

লেন, তাঁহাকে দেখিয়া “মোহন” মিষ্টবাক্যে কহিলেন। হে ভদ্র! আপনি অন্ত্রগ্রহ পূর্বক এখানে আগমন করিয়াছেন, ইহাতে আমারদিগের পরম সৌভাগ্যই স্বীকার করিতে হইবেক, অতএব সুখে নবনব ছুর্কাদল ও শীতল-সলিল আহার করুন। মৃগরাজ তুষণ্য অ্যন্ত কাতর ছিলেন, জলপান পূর্বক কিঞ্চিৎ সুস্থ হইয়া কহিলেন, আমি নির্দয়-নিষাদের পাশে নাশের গ্রাসে পতিত হওনের গ্রাসে আপনারদিগের বাসে আসিয়া আশ্রিত হইলাম, আপনারা প্রসন্ন হইয়া “মিত্রতা-রূপ মহৌষধ এবং “অভয়দান-রূপ-সুপথ্য দ্বারা এই শরণাগত-জনের বনের ও মনের আশঙ্করূপ-রোগ নিবারণ করুন।

মোহন, চতুর এবং সুরুদ কহিলেন, তোমার সহিত মিত্রতা করণ, ইহা আমারদিগের শুভাদৃষ্ট বলিতেই হইবে, কারণ আপনি অতি সাধু ব্যক্তি। হে ভাই! মিত্রতা চারি-প্রকার।

যথা

ঔরস ১। কৃতসম্বন্ধ ২। বংশ-ক্রমাগত ৩। এবং বাসন-রক্ষক ৪।

“ঔরস” পুত্রাদি। “কৃতসম্বন্ধ” সম্বন্ধ দ্বারা মিত্রতা-করণ, অর্থাৎ সেওয়াপাতানো এবং কুটুম্বিতা প্রভৃতি।

“বংশক্রমাগত” পুরুষানুক্রমের মিত্র এবং “বাসনরক্ষক” অর্থাৎ বিপদের মিত্র।

এই স্থান তোমার আপনার স্থান, মনের আনন্দে আহার বিহার কর। কিন্তু ভাই! তুমি কি নিমিত্ত ভয় পাইয়াছ!।

হরিণ কহিল।

আমি শুনিলাম, ব্যাধেরা কহিতেছে, এক রাজা কটক সংগ্রহ পূর্বক আগমন করিতেছেন, তিনি কল্যাণপ্রাপ্তে এই বনে আসিয়া মৃগয়া করিবেন।

“মোহন” কহিলেন, তবেতো আর এখানে থাকা নয়, চল আমরা এখনিই স্থানান্তরে প্রস্থান করি, “চতুর, ও সুরুৎ” কহিলেন, ভাই তুমি জলচর, তোমার স্থলে গমন কিরূপে সম্ভবে!।

“মোহন” সেই নিষেধ না শুনিয়া চঞ্চলচিত্তে জলাশয় পরিত্যাগ

পূর্বক স্থলপথে বনান্তরে চলিল। কাক, ইন্দুর, এবং হরিণ মিত্রতা-ধর্মের প্রণয়প্রযুক্ত তাহার সঙ্গে সঙ্গে গমন করিল।—অতি অপদূর-মাত্রই গমন করাতে অনেক ব্যাধ আসিয়া সেই কচ্ছপকে ধরিল। “কুর্ম” ধৃত হওয়াতে আপনার কার্য ও ভাগ্যদোষ মনে মনে বিবেচনা করিতে লাগিল। বন্ধুর বন্ধনদশা-বিলোকনে পশ্চাদ্গামী বন্ধুজয় অত্যন্তই দুঃখিত হইল, এবং তাহার বন্ধন-মোচনার্থ বিবিধপ্রকার উপায় চিন্তা করিল। কাক যুক্তি করিয়া কহিল, “ওহে হরিণ! তুমি ব্যাধের অগ্রভাগে দূরে গিয়া মৃতদেহের ন্যায় জল-সন্নিধানে পথে পড়িয়া থাক, আমি ঠোঁট দিয়া তোমার অঙ্গে ঠোকোর মারিতে থাকি, তোমাকে দেখিবামাত্রই মৃত-জানি ব্যাধ কচ্ছপকে ভুমে রাখিয়া ছেদনার্থ তোমার নিকটে আসিবে, তখন আমার ইঙ্গিতমাত্রই তুমি অমনি উঠিয়া প্রস্থান করিবে। সেই অবসরে ইন্দুর গিয়া আপনার দন্তের দ্বারা কচ্ছপের বন্ধন ছেদন করিয়া দিবেন, মোহন তখন অমনি বাস্প-

দিয়া জলে প্রবেশ পূর্বক রক্ষা পাইবেন।

পরে পরামর্শ পূর্বক এইরূপ কুরাতে ব্যাধ তদুচ্চৈ রুষ্টমনে কচ্ছপকে ভুমে রাখিয়া “কাতান” লইয়া যেমন মৃগ-সমীপে গমন করিবে, হরিণ অমনি কাকের ডাকে উঠিয়া ছুটিয়া পলায়ন করিল। কাক বক্ষণাথায় উড়িয়া বসিল, ইন্দুর কচ্ছপের জাল কাটিয়া দিল, কচ্ছপ বাস্প দিয়া জলে গমন করিল, হরিণ পলায়ন করিলে ব্যাধ প্রত্যাগত হইয়া কুর্মকে না দেখিয়া ক্ষুব্ধচিত্তে এবস্তাকার আক্ষেপ করিতে লাগিল।

যথা পদ্য।

কিসে ভাল, কিসে মন্দ, না করি বিচার।  
ইহাৎ, যে করে কোনো, কর্মের সঞ্চার ॥  
সে কর্মে কখনো তার, প্রভুল না হয়।  
বহুবিধ বিষু ঘটে, জানিবে নিশ্চয় ॥  
নিশ্চিত বিষয়ে যার, তুচ্ছ নহে মন।  
লোভে ভুলে, নিতে চায়, অনিশ্চিত ধন ॥  
অনিশ্চিত, অনিশ্চিত কখনো না পায়।  
লাভে হোতে নিশ্চিত-বিষয় তার যায় ॥  
অতএব প্রিয়গণ! লহ উপদেশ।  
আগে করি বিবেচনা, কার্য কর শেষ ॥  
নিশ্চিত বিষয় যাহা, তাই কর ভোগ।  
অনিশ্চিত আশা করা, সে, যে, ঘোর রোগ ॥

এবম্প্রকার আকৃষ্ট করিতে ক-  
রিতে ব্যাধ আপন গৃহে গমন করিল।  
কাক, কূর্ম, মৃগ, মুষিক, সতুপায়ে  
রক্ষা পাইয়া পরমসুখে একত্রে বাস  
করিতে লাগিল।

অতি নিবিড় দুর্গম বনের মধ্যেও  
প্রণয় স্থাপন করিবে, কেননা ব্যাধ-  
হস্তে পতিত কূর্ম, প্রাণাধিক মিত্র  
মুষিককর্তৃক অব্যাহতি প্রাপ্ত হইল।

রাজপুত্রেরা কহিলেন।

হে গুরো! আপনার অনুকম্পায়  
আমরা এই প্রস্তাবে অত্যন্ত সুখি

হইলাম। যেহেতু আমারদের অ-  
ভিষিতফল সু সদ্ধ হইল।

সিদ্ধান্তেশ্বর ভট্টাচার্য্য কহিলেন।  
পদ্য।

তোমাদের মনোবুধ, পূর্ণ যেন হয়।  
আপদ বিপদ যেন, কিছু নাহি হয় ॥  
পরম্পর প্রজাপতি, যত রজাগণ।  
করুন, প্রণয়-ভাবে, পৃথিবী-পালন ॥  
সন্ধি আর শান্তি সদা, থাকুক ধরায়।  
বিবাদ না হয় যেন, রাজ্য রাজ্য ॥  
প্রজাদের ঘরে ঘরে, মিত্রলাভ হোক।  
সকলেই ঐক্য হোয়ে, সমসুখে রোক ॥  
ঈশ্বরের ইচ্ছায়, সবার হোক ভালো।  
নাহি যেন জলে আর, আক্ষেপের আলো ॥  
সদানন্দ-নদীশ্রোত, বহিবে কেবল।  
ধরাময়, যেন হয়, সবারি মঙ্গল ॥

ইতি হিত-প্রভাকর পুস্তকে হিতহার অন্তর্গত “মিত্রলাভ”

নামক প্রথম পরিচ্ছেদঃ।

## সুহৃদ্ভেদ

### নৃপতিনন্দন।

হে সংশয়চ্ছেদক শিষ্যবৎসল গুরো! আ-  
পনার অনুকম্পায় আমরা মিত্রলাভ, বর্ত্তান্ত  
অবগত হইয়া চরিতার্থ হইলাম; সংপ্রতি  
খেলেরদিগের স্বভাব এবং ব্যবহার শুনিতে অ-  
ত্যন্ত অভিলাষ হইতেছে। তাহারা কি প্রকার  
কৌশলে সুহৃদ্ভেদ করিয়া পরম্পর প্রমাদ  
ঘটনা করে? আর কি রূপ অবস্থায় বা অব-  
স্থান করিয়া জীবনযাত্রা যাপন করে? তা-  
হার বিস্তারিত বিবরণ ব্যক্ত করিয়া আনন্দ  
বিতরণ করুন। আমরা বিশিষ্টরূপে তদ্বিশেষ  
অবগত হইয়া এই অবধিই সাবধান হইব।  
কখনই খেলের অধীন হইবনা, শঠের সহিত  
যক্রপ ব্যবহার করা কর্তব্য তাহাই করিব।

### অধ্যাপক।

সাধু সাধু! তোমারদিগের এই সংপ্রসঙ্গে  
আমি পুনর্বার অপব্যাপ্ত আত্মাদ প্রাপ্ত  
হইলাম। খেলের আচরণ দৃষ্টে ও ইতিহাস  
পাঠে যেরূপ অবগত হইয়াছি, তাহাই উল্লেখ  
করিতেছি, অতিনিবেশ পূর্বক অবগত হও।  
প্রথমত খেলের ব্যবহার শ্রবণ করিলে তো-  
মরা অত্যন্ত চমকিত হইয়া থাকিবে। খলচরিত্র অতি  
বিচিত্র। এই খল কিছুতেই সরল হইবার  
নহে। যেমন নদ-নদীর বক্রতার নিবারণ  
কখনই হয়না, সেইরূপ খলদিগের কুটিল-  
গতি রহিত করণের কিছুমাত্রই উপায়-নির্গম  
হইতে পারেনা। এবিষয়ে জগদীশ্বর অসং-  
খ্যাত। খেলের সহিত কস্মিনকালেই কাহা-  
রো মিত্রতা হয়না।

### যথা খল চরিত্র।

#### পদ্য।

নমস্কারকর সবে, খেলের চরণে।  
জননী না শোক পায়, যাহার মরণে ॥  
নরাধম কেহ নাই, খেলের সমান।  
ত্রিজগত, নাহি তার, উপমার স্থান ॥  
বিষধর ধরে বিষ, বিবে হয় হিত।  
খেলের তুলনা শুধু, খেলের সহিত ॥  
সাপের কামোড়ে বটে, প্রাণে নাহি বাঁচে।  
কিন্তু ভায় বাঁচিবার, সম্ভাবনা আছে ॥  
দব্যগুণ, জলসার, ঝাড়ান ঝাড়ানে।  
সপা, যাতে কেহ কেহ, বেঁচে থাকে প্রাণে ॥  
ভুজঙ্গ বাতাস খেয়ে, থাকে পরিতোষে।  
জগতের প্রিয় নয়, খলতার দোষে ॥  
খলজন নাহি বধে, কামোড় মারিয়া।  
সর্বনাশ করে শুধু, পরশ করিয়া ॥  
খল গিয়া ছল করি, এক জনে ধরে।  
সেই যোগে পরম্পর, কত লোক মরে ॥  
সঙ্গ আর পরশেতে, করে অপকার।  
গাছে ডা, ছেঁচোড়া নয়, সেরূপ প্রকার ॥  
চিত্রকরে, চিত্র করে, তুলী তুলি করে।  
স্বরূপ, বিরূপ, রূপ, কত রূপ করে ॥  
চিত্রের কৌশল তার, অতি অপরূপ।  
সমভূমি, উঁচু, নীচু দেখায় যেরূপ ॥  
সেইরূপ ভাব ধরে, খল জন যত।  
অসত্যেরে, সত্য করি, তান করে কত ॥  
তাদের অসাধ্য ভাই, আছে, আর কিবা।  
দিবারে রজনী করে, রজনীরে দিবা ॥  
ছলনার সূচনায়, সুন্দর সঙ্গতি।  
সত্যেরে অসত্য করে, অসত্যেরে সত্য ॥

কেমন বিচিত্র ভাব, ধরিয়াছে খল।  
জলেই অনল করে, অহলেই জল ॥  
কি ভাব খেলিছে তার, মনের ভিতরে।  
বিধাতার অগোচর, কি জানিবে নরে? ॥  
খল কভু নাহি হয়, বিনয়ের বশ।  
তার কাছে, কোথা আছে, সজ্জনের যশ ॥  
পূজা কর, স্তব কর, সেবা কর যত।  
বিপরীত ফল লাভ, হবে তায় তত ॥  
অকপট প্রেমভাবে, প্রেম নাহি পায়।  
সমাদরে তুষ্ট নয়, এ, যে, বড় দায় ॥  
কুজ্ঞন যদ্যপি হয়, পৃথিবীর পতি।  
তথ্যচ হবেনা তার, সুপবিত্র-মতি ॥  
মিত্রতার যত ধর, শত্রু তত হয়।  
যে লয় শরণ, তার, মরণ নিশ্চয় ॥  
শঠ-সঙ্গ ভয়ানক, অনল সমান।  
শঠের সহিত বাস, না হয় বিধান ॥  
ধৃত লোক আপনার, কুশল কারণ।  
অনিয়াসে বধ করে, পরের জীবন ॥  
সমুদয় পাপ কর্ণে, পটু অতিশয়।  
দয়া নাই, ধর্ম নাই, নাই লজ্জা তয় ॥  
আগুণের সঙ্গি হোলে, যেক্রপ প্রকার।  
একেবারে পোড়াইয়া, করে ছারখার ॥  
শঠ-সঙ্গ, অবিকল, সেক্রপ প্রকার।  
উত্তম অধম করে, নাহি রাখে সার ॥  
বহুরূপী প্রায় খল, ঠাট করে কত।  
আপনার কার্যকালে, ছলে হয় তত ॥  
এক ঠাই, একরূপ, ভাব নাহি ধরে।  
যেখানে যেমন দেখে, সেইরূপ করে ॥  
স্তুতি, নতি, শ্রিয়ভাষ, এমত প্রকার।  
তার মত সাধু যেন, কেহ নাই আর ॥  
মুখে করে, মধুবৃষ্টি, বাহিরে সরল।  
মনের ভিতরে তরা, কেবল গরল ॥  
বাপু বোলে, ময়োধন, মুখের উপরে।  
কত কটু কহিতেছে, ভিতরে, ভিতরে ॥  
প্রকাশে, নিফালাপ, কত তায় ভুর।  
গোপনে রোপণ করে, নাশের অঙ্কুর ॥  
সাক্ষাতে সম্মান করে, করিয়া চাতুরী।  
অসাক্ষাতে ইচ্ছা করে, পেটে মারে ছুরী ॥

অতিশয় মায়াপটু, অপকৃপ ঠাট।  
খলজনে শিখিয়াছে, কি আশ্চর্য্য নাট ॥  
বিষয়েতে তুষ্ট নয়, কেমন পাতক।  
উপকার পেয়ে হয়, গুণের ঘাতক ॥  
বিস্ময় হোয়েছে দেখে, শঠের ব্যাভাব।  
যাহার আশ্রয়ে থাকে, মন্দ করে তার ॥  
অহুগত হোয়ে ঘুরে, হিত তিফা মাগে।  
তাহারি অনিষ্ট যেন, করিয়াছে আগে ॥  
মহৎ স্বভাব, তার, মহৎ যে, হয়।  
আশ্রয়দাতার কাছে, নত হোয়ে রয় ॥  
কৃতজ্ঞতা ধর্ম্মে সেই, প্রফুল্ল অন্তরে।  
আপনার সাধ্য মতে, উপকার করে ॥  
কমল আশ্রয় করি, অমল কমল।  
মধুতরে ঢল ঢল, হাস্য খল খল ॥  
সৌভে করিয়া কত, গৌরব বিস্তার।  
আশ্রয় জলেই করে, শোভার আধার ॥  
সেই জলে মকরাদি, করিয়া বিহার।  
নিরন্তর করে শুধু, পাপের সঞ্চার ॥  
খল সাপ, বাস করে, চন্দনের মূলে।  
উপকার, কভু তার, নাহি করে ভুলে ॥  
দশন প্রহারে করে, আশ্রমে আঘাত।  
আশ্রয়েতে থেকে করে, মূলের পীষাত ॥  
চন্দনের তরু কত, সুখের নিলয়।  
কোন স্থান হিংস্রকের, অধিকত নয়? ॥  
রিষধর থাকে মূলে, ফুলে মধুকর।  
হংগায় ভল্লুক উঠে, শাখায় বানর ॥  
আশ্রয় পাইয়া তার, গুণ নাহি ধরে।  
পরস্পর সকলেই, অপকার করে ॥  
সীরা আছে, বস্ত্র আছে, রস আছে যথা।  
ছুরাচার হুজ্জনের, সমাগম তথা ॥  
মহতের কাছে পেয়ে, মহৎ আশ্রয়।  
স্বভাবের দোষে কভু, মহৎ না হয় ॥  
বিষবৃক্ষে দিলে পরে, অমৃতের জল ॥  
প্রেমব করেনা কভু, সুমধুর ফল ॥  
বৈধে রেখে তাপ দেও, যত দিয়া ধুয়ে।  
কুকুরের লাজ তবু, যাবেনাকো হুয়ে ॥  
আপনার কিছু মাত্র, নাহি উপকার।  
অকারণে করে শুধু, পর অপকার ॥

মন্দ বিনা, ভাল কর্ম, কভু নাহি জানে।  
ধর্ম্মাধর্ম্ম, পুণ্যপাপ, কিছু নাহি মানে ॥  
ধন নাই, বল নাই, এমন যে খল।  
তার ভয়ে কাঁপে সদা, সজ্জন সকল ॥  
খল যদি ধনবান, বলবান, হয়।  
কোনোমতে তবে আর, রক্ষা নাহি রয় ॥  
দেশের সকল লোকে, করিয়া অধীন।  
বল পেয়ে, ছল পেয়ে, সে হয় স্বাধীন ॥  
কাজে কাজে তার কাছে, সব পরাতব।  
আপনার ইচ্ছামত, কর্ম করে সব ॥  
কারে মারে, কারে কাটে, কারো লোটে পুর।  
কারে কারে দেশ থেকে, কোরে দেয় দূর ॥  
এইরূপে তার ভয়ে, সবাই অস্থির।  
কখন কি কোরে বসে, কিছু নাই স্থির ॥  
যে রাজার দেশে করে, বসৎ অসৎ ॥  
সে দেশেতে মারাপড়ে, সমুদয় সৎ ॥  
বিশেষত শঠ যদি, রাজ্যপ্রিয় হয়।  
সে রাজার রাজ্যে আর, ধর্ম্ম নাহি রয় ॥  
সাধ-পূরে সেধে লয়, মানসিক-ক্রিয়া।  
রাজ্য করে ছারখার, কুমন্ত্রণা দিয়া ॥  
করিয়া সুহৃদ ভেদ, প্রমাদ ঘটায়।  
পরস্পর প্রেমভাব, নাহি থাকে ভায় ॥  
কুমন্ত্রির মন্ত্র-দোষে, বুদ্ধির বিকার।  
নৃপতির করে নানা, পাপের আধার ॥  
কেবা আত্ম, কেবা পর, থাকেনা বিচার ॥  
বিপরীত, ভেবে হিত, একে করে আর ॥  
একরূপ শঠের কথা, কি বলিব আর।  
শত শত ঠাই আছে, প্রমাণ তাহার ॥

হে বাপু! তবে সুরূপে বিবরণ  
শ্রবণ কর।  
পদ্য।

বন্দাবনে, “বংশীধর” বণিক কুমার।  
নিয়ত বিদেশে করে, বাণিজ্য ব্যাপার ॥  
বহুবিধ দ্রব্য লোয়ে, লাভের আশায়।  
শকটে চড়িয়া “বৈশ্য”, বনপথে যায় ॥  
“সঞ্জীবক”, নামে এক, “বলদ”, তাহার।  
যেতে যেতে, হোলো পাথে, রোগের সঞ্চার ॥

খোঁড়া হোলো এক ধন, চলিতে না পারে।  
“অগুবনে” গিয়া সাধু, ছেড়ে দিল তারে ॥  
আহারের কিছু নাই, অভাব তথায়।  
তিন পায়ে ভর কোরে, চোরে চোরে খায় ॥  
এইরূপে খেয়ে খেয়ে, সেরেগেল পদ।  
বল পেয়ে হুটু পুটু, সুখে গদগদ ॥  
একদিন ঘটনা, হইল, অপকৃপ।  
“সুবোধ”, নামেতে সিংহ, কাননের ভূপ ॥  
“পশুপতি”, পিপাসায়, পীড়া পেয়ে অতি।  
জল খেতে, নদীতটে, করিয়াছে গতি ॥  
হেন কালে “সঞ্জীবক”, অতি বড় নাদে।  
“গাংগা” রবে “ডাক” ছাড়ে, মনের আছাদে ॥  
ঘোরতর শব্দ শুনে, হইয়া বিস্ময়।  
“হরি”, পেলে বনমাজে, মনোমাজে তয় ॥  
না করিয়া জলপান, ছুটে পলাইল।  
স্বস্থানে প্রস্থান করি, নীরবে রহিল ॥  
স্থির হোয়ে, একা বোসে, ভাবিতেছে মনে।  
বলবান কোনো পশু, এসেছে এ বনে ॥  
যদ্যপি ঘটনা হয়, একরূপ প্রকার।  
আমর “প্রভু” তবে, রহিবেনা আর ॥  
“দমনক” করটক “শূগল” দুজন।  
উভয়েই মৃগেশের, মন্ত্রির নন্দন ॥  
দূর হোতে দুজনেই, দেখিতে পাইল।  
ভয় পেয়ে ভীত হোয়ে, ভূপাল ভাগিল ॥  
“দমনক”, বলে ওহ, “করটক”, “ভাই”।  
চল চল রাজার, নিকটে, দৌড়ে যাই ॥  
কি কারণে, জলপান, হোলোনা রাজার।  
মনে মনে কেন হেন, ভয়ের ব্যাপার? ॥  
ভূপতি হোলেন ভীত, কিসের লাগিয়া? ॥  
জিজ্ঞাস্য করিতে হবে, বিশেষ করিয়া ॥  
প্রভুতত্ত্ব অনুরক্ত, সেবক যেমন! ॥  
সময়ে করিবে গিয়া, প্রভু দরশন ॥  
কাল বিবেচনা করি, গেলে পরে কাছে ॥  
অবশ্যই তাহে কিছু, উপকার আছে ॥  
সুযোগের সময়ের, সন্ধান লইবে।  
কখন কি প্রয়োজন, জানিতে হইবে ॥  
“দাঁতনের”, প্রয়োজন, দস্ত পরিস্কারে।  
“খড়িকের”, প্রয়োজন, এটো ফেলিবারে ॥

চলকূতে হোলে কাণ, “তগ, তায় চাই।  
কতরূপ, প্রয়োজন, দেখ দেখি ভাই?।  
এসব যদি চাই, এসব ব্যাভারে?।  
মানুষের প্রয়োজন, কত হোতে পারে?।  
বিশেষত ভূতা হয়, নিত্যসেবাকর।  
সুখের নির্ভর করে, তাহার উপর।  
করিবে স্বামির সেবা, হোয়ে সাবধান।  
প্রভুর নিকটে নাই, মান অপমান।  
ভাকে যদি কত ভালো, দাঁড়াইবে পথে।  
না ভাকেতো, যেচে যাবে, বিবেচনা মতে।  
বুদ্ধি বলে পারে যেই, নিয়মে চলিতে।  
তারে আর নাহি হয়, অধিক বলিতে।

করটক कहिल ।

ভাই আমারদিগের, অনধিকার  
চর্চার প্রয়োজন করেনা।—বিনা  
আস্থানে গমন করিবেনা এবং জি-  
জ্ঞাসিত না হইলেও কোনো প্রসঙ্গ  
করিবেনা।

দমনক कहिल ।

প্রভুর কোনোরূপ বিপদ ঘটনা  
হইলে ও বিশেষ কোনো কার্য-কা-  
লের অতিক্রম হইলে এবং সুপথ প-  
রিত্যাগ করিয়া কুপথে গমন করিলে  
হিতৈষি-দাসেরা। জিজ্ঞাসিত না হই-  
লেও জিজ্ঞাসা করিবে, সাবধান করি-  
য়া দিবে, এবং ভয়ভঞ্জন করিবে।  
যে দাস মত সময় ও সুযোগ প্রা-  
প্ত হইয়া উচিত কর্মের অন্যথা করে  
তাহার অপেক্ষা অকৃতজ্ঞ এবং মূঢ়  
আর কে আছে?।

पद ।

প্রভুর বিপদ যদি, হয় উপস্থিত।  
দাস যারা হবে তারা, কাছে উপনীত।

মনে মনে স্থির করি, মঙ্গলের আশা।  
জিজ্ঞাসিত, না হোলেও, করিবে জিজ্ঞাসা।  
যুক্তি বোধে, জেনে নিয়, বিশেষ আভাষ।  
সাধামত, সে বিপদ, করিবে বিনাশ।  
যদ্যপি জীবন যায়, তথাচ স্বীকার।  
কৃতজ্ঞতা ধর্ম তায়, হইবে প্রচার।  
বিহিত কার্যের কাল, হোলে অতিক্রম।  
গমনের কালে যদি, হয় পথভ্রম।  
হিতকারী কর্মচারী, যেজন হইবে।  
সে সময়ে সবিশেষ, তখন কিহবে।  
কর্ম্মতে যদ্যপি হয়, কাল অতিক্রম।  
অবশ্য ঘটতে প রে, বহু ব্যতিক্রম।  
পথভুলে অন্যপথে, করিলে গমন।  
কত মত হোতে পারে, বিপদ ঘটন।  
নীতিমতে এই হয়, মতের লক্ষণ।  
অধিনের উচিত, একরূপ, আচরণ।  
সময়েতে, যে, না, করে, একরূপ আচার।  
তার চেয়ে অকৃতজ্ঞ, মূঢ় নাই আর।  
জীবন হে তেছে রক্ষা, যার অন্ন খেয়ে।  
“গুরুজন”, কেবা আর, আছে তার চেয়ে?।  
যার দানে প্রতিদিন, করিহু আহা।  
প্রাণ-দিয়ে কর সবে, উপকার তার।  
কৃতজ্ঞতার সে মদা, মন যাবে গোলে।  
কেহ যেন নাহি হাসে, অকৃতজ্ঞ বোলে।  
কৃতকার্য হোলে পরে, পাইব প্রসাদ।  
একেবারে দূর হবে, সকল বিষাদ।  
কর্ম্মতে উচিত কর্ম্ম, নাহি হয় ভুল।  
কর্ম্মের, অ, কর্ম্মের, তবে জানি মূল।

করটक कहिल ।

প্রভু এবং দাস, এই উভয়ের  
মধ্যে অনেক ভেদ আছে। যে ব্যক্তি  
কার্যো নিপুণ, সেই ব্যক্তিই প্রিয়  
হয়। অসমর্থ লোক কি প্রকারে রাজ  
প্রসাদ প্রাপ্ত হইবে? দেহের বল  
বল নহে, কর্ম্মের বল বল।

রাজাজ্ঞা হেলন, পণ্ডিতের অ

নাদর, নারীর পৃথক-শয্যা এবং অ-  
বৈধ হিংসা, কখনই কর্তব্য হয়না।  
আমরা অক্ষম, কি উপায়ে রাজাজ্ঞা  
পালনে পটু হইব?।

पद ।

প্রভুভক্ত, অগ্রভক্ত, অসমর্থ যেই।  
সেবকের যোগ্য আর, নাহি হয় সেই।  
তাহাতে প্রভুর আর, নাহি প্রয়োজন।  
কিন্তু তার গুণ দেখে, করিবে পালন।  
শরীর সবল বটে, কর্ম্মে পটু নয়।  
তাহাতে প্রভুর কিবা, প্রয়োজন হয়?।  
তার বল ব্যাখ্যা করি, কর্ম্মে-বল ধরে।  
কাজেতে অশক্ত হোলে, সর্ব্বলে কি করে?।  
কোনোমতে রাজাজ্ঞা, হেলা-করা-নয়।  
যে জন হেলন করে, মন্দ তার হয়।  
পণ্ডিতের অনাদর, উচিত না হয়।  
আদর না করে যেই, মানুষ সে নয়।  
নারীর পৃথক-শয্যা, অতি অশ্লীল।  
বিপরীত যুক্তি তায়, নাহি হয় হিত।  
বিধিহীন হিংসা-করা, বিধি কত নয়।  
জানিগণে, কতু তারে, বৈধ নাহি-কয়।  
যেজন আপন বল, না কোরে বিচার।  
অভিলাষ করে মনে, রাজপুরুষ র।  
তিরস্কার হয় তার, পুরস্কার নাই।  
ভাই বলি, বিধিনত, কর্ম্ম কর ভাই।  
যখন প্রভুর হবে, বিপদ ঘটনা।  
মন্ত্রী তায়, করিবে, বিশেষ বিবেচনা।  
করিলে একরূপ কর্ম্ম, প্রতীকার হয়।  
এইরূপে, প্রতীকার, যোগ্য কত নয়।  
সুবিহিত সত্বপায়, করি প্রদান।  
করিবে ভয়ের কালে, অভয় প্রদান।  
উপায় না কোরে স্থির, যে দেয় সাহস।  
তিরস্কারে হয় তার, মগ্ন মানস।  
উপকার না করিয়া, পুরস্কার চায়।  
তার মত হীন আর, কে আছে কোথায়?।  
আপনার কার্য্যবলে, না করিয়া হিত।  
প্রথমে প্রসাদ নেয়া, না-হয় উচিত।

বিশেষত রাজদারে, উচিতভো-নয়।  
করিলে একরূপ কর্ম্ম, অমঙ্গল হয়।

दमनक कहितेहे ।

বিপদ, হয়েছে, কঠীপাতরের মত।  
ব্যবহারে তাহাতে, পরীক্ষা হয় কত?।  
গময়ের আঁচড়েতে, সব যায় আঁচ।  
সহজে জানিতে পারি, বাঁটো আর সাঁচ।  
মিত্রের আচার তায়, প্রকাশিত হয়।  
বনিতার ব্যবহার, গোপন না রয়।  
বেতনের বশ যারা, যত আছে দাস।  
পায় তায় সকলের, স্বভাব প্রকাশ।  
বল, বুদ্ধি, যত কিছু, শরীরের সার।  
বিপদে অনাসে হয়, সকল প্রচার।

পাছে কোনো দোষ হয়, একরূপ  
ভাবিয়া কর্ম্মারম্ভ না করা “কাপুরু-  
ষের কর্ম্ম”, কোন্ বুদ্ধিমান ব্যক্তি অ-  
জীর্ণ ভরে উপস্থিত অন্ন পরিত্যাগ  
করিয়া থাকেন?।

पद ।

পাছে কোনো দোষ হয়, একরূপ ভাবিয়া।  
মদাকাল, সশঙ্কিত, সন্দেহ করিয়া।  
নাহি করে, কোনোরূপ, কর্ম্মের সঞ্চার।  
তার চেয়ে “কাপুরুষ”, কেবা আছে আর?।  
পাছে নাহি পাক পায়, এইরূপ ডরে।  
উপস্থিত অন্ন কেবা, পরিত্যাগ করে?।  
সকল কর্ম্মের আগে, বিবেচনা চাই।  
বিচারে করিলে কর্ম্ম, কোনো দোষ নাই।

অপায় দর্শনে যে আপদ জন্মে  
এবং উপায় দর্শনে যে সম্পদের স-  
ঞ্চার হয়, মেধাবি-জনেরা নীতিশা-  
স্ত্রের নিপুণতাদ্বারা আগেই তাহা  
প্রকাশমানের ন্যায় দেখিতে পান।

पद ।

অপায়ে আপদ ঘটে, অশেষ প্রকার।  
উপায়েতে, হয় কত, সম্পদ সঞ্চার।

বোধ নাহি করে বাস, যাহার আধারে।  
ভদ্রাতন্ত্র কিছু নাহি, বুঝিতে সে পারে ॥  
নীতিশাস্ত্রে স্থানপুণ, মেধাবী যে, হয়।  
প্রকাশমনের ন্যায়, দেখে সমুদয় ॥  
তাই বলি, ওহে ভাই, নীতি অমুরাগে।  
কি করিলে কি হইবে, স্থির কর আগে ॥  
খীর হোয়ে স্থির জানে, চালাে মনোরথ।  
ছেড়োনা, ছেড়োনা, কেহ, উপায়ের পথ ॥  
বিহিত না করে যেই, উপায় থাকিতে।  
যশ, মান, পদ, সেই, পারেনা রাখিতে ॥  
বিফলেতে ব্যয় করে, সুযোগের যোগ।  
কখনো কি হয় তার, সুখের সমাগ ॥  
উপায়ে “অপায়” দেখে, হীন হোয়ে রয়।  
পুনর্বার প্রতীকার, নাহি আর হয় ॥  
“যত্নজল” নাহি দিলে, “কার্যাতরুতল”।  
সুফলের ফল ভায়, কখনো কি ফলে ॥  
উপায়ের কাল যদি, হয় অতিক্রম।  
যটেই যটেই য.ট, বহু ব্যতিক্রম ॥

ভদ্রাতন্ত্র বিবেচনা, কখনো না করে।  
আপনার বুদ্ধি দোষে, অভিযানে মরে ॥  
আহারেতে ভাল, মন্দ, কিছু নাহি বাছে।  
শাস্ত্রে হয় পরাজয় সকলের কাছ ॥  
কেবল উদর মাত্র, বুঝিয়াছে সার।  
উদর ভরণ বিনা, নাহি জানে আর ॥  
মানবের দেহ পেয়ে, না হইল হিত।  
প্রভেদ কি আছে তার, পশুর সহিত ॥

কোনোকালে স্বরূপের, না হয় বিরূপ।  
যাহার যেমন ভাব, লাভসেইরূপ ॥  
যেজন, সুকর্ম করে, শুভফল পায়।  
সম্পদ সমাগ তার, পাছে পাছে ধায় ॥  
উচ্চ স্থান, উচ্চ মান, উচ্চ হয় সব।  
দণ্ডিগে যশ ছুটে, করে উচ্চ রব ॥  
যে জন কুকর্ম করে, ভোগে পাপ ভোগ।  
কেমনে হইবে তার, সুখের সংযোগ ॥

যজন প্রাচীর দেয়, ভর করি ভিতে।  
ক্রমেতে উপরে উঠে, গাঁথিতে গাঁথিতে ॥  
কুপের খননকারী, উর্দ্ধ নাহি রয়।  
যত খোঁড়ে, তত তার, অধোগতি হয় ॥  
“কৃতজ্ঞতা মহাধর্ম, যে করে পালন।  
নাধু নাধু, নাধু জ্বর, সফল জীবন ॥  
করটক কহিল।

হে ভাই! যদি কৃতকার্য হইতে  
পার, তবে এখন গমন কর, তোমার  
মঙ্গল হউক, জগদীশ্বর তোমার অ-  
ভীষ্ট সিদ্ধি করুন।

তাহার পর দমনক করটক  
উভয়েই সিংহরাজ সমীপে গমন  
করিয়া ভূমিষ্ঠ হইয়া প্রণাম পূর্বক  
নিবেদন করিল। হে মহারাজাধি-  
রাজ! আপনি পিপাসাতুর হইয়া  
নদীকূলে গমন করিতেছিলেন,  
জলপান না করিয়া কি জর্ন্য প্রত্যা-  
গত হইলেন, আপনার ভয়ের কা-  
রণ কি?

পশুরাজ প্রিয়ভাবে কহিলেন।  
এসো বাপু মন্ত্রিকুমার! কেমন  
তোমাদের মঙ্গল-তো? আমি অদ্য  
এই বনে জল সমীপে অতি বড় এক  
ভয়ঙ্কর শব্দ শুনিয়া ভীত হইয়াছি।  
দমনক কহিল।

কোনো বিশেষ কারণ না জানিয়া  
ও বিশেষ অনুসন্ধান না লইয়া  
কোনো বিশেষ বস্তু দর্শন মাতেই এবং  
কোনো বিশেষ শব্দ শ্রবণমাতেই হ-  
ঠাৎ ভয় করা কর্তব্য হয়না, নিগূঢ়  
কারণ জানিয়া যদি ভয়ের বিষয় হয়

তাই ভয় করিয়া যাহা করা উচিত  
শুদ্ধ তাহাই করিবে। যাহার বুদ্ধি  
আছে ও সাহস আছে, সে ব্যক্তি  
যুক্তি ও কৌশলে অতি সুসাম্য ও  
গুরুতর কার্য্য সকল অতি সহজেই  
সম্পন্ন করে।

পায়ার।

হঠাৎ দেখিয়া কিছু ভয় করা নয়।  
অকস্মাৎ শব্দ শুনে, করিবেনা ভয় ॥  
ভয়ের কারণ আগে জানিতেতো হবে।  
ভয়ানক যদি হয়, ভয় কর তবে ॥  
যদি নাহি থাকে কিছু ভয়ের ব্যাপার।  
মিছে কেন ভয় পেয়ে, কর হাহাকার? ॥  
ঘটে যার বুদ্ধি আছে, চতুর যে জন।  
যুক্তিযোগে জেনে লয়, কার্য্যের কারণ ॥  
কৌশলে জানিলে পরে, বিশেষ কারণ।  
সহজেই হয় তার ভয়ের ভঞ্জন ॥  
সন্ধানেন্তে যদি জানে, ভয়ের বিষয়।  
বিপদের আগে ভাগে, সাবধান হয় ॥  
এইরূপ করে যেই, বুদ্ধির বিচারে।  
বিপদ কি কোনোকালে, ছুঁতে পারে তারে?।  
বুদ্ধি যার, জয় তার, কিছু নাই ভয়।  
কোন কালে কোথা হয়, অবোধের জয় ॥  
উপমার উপন্যাস, করিয়া শ্রবণ।  
উপদেশ লহ লহ, যত প্রিয়গণ ॥

ত্রিপদী।

মধুপ্রিয় মহীপতি, মহিমায় মহামতি,  
নিবসতি, নুলিনী-নগরে।  
আপদ বিপদ হত, পরস্পর প্রজা যত;  
বহুকাল সুখে বাস করে ॥  
কালযোগে নিশাতোরে, ঘণ্টা চুরি করি চোরে,  
প্রান্ত-পথে করে পলায়ন।  
দৈবে তথা বায়ু আসি, তঙ্করের প্রাণনাশি,  
করিলেক শোণিত সেবন ॥

হইলে প্রভাত কাল, এসে বানরের পাল,  
ঘণ্টা নিয়া করিল প্রস্থান।  
পোড়ে আছে পথে শব, দেখিল মানব সব,  
কেহ কিছু না পায় সন্ধান ॥  
কৌতুকেতে কপি সব, বনে করে ঘণ্টারব,  
নগরেতে ধনি তার ধায়।  
সুই রবে পেয়ে ভয়, কত লোকে কত ক্রয়,  
সবে ভাবে, কি হইল হায় ॥  
নাগবলা-বাদ্যকর, আনিয়াছে নিশাচর,  
দিনে করে বিপিনে বিহার।  
হোলে পরে বিভাবরী, প্রায়েতে প্রবেশ করি,  
ধোরে করে মাংস আহার ॥  
করি এই নিরূপণ, সার হীন যত জন,  
একে একে ভয়ে পলাল ॥  
প্রজার এরূপ ভ্রমে, রাজধানী ক্রমে ক্রমে,  
জনহীন হইতে লাগিল ॥  
পাত্র মিত্র আদি যত, তাবতেই জ্ঞান হত,  
মনে মনে ভাবেন ভূপাল।  
বলহারী যত বীর, কিছুই না হয় স্থির,  
কি কারণে ঘটিল জঞ্জাল? ॥  
“বামা” নামা গুণধামা, চতুরা গোপের বামা,  
মনে এই করিল বিচার।  
কিহেতু এমন হয়, অকারণে কতু নয়,  
কারণ অবশ্য আছে তার? ॥  
যে দিগেতে হয় ধুনি, সেই দিগে সেই ধনী,  
চুপি চুপি চালায় চরণ।  
গোপিনী গোপনে গিয়া, গহনেতে প্রবেশিয়া,  
দূরে হোতে কর দরশন ॥  
চারিদিক্ চেয়ে চেয়ে, দেখিল গোপের মেয়ে,  
বানরেতে ঘণ্টারব করে।  
হোয়ে সব অবগত, মন্ত্রকরিয়া কত,  
ফিরে আসে সরস অতরে ॥  
কুতূহলে নানা ছলে, নৃপতি নিকটে বলে,  
মহারাজ প্রণাম আমার।  
অমঙ্গল অতিশয়, অনুমতি যদি হয়,  
আমি তার করি প্রতীকার ॥

সংপ্রতি কিঞ্চিৎ ধন, দেহ মোরে নৃপধন,  
আয়োজন করিয়া পুজার।  
কালিকার পূজা দিয়া, রাক্ষসেরে বিনাশিয়া,  
পরিশেষ লব পুরস্কার ॥  
গোপীর বচনে ভূপ, ধন দিয়া সেইরূপ,  
তখনই দিলেন বিদায়।  
টাক্স পেয়ে গোয়ালিনী, হোয়েঅতি আক্সা  
দিনী, ঘরেতে রাখিল সমুদায় ॥  
সস্তাবিত কড়ি নিয়া, হাটের তিতরে গিয়া,  
আশপাশ, ঘুরিয়া ঘুরিয়া।  
বানরের প্রিয় বাহা, বেছে বেছে নিল তাহা,  
আপনার আঁচল পুরিয়া ॥  
ফলের চেঙারি কাক, চলে রামা ঘোর জাঁকে  
নিরুপিত বনের তিতরে।  
যথা সেই কপিদল, নিয়া কলা, আম ফল,  
সেই খানে ছড়া ছড়ী করে ॥  
পেয়ে আহারের ফল, ঘটা ফেলে কপি দল,  
গুপ্ত গাপ, খায়, গ্রাসে গ্রাসে।  
'বামা সেই অবসরে, ঘটাটি করিয়া করে,  
প্রস্থান করিল রাজ বাসে ॥  
রাজার নিকটে এসে, গদগদ ভাবে হেসে,  
কথা কয়, হাত মুখ নেড়ে।  
জননী কালীর বরে, জয় করি নিশাচরে,  
ঘণ্টা তার আনিয়াছি কেড়ে ॥  
শত্রু হোলো পরাজয়, জয় ভূপতির জয়,  
কোনো ভয় না রহিল আর।  
যত দিন আমি রব, তত দিন রাজ্যে তব,  
সাধ্য কার করে অত্যাচার ॥  
গলা কোরে বলা নয়, বলি কিছু মহাশয়,  
খেড়ে খেড়ে, গোঁপদেড়ে যত।  
পুরুষ দেখিছ পাই, পুরুষার্থ কারো নাই,  
ধিক্ধিক্ধবো ত্বার কত? ॥  
বিধাতা করেছে নারী, উপায় করিতে নারি,  
নীচ বোলে সবে করে দেখ।  
মনোহুখে বলি তাই, আমি মেয়ে তাহি জাই,  
তাইসিন্ রক্ষে হোলো দেশ ॥

মুখে যেন খোই ফোটে, বিষম চোপার চোটে,  
চমকত সভায় সবাই।  
এ, যে, বামা, বামা নয়, মনে মনে সবে কয়,  
কারো মুখে কথা আর নাই ॥  
ভূপতি বিস্ময় হোয়ে, মনতোষা কথা কোয়ে,  
গোপীরে দিলেন পুরস্কার।  
তদবধি লোকে সব, নাহি শুনে ঘণ্টারব,  
হোলো ভায় ভয়ের সংহার ॥  
হোই হোই কোরে সবে, পালাই পালাই রবে,  
গ্রাম-খানা হয়েছিল এলো।  
ভয় পেয়ে যত জন, কোরে ছিল পলায়ন,  
পুনরায় ফিরে সবে এলো ॥  
ওরে তাই, বলি তাই, হেতু ছাড়া কর্ম নাই,  
কার্যের কারণ চাই জানা।  
না জেনে যে করে ভয়, তার জয় নাহি হয়,  
হুখে রয় কষ্ট পেয়ে নান। ॥  
শুন শুন প্রিয়গণ, আহে দেহ, আহে মন,  
মনে কর বিষয় বিচার।  
হেতু জেনে বুদ্ধি ধরে, বুঝিয়া যে কার্য্য করে,  
বিপদের সম্ভব কি তার? ॥  
পায়ার।  
কার্য্য কালে বুদ্ধি যার, নাহি হয় নাশ।  
কুশল আপনি এসে, হয় তার দাস ॥  
অমঙ্গল আর তার, নিকটে না চরে।  
বুদ্ধি বলে অনাসেই, বিপদে সে তরে ॥  
অভিগয়, সহজেতে, উপায়ে যা হয়।  
বলে তাহা কোনো কালে, হইবার নয় ॥  
কৌশলে অবলে বরে, সবলে সংহার।  
ক্ষম আর কাল সাপ, প্রমাণ তাহার ॥  
ত্রিপদী।  
নারায়ণী নদী তটে, কোনো এক বংশীবটে,  
বায়স, বায়সী করে বাস।  
এসে এক কালসাপ, প্রতিবর্ষে দেয় তাপ,  
কাকীর সন্তানে করে নাশ ॥  
হোয়ে শেষ গর্ভবতী, কাকে কহে কাকী সতী  
এ বাসায় করিবনা বাস।  
ছেলে মেয়ে যত হয়, কেহ নাহি বেঁচে রয়,  
সাপে খেয়ে করে সর্বনাশ ॥

পায়ার।

বার বার এপ্রকার, সন্তানের শোক আর,  
কোনোমতে প্রাণে নাহি ময়।  
প্রাণনাথ ধরি পায়, কর তার সন্তপায়,  
এখানেতে থাকা আর নয় ॥  
কাকীর কাকুতি স্বরে, কাকা কহে হৃদয়তরে,  
প্রাণ প্রিয়ে তেবোনাকো আর।  
এবার কে ছাড়ি তারে, বোধে সেই ছুরিচারে,  
করিব বিশেষ প্রতীকার ॥  
বায়সী বলিছে তবে, কেমনে উপায় হবে,  
তুমি কিছু বলবান নও।  
প্রবল বিপক্ষ সেটা, তার ধলে পায়ে কেটা,  
প্রাণপের কথা কেন কও? ॥  
কি কহিব হায় হায়, বুড়ো হলে বুদ্ধিঘায়,  
রঙ্গরস, ভাল নাহি লাগে।  
তোমার-তো এই দশা, তুল্য কোথা হাতী, মশা  
তুল্য কোথা, শ্যালে আর বাঘে? ॥  
রাম রাম হরি হরি, দম ফেটে হেসে মরি,  
কুকুরে বধিবে হরি নখে।  
টোড়াসাপ ধরি গ্রাস, গরুড়ে করিবে নাশ,  
বাসকি বধিতে চায় বকে ॥  
চুপ্ চুপ্ মরি মুখে, ও কথা এনোনা মুখে,  
কে না জানে, তোমার যে, গুণ।  
এই বনে চরে যারা, এ কথা শুনিলে তারা,  
সকলেই হেসে হবে খুন ॥  
কাকা কয়, কাকি প্রিয়ে, এখানে তোমায় নিয়ে  
এই ভাবে কাটিব সময়।  
অবলা অগোধ নারী, তোমায় বুঝাতে নারি,  
বাসস্থান ছাড়ি বিধি নয় ॥  
বিশেষ কি কব আর, বুদ্ধি যার, বল তার,  
মিছে কেন কর পরিহাস? ॥  
উপায়েতে সব হয়, মশা করে হাতী জয়,  
শশকেতে সিংহ করে নাশ ॥  
কাকী কয় সে কেমন, এ ঘটনা অঘটন,  
সাধে আমি করি উপহাস? ॥  
হেসে পুন কাকা কয়, কৌশলে সকলি হা,  
শুন তার বলি ইতিহাস ॥

কাঞ্চীবন নামে এক, ভীষণ কানন।  
নানা জাতি পশু তথা, করে বিচরণ ॥  
হঠাৎ সে বনে এক, সিংহ বলবান।  
বলেতে হইল সব, পশুর প্রধান ॥  
সমুখেতে যারে পায়, বধ করে তাকে।  
ছেলে বুড়ো আদি করি, কারেও না রাখে ॥  
এইরূপ যত তার, বাড়ে অত্যাচার।  
ততই ব্যাকুল সব, পশু-পরিবার ॥  
সর্বক্ষণ সশঙ্কিত, কারো নাই সুখ।  
তাবতেই শোকে তাপে, ভয়ে ভোগে দুখ ॥  
এক দিন যত মৃগ, যুক্তি করি স্থির।  
কেশরীর কাছে গিয়া, কাঁপায় শরীর ॥  
পদতলে প্রণাম, করিয়া সবে কয়।  
আমাদের নিবেদন, শুন মহাশয় ॥  
যদ্যপি এক্রূপে প্রভু, কর অবিচার।  
অচিরে বনরাজ্য, হবে ছারখার ॥  
কেহ আর না রহিবে, অধীন হইয়া।  
ভয়েতে পলাবে সব, গহন ছাড়িয়া ॥  
দেখুন বিচার করি, হয় কি না হয়।  
এ প্রকার ব্যবহার, রাজধর্ম নয় ॥  
দয়া করি রক্ষা কর, প্রজাদের অস্থ।  
প্রতি দিন সুখে থাও, এক এক পশু ॥  
পালা-মত দিই তার, নিয়ম করিয়া।  
একে একে খাদ্য হবো, নিকটে আসিয়া ॥  
পশুদের শুনে এই, বিনয় বচন।  
সম্মত হোলেন তায়, পারীজ্ঞ রাজন ॥  
পশুপতি হোয়ে এই, পালার অধীন।  
এক এক পশু খান, এক এক দিন ॥  
এইরূপে বহুকাল, কাল হরে হরি।  
দৈবের ঘটনা তবে, শুন প্রাণেশ্বর ॥  
প্রাচীন শশক এক, শুদ্ধির আধার।  
প্রথাক্রমে এক দিন, পালা হোলো তার ॥  
পালায় পালায় পশু, উপায় না পায়।  
মুহুগতি আসিতেছে, ভর করি পায় ॥  
বাইতে বাইতে পথে, ভাবে এ প্রকার।  
নিশ্চয় আমারে আজ, করিবে সংহার ॥

মরিবার হেতু তবে, ক্রত কেন যাই!।  
 ভেবে দেখি যদি কোনো, সছুপায় পাই।।  
 পড়িলে যমের হাতে, বাঁচিতে কে পারে?।  
 বেয়ে চেয়ে দেখি তবু, সাধ্য অমুসারে।।  
 এদিকে কেশরী হোয়ে, ক্ষুধায় কাতর।  
 আশ্ফালন করিতেছে, ভূমে করি তর।।  
 ভয়ানক নাদ করি, বদন বিকটে।  
 এখনো বর্ষার ব্যাটা, এলোনা নিকটে?।।  
 হেনকালে শশক, সমীপে উপনীত।  
 ক্রোধভরে, কটু কয়, হইয়া রূপিত।।  
 হাঁরে, ওরে, ছুরাচার, এত তোর হেলা?।  
 করিস অমান্য তুই, পেয়েছিস খেলা?।।  
 মুগ কয়, মহাশয়, মিছে কর রোষ।  
 বিষম ঘটনা পথে, কিছু নাই দোষ।।  
 পারীজ্ঞ এসেছে এক, অতি দীর্ঘকায়।  
 আসিবার কালে পথে, ধরিল আমায়।।  
 কত ছলে বাঁচিয়াছি, বিনত হইয়া।  
 আসি বোলে আসিয়াছি, শপথ করিয়া।।  
 কেশরী কহিছে কোথা, আছে সে দুর্জন?।  
 তাহার রুধিরে আজ, করিব তর্পণ।।  
 মাথার উপরে আছে, দুটো মাথা কার?।  
 আমার, এ রাজ্যে এসে, করে অত্যাচার।।  
 শশ বলে এসো, প্রভু, দেখাইব তায়।  
 মহানাদে, মহানাদ\*, পিছে পিছে যায়।।  
 কৌশল করিল মুগ, অতি অপরূপ।  
 এই দেখ, বোলে এক, দেখাইল কুপ।।  
 অনুরূপ দেখে জলে, শক্র মনে মানি।  
 মানী হোয়ে সেই জলে, ঝাঁপ দিলে মানী।।  
 বুদ্ধিদোষে হোয়ে নিজ, অনুরূপে দেখী।  
 ডুবিয়া মরিল কূপে, মহাবীর কেশী।।  
 বলহীন শশকের বুদ্ধি, ছিল যাই।  
 কৌশলে কেশরি মেরে, ঘেঁচে গেল তাই।।  
 মরিল প্রবল শক্র, ভয় আর কারে।  
 বনের সকল পশু, পূজা করে তারে।।

\* মহানাদ—পারীজ্ঞ, মানী, মহাবীর, কেশী,  
 মুগেদ্র, সিংহ।

অতএব শুন ধনি, প্রাণের পুতলি।  
 বুদ্ধি ধার বল তার, সাথে আমি বলি!।  
 কাকী কহে যা কহিলে, তাবেতে সন্তবে।  
 আমাদের গতি বল, কি হইবে তবে?।।  
 ত্রিপদী।  
 কাক কয়, শুন কাকি, এখন কি ক্ষান্ত থাকি,  
 সবিশেষ সছুপায় হবে?।  
 সাপের বাপের আর, সাধ্য নাই বাঁচিবার,  
 প্রতীকার, করি তার তবে।।  
 কৌশলেতে যুক্তি কই, বিনোদিনী দেখ ওই,  
 লোয়ে নিজ অনুরূপ-গণ।।  
 প্রতিদিন কুতূহলে, নারায়ণীন্দী জলে,  
 স্নান করে নৃপতিনন্দন।।  
 রাখিয়া শোণারসূত্র, যখন রাজার পুত্র,  
 মলিলেতে দিবেন সাতার।।  
 সেইকালে তুমি প্রিয়ে, ঠোঁটে কোরে তুলে,  
 নিয়ে, নীড়ে গিয়ে, রেখে দেবে হার।।  
 রাজচর বহু জনে, সেই হার অশেষণে,  
 বৃক্ষেতে করিবে আরোহণ।।  
 কোটরে ভুজঙ্গ হেরে, দেহে তার খোঁচা-মেরে,  
 তখনই করিবে নিধন।।  
 এইরূপে মোলৈ সাপ, যুচিবে সকল পাপ,  
 মনস্তাপ ঘটিবেনা আর।।  
 সন্তান সন্ততি নিয়ে, স্নেহের সম্মোগে প্রিয়ে,  
 উভয়েতে করিব বিহার।।  
 বায়স বলিল যাই, বায়সী করিল তাহা,  
 মরিল সে কাল বিষধর।।  
 ভবিষ্যি অনায়াসে, কাকা কাকী, সেই বাসে,  
 বহুকাল স্নেহে করে ঘর।।  
 তাই বলি প্রিয় সবে, যখন বিপদ হবে,  
 ঈর্ষ্যা যেন না ধায় তখন।।  
 স্নজনের যুক্তি লোয়ে, ধীর হোয়ে স্থির হোয়ে,  
 করিবে উপায় নিরূপণ।।  
 বুদ্ধির না হোলে ভুল, বিভূ হন অনুরূপ,  
 সে বিপদ কখনো না রয়।।  
 বুদ্ধিমানের বুদ্ধি বলে, জয় পায় সব স্থলে,  
 অমঙ্গল কভু নাহি হয়।।

কিরূপে চলিছে ক্রিতি, সংসারের রীতি নীতি,  
 সমুদয় হও অবগত।।  
 স্বভাবে যে, বুদ্ধি ধরে, সে জন বিপদে তরে,  
 পুরাণে প্রমাণ শত শত।।  
 রঘুবর রাম যিনি, বনবাসে গিয়া তিনি,  
 দেখালেন কৌশল অপার।।  
 সাগর বন্ধন করি, বিবিধ বিপদে তরি,  
 করিলেন সীতার উদ্ধার।।  
 অবিদিত আছে কার, কোরেছিল কতবার,  
 কুরূপতি রাজা দুর্ঘোষন।।  
 গোপনেতে ষড়যন্ত্র, যত্ন-গহ, আদি মন্ত্র,  
 পাণ্ডবের নিপাত কারণ।।  
 জ্ঞান বল ছিল যাই, সে সব বিপদে তাই,  
 পাঁচ ভাই হোলেন উদ্ধার।।  
 যুদ্ধ করি পরিশেষ, কুরুকুল করি শেষ,  
 করিলেন প্রভু প্রচার।।

হে দেব! যদি অনুমতি করেন,  
 তবে আমরা সেই শব্দের কারণানু-  
 সন্ধান পূর্বক অবিলম্বেই ত্রীশ্রীযুতের  
 শঙ্কা নিবারণ করি।

পশুরাজ কহিলেন।

বাপু! তোমারদিগের মঙ্গল হ-  
 উক, তোমরা যদি এবিষয়ে কৃতকর্ম  
 হইয়া ভয়ভঞ্জন করিতে পার তবে  
 আমি অত্যন্তই সন্তুষ্ট হইব।

রাজাজ্ঞা প্রাপ্তি মাত্রেই উভয়ে  
 প্রণাম করিয়া তৎক্ষণাৎ বিদায় হ-  
 ইল, কিঞ্চিদূরে গিয়াই দেখিতে  
 পাইল, বহু এক বলীবর্দ তৃণতক্ষেণে  
 স্তূলাঙ্গ ও বলিষ্ঠ হইয়া মনের ক্ষু-  
 ত্তিতে এক একবার চীৎকার করি-  
 তেছে। তদ্রূপে “দমনক” কহিল  
 তাই করটক! আমাদের রাজা এ

কটা “এঁড়ে” গোরুর ডাক শুনিয়াই  
 এতদূর পর্য্যন্ত ভীত হইয়াছেন? এ বড়  
 হাসি ও লজ্জার কথা। এসো আ-  
 মরা ইহাকে তয় এবং মৈত্রতা দ্বারা  
 হস্তগত করি, আর রাজাকেও নি-  
 তান্ত নির্ভয় করা উচিত হয়না, কা-  
 রণ তাহা হইলে আমারদিগের কর্তৃ-  
 ত্বের ক্ষতি সম্ভাবনা, তাহার পর “স-  
 জীবকের” সমীপস্থ হইয়া জিজ্ঞাসা  
 করিল “আপনি কোথা হইতে এই  
 বনে আগমন করিয়াছেন? জানেন-  
 না, এবনের অধিপতি “সুবোধ” নামক  
 মহাবল পরাক্রান্ত পারীজ্ঞ?” বলী  
 মতয়ে কহিল, “মহাশয়! আমি সহ-  
 য়হীন অতি দীন, আমার নাম “সঞ্জী-  
 বক” আপনারদের আশ্রয়ে আসিয়া  
 শরণাগত হইয়াছি।” শৃগালেরা ক-  
 হিল, ভাল অদ্যাবধি তুমি আমাদের  
 বন্ধু হইলে, চল মহারাজের নিকটে  
 চল, তিনি অনুগ্রহ পূর্বক মিত্রতা-  
 ভাবে রক্ষা করিয়া তোমাকে স্নেহে  
 প্রতিপালন করিবেন। অনন্তর তিন  
 জনে রাজার নিকট উপস্থিত হইলে  
 দমনক ও করটক কহিল, হে রাজন!  
 ইনি অতি ধার্মিক, অতি বলবান,  
 সজ্জন, ত্রীশ্রীযুতের বন্ধুত্বরূপ করুণা  
 লাভের প্রত্যাশা করেন। রাজা তচ্ছ-  
 বণে অতিশয় সন্তুষ্ট হইয়া সঞ্জীবক-  
 কে প্রাণের সহিত স্নেহ পূর্বক পালন  
 করিতে লাগিলেন, এমত প্রণয়-বদ্ধ

হইল, যে, উভয়ের মধ্যে আর কিছু  
মাত্রই পার্থক্য রহিল না, শৃগালদি  
গের প্রতি রাজার আর তাদৃশ অল্প  
রাগ রহিলনা ।

নৃপতিনন্দনেরা কহিলেন ।

হে গুরু ! ঐ শৃগাল শঠেরা প-  
চ্ছাতে কি প্রকারে সুরুত্ব করিল ?

আচার্য কহিলেন । অবগত ।

পদ্য ।

হিতউপদেশ লেখা, মধুর বচন ।  
“দমনক” করটক” শৃগাল হুজন ॥  
করিয়া সুরূপ ভেদ, সিংহ সম্মিধান ।  
“সঞ্জীবক”, বলদেহে, বধিলেক প্রাণে ॥  
আগে ছিল যুগরাজ, অল্পকুল যারে ।  
মন্ত্রণার দোষে শেষে, বিনাশিল তারে ॥  
মন্ত্রি দোষে রাজগন, হোলে বিষটিত ।  
বুদ্ধির নিকটে আর, নাহি আসে হিত ॥  
হঠাৎ বিরূপ হোয়ে, মন্দ দিগে ধায় ।  
কেহ তার, কিছু আর, সন্ধান না পায় ॥  
উভয়ে প্রণয় করে, বহুকাল বাস ।  
উভয়ের মনে নাই, প্রভেদ প্রকাশ ॥  
শস্যজীবী মুগ্ধ সদা, মাংসজীবী মোহে ।  
এক মন এক প্রাণ, এক ধ্যান দোহে ॥  
দেখিয়া শৃগাল পূর্ত, অভেদ প্রণয় ।  
মনে মনে, এই রূপ, করিল নিশ্চয় ॥  
এদের প্রণয় যদি, থাকে এ প্রকার ।  
আমাদের চতুরালী, খাটিবেনা আর ॥  
বলদে, বলদ ভাবে, রাজা দেন মান ।  
“এঁডে গোরু”, এসে হোলো, মন্ত্রির প্রধান ॥  
রাজার নিকটে এটা, প্রিয় হোয়ে রয় ।  
কোনোমতে এই দুখ, প্রাণে নাহি সয় ॥  
“করটক” পানে চেয়ে, “দমনক” কয় ।  
উভয়ে প্রণয় ছেদ, না করিলে নয় ॥  
যত দিন রাজা এরে, নাহি বিনুখ ।  
তত দিন আমাদের, কিছু নাই সুখ ॥

চুপি চুপি হুজনেতে, চল তবে যাই ।  
রাজার নিকটে গিয়া, প্রমাদ ঘটাই ॥  
“করটক” কহে ভাই, এরূপ কি হয় ? ॥  
এদের প্রণয়, ভুল, ভাঙিবার নয় ॥  
অভেদে হুজন আছে, প্রেম আলাপনে ।  
সে ভাবেতে ভাবান্তর, করিবে কেমনে ? ॥  
“দমনক” বলে যদি, না পারি এমন ।  
তবে কেন “খল” নাম, কোরেছি ধারণ ? ॥  
সকল করিতে পারি, মনে যাহা লয় ।  
আমাদের মাধ্য ছাড়া, কিছুইতো নয় ॥  
এরূপ কৌশলে তার, করিব উপায় ।  
যে রূপ বলিব আমি, মায় দিয়ো তায় ॥  
এত বলি রাজার, নিকটে দৌড়ে গিয়া ।  
বসিল কিঞ্চিৎ দূরে, প্রাণম করিয়া ॥  
রাজা কন, বল বল, শুভ সমাচার ।  
কেমন তো ভাল আছ, মন্ত্রির কুমার ? ॥  
“কাঁচুমাচু মুখ” কোরে, “দমনক” বলে ।  
দাসের মঙ্গল সদা, প্রভুর মঙ্গলে ॥  
অধীন স্বাধীন রূপে, কবে হয় সুখী ।  
রাজসুখে সুখী হয়, রাজদুখে দুখী ॥  
আপনি না দিলে মান, কিসে রাখ মান ? ॥  
চরণের আশীর্বাদে, বেঁচে আছি প্রাণে ॥  
যাহোক তাহোক, প্রভু, কি কহিব আর ? ॥  
শুনিলাম বড় এক, মন্দ সমাচার ॥  
বিশ্বাস হবেনা শুনে, তাই করি ভয় ।  
বলিবার কথা নয়, না বলিলে নয় ॥  
পাছে হয় সর্বনাশ, আমরা থাকিতে ।  
গোপনে আসিয়া তাই, হইল বলিতে ॥  
যদ্যপি অভয় দেন, সদয় হইয়া ।  
তবেতো বলিতে পারি, সাহস করিয়া ॥  
ভাল করিবার আশে, আসিয়াছি হরি ।  
পাছে তার মন্দ হয়, এই ভয় করি ॥  
চিরকাল, আপন র, অগ্নিতে পালন ।  
পাতের প্রসাদ খেয়ে, শরীর ধারণ ॥  
যে দাস বিপদ জেনে, নাহি কয় হিত ।  
মরিলে তাহার হয়, নরক নিশ্চিত ॥  
পশুরাজ কন তবে বল সমাচার ।  
কিরূপেতে অমঙ্গল, দেখিলে আমার ! ॥

শ্যাল বলে “সঞ্জীবক” অতি চুরাচার ।  
কোনো রূপে বিশ্বাস, কোরোনা তারে আর ॥  
এতদিন ছলেতে, করিয়া উপাসনা ।  
এখন করিছে মনে, রাজ্যের বাসনা ॥  
ছলে বলে আপনারে, করিয়া বিনোদ ।  
সিংহাসনে বসিবে সে, বড় অভিলাষ ॥  
গোপনে জানিয়া তার, এই অভিপ্রায় ।  
নিবেদন করিলাম, আপনার পায় ॥  
অকৃতজ্ঞ কেহ নাই তাহার সমান ।  
এখন উচিত যাহা, করুন বিধান ॥  
সিংহ কহে, কি বলিলে, কি বলিলে শ্যাল ? ॥  
অকস্মাৎ কেন হেম, দেখিতেছ খাল ? ॥  
শস্যভোজী সঞ্জীবক, ভতি পুণ্যবান ।  
তোমাদের কথা নয়, বিশ্বাসের স্থান ॥  
সিংহ তার স্বভাব নয়, নাই কোনো ক্ষোভ ।  
কি কারণে তার মনে, রাজ্যে হবে লোভ ? ॥  
এই বলি সিংহরাজ, নিজ সিংহাসনে ।  
রহিল নীরব হোয়ে, মলিনবদনে ॥  
তখন শৃগাল পূর্ত, কহে করি ছল ।  
হিত কোরে হোলো এই, বিপরীত ফল ॥  
আমাদের কল্যাণ যদি, বিশ্বাস না হয় ।  
“এঁডে গোরু, নিজে ভাবে, থাকো মহাশয় ॥  
আমরা বিদায় হোয়ে, অন্য দেশে যাই ।  
শেষে যদি মন্দ হয়, দোষ তাহে নাই ॥  
কার্যকাল অতিক্রম, অপথে গমন ।  
যদিম্যৎ হয় কোনো, বিপদ ঘটন ॥  
জিজ্ঞাসিত না হইলে, সুরুৎ যে হয় ।  
সে সময় যেচে গিয়া, হিত কথা কয় ॥  
উভয়ের এই এক, উত্তম লক্ষণ ।  
কখনো না হয় তার, মন্দ আচরণ ॥  
দেখে যদি আত্মীয়ের, অশুভ বিশেষ ।  
গায়ে পোড়ে, সেধে তারে, করে উপদেশ ॥  
অধমে কি এ প্রকার, গুণ কত ধরে ? ॥  
ভিতরের ভেদ ঢেকে, বিপরীত করে ॥  
পরের কারণে লোক, করে এইরূপ ।  
দাস হোয়ে হিত কব, নহে অপরূপ ॥

কুরুক্ষেত্রে, যে সময়ে, যুদ্ধ অরুণ ।  
অশেষ অনিষ্ট তায়, করি অহুমান ॥  
বিনা আবাহনে নিজে, প্রভু ভগবান ।  
আইলেন দুর্ঘোষন-রাজ সম্মিধান ॥  
কহিলেন মহারাজ, কর অবধান ! ॥  
পাঁচ ভেয়ে পাঁচ খ নি, গ্রাম কর দান ॥  
যেরে যেরে কাটাকাটি, না হয় বিধান ।  
জ্ঞাতিনাশ, কুলনাশ, পাঁপের নিধান ॥  
নিদয় সদয় নয়, হৃদয় পাষণ ॥  
করিল প্রতিজ্ঞা করি, উত্তর প্রদান ॥  
সূচের আশ্রয় ধরে, ভূমি যে প্রমাণ ।  
বিনা যুদ্ধে আমি তাহা, করিবনা দান ॥  
ত্রিহরি ত্রিহরি করি, সে কথা শুনিয়া ।  
বিহরের নিবাসেতে, এলেন চলিয়া ॥  
বিহর বিনয়ে বলে, শুন প্রভু কথা ।  
অপমান হোতে কেন গিয়ে ছিলে তথা ? ॥  
মহিমার নাহি পার, ভূমি নারায়ণ ।  
তোমারে সে কি চিনিবে, পাণ্ডী দুর্ঘোষন ? ॥  
হাসিয়া ত্রিফল কন, শুন সদাশয় ।  
কুরুপতি পাণ্ডবতি, জানিয়া নিশ্চয় ॥  
তবে, যে গেলেম ক্ষেত্রে, হেতু আছে তার  
লোক অপবাদ হোতে, হোলেম উদ্ধার ॥  
উপরোধ না শুনিলে, তাহে নাহি রোষ ।  
পরেতে আমারে কৈহ, দেবেনাকো দোষ ॥  
স্বজন সম্বন্ধে তারা, ভিন্ন কেহ নয় ।  
কুরু আর পাণ্ডবেরা, সমান উভয় ॥  
স্বজনে যদ্যপি করে, অনিষ্ট সাধন ।  
যাড়ে ধোরে গেরে তারে, করিবে বারণ ॥  
আপনার দোষে যেই, যাবে ছারখারে ।  
প্রিয়কথা বোলে তারে, কে বাঁচাতে পারে ? ॥  
হিত বোলে হরি যদি, মানিলে হারি ।  
তোমারে কেমনে হরি, বুঝাইতে পারি ? ॥  
রাজা যদি কার্যদোষে, পরবশ হয় ।  
তবে আর তার ঘটে, জ্ঞান নাহি রয় ॥  
মাতাল-মাতঙ্গ মত, করে ব্যবহার ।  
আপনার শুভাশুভ, থাকেনা বিচার ॥

আপনার অপরাধ, দেখিতে না পায়।  
 আপনার দোষ কভু, মুখে নাহি গায় ॥  
 যখন বিপদে পোড়ে, হয় অপমান।  
 তখন দাসের প্রতি, দোষ করে দান ॥  
 কেশরী কহিছে পরে, চমকিত মনে।  
 সঞ্জীবক, অকৃতজ্ঞ, জানিলে কেমনে ? ॥  
 “দমনক” কহে তবে, হাসিতে হাসিতে।  
 এখনো কি বাঁকী আছে, বিশেষ জানিতে ॥  
 অকস্মাৎ আগন্তকে, যে করে বিশ্বাস।  
 নিশ্চিত জানিবে তার, হয় সর্বনাশ ॥  
 বিনয়ে প্রণয়ে শঠ, প্রথমে প্রবেশে।  
 হইয়া পেটের ছুরি, পেট কাটে শেষে ॥  
 অহঙ্কার গর্ব কোরে, কহিল বচন।  
 সিংহের কেমন বল, দেখিব এখন ? ॥  
 এখনি তাহারে আমি, প্রাণেতে বধিব।  
 বনরাজ্যে রাজা হোয়ে, প্রভুত্ব করিব ॥  
 তোমরা উভয়ে যদি, কর সহকার।  
 অর্দ্ধেক রাজ্যের ভাগ, দিব পুরস্কার ॥  
 একরূপ দেখায় লোভ, সেজন হুজ্জন।  
 আমরা কি হোতে পারি, কখনো তেমন ? ॥  
 আপনার অন্ন খেয়ে, রয়েছি দুজনে।  
 বিশ্বাসঘাতক বল, হইব কেমনে ? ॥  
 হরি কয় হরি হরি, বড় ভয়ানক।  
 মিত্ররূপী সঞ্জীবক, এত প্রতারণা ? ॥  
 শস্যভোজী গোরু যদি, এ প্রকার হবে।  
 কেন তারে ভালো বোলে, এনেছিলে তবে ? ॥  
 আগিতে আনি নি ডেকে, করিয়া যতন।  
 তোমাদের সহকারে, হোয়েছে মিলন ॥  
 দমনক বলে প্রভু, আগে যদি জানি।  
 তবে কি সে ছুরাচারে, এখানেতে আনি ? ॥  
 আমরা সরল প্রতি, মনে নাই দোষ।  
 নগ্নভাবে দেখিলেই, হয় পরিতোষ ॥  
 আমাদের দোষ বটে, কিছু নাই তুল।  
 কেমনে জানিব শেষে, এত হবে তুল ? ॥  
 পাচড়া প্রথমে যথা, হাতে পায়ে ধোরে।  
 সকল শরীর বসে, অধিকার কোরে ॥

বঞ্চক এ ভাবে আগে, বঞ্চনা করিয়া।  
 অবশেষে বসে এসে, মাথায় চড়িয়া ॥  
 দেখনা মশার দশা খেলের লক্ষণ।  
 অল্পগত হোয়ে করে, শোণিত শোষণ ॥  
 পশুপাতি কহে শুন, মন্ত্রির কুমার।  
 এখন কি করি বল, উপায় তাহার ? ॥  
 বঞ্চক বঞ্চক তবে, উর্দ্ধ মুখে কয়।  
 কখনো এমন শত্রু, রাখা ভাল নয় ॥  
 সিংহ কহে, দেও তারে, বিদায় করিয়া।  
 থাকুক মনের সুখে, অন্য বনে গিয়া ॥  
 শ্যাল বলে, এ কি কথা, কহ মহাশয়।  
 তারে আর প্রাণে রাখা, উচিত কি হয় ? ॥  
 বিষবৃক্ষ কেটে কেবা, মূল রাখে তার।  
 রাখিলেই শেষে হয়, কত অপকার ॥  
 তারে যদি ছেড়ে দেও, বিনাশ না কোরে।  
 অন্যেরে সহায় করি, রাজ্য লবে হোরে ॥  
 অপ্রিয় সুপথ্য এই, ইথে হবে হিত।  
 পরিণামে সুখকর, জানিবে নিশ্চিত ॥  
 উপযুক্ত বক্তা আর, শ্রোতা থাকে যথা।  
 স্থানগুণে, বিভব, বিহার করে তথা ॥  
 ভূপতি ভোগেরপাত্র, কার্যকর হয় ॥  
 মন্ত্রির হইলে দোষ, অমঙ্গল হয় ॥  
 অবিদ্যাসী অকৃতজ্ঞ, মন্ত্রী হয় যেই।  
 রাজদ্বারে থাকিবার, যোগ্য নয় সেই ॥  
 পুরাতন অমাত্যেরে, অবজ্ঞা করিয়া।  
 রাজকর্ম বিধি নয়, নূতন লইয়া ॥  
 নূতন চেলের ভাত, মিষ্ট যদি হয়।  
 কিন্তু তাহা ভাল নহে, পেটে নাহি সয় ॥  
 পুরাণে চেলের ভাত, পথ্য অতিশয়।  
 পরিণামে পরিপাক, গুণকর হয় ॥  
 আমরা পুরাণে পাপি, পায়ে পোড়ে আছি।  
 বাধ্য রব চিরকাল, যত দিন বাঁচি ॥  
 নারুন, কাটুন, তায়, নহি অভিমানী।  
 চরণের ধূলা বিনা, কিছু নাহি জানি ॥  
 সঞ্জীবক, প্রতারণা, ষেরূপ প্রকার।  
 এখন করুন প্রভু, প্রতীকার তার ॥  
 বিষময় অন্ন কভু, রাখিতে না আছে।  
 যেজন ভোজন করে, সেজন কি বাঁচে ? ॥

নড়াটাত পড়া ভাল, রাখা কভু নয়।  
 রাখিলেই ক্রমে আরো, কষ্টকর হয় ॥  
 ছুরাচারী যদি হয়, নিয়োজিত জন।  
 অবিলম্বে বিনাশিবে তাহার জীবন ॥  
 এমত করিতে হবে, মূল যাতে যায়।  
 কিছুমাত্র দয়া মায়, করিবে না তায় ॥  
 মৃগেন্দ্র কহেন ওরে, শৃগাল-নন্দন।  
 কেমনে বধিব আমি, মিত্রের জীবন ? ॥  
 আমরা বিনা, সেতো আর, অন্য নাহি জানে।  
 পুষিছি তাহারে আমি, অভয় এদানে ॥  
 কারো নাহি হিংসা করে, খায় তৃণরাশি।  
 মনে মনে তারে আমি, বড় ভালবাসি ॥  
 ব্যবহারে দোষী কভু, দেখি নাই যারে।  
 অনর্থের মূল তারে, বলি কি প্রকারে ? ॥  
 যদবধি অপরাধ, প্রমাণ না হয়।  
 তদবধি প্রাণ দও, উচিত-তো নয় ॥  
 পরদোষে পুত্রদও, পরীবাদ রবে।  
 এ বড় পাপের কর্ম, ধর্ম্মে নাহি সবে ॥  
 যদিই সে কোরে থাকে, কোনোরূপ দোষ।  
 আমার উচিত নহে, তাহে করি রোষ ॥  
 প্রিয় যেই, চিরকাল, প্রিয় সেই রয়।  
 করিলে অপ্রিয়-কর্ম, অপ্রিয় না হয় ॥  
 নানারূপে কলেবর, দোষের আধার।  
 সেই দেহ কবে বল, প্রিয় নয় কার ? ॥  
 রসনারে সদা করে, দশন আঘাত।  
 কোন্কালে নোড়া দিয়ে, কে ভেঙেছে দাঁত ? ॥  
 ছুরখার করে অগ্নি, পোড়াইয়া ঘর।  
 সে আগুণে, কবে কেবা, করে অনাদর ? ॥  
 প্রিয়ভাবে প্রণয়ে, দিয়েছি যারে স্থান।  
 এখন কিরূপে তার, করি অপমান ? ॥

ওইতো দারুণ দোষ, দমনক কয়।  
 এখনো কি হয় নাই, মনের প্রত্যয় ? ॥  
 সত্য কথা শুনে যদি, বিশ্বাস না হয়।  
 গজাজল ছুঁয়ে বলি, মিথ্যা কভু নয় ॥  
 তিনকাল গত হোলো, ধর্ম্মভার বোয়ে।  
 পরকাল হারাবো কি, মিছে কথা কোয়ে ? ॥  
 চিরকাল ধর্ম্মভীত “গজাজলে” নই।  
 মুখে হোকু বুড়ি বুড়ী, মিছে যদি কই ॥  
 মিছে যদি বোলে থাকি, রাজ-সন্নিধানে।  
 সর্পাঘাতে, বজ্রাঘাতে, মরি যেন প্রাণে ॥  
 আপনি বলেন যাহা, সত্য সমুদয়।  
 ও সকল, যোগধর্ম্ম, রাজধর্ম্ম নয় ॥  
 ধর্ম্ম, অর্থ, কাম-জ্ঞাতা, নৃপতি যেজন।  
 নিতান্ত না হন যেন, দয়ার ভাজন ॥  
 এই রূপ ক্ষমাশীল, হোলে নৃপথন।  
 করিতে পারেনা নিজ, রাজ্যের শাসন ॥  
 বিহারে আহায়ে সদা, ঘটে ঘোর দায়।  
 করস্থিত অন্ন তার, উদরে না যায় ॥  
 শত্রু, মিত্র, ক্ষমাগুণ, যতির ভূষণ।  
 ভূপতির ক্ষমাগুণ, দারুণ দূষণ ॥  
 ছফের দমন আর, শিষ্টের পালন।  
 এই হয়, সুধার্ম্মিক, রাজার লক্ষণ ॥  
 পরদোষে, পরদও, বটে অবিচার।  
 দোষে কিন্তু দও বিধি, গুণে পুরস্কার ॥  
 অহঙ্কারে হাত দিলে, সাপের দাঁত ॥  
 নিশ্চয় যাইতে হয়, শমন সদনে ॥  
 সেইরূপ দোষ গুণ, না করি নির্ণয়।  
 দয়া আর দও করা, সমুচিত নয় ॥  
 একরূপ যে করে তার, কল্যাণ কোথায় ? ॥  
 ধন যায়, মান যায়, প্রাণ শেষ যায় ॥

উদাসীনে পালিতেছ, করিয়া প্রভায় ।  
 দোষে তার দণ্ড কর, তবে বাবে ভয় ॥  
 বরং জীবন থাক, খেদ নাহি হয় ।  
 বরং সে, ভাল, কেহ, মাথা যদি লয় ॥  
 প্রভুপদ প্রাপণের, প্রত্যাশী যেজন ।  
 করিতে হইবে তার, বিহিত শাসন ॥  
 কোনোরূপে তারে আর, ছেড়ে দেওয়া নয় ।  
 অচিরে, অস্ত্রাঘাত, সুবিধান হয় ॥  
 রাজ্যলোভে এমন, যে, করে অহঙ্কার ।  
 প্রাণত্যাগ প্রায়শ্চিত্ত, বিধি হয় তার ॥  
 মিত্র যদি দোষে দোষী, হয় একবার ।  
 তার সহ সন্ধি কর, করবেনা আর ॥  
 আপনার মৃত্যু হবে, মনেতে না করে ।  
 অশ্বতরী, গর্ভ ধরি, প্রাণে যথা মরে ॥  
 সেইরূপ দুষ্ট দাসে, সন্ধিতে যে রাখে ।  
 আপনার মৃত্যুরে, সে, আপনই ডাকে ।  
 রাজপিতা, রাজভ্রাতা, রাজপুত্র যারা ।  
 রাজ্যের হরণে যদি, লোভ করে তারা ॥  
 পিতা, ভ্রাতা, পুত্র, তেদ, না রাখিয়া আর ।  
 রাজা তারে করিবেন, তখনি সংহার ॥  
 রাজধর্ম যদি পাই, এরূপ উপমা ।  
 কোথাকার, কেটা সেটা, কে করিবে ক্ষমা ? ।  
 তখন সিংহের মনে, এরূপ সংশয় ।  
 হোলেওতো, হোতে পারে, অসম্ভব নয় ॥  
 অলোভী এমন কেবা, অবনী তিতরে ।  
 পাইতে পরের ধন, আশা নাহি করে ? ।  
 পরের সুন্দরী নারী, করি দরশন ।  
 বিচলিত হোয়ে থাকে, সকলের মন ॥

কথা শুনে থাকি নয়, অতঃপর হইয়া ।  
 ব্যবহারে দেখা যাক, পরীক্ষা করিয়া ॥  
 সে যদি বিপদ হয়, প্রকাশিব বল ।  
 এয়া যদি মিছে বলে, দিব তার ফল ॥  
 গুরে বাপু, দমনকী, কহিছে কেশরী ।  
 ক্রুরপে নিশ্চয় হবে, সঞ্জীবক আরি ? ।  
 ধূর্তরাজ, মৃগরাজে, প্রণমিয়া কয় ।  
 নিগূঢ় মন্ত্রণা তার, শুন মহাশয় ॥  
 যে বীজ ভূমির তলে, গুপ্ত নাহি রয় ।  
 সে বীজে অঙ্কুর আর, কখনো না হয় ।  
 যে বীজ ক্রুরবে রক্ষা, গোপন করিয়া ।  
 সে বীজে ফলিবে ফল, অঙ্কুর ধরিয়া ॥  
 মন্ত্রণা গোপন রবে, এরূপ প্রকারে ।  
 কোনোরূপে শত্রু যেন, না জানিতে পারে ।  
 মন্ত্রণা প্রকাশ হোলে, মিছে হয় সব ।  
 সহজেতে নাহি হয়, শত্রু পরাভব ।  
 ভয়ানক ভীতাব, বিক্রম ধরিয়া ।  
 কোপ করি থাক প্রভু, চক্ষু রাঙাইয়া ।  
 করিয়া সমর সজ্জা, বসুন আপনি ।  
 তাহার ভীষণতাব, দেখাব এখনি ।  
 সেইমত বেশ করি, পারীক্ষা রহিল ।  
 সঞ্জীবক সমীপেতে, শৃগাল চলিল ॥

ত্রিপদী ।

“দমনক দরশনে, অকপটে কুলমনে,  
 বলী বলে, করি সযোজন ।  
 সখা হৈ তোমার সম, প্রাণাধিক প্রিয়তম,  
 ত্রিভুবনে নাহি কোনো জন ॥

সহোদর ভাবি পদ, সে নহে তোমার পর,  
 যর দ্বার এনহে আমর ॥  
 দেহ সহ মন প্রাণ, তোমারে কহেই দান,  
 যত কিছু সকলি ভোগার ॥  
 তোমারে সহায় করি, এই বনে সুখে চরি,  
 খাই পরি তোমার কৃপায় ।  
 গুণী নই, কোন গুণে, তোমার বচন শুনে,  
 মহাশয় রেখেছেন পায় ॥  
 বহুদিন দেখি নাই, ভালোতো, হে আছ তাই  
 এসো এসো, বোসো বোসো, তবে ।  
 আজ বড় সুপ্রভাত, দেখা হোলো অকস্মাত,  
 এমন সুস্থিতি নাকি হবে ॥  
 শুনি সমাদর ধনি, শঠরাজ শিরোমণি,  
 বসিলেন এক পাশে গিয়া ।  
 ভাবনার ভাব ধরি, অধোভাগে মুখ করি,  
 রহিলেন গালে হাত দিয়া ॥  
 খলের অস্তরে যাহা, সব লোক জানে তাহা,  
 বাহু কিছু দেখিতে না পাই ।  
 করিয়া চাতুরী হেন, তাবতে জানালে যেন,  
 এমত সুস্থত আর নাই ॥  
 সঞ্জীবক সদাশয়, অবিরোধে সুখে রয়,  
 ঘাস খেয়ে বাস করে বনে ।  
 কিছু নহে অবগত, কাতর হইয়া কত,  
 কহিতেছে বিনয় বচনে ॥  
 ওহে তাই বল বল, তম্ব কেন টল টল,  
 ছল ছল নয়ন নলিন ।  
 আচম্বিতে একি একি, কি হেতু এমন দেখি,  
 মুখ খানি মলিন মলিন ।  
 বঞ্চক কিঞ্চিৎ ফিরে, করাঘাত করি শিরে,  
 ধীরে ধীরে বলে শুন তাই ।

রাজার সেবক যারা কোন কালে সুখী তারা  
 অধীনের সুখ কতু নাই ॥  
 আয়ত্তে না থাকে ধন, দারুণ দুঃখিত মন,  
 সার মাত্র কেবল আশ্বাস ।  
 কখন কি ঘটে দায়, কিছু নাহি জানা যায়,  
 প্রাণেতেও না হয় বিশ্বাস ।  
 ভেবে হই জ্ঞান-হারী, দেখনা রমণী যারা,  
 করে প্রায় কুলোকে গমন ।  
 দেখনা রাজার ক্রিয়া, পাত্রাপাত্র না বাছিয়া,  
 করে প্রায় অপাত্র পালন ।  
 প্রায় দেখ ধন যত, কৃপণের অহুগত,  
 নাহি লয় দাতার শরণ ।  
 দেখ দেখ ঘেঘগণে, সিন্ধু আর মহাবনে,  
 প্রায় করে বারি বরিষণ ॥  
 সমুদ্রে পড়িলে পর, অবলম্ব বিষধর,  
 পেয়ে হয় বিষম শঙ্কট ।  
 ধরে যদি সাপে খায়, না ধরেতো ডুবে যায়,  
 ছইদিকে দারুণ দুঃখট ॥  
 আগার ভাগ্যের ফল, সেইরূপ অবিকল,  
 কার কাছে করিব প্রকাশ ।  
 ফুটে যদি বলি কারে, অবিচারে রাজা মারে,  
 না বলিলে বন্ধু হয় নাশ ।  
 তোমারে অতঃপানে, রাখিয়াছি এই স্থানে,  
 ভালবাসি প্রাণের সুহিত ।  
 আগে যদি জানিতাম, এরূপে কি আনিতাম,  
 হিত কোরে হোলো বিপরীত ॥  
 পশুরাজ ক্রোধ মনে, অতিশয় সংগোপনে,  
 কহিলেন আশায় ডাকিয়া ।  
 সঞ্জীবকে আন ধরি, কুলের তর্পণ কবি,  
 তার প্রাণ সংহার করিয়া ॥

আমি কত সাধিলাম, পায়ে ধোরে কঁাদিলাম,  
কহিলাম অশেষ প্রকারে ।  
সঞ্জীবক সদাচার, কিছু দায নাহি তার,  
বিনাদোষে কেন বধ তারে ॥  
নত সদা স্ত্রীচরণে, আজ্ঞা পালে প্রাণপণে,  
খেটে মরে দিনে আর রেতে ।  
এ কথা শুনিয়া কাণে, বুকিয়া আমার পানে,  
হা করিয়া, এসেছিল খেতে ॥  
ছুটিয়া এলেম তাই, দেহে আর প্রাণ নাই,  
কি করিব, ভাগ্য ভাল নয় ।  
নষ্টের যে ব্যবহার, এতদিনে আমি তার,  
পেলেম বিশেষ পরিচয় ॥  
দূর হোতে দেখে যাকে, হাত তুলে ডাকে তাকে  
ছলে করে কত সমাদর ।  
হেসে হেসে কথা কয়, মুখ খানি মধুময়,  
বিষ ভরা পেটের ভিতর ॥  
সেইরূপ কালক্রমে, পদে আর পরাক্রমে,  
শোভা ধরে অসাধু সকল ।  
ব্যভিচার কিবা তার, নারীজনে যে প্রকার,  
শোভা পায় মলিন কাজল ॥  
বঞ্চক তঞ্চক করি, হরি মন আগে হরি,  
বৃষে শেষে ছলেতে ছলিয়া ।  
মনে রাখি মনোগত, হা, হতাশ, করি কত,  
বসিলেন নিশ্বাস ফেলিয়া ॥  
বলী বলে আমি বলী\*, বুলে কভু নই বলী,  
বলি + কভু করিনে তঞ্চন ।  
হিত কথা সদা বলি, রীতমত দিই বলি,

\* বলী।—বৃষ, মহিষ, উষ্ট্র, বলবান ।

+ বলি।—রাজগ্রাহ ভোগ, মাংসাদি,  
কর, উপহার, পূজার সামগ্রী, চামরদণ্ড ।

নাহি করি বলির বারণ ॥  
আমার কি আছে বল\*, আমার কি আছে বল,  
রাজবলে বলে বল ধরি ।  
কখন করিনি বল, শুনে বল হোল বল,  
কেন হরি বল লবে হরি ॥  
ঘাস খাই, জল খাই, রাজার কেবল তাই,  
করি আমি কুশল-সাধন ।  
নাহি জানি কোনো পাপ, কেন তবে হেন তাপ  
বাপু বাপু একি কুলক্ষণ ॥  
যদি হয় হেন স্থল, তুল্য ধন তুল্য বল,  
বিবাদের সম্ভব সে স্থলে ।  
বলহীন আমি বলী, মহাবীর + মহাবলী,  
তুল্য কোথা অবলে সবলে ॥  
সঞ্জীবক ভাবে হায়, এ যে, বড় ঘোর দায়,  
কেমনে বা হইবে নিশ্চিত ।  
শৃগাল কহিল যত, রাজার কি আয়ত্ত,  
কিবা ইহা খলের চেষ্টিত ।  
কারণ উদ্দেশ্য তরে, যেই জন ক্রোধকরে,  
সেই ক্রোধ কখনো না রয় ।  
কারণ জ্ঞানিলে তার, করি কোপ পরিহার,  
তখনই সে হয় সদয় ॥  
হেতু বিনা অকারণ, রুদ্ধ হয় যার মন,  
অতি ভয়ানক তার ক্রোধ ।  
হেন সাধ্য কেবা ধরে, তাহারে সন্তুষ্টকরে,  
তার মনে কে দেবে প্রবোধ ॥  
বিকার-বিশিষ্ট ভূপ, বাড়বা অনল কূপ  
সম্পদা করিবে তারে ভয় ।  
ভূপতির বিষটিত, অতি বড় রিপতীত,

\* বল।—শক্তি, সৈন্য, প্রাণ, বপু, রক্ত ।  
+ মহাবীর—সিংহ ।

বজ্রহোতে বিপর্যয় হয় ॥  
কুলিশের গুণ মানি, সেখানেই করে হানি,  
যেখানেতে সে হয় পতন ॥  
কিছুই রাখেনা আর, সব করে ছাড় খার,  
সর্বনেশে রাজ্য বিঘটন ॥  
কুমন্ত্রির মন্ত্র দোষে, রাজমন যদি রোষে,  
সন্ধান না হয় নিরূপণ ।  
দেখ সব চমকিত, নাহি হয় নিরূপিত,  
“স্ফটিকের” বলয় যেমন ।  
ভয়ে হোয়ে কুতাজলি, কাঁপিতে কাঁপিতে বলী  
সবিনয়ে শৃগালেরে কয় ।  
প্রণয়ে পানন করি, আমায় বধিবে হরি,  
এমন কি সম্ভাবনা হয়? ॥  
নিয়ত নিকটে রই, নতহোয়ে কথা কই,  
সেবা করি শক্তি অহুসারে ।  
ইথে যদি প্রাণ যায়, কি করিব নিরূপায়,  
বিধি বড় বিষুখ আমারে ॥  
শ্যাল করে উপদেশ, সময় হয়েছে শেষ,  
ভেবে আর কি হবে এখন? ।  
বুদ্ধিমান তুমি ধরি, উপায় করিয়া স্থির  
কার্য্য কর কালের মতন ॥  
মুচিতি কি বিচিত্র, উপকার করে মিত্র,  
তার প্রতি দ্বেষভাব ধরে ।  
পরে যদি করে দোষ, তাহে নাই কিছু রোষ,  
তারে আরো পুরস্কার করে ॥  
পাতকির এই কর্ম, নাহি লয় সার মর্ম,  
ধর্ম পানে ফিরে নাহি চায় ।  
দেখ দেখ মহাশয়, অধার্মিক ছরাশয়,  
বিনা দোষে বধিবে তোমায় ॥  
মুখজনে জ্ঞানকথা, ধর্মহীনে ধর্ম তথা,

তাহে কিছু নাহি ফলে কস ।  
বাক্যহীনে বাক্যবাণ, অচেতনে বুদ্ধি দান,  
সর্বকালে, কেবলি বিফল ॥  
তেজোহীন অজ্ঞ যার, বলবান হোলে তার,  
সব ঠাই পরাজয় হয় ।  
পারিবে, সে, কি করিতে, ভস্মেতে চরণ দিতে  
কোনোমতে কোনোনা কো ভয় ॥  
ভরসায় ভর কর, বিক্রমেতে বল ধর,  
বন্ধুভাব কেন রাখ আর ।  
প্রমাদি জনের মায়া, অধীর মেঘের ছায়া,  
তাহে স্থখ কবে হয় কার ।  
কহিতেছে সঞ্জীবক, ওহে তাই দমনক,  
এ যে, বড় বিষম বিষয় ।  
হোয়েছে বুদ্ধির তুল, পশুপতি প্রতিকূল,  
কেমনেতে করিব নির্ণয় ॥  
শ্যাল কহে অহুতবে, এখনি প্রত্যক্ষ হবে,  
ভব, ভঙ্গী, আকারে প্রকারে ।  
হতজ্ঞান হতরব, বিকৃতি দেখিবে সব,  
চক্ষু আর মুখের বিকারে ॥  
চুপি চুপি বলি তাই, রণসাজে যাবে তাই  
যদি হয় একথা প্রচার ।  
কেবা আর পারে পাবে, আমি যাব, তুমি যাবে  
ছজনেই বাঁচিবনা আর ॥  
বলী বলে স্ত্রনিশ্চিত, দৈব হোলে বিড়ম্বিত  
হোয়ে থাকে একরূপ ঘটনা ।  
ভুখিয়া এ দুখার্ণবে, যদ্যপি মরিতে হবে,  
কর তবে মন্ত্রের সাধনা ॥  
অকারণে, মিত্র জনে, শত্রুবৎ আচরণে,  
প্রাণ নিতে হইলে বাধিত ।  
সে সময়ে যুদ্ধ করা, বিনা যুদ্ধে প্রাণে মরা,

কোন মতে না হয় উচিত ॥  
 বিনা যুদ্ধে প্রাণ যায়, যুদ্ধ হোলে বাঁচা দায়,  
 হেন কাল করি নিরূপণ ॥  
 প্রবল বিপক্ষ সনে, প্রবেশ করিয়া রণে,  
 পণ্ডিতেরা ভ্যজেন জীবন ॥  
 যুদ্ধে হোলে প্রাণনাশ, চিরদিন স্বর্গ-বাস,  
 মরি যদি ভাবনা কি তার ॥  
 শত্রুবধ হোলে পরে, রাজলক্ষ্মী পাব করে,  
 রবেনা স্নেহের শীমা আর ॥  
 একান্ত বধিবে হরি, এখন তরসা হরি,  
 মিছে আর কেন করি ভয় ॥  
 দুর্গা বোলে যাই তবে, যা হবার তাই হবে,  
 দেহ কিছু চিরস্থায়ী নয় ॥  
 এত বলি হোয়ে বলী, বলি হোতে যায় বলী  
 করে বলি এ দুখের কথা ? ॥  
 সেইরূপ প্রকরণ, নির্বাণের পূর্বকরণ,  
 প্রদীপের প্রভা বাড়ে যথা ॥  
 শঠের কি বুদ্ধি নোর, নিঃস্বপ্নে করিল গোর,  
 গোরুরেতো গোরু করিয়াছে ॥  
 কেমন তুলিয়া ছেদ, করিল প্রণয় ভেদ,  
 বধকের অসাধ্য কি আছে ? ॥  
 কোথা হোতে তুলেছল, সরলে করিল খল,  
 ন ভুত, ন ভবিষ্যৎ যাহা ॥  
 দুখেরে করিয়া জল, দেখাইল অবিকল,  
 খল-মায়ী কি বুঝিবে আশা ॥  
 দুর্জনের দুর্ভাদেশে, রাবেশে মোলো এসে  
 সঞ্জীবক সংহার পাইল ॥  
 দেখিয়া সিংহের কোপ, হোয়ে গেল বুদ্ধিলোপ,  
 শিশু নেড়ে বেকে দাঁড়াইল ॥  
 বলদের বল হেরে, পশুরাজ লাফ মেরে,

থাবা দিয়ে বোসে গেল ঘাড়ে ॥  
 গাঁ গাঁ রবে ডাক-ছেড়ে, তখন মরিল এঁড়ে  
 তুল কোথা সিংহে আর ঘাড়ে ॥  
 দেখ তার মৃতদেহ, অন্তরে উদয় স্নেহ,  
 মোহে রাজ কাঁদিতে লাগিল ॥  
 হায় হায় একি তাপ, করিলাম ঘোর পাপ,  
 হেন ক্রোধ কেনবা হইল ॥  
 কর-বধ করে হরি, অন্যে লয় মুক্তা হরি,  
 নিজে ভোগে পাপরূপ রোগ ॥  
 শ্রুতশ্রের আচরণ, রাজা হয় জয়ী রণে,  
 পরে করে রাজ্য উপভোগ ॥  
 উর্ধ্বর ভূমির নাশ, তাহাতে লাভের হাস,  
 সর্বনাশ বোলে তারে গণে ॥  
 সে খেদ না কভু যায়, রাজা হোল মৃত প্রায়,  
 বুদ্ধিমান দাসের মরণে ॥  
 ভূমি যদি ভটা হয়, হানিকষ্ট তত নয়,  
 পুনরায় মেলে সে প্রকার ॥  
 দাসের মতন দাস, হইলে তাহার নাশ,  
 তেমন কি ঘটে পুনরায় ? ॥  
 কেন তারে মারিলাম, পরকাল হারিলাম,  
 ইহকালে অপযশ সার ॥  
 জমিল কেমন ক্রোধ, হোলোনা এমন বোধ  
 সে যে বাধ্য নহেবে আমার ॥  
 স্বপনে জানিনে যাহা, মরি মরি আহা আহা,  
 হায় মিত্র কোথা তুমি গেলে ॥  
 কাহার বচন ধরি, স্বভাবে অভাব করি  
 অকালে মরিতে ভাই এলে ॥  
 তোমার লগাটে লেখা, এইরূপে হোয়ে দেখা  
 প্রাণ যাবে আমার প্রহারে ॥  
 মিত্র মেরে পাপ লবে, আমিও নারকী হবো,

বিধিলিপি কে ঘুচাতে পারে ॥  
 শোকাবল দেখে ভূপে, শঠ কেহ চুপে চুপে,  
 মহারাজ এবড় প্রলাপ ॥  
 শত্রু মেরে নিজ করে, কবে কেবা খেদ করে,  
 ইথে কার হোয়ে থাকে পাপ ॥  
 অকৃতজ্ঞ দুরাচার, রাজ্য লাভে আশা যার,  
 তার প্রাণ রাখিতে কি আছে ॥  
 মিছে কেন কর তাপ, পুণ্য বিনা নাহি পাপ,  
 শুনিয়াছি পণ্ডিতের ক ছে ॥  
 সে বাঁচিলে আপনার, রাজ্য কি থাকিত আর  
 প্রাণ নিয়া হইত সংশয় ॥  
 ধর্ম বল ছিল যাই, বেচে গেলে তুমি তাই,  
 সর্বকালে ধর্মিকের জয় ॥  
 আমি যাই সূচতুর, গোপনে জানিয়া তুর,  
 ঘুচালাম কাঁটা সমুদ্র ॥  
 সেবক আমাজ লোয়ে, ভোগ কর ভোগী হোয়ে  
 আপনারে ঈশ্বর সদয় ॥  
 খল-বাক্যে পুন হরি, স্বকীয় স্বভাব ধরি,  
 স্নেহ করে আহা'র বিহার ॥  
 হুট মনে শিবা কর, জয় ভূপতির ধর,  
 শুভ হোক জগতে সবার ॥  
 পয়ার ॥  
 শঠ যদি সর্পিশাস্ত্রে, সুপণ্ডিত হয় ॥  
 সূজনের সগাজেতে, সদাকাল রয় ॥  
 তখাচ না যায় তার, স্বভাবের দোষ ॥  
 সাধু সঙ্গে সদাচারে, নাহি হয় তোষ ॥  
 মনের সুবৃত্তি সব, হরিবে হরিবে ॥  
 খলতার ধর্ম যত, ধরিবে ধরিবে ॥  
 পরের অনিষ্ট সদা, করিবে করিবে ॥  
 যেমনলে ছোলে পুড়ে, মরিবে মরিবে ॥

যেদিন চাতুরী তার, বিকলেতে যায় ॥  
 সেদিন সে কিছুতেই, স্নেহ নাহি পায় ॥  
 মনের ভিতরে ঘোরে, কুমারের চাক ॥  
 উদরেতে অন্ন তার, নাহি পায় পাক ॥  
 নিশিতে না নিদ্রা হয়, পেট-ফেঁপে মরে ॥  
 বিহীনায় পোড়ে শুধু, ছটফট করে ॥  
 জেগে খল হিতকারী, নাহি হয় কার ॥  
 কেবল ঘুমায়ে করে, পর উপকার ॥  
 সে নিদ্রায় বড় নয়, শুভ সম্ভাবনা ॥  
 স্বপনে স্বপনে করে, অনিষ্ট কল্পনা ॥  
 ঘুমালেও নাহি হয়, রোগ প্রতীকার ॥  
 স্বপনের যোগে করে, স্বভাব প্রচার ॥  
 স্বপ্ন-হীন নিদ্রাতোগ, যে সময়ে হয় ॥  
 সে সময়ে স্নেহ পেয়ে, সাধু হোয়ে রয় ॥  
 কোন কালে দুর্জনের, মিত্র কেবা হয় ॥  
 দারা, পুত্র কেহ তার, আপনার নয় ॥  
 ছেলে যদি কুতী হোয়ে, ভাল খায় পরে ॥  
 খল তার স্নেহ দেখে, বুক ফেটে মরে ॥  
 শঠের রমণী এই, তাবে নিশি দিবা ॥  
 ঘুচুক হাতের খাড়ু, ক্ষতি তায় কিবা ॥  
 খলের বিপদে নাই, কারো মনে দুখ ॥  
 যে দিগেতে ফিরে চাবে, সে দিগেই স্নেহ ॥  
 কাঁজে কাঁজে খলান্ত, সকলেরি মনে ॥  
 দেশ শুদ্ধ সবে-বাঁচে, একের মরণে ॥  
 এ জগতে সকলের, শত্রু যেই হয় ॥  
 তার প্রতিদত্ত করা, বিধি কভু নয় ॥  
 অসাধু তরুরে ধোরে, করিলে প্রহার ॥  
 আহা-রব মুখে কেহ, নাহি বলে আর ॥  
 নখে কোরে তুলে নিয়া, মাথার উকুন ॥  
 উঁহু বোলে বধ কোরে, ব্যাখ্যা করে গুন ॥

সাপ মেরে পাপ বোধ, কবে কার হয় ।  
চাপড়ে মারিলে মশা, কত স্তূখে দয় ॥  
খল-ধর্ম লিখি সব, কিন্তু ভয় আছে ।  
লিখিয়া খলের কথা খল হই পাছে ॥  
গাঁথিতে অক্ষর মালা, লেখনী না ছাড়ে ।  
পাছে এসে বসে খল, চেপে তার ঘাড়ে ॥  
খলের মতন খল, আছে কোন্ খানে ।  
করিতে পরের মন্দ, নিজে মরে প্রাণে ॥  
ইহার দৃষ্টান্ত কথা, শুন প্রিয়-গণ ।  
চমকিত হবে সবে, করিলে শ্রবণ ।  
উদাহরণ ।

ত্রি দী

পদ্মার উত্তর-পারে, নাগর নদের ধারে,  
নরনামে নাপিত-নন্দন ।  
হিতকর কারো নয়, অতিশয় ছুরাশয়,  
নাহি আর তেমন কুজন ॥  
দেখে সব ঘরে ঘরে, ভাল খায় ভাল পরে,  
পরস্পরে প্রেমীলাপে রয় ।  
শান্তিময় সেই দেশ, কিছু নাই দেষাদেষ  
কেহ কারো শত্রু নাহি হয় ।  
নিয়ে নানা ছল-সুত্র, খল নাপিতের পুত্র,  
চেষ্টা করে সাধ্য তার যত ।  
অপমান যথা তথা, কেহ নাহি শোনে কথা ।  
নষ্ট তার কষ্ট পায় কত ॥  
দূর ছাই সবে করে, বিরূপায় হোয়ে পরে,  
মনে করি যুক্তি নিরূপণ ।  
লোকালয় ছেড়ে দিয়া, বিরল বিপিনে গিয়া,  
তরুতলে করিল শয়ন ॥  
হরিণাদি অযেযণে, সেই কালে সেই বনে,  
এলে এক ব্যাধের কুমার ।

একাকী দেখিয়া তারে, বলে যাও আর আরে  
এখানে থেকোনা তুমি আর ॥  
বাঘ এসে এইখানে, এখনি বধিবে প্রাণে,  
মরণের ভাবনা ভাবনা ।  
শঠ বলে বাঘে খায়, আমারি সে অতি প্রায়,  
বন-ছেড়ে যাবনা যাবনা ।  
নিষাদ বিফল মনে, কহিতেছে স্তবচনে,  
নিজ প্রাণ কেন কর নাশ ।  
আত্মঘাতী হোলে ভাই, কখনো নিষ্কৃতি নাই,  
চিরকাল নরকে নিবাস ॥  
খল বলে শুন কই, নরকেতে ডুবে রই,  
সে ভাবনা ভাবিনেকো আর ।  
বৈচেতো হোলোনা সুখ, হাসিল-শত্রুর মুখ,  
মোরে করি স্বকায়া উদ্ধার ॥  
শাদ্দিল আশায় খেয়ে, নর-মাংস স্বাদ পেয়ে,  
ভুলিবেনা আর তার তারি ।  
প্রাণেতে প্রবেশ কোরে, একে একে ধোরে ধোরে,  
ক্রমে সব করিবে আহার ।  
কোর কিছু নাহি কোয়ে, বিষম বিষয় হোয়ে  
ব্যাধ গিয়ে দূরে দাড়াইল ।  
কখনই বাঘে ধোরে, বদন বিস্তার কোর,  
ঘাড় ভেঙ্গে বিনাশ করিল ॥  
খলের এ আচরণ, চোখে করি দর্শন,  
চমকিত কিরাত তনয় ।  
গ্রামে গিয়া মারে ঢোল, শুনে সেই মহা গোল,  
সকলেরি প্রফুল্ল হৃদয় ॥  
ভুগিতে পাপের ফল, এইরূপে মরে খল,  
আত্ম-হিত করে না বিচার ।  
বিশ্বাসের নহে স্থল, মসিনার পাক জল,  
সেইরূপ খলের আচার ॥

সিদ্ধান্ত !

দিনকর যদি হয়, পশ্চিমে উদয় ।  
অমার নিগিতে যদি, শশী দৃশ্য হয় ॥  
বৃদ্ধের যদ্যপি হয়, যৌবন-সংস্কার ।  
মৃত প্রাণী প্রাণ যদি, পায় পুনর্বীর ॥  
শিখরের শিরে যদি, ফুটে শতদল ॥  
কখনই, খল তবু, হবেনা সরল ॥

হরিদ্রার চারু-রূপ, যদি হয় কালো ।  
জোনাকী, যদ্যপি ধরে, চন্দ্রিকার আলো ॥  
লোহায় যদ্যপি হয়, কুন্দের শৌর্যত ।  
কুপুঞ্জ যদ্যপি হয়, কুলের গৌরব ॥  
সুপাবক যদি হয়, সাপের গর্গর ॥  
কখনই, খল তবু, হবেনা সরল ॥

নয়নের দৃষ্টি গুণ, যদি পায় কাণ ।  
নয়ন যদ্যপি পায়, নাশিকার স্রাব ॥  
নাশায় যদ্যপি হয়, শ্রবণের যোগ ।  
চরণে যদ্যপি হয়, রসনার ভোগ ॥  
অগ্নির দাহক গুণ, যদি পায় জল ।  
কখনই, খল তবু, হবেনা সরল ॥

অবাকুর মুখ ফুটে, যদি স্মরে কাক ।  
সুমধুর মিষ্ট রব, যদি পায় বাক ॥  
প্ৰথম ঠৈবৎব ধর্ম, বাঘ যদি ধরে ।  
ভেক যদি নলিনীর, মন বশ করে ॥  
যদি হয় জলবৎ, অনল শীতল ।  
কখনই, খল তবু, হবেনা সরল ॥

বানরের লাজ ঘুচে, যদি হয় নর ।  
মহীলতা যদি হয়, সর্পবিষধর ॥  
আঙুরের কালো ঘুচে; যদি হয় শাদা ।  
লক্ষসম খরগতি, যদি পায় গাধা ॥  
অমৃত যদ্যপি হয়, মাখালের ফল ।  
কখনই, খল তবু, হবেনা সরল ॥

চোর যদি সাধু হয়, যুদ্ধির প্রায় ।  
শূকর ছাড়িয়া বিষ্ঠা, ক্ষীর যদি খায় ॥  
বার-বধু, যদি হয়, সাবিত্রী সমান ।  
শগালে ধরিয়া যন্ত্র, যদি করে গান ॥  
গগণে যদ্যপি উঠে, ভূতল, নিতল ।  
কখনই, খল তবু, হবেনা সরল ॥

আমিষ ভক্ষণ-রোগ, যদি ছাড়ে বক ।  
দারুণ ঠকানি-রোগ, যদি ছাড়ে ঠক ॥  
ভাট যদি প্রাক্কব ভী, তপ্তি নাহি পাড়ে ।  
আমলায়, মামলায়, ঘুস যদি ছাড়ে ॥  
হাকিম যদ্যপি ছাড়ে, বিচারের ছল ।  
কখনই, খল তবু, হবেনা সরল ॥

ভিক্ষা রোগ ছাড়ে যদি, ব্রহ্মণ কাঙাল ।  
স্বভাবেতে সং হয়, যদ্যপি বাঙাল ॥  
ধনেতে লোভির শ্লেষ, যদি নাহি বাড়ে ।  
পর রাজ্য হরা-লোভ, রাজ্য যদি ছাড়ে ॥  
দলচক্রী বাঙালিরা, যদি ছাড়ে দল ।  
কখনই, খল তবু, হবেনা সরল ॥

নিশা যদি দিবা হয়, দিবা হয় নিশা।  
সুখ সুখ সম, যদি হয় সীসা ॥  
সুমেধ যদি উড়ে, বায়ুর বাজনে।  
সিদ্ধ যদি শুদ্ধ হয়, কীটের শোষণে।  
রবি, শশী, খসি যদি, যায় রসাতল।  
কখনই, খল তবু হবেনা সরল।

লবণজলধি যদি, সুখাজল ধরে।  
নিম্ব যদি মধুময়, ফল দান করে ॥

ছাতারিয়া যদি শিখ, মগুরের নাচ।  
কাষত-কনক কাণ্ডি, যদি ধরে কাঁচ ॥  
করি যদি ইরি বধে, শুড়ে করে বল।  
কখনই, খল তবু হবেনা সরল ॥  
রাজপুত্রেরা কহিলেন, হে গুরু!।  
খলচরিত্র শুনিয়া আমরা চরিতার্থ  
হইলাম, এইক্ষণে অপর কোনো  
সাধু সন্দর্ভের দ্বারা সুখী করুন।

ইতি হিতপ্রভাকর পুস্তকে হিতহার অন্তর্গত “সুহৃদ্ভেদ,”  
নামক দ্বিতীয় পরিচ্ছেদ সমাপ্তঃ।

বিগ্রহ।



মুপতিনন্দন।

পদ্য।

প্রণিপাত গুরুদেব, চরণে তোমার।  
করিলেন বহুরূপে, সংশয় সংহার ॥  
“মজ্জলাত” সুহৃদ্ভেদ, কথা-সুধাধার।  
পাইলাম উপকার, অশেষ প্রকার ॥  
আমরা অধীন শিষ্য, রাজার তনয়।  
বিগ্রহ শুনিতে মনে, ইচ্ছা অতিশয় ॥  
কৃপা করি উপদেশ, করুন এখন।  
শুনিয়া কৃতার্থ হোয়ে, পুঞ্জিচরণ ॥

আচার্য্য।

সাধু সাধু রাজপুত্র, চিরজীবি হও।  
সত্রাট ভূপাল হোয়ে, সদা সুখে রও ॥  
যখন যাহাতে হবে, বাসনা বিশেষ।  
তখন করিব আমি, সেই উপদেশ ॥  
স্থির ধীর শাস্ত্রালাপে, অবিরত রত।  
প্রিয়শিষ্য কোথা পাব, তোমাদের মত? ॥  
বিশেষত আপনারা, ভূপতিকুমার।  
অবগ বিহিত বটে, বিগ্রহ-ব্যাপার ॥

রাজপুত্র।

সদয় হৃদয়ে প্রভু, বলুন বিশেষ।  
মানস মোহিত করি, শুনে উপদেশ ॥

গুরু।

তবে প্রবণ কর।

পদ্য।

সন্তোষসন্দীপে এক, সুখ সরোবর।  
সুচারু সোপান তার, অতি মনোহর ॥  
শীতল সুমিষ্ট শিব\*, সর্বশিবকর।  
প্রতিমূর্তি দেখা যায়, জলের তিতর ॥  
কমলে কমল শোভে, গন্ধে আমোদিত।  
তটেতে শীতল ছায়া, বৃক্ষ বিরাজিত ॥  
“স্বর্গমুখ” নামে এক, রাজহংসবর।  
সুধীর সুশীল শান্ত, সর্বগুণাকর ॥  
সত্যপ্রিয় সেই সাধু, সরল অন্তরে।  
সেই সুখসরোবরে, সুখে বাস করে ॥  
সেখানেতে জলচর, পাখি আছে বত।  
সমভাবে সকলেতে, হোয়ে অলুপত ॥  
আচার্য্য বিচার, আর, সাধু-ব্যবহারে।  
রাজপদে অভিষিক্ত, করিল তাহারে ॥  
দয়া, ধর্ম, বিবেচনা, সত্য-আলাপন।  
রাজার মতন তার, সকল লক্ষণ ॥

\* শিব— জল।

নিশা যদি দিবা হয়, দিবা হয় নিশা।  
সুখ সুখ সম, যদি হয় সীসা ॥  
সুখে যদি উড়ে, বায়ুর বাজনে।  
সিঁদু যদি শুক হয়, কীটের শোষণে।  
রবি, শশী, খসি যদি, যায় রসাতল।  
কখনই, খল তবু হবেনা সরল।

লবণজলধি যদি, সুধাজল ধরে।  
নিম্ব যদি নধুনয়, ফল দান করে ॥

ছাত্রারিয়া যদি শিখ, মগুরের নাচ।  
কষিত-কনক কাণ্ডি, যদি ধরে কাঁচ ॥  
করি যদি হুঁরি বধে, শুড়ে করে বল।  
কখনই, খল তবু হবেনা সরল ॥

রাজপুঞ্জেরা কহিলেন, হে গুরু! ॥  
খলচরিত্র শুনিয়া আমরা চরিতার্থ  
হইলাম, এইক্ষণে অপর কোনো  
সাধু সন্দর্ভের দ্বারা সুখী করুন।

ইতি হিতপ্রভাকর পুস্তকে হিতহার অন্তর্গত “সুহৃদ্ভেদ,”  
নামক দ্বিতীয় পরিচ্ছেদ সমাপ্তঃ।

## বিগৃহ।

নৃপতিনন্দন।

### পদ্য।

প্রণিপাত গুরুদেব, চরণে তোমার।  
করিলেন বহুরূপে, সংশয় সংহার ॥  
“মিত্রলাভ” সুহৃদ্ভেদ,” কথা-সুধাধার।  
পাইলাম উপকার, অশেষ প্রকার ॥  
আমরা অধীন শিষ্য, রাজার তনয়।  
বিগ্রহ শুনিতে মনে, ইচ্ছা অতিশয় ॥  
কৃপা করি উপদেশ, করুন এখন।  
শুনিয়া কৃতার্থ হোয়ে, পূজিব চরণ ॥

### আচার্য্য।

সাধু সাধু রাজপুঞ্জ, চিরজীবি হও।  
সম্রাট ভূপাল হোয়ে, সদা সুখে রও ॥  
যখন বাহাতে হবে, বাসনা বিশেষ।  
তখন করিব আগি, সেই উপদেশ ॥  
স্থির ধীর শাস্ত্রালাপে, অবিরত রত।  
প্রিয়শিষ্য কোথা পাব, তোমাদের মত! ॥  
বিশেষত আপনারা, ভূপতিকুমার।  
ঐবণ বিহিত বটে, বিগ্রহ-ব্যাপার ॥

### রাজপুঞ্জ।

সদয় হৃদয়ে প্রভু, বলুন বিশেষ।  
মানস মোহিত করি, শুনে উপদেশ ॥

### গুরু।

তবে শ্রবণ কর।

### পদ্য।

সন্তোষসন্দীপে এক, সুখ সরোবর।  
সুচারু সোপান তার, অতি মনোহর ॥  
শীতল সুমিষ্ট শিব\*, সর্বশিবকর।  
প্রতিমূর্তি দেখা যায়, জলের তিতর ॥  
কমলে কমল শোভে, গন্ধে আমোদিত।  
তটেতে শীতল ছায়া, বৃক্ষ বিরাজিত ॥  
“স্বর্ণমুখ” নামে এক, রাজহংসবর।  
সুখীর সুশীল শান্ত, সর্বগুণাকর ॥  
সত্যপ্রিয় সেই সাধু, সরল অন্তরে।  
সেই সুখসরোবরে, সুখে বাস করে ॥  
সেখানেতে জলচর, পাখি আছে যত।  
সমভাবে সকলেতে, হোয়ে অঙ্গুণত ॥  
আচার বিচার, আর, সাধু-ব্যবহারে।  
রাজপদে অভিষিক্ত, করিল তাহারে ॥  
দয়া, ধর্ম, বিবেচনা, সত্য-আলাপন।  
রাজার মতন তার, সকল লক্ষণ ॥

\* শিব— জল।

রাজ্য যদি সুধার্মিক, বিজ্ঞ নাহি হয়।  
কোনরূপে আর তার, রাজ্য নাহি রয় ॥  
অবিচারে অত্যাচারে, ঘটে অপযশ।  
পরস্পর প্রজাগণ, নাহি থাকে বশ ॥  
পাইয়া প্রচুর পীড়া, প্রভুভক্তি যায়।  
পশ্চাতে প্রমাদি হোয়ে, প্রমাদ ঘটায় ॥  
কাণ্ডারীবিহীন তরি, জলনিধি জলে।  
দেখিতে দেখিতে যথা, যায় রসাতলে ॥  
রাজ্যহীন রাজ্য হয়, সেরূপ প্রকার।  
একেবারে সমুদয়, যায় ছারখার ॥  
প্রজাদের রক্ষা করা, রাজব্যবহার।  
প্রজারা করিবে সদা, উন্নতি রাজার ॥  
আগে চাই প্রজাদের, পালন রক্ষণ।  
পরেতে বর্জন তবে, হয় প্রয়োজন ॥  
ব্যবহারে সবিশেষ পরীক্ষা করিয়া।  
হংসেরে করিল রাজ্য, সকলে নিলিয়া ॥  
রাজসিংহাসনে বসি, মরাল-মহীপ।  
সুযশে করিল পূর্ণ, সন্তোষ সন্দীপ ॥  
কোমল কমলদল, বিমল আসন।  
একদিন তাহে বোসে, আছেন রাজন ॥  
পাত্র মিত্র পারিষদ, পণ্ডিত মণ্ডিত।  
পরিজনে পরিপূর্ণ, সভা সুশোভিত ॥  
শাস্ত্রকথা সদালাপ, সাধু-সন্তোষণ।  
মহানন্দে মুগ্ধ ভায়, মহীশের মন ॥  
হেনকালে হঠাৎ, হইয়া ত্বরান্বিত।  
“কলহক” নামে বক, তথা উপনীত ॥  
বকেরে বলেন রাজ্য, প্রিয়কথা কোয়ে।  
কোথা হোতে এলে বাপু, এত ব্যস্ত হোয়ে ॥  
কেমন তো আছ ভাল, কুশল তোমার?।  
বলবল বল শুনি, শুভ সমাচার ॥

বক কহিল।

ত্রিপদী।

করপুটে পুটে পড়ি, ভূমিতলে গড়াগড়ি,  
: পণিপাত দিয়ে উপহার।  
‘কলহক’ বক কয়, মহীপতি মহাশয়,  
আছে এক গুপ্ত সমাচার ॥  
ঘটনা হয়েছে যাহা, খণ্ডন হবেনা তাহা,  
কৃপা করি করুন শ্রবণ।  
বিশ্রাম কোরি নি পথে, গতি-অশেষ, পক্ষ-রথে,  
এসেছি করিতে নিবেদন ॥  
দেশ-দরশন ছলে, কিছুকাল কুতূহলে,  
ভ্রমিলাম দিগ্দিগন্তর ॥  
যাইলাম অবশেষে, ময়ূর রাজার দেশে,  
দেবীদ্বীপ সুবর্ণশিখর ॥  
তথায় বিনোদ-বন, রাজ-অনুচরণ,  
বিচরণ করে চরাচরে ॥  
ক্রমে ক্রমে উত্তরিয়া, সেই বনে আমি গিয়া,  
চোরে খাই এক সরোবরে ॥  
না নাজাতি পাখি যত, জিজ্ঞাসা করিল কত,  
আসিয়া আমার সন্নিধানে।  
বল বল কিবা ‘নাম,’ কোথায় তোমার ধাম,  
কোথা হোতে আইলে এখানে? ॥  
জানিতে বাসনা তাই, বিনয়েতে বলি তাই,  
কত দেশ করিলে ভ্রমণ?।  
আকার প্রকার যত, বিদেশির মত মত,  
এদেশেতে কেন আগমন ॥  
আমি তায় কহিলাম, সন্তোষ সন্দীপে ধাম,  
মম নাম সবারি গোচর।  
“স্বর্ণমুখ” হংসবর, চক্রবর্তী একেশ্বর,  
আমি তাঁর প্রিয়-অনুচর ॥

হংসরাজ কহিলেন।

পত্নী।

মুঢ়-জনে উপদেশ, না করিবে দান।  
প্রাত্ন-ভেদে ব্যবহার, বিহিত বিধান ॥  
উপমার স্থল তার, পেয়েছ কেমন?।  
বাপু, বক, বল তবে, শুনি বিবরণ ॥  
উপদেশ দান করি, যত কপিগণে।  
পাখিদের সর্বনাশ, হইল কেমনে? ॥

বক কহিল।

নিরমল নীরময়, নন্দদার তট।  
বহুকেলে বৃক্ষ তথা, বড় এক বট ॥  
সেই গাছে পরিজন, লোয়ে নিজ নিজ।  
বাসা বেঁধে বাস করে, নানাজাতি দ্বিজ ॥  
ফল, রস, জল আদি, স্বভাবে সঞ্চার।  
চিত্ত-সুখে নিত্য করে, আহার বিহার ॥  
পাল পাল বানর, বানরী, বনে চরে।  
উপ আপু, দুপু দাপু, নাতায়াতি করে ॥  
একদিন দিবাতাগে, বরষা সময়।  
হইল গগন-দেশে, মেঘের উদয় ॥  
ঘন ঘন ঘন-ঘোর, গভীর গর্জন।  
মাঝে মাঝে ভয়ঙ্কর, বাজের তর্জন ॥  
থেকে থেকে চপলায়, চাকু চকু চকি।  
বোধ হয়, প্রকৃতি, ঠুকিছে, চকু মকি ॥  
ঝুণ্ড ঝুণ্ড ঝুণ্ড, উপরের হাঁক।  
শব্দ ঝুণ্ড ঝুণ্ড, বাতাসের ডাক ॥  
দর দর বার বার, টুপ টুপ টাপ।  
ক্রমেতে মুষল-ধার, জল ঝপ ঝাপ ॥  
এক পাল বানর, বসিয়া তরুতলে।  
বাত বৃষ্টি সহ্য করি, তিজিতেছে জলে ॥

আমার একপ ভায়ে, জানিবার অভিলাষে,  
তারা কহে, কহ সমাচার।  
তোমাদের দেশ সেই, আমাদের দেশ এই,  
কোন দেশ কিরূপ প্রকার? ॥  
আচার বিচার আর, কুতূহলিতি ব্যবহার,  
কি প্রকার তথাকার হয়?।  
কিবা আছে অপরূপ, কেমন ধার্মিক ভূপ,  
প্রজাগণ কত সুখে রয়? ॥  
আমি কহিলাম ভায়, কি কথা বলিছ হায়,  
তোমাদের এদেশ কি দেশ?।  
আমরা স্বর্গেতে রই, হংসরাজ বিশ্বজই,  
স্বর্গপতি বাসব বিশেষ ॥  
কিসের সহিত কার, তুল্য করি তুলনার,  
মুক্তা আর বিহুক যেমন।  
কাঁচ আর স্বর্ণ যথা, সে দেশ, এ দেশ তথা,  
উপমায় হইবে তেমন ॥  
মরুভূমে সদা চর, পাণ-ভোগ কোরে মর,  
সুখভোগে যদি থাকে আশ।  
আমাদের দেশে তাই, চল তবে লোয়ে যাই,  
পুরাইব প্রচুর প্রয়াস ॥  
আমার এ উপদেশ, শুনিয়া করিল দ্বৈষ,  
সবিশেষ না করি বিচার।  
মুঢ় যেই এ সংসারে, উপদেশ দিলে তারে,  
ঘোটে থাকে এরূপ প্রকার ॥  
ভুত্বজেরে দুহু দিয়া, না হয় কুশল-ক্রিয়া,  
মন্দ ঘটে ধরা আছে স্থির।  
অবোধে কহিলে হিত, ফল হয় বিপরীত,  
বোলেছেন পণ্ডিত সুধীর ॥  
শুভকর কথা যাহা, সুবোধে কহিলে তাহা,  
উভয়ের পূরে অভিলাষ।  
অবোধ বানরগণে, হিতকথা বিতরণে,  
পাখিদের হোলো সর্বনাশ ॥

শাখি হোতে পাখিগণ, হইয়া সদয়।  
কপিকুলে কহিতেছে, করিয়া বিনয় ॥  
“ কেন ভাই সকলেতে, ভিজ়ে হও সারা ? ।  
শরীরে সহিয়া কষ্ট, যাবে শেষ মারা ॥  
এসো এসো, এসো সব, আমাদের কাছে ।  
সুখেতে করিবে বাস, ভাল বাসা আছে ॥ ”  
একেতো, বানর, তাহে, বুদ্ধি-বিপরীত ।  
উপদেশে, দ্বেষ করি, কোপেতে কল্পিত ॥  
মনে মনে সবে করে, এরূপ বিচার ।  
হুঁ হুঁ, এই পাখিদের, এত অহঙ্কার ? ॥  
আমাদের নিন্দা করে, জলে ভিজ়ি বোলে ।  
মর-মর এ জলেতো, যাবনাকো গোলে ॥  
এখনতো চারা নাই, চুপসেমে থাকি ।  
কিচ্ মিচ্ করুকু, মরুকু, সব পাখি ॥  
আগেতে ধরুকু জল, দেখিব তখন ।  
আছেন সুখেতে বটে, বাঁচেন কেমন ? ॥  
তখন কিঞ্চিৎ পরে, জল গেল ধোরে ।  
গাছেতে মারিল লাগু, দুপু দাপু কোরে ॥  
নিবিড়-নির্মিত নীড়, না রাখিল আর ।  
হাতে, দাঁতে, ছিঁড়ে, কেটে, করে ছার খার ॥  
যে সব প্রসব করি, ডিম্ রেখেছিল ।  
মরুকট্, ছরুকট্, সব কোরে দিল ॥  
কুশলের কথা কোয়ে, ফল শেষ তার ।  
বাসের ব্যাঘাত হোয়ে, প্রাণে বাঁচা তার ॥  
নিবেদন করি তাই, নৃপ মহাশয় ।  
মৃঢ়-জনে হিত-কথা, বিহিত না হয় ॥

### হংসরাজ কহিলেন ।

ময়ূর-রাজের যত, অহুচরণ ।  
কুপিত হইল শুনে, তোমার বচন ॥

পরে তার, কি প্রকার, ব্যাপার ঘটিল ? ।  
রাগবশে ব্যবহার, করুপ করিল ? ॥  
কলহক কহিল ।  
সকলেরি ভাঙা-মন, রাগে রাঙা আঁখি ।  
ঠাঙা ধোরে এলো যত, ভাঙা-বাসি পাখি ॥  
কহিল প্রকোপ করি, প্রকাশিয়ে বল ।  
কোথাকার রাজা “ হাঁস ” বল ব্যাটা বল ? ॥  
কারে তুই “ রাজা ” কোন্, এ, যে, তোর ভ্রম ।  
কোথা হোতে পেল সেটা, রাজ-পরাক্রম ॥  
দেখে শুনে ব্যলীকের, এত আশ্চর্যন ।  
আমিও দিলাম তার, মুখের মতন ॥  
কহিলাম চৌটি-নেড়ে, কোরে কত ভূর্ ।  
কোথা হোতে রাজা হোলো, তোদের ময়ূর ? ॥  
রাজ-পরাক্রম তার, হোলো কি প্রকারে ? ।  
রাজ-পদে অভিষেক, কে করিল তারে ? ॥  
চাহিল আমায় তারা, করিতে বিনাশ ।  
আমি করিলাম নিজ, প্রভাব প্রকাশ ॥  
নারীদের লজ্জা যথা, প্রধান-ভূষণ ।  
অলাজ তেমনি হয়, দারুণ দুষণ ॥  
ময়ূর এই লাজ, বিধান সদাই ।  
কিন্তু এক কাল-ভেদে, নিলজ্জতা চাই ॥  
সতি-সহ রতিরস, আলাপ যখন ।  
লজ্জাহীনা হোতে হবে, সতীকে তখন ॥  
সেইরূপ পুরুষের, ক্ষমা অলঙ্কার ।  
যার চেয়ে মনোহর, ভূষা নাই আর ॥  
কাল-ভেদে সেই ক্ষমা, সুবিহিত নয় ।  
সময়েতে বাহুবল, বিস্তারিতে হয় ॥  
যদবধি শত্রু সব, প্রবল না হয় ।  
তদবধি ক্ষমাগুণ, মনে যেন রয় ॥  
বিপক্ষের দল-বল, প্রবল যখন ।  
বিক্রম বিস্তার করা, বিহিত তখন ॥

### মরাল-মহীপ হাস্যপূর্বক বলিলেন ।

নিজ আর পর-বল, দেখিয়া যে জন ।  
ভিতরের ভাব নাহি, করে নিরূপণ ॥  
কথায় কলহ করি, বিবাদ ঘটাবে ।  
বিপক্ষের বাক্য ব্যথা, পাবেই সে পাবে ॥  
বাঘ-ছালে গাত্র মোড়া, গাদা যে প্রকার ।  
আপনার বাক্য-দোষে, হইল সংহার ॥  
সেইরূপ এজগতে, কটুভাষি যারা ।  
বচনের দোষে শুধু, মারা পড়ে তারা ॥

### বক বলিল ।

প্রণিপাত করি প্রভু, কমল-চরণে ।  
বাক্য দোষে, সেই গাদা, মরিল কেমনে ? ॥  
কিসেতে হইল তার, মরণ ঘটনা ।  
বিস্তারিত বিবরণ, শুনিতে বাসনা ॥

### মহারাজ কহিলেন ।

নদী-তীরে, নন্দন-নগরে, নিকেতন ।  
রাজীব নামেতে এক, রজক-নন্দন ॥  
প্রাতে উঠে ঘাটে যায়, গাদা এক নিয়া ।  
সন্ধ্যাকালে ঘরে আসে, কাপড় কাচিয়া ॥  
কিছু কিছু কড়ি পায়, মনিবের ঘরে ।  
কোনোরূপে, গোচে গোচে, দিনপাত করে ॥  
সেই গাদা, রজকের, অধীনেতে রোয়ে ।  
দিন দিন হয় ক্ষীণ, মোট বোয়ে বোয়ে ॥  
খেটে খেটে হোলো শেষ, অস্থি চর্ম্ম সার ।  
উঠবার শক্তি আর, রহিলনা তার ॥  
সজীব রাখিতে তারে, রাজীব তখন ।  
মনেতে করিল এক, যুক্তি নিরূপণ ॥  
বাঘের চামেতে করি, দেহ আচ্ছাদন ।

শস্যময় ক্ষেত্রে গিয়া, করিল স্থাপন ॥  
দূরে হোতে দৃষ্টি করি, অতিশয় আসে ।  
বাঘ বোধে চাসা তার, নিকটে না আসে ॥  
দিবানিশি ইচ্ছামত, ভোগ পেয়ে পেয়ে ।  
মরা গাদা বেঁচেগেল, ধান খেয়ে খেয়ে ॥  
ক্রমেই বাড়িছে বল, নাহি খাটাখোটা ।  
হোলো সেটা অতিশয়, গাঁটাগোঁটা মোটা ॥  
চাসার আশার ধন, ভোগ নাহি হয় ।  
যুক্তিযোগে করে সবে, উপায় নির্ণয় ॥  
কেশব নামেতে এক, কৃষক-কুমার ।  
ভাবিতেছে কিসে করি, শাদ্দুল সংহার ॥  
গাদীর চামের মত, কয়ল আনিয়া ।  
তাহাতে কৌশল করি, শরীর ঢাকিয়া ॥  
রাখিল প্রমুখ তীর, করিয়া গোপন ।  
গাদা ব্যাটা কি বুঝিবে, তাহার কারণ ॥  
দূরে-হোতে সেই মূর্ত্তি, করি দরশন ।  
গর্দভী হইল জ্ঞান, গাদার তখন ॥  
ছাড়িয়া ভীষণ রব, রতিভোগ চেয়ে ।  
ব্যস্ত-হোয়ে মন্তুরাম, আইলেন ধেয়ে ॥  
সে রবে গর্দভ জেনে, করিয়া আঘাত ।  
তখন কৃষক তারে, করিল নিপাত ॥  
কটুভাষ ভাল নয়, বলি আমি তাই ।  
মুখের দোষের চেয়ে, দোষ আর নাই ॥  
নীর্বে থাকিয়া গাদা, যদি খেতো ধান ।  
এরূপে কখনো তার, যেতোনাকো প্রাণ ॥  
এখন এ বাক্যে অজ্ঞ, নাহি প্রয়োজন ।  
তার পর কি হইল, কহ বিবরণ ॥

### কলহক বক কহিল ।

### ত্রিপদী ।

পরে সেই পাখি যত, কলরব করে কত,  
কোপানলে সকলেই জ্বলে ।

বেঁধে সব জোটপাট, চোটপাট মালমাট,  
মার মার কাটকাট বলে ॥  
কেহ বলে আমি যাই, ঘাড় ভেঙে রক্ত খাই,  
রাখা নয় আর ক্ষণকাল।  
কেহ বসে মেরে লাতি, ভাঙিব বুকের ছাতি  
চড়মেরে ভেঙে-দিব গাল ॥  
সে কথায় কেহ কয়, প্রাণে মারা বিধি নয়,  
ল্যাজ কেটে কোরে দিই বেঁড়ে।  
কেহ কহে ছুরি আন, কেটে নিই নাক কাণ,  
সাজাদিয়ে দিই এরে ছেড়ে ॥  
মাখাইয়ে চূণ কালী, আগে দিয়ে হাতভালি,  
কুলার বাতাস দেও শেষে।  
মনোহর মূর্তি ধরি, নটবর সজ্জা করি,  
কালামুখ নিয়ে যাক দেশে ॥  
দেশে নাহি অন্ন পায়, পেটের দারুণ দায়,  
কত কষ্টে এখানেতে এসে।  
আমাদের চরে চরে, আমাদের খায় পরে,  
আমাদের নিন্দা করে শেষে ॥  
ওরে রে, বঞ্চক বন্ধু তুই ব্যাটা ঠ্যাটা ঠক,  
প্রতারক পাষাণ্ড পামর।  
যত-দূর মুখ তোর, তত-দূর কথা জোর,  
মর মর আ মর আ মর ॥  
আমাদের অধিপতি, জ্ঞানকল্পে বৃহস্পতি,  
মহামতি ধর্ম অবতার।  
যার আছে শুভকর্ম, পূর্বের সঞ্চিত ধর্ম,  
সেই এসে পূজা করে তাঁর ॥  
আমরা সকল পাখি, রত্নময়-দেশে থাকি,  
সুখভোগ অশেষ বিশেষে।  
কি বলিস্ হরি হরি, স্বর্গ-সুখ পরিহরি,  
যাব সব তোদের সে দেশে ॥  
তোদের যে রাজহংস, স্বভাবে দুর্বল-বংশ,

রাজা হবে কিরূপ প্রকার।  
নিতান্ত যে মূঢ় হয়, ভূপতির যোগ্য নয়,  
কিসে হবে রাজ্যে অধিকার ॥  
সহজে দুর্বল যেই, রাখিতে পারেনা সেই,  
আপনুর করস্থিত ধন।  
কার বলে বল লোয়ে, কি সাহসে রাজা হোয়ে  
সে করিবে পৃথিবী শাসন ॥  
তুই নিজে নীচ হোস, তাই তারে বড় কোস,  
রোস রোস ছুট ছুট ছাচার।  
হিক্-হিক্-থিক্-থিক্-পিক্-পিক্-থিক্-থিক্,  
অধিক কি কব তোরে আর? ॥  
যেমন কূপের ব্যাণ্ড, কূপেতেই নাড়ে ঠাণ্ড,  
তোর দশা ঘটেছে তেমন।  
হীন-দেশে নিয়ে-যেতে, হীন-সেবা করাইতে,  
উপদেশ দিস্ সে কারণ ॥  
স্বভাবে যে তরু হয়, ফল আর ছায়াময়,  
তার সেবা করাই উচিত।  
দৈবাৎ না হোলে ফল, তাহে কিবা ক্ষতি বল,  
ছায়া-সুখে কে করে বঞ্চিত ॥  
মুহুৎ, যে, গুণনিধি, তাঁর উপাসনা বিধি,  
হীন-সেবা বিধি নয় নয়।  
তুঁড়ি যদি নিজ করে, গোরস বহন করে,  
কেহ তাহা করেনা প্রভায় ॥  
প্রকাশেতে দুষ্ক বয়, হেসে লোক মদ্য কয়,  
নীচ-সঙ্গ দোষের আধার।  
গুণবান সাধু যাঁরা, হীন-সঙ্গি হোলে তাঁরা,  
গুণ-জ্ঞান না হয় প্রচার ॥  
গঙ্গার বিমল-বারি, ত্রিকূলপবিত্রকারি,  
সেই বারি আনিলে যবন।  
সঙ্গ-দোষে নষ্ট হয়, আর কি পবিত্র রয়,  
কেহ তাহা করেনা গ্রহণ ॥

হাতির প্রকাণ্ড দেহ, সমুখে দর্পণ দেহ,  
প্রতিবিম্ব ক্ষুদ্র হবে তার।  
আধার আধেয়-ভাব, আছে যার অনুভাব,  
সেই জন বুঝে মাত্র সার ॥  
আশ্রয়-জনের দোষে, আশ্রিতের দোষে ঘোষে,  
অনাম অযশ হয় নাশ।  
বহু-গুণে গুণময়, সে গুণ গোপন রয়,  
শুধু পায় হীনতা প্রকাশ ॥  
রাজা হোলে বলবান, অধীনের কত মান,  
নামের দোহাই দিয়ে তরে।  
শশাঙ্ক সম্বন্ধ-ছল, প্রকাশিয়া চন্দ্র-বল,  
শশকেরা সুখে বাস করে ॥  
হে মহারাজ! এই কথা শ্রবণ  
করিয়া আমি জিজ্ঞাসা করিলাম,  
শশাঙ্ক-সম্বন্ধরূপ ছলনাদ্বারা কি  
সুত্রে সেই শশক সমূহ অদ্যাপি স-  
ন্মান সহকারে সুখে বাস করিতেছে?  
আমার এতৎ প্রস্তাবে সেই বিপক্ষ  
পক্ষিগণ এইরূপ উত্তর করিল।

যথা।

দৈবযোগে একবার, বরষা সময়।  
ঘোর রিষ্টি, যায় সৃষ্টি, বৃষ্টি নাহি হয় ॥  
কাননের জলাশয়, শুঁখাইল সব।  
জলাভাবে পশু পাখি, করে হাহারব ॥  
যুথ যুথ হস্তি যত, প্রকাণ্ড শরীর।  
ছুটে ছুটে বেড়াতেছে, হইয়া অস্থির ॥  
গজরাজ নিকটেতে, করিয়া গমন।  
একে একে সকলেতে, করে নিবেদন ॥  
জলকষ্টে বাঁচিনে-তো, প্রাণ যায় যায়।

কহ কহ, করিরাজ, করি কি-উপায়? ॥  
আকাশে দেখিনে আর, নীরদের জল।  
কিরূপেতে বাঁচে তবে, দ্বিরদের দল ॥  
প্রজাদের দুখ দেখে, হইয়া কাতর।  
মুখপতি করে গতি, বনের তিতর ॥  
কিছু দূরে গিয়ে দেখে, রম্য-সরোবর।  
তাহাতে অগাধ জল, রয়েছে বিস্তর ॥  
করিগণে, ডেকে এনে, কহে হাস্য-মুখে।  
এই জলে স্নান কর, পান কর সুখে ॥  
তদবধি কিছুদিন, সেই সরোবরে।  
বৃষ্টির কলাপ এসে, স্নান পান করে ॥  
পুকুরের পাড়ে চরে, শশকের দল।  
চিরকাল সুখে তারা, খায় সেই জল ॥  
ছোটো ছোটো ছানা যত, চরিত তথায়।  
হাতির লাতির ঘায়ে, শুঁড়ো হোয়ে যায় ॥  
পুঞ্জশোকে নিরন্তর, নেত্রে ঝরে জল।  
শোকে তাপে পুড়ে মরে, শশক সকল ॥  
পরস্পর যুক্তি করে, মলিন হইয়া।  
বারণে বারণ করি, কেমন করিয়া? ॥  
হস্তি-মুখ বোলে লোকে, গায় অপমণ।  
কখনো হবেনা এরা, বিনয়ের বশ ॥  
এরূপ করিয়া যদি, নিত্যা আসে সবে।  
অচিরাৎ বংশ ধ্বংস, হোয়ে যাবে তবে ॥  
বিজয় নামেতে এক, শশক চতুর।  
বলে সবে স্থির হও, দুঃখ কর দূর ॥  
উপায় থাকিতে কেন, চিন্তা কর তাই?।  
আমি বাঁচাইব কুল, ভয় নাই নাই ॥  
বুদ্ধি যদি হয় মগ, সাহসের সাতি।  
ইন্দ্রদেবে বেঁধে আনি, কোন্ তুচ্ছ হাতি ॥  
কুলদেব যিনি তাঁর, দোহাই দোহাই।  
আশীর্বাদ কর সবে, আমি তবে যাই ॥

যদ্যপি মরিতে হয়, বিপদের হাতে।  
 যায় যাক্ যাবে প্রাণ, ক্ষোভ নাই তাতে ॥  
 রণে মরি কিম্বা মারি, উভয় ঘটনা।  
 জগতে রহিবে তায়, যশের রটনা ॥  
 এত-বলি সাহসেতে, বিজয় তখন।  
 দুর্গা বোলে যাত্রা করি, করিল গমন ॥  
 প্রতিজ্ঞা করিয়া যায়, বনের ভিতর।  
 লোকে বলে “কোথা কাণ্ডে” সাহসেতে ভর ॥  
 মনে মনে ভাবিতেছে, কি করি এখন।  
 রক্ষা কর তগবান, লজ্জানিবারণ ॥  
 বিপদের বন্ধু তুমি, ত্রীগধুসূদন।  
 বিপদ ভঞ্জন কর, বিপদভঞ্জন ॥  
 পাল পাল যাবে হাতি, এই পথ দিয়া।  
 নিকটে দাঁড়াব আমি, কেমন করিয়া ? ॥  
 লোকমুখে এইরূপ, আছি অবগত।  
 স্পর্শ করি নাশ করে, করি-কুল যত ॥  
 ভয়ঙ্কর বিষধর, কালসর্প যারা।  
 আত্মাণের ছলযোগে, নষ্ট করে তারা ॥  
 জনমাজে জনরব, রয়েছে প্রকাশ।  
 পালনের ছল করি, রাজা করে নাশ ॥  
 আর যত ছুরাচার, ছুই ছুরাশয়।  
 হাস্য পরিহাস ছলে, প্রাণ হোরে লয় ॥  
 অতএব এ ভাবেতে, থাকা নয় নয়।  
 চোখোচোখি, হোলে পরে, কি জানি কি হয় ॥  
 বুদ্ধিবলে করি এক, উপায় নির্ণয়।  
 শিখরের শেখরেতে, চড়িল বিজয় ॥  
 হস্তিযুগ্ম যে সময়ে, করিছে গমন।  
 আকাশ-বাণীর মত, কহিছে বচন ॥  
 লঘু-ত্রিপদী।

ওহে গজপতি, তুমি মহামতি,  
 অতিশয় গুণধর।

বিশেষ বচন, করি নিবেদন,  
 দাঁড়ায়ে শ্রবণ কর ॥  
 ধার্মিক জানিয়া, গৌরব মানিয়া,  
 বলিতে এসেছি তাই ॥  
 আচার বিচার, দয়া ধর্ম আর,  
 সাধু-ব্যবহার চাই ॥  
 দয়া আছে যার, সেই হয় সার,  
 তার যশ গায় সবে ॥  
 পরের পীড়ন, না করে যে জন,  
 সে জন সৃজন তবে ॥  
 এই সব করি, সহচর করি,  
 তুমি হও করিবর ॥  
 হয়েছ প্রধান, পেয়ে প্রাণিধান,  
 অবিধান কেন কর ? ॥  
 শশক বচন, করিয়া শ্রবণ,  
 স্তুতি করি করী কয় ॥  
 কি তোমার নাম, কোন্ দেশে থাম,  
 বল বল মহাশয় ॥  
 থাকো কোন্ বনে, কিসের কারণে,  
 এখানে হইল আসা ? ॥  
 কিসের কারণ, এত সন্ধ্যাণ,  
 মনেতে কি আছে আশা ? ॥  
 করিয়া বিনয়, কহিছে বিজয়,  
 নিজ পরিচয় কই ॥  
 শশি শশ-স্বামি, সাধু-পথ-গামি,  
 তাঁর দূত আমি হই ॥  
 অল্পমতি বোয়ে, উপদেশ লোয়ে,  
 এসেছি তোমার কাছে ॥  
 দূত যেই হয়, তার নাহি ভয়,  
 অভয় সদাই আছে ॥  
 অতি কোপ-ভরে, দূতের উপরে,  
 অসি ধোরে যদি রয় ॥

তখাচ সে দূত, হোয়ে ভয়যুত,  
 মিছে কথা নাহি কয় ॥  
 এসেছি হেথায়, বলিতে তোমায়,  
 চাঁদ-বদনের উক্তি ॥  
 বুঝিবে যেমন, করিবে তেমন,  
 বিচারে যে হয় যুক্তি ॥  
 দেখ করিবর, এই সরোবর,  
 মনোহর শোভাকর ॥  
 এর অধিপতি, সেই জ্যোতিপতি,  
 যশধর শশধর ॥  
 সকল শশক, ইহার রক্ষক,  
 এই খানে করি থাম ॥  
 শশকের রাজ, তাই বিজরাজ,  
 পেলেন শশাঙ্ক নাম ॥  
 তোমরা সকলে, এসে এই জলে,  
 উঠালে সবার বাস ॥  
 বেগে এসো ধৈর্য, লাতি খেয়ে খেয়ে,  
 শশক হইল নাশ ॥  
 ছুধের কুমার, ছিল, যে, আমার,  
 নাশিলে হইয়ে বাদী ॥  
 হারিয়ে “খুকুরে” আসিয়ে পুকুরে,  
 উকুরে ফুকুরে কাঁদি ॥  
 দেখিয়া তোমার, এরূপ প্রকার,  
 অন্যায় বাপ্যার যত ॥  
 কোপে ক্রোধাকর, হোয়ে নিশাকর,  
 কহিলেন এই মত ॥  
 এই সরোবরে, গতি নাহি করে,  
 বল গিয়ে গজবরে ॥  
 না শুনে বারণ, বধিব বারণ,  
 নিবারণ কেবা করে ॥  
 করিবর তাই, বলি আমি তাই,

যাহাতে সকলি রহে।  
 তিনি হন চাঁদ, তাঁর সহ বাদ,  
 উচিত তোমার নহে ॥  
 যদি হে বারণ, না শুন বারণ,  
 ধর ধর রণবেশ ॥  
 কেহ না বাঁচিবে, সকলে মরিবে,  
 প্রমাদ ঘটিবে শেষ ॥  
 করি যোড়-কর, কহে করিবর,  
 না জেনে করেছি দোষ ॥  
 প্রণাম আমার, ইথে যেন তাঁর,  
 মনে নাহি হয় রোষ ॥  
 দোহাই দোহাই, জেনে করি নাই,  
 অতুল হোন্ প্রভু ॥  
 এরূপ প্রকার, নীচ-ব্যবহার,  
 করিবনা আর কভু ॥

পাতা।

বারণের বাক্য শুনে, বলিছে বিজয়।  
 হয়েছে তোমার মনে, বোধের উদয় ॥  
 প্রভুর ত্রিপদে তবে, প্রণাম করিয়া।  
 বিদায় হইয়া যাও, প্রসাদ লইয়া ॥  
 নিশাকালে সেই জলে, করিয়া কৌশল।  
 দেখাইল চঞ্চলিত, চাঁদের মণ্ডল ॥  
 বলে দেখ যুথরাজ, হোয়ে অতি স্থির।  
 কোপেতে কাঁপিছে ওই, শশির শরীর ॥  
 উর্দ্ধমুখে বলে “নাশ” কর দরশন।  
 করিছে করিছে পূজা, তোমার চরণ ॥  
 অপরাধ ক্ষমা “প্রভু” করুন এবার।  
 হেন কর্ম পুনর্বার, করিবেনা আর ॥  
 কিছু মাত্র না বুঝিয়া, শশকের ছল।  
 ভয় পেয়ে পলাইল, কুঞ্জরের দল ॥

তাই বলি, যে, ভূপাল, নিজে বলমান।  
তাহার অধীনে থাকা, বিহিত বিধান ॥  
ওরে দাস, তোর হাঁস, সহজে দুর্কল।  
হাঁসের অধীন হোলে, কি হইবে ফল? ॥  
অহঙ্কার কোরে শেষ, কহিলাম আমি।  
মহাবল পরাক্রম, আগাদের স্বামি ॥  
ত্রিলোকের আধিপত্য, যোগ্য হয় যার।  
তার কাছে ক্ষুদ্র এক, রাজ্য কোন্ ছার ॥  
পরেতে আশায় তার, পাশবদ্ধ কোরে।  
শিখিরাজ সম্মিথানে, নিয়ে গেল ধোরে ॥  
কহিল আমায় দেখে, শিখি-নুপবর।  
কোথা হোতে এলো এই, পাখি-জলচর? ॥  
রাজারে প্রণাম করি, পক্ষিগণ কয়।  
দান্তিক\* দুর্জন এটা, দুই দুরাশয় ॥  
সন্তোষসন্দীপে ধাম, নাম “কলহক”।  
মরাল রাজার প্রজা, জলচর বক ॥  
এই অধিকারে এসে, করিছে চরণ।  
নাহি লয় আপনার, চরণ শরণ ॥  
অহঙ্কারে এত মত্ত, নাহি মাত্র ভয়।  
ত্রীপদের নিন্দা করি, কটু কথা কয় ॥

অপিচ পক্ষিদিগের এই কথা শ্রবণ করিয়া ময়ূর-মহারাজের প্রধান মন্ত্রী “গুধু” আমাকে প্রিয়-বাক্যে জিজ্ঞাসা করিলেন, ওহে বক! তোমারদিগের সেই হংসরাজের প্রধান কর্মচারি প্রিয়-মন্ত্রী কোন্ ব্যক্তি? তাহার নাম কি?

\* দান্তিক। বক।

এই কথা শুনিয়া আমি কহিলাম।—আমাদিগের রাজমন্ত্রী সর্বজ্ঞ নামক “চক্রবাক” মহাশয়, তিনি সর্বজ্ঞ সর্ব-শাস্ত্রজ্ঞ মহাবিজ্ঞ, সুনীতিজ্ঞ।

গুধুমন্ত্রী কহিলেন।

হাঁ, জানিলাম, সেব্যক্তি মন্ত্রিপদের যথার্থরূপ যোগ্যপাত্র বটে, যেহেতু স্বদেশজাত।

যে ব্যক্তি সদ্ভাবশোভব স্বদেশজাত, সেই ব্যক্তিই মন্ত্রিপদের যথার্থরূপ যোগ্যপাত্র।—যে ব্যক্তি লোভশূন্য, সন্তোষচিত্ত উৎকোচ-গ্রহণে-বিরত, সেই ব্যক্তিই মন্ত্রিপদের যথার্থরূপ যোগ্যপাত্র।—যে ব্যক্তি ব্যভিচাররূপ-দোষবিহীন, কুসনহীন, আলস্যরহিত, উদ্যোগী-পুরুষ, সেই ব্যক্তিই মন্ত্রিপদের যথার্থরূপ যোগ্যপাত্র।—যে ব্যক্তি সুপবিত্র মন্ত্রদাতা সুনীতিজ্ঞ ব্যবহারজ্ঞ, সেই ব্যক্তিই মন্ত্রিপদের যথার্থরূপ যোগ্যপাত্র।—এবং যে ব্যক্তি সুবিখ্যাত সুপণ্ডিত ও সম্পত্তি-সঞ্চয়ে সংপূর্ণরূপ সামর্থ্যশালী, সেই ব্যক্তিই মন্ত্রিপদের যথার্থরূপ যোগ্যপাত্র।

পরে শুকপক্ষী কহিলেন।

হে রাজন্! হংসরাজের সেই দ্বীপ অতি সামান্য দ্বীপ, আমারদিগের এই দেবীদ্বীপের ক্ষুদ্র একটা শাখা মাত্র, তথায়ও ত্রীময়মহারাজের ত্রীপাদপদ্মের পরিপূর্ণরূপ প্রভু আছে।

অনন্তর শুকের এই বাক্যে শিখিরাজ কহিলেন, ইহাই সম্ভব বটে।

পরে আমি কহিলাম।

পাত্র।

রাজা আর অবিরেকি, মূঢ়-শিশুগণ।  
ধনমদে মত্ত, আর, প্রমত্ত যেন ॥  
কহিতে এদের কথা, পরাভব ভাষা।  
যে ধন পাবন নয়, তাহে করে আশা ॥  
অদ্যাবধি হয় নাই, যাহে অধিকার।  
যখন তাতেই করে, এত অহঙ্কার ॥  
তখন-তো কথা নাই, তাদের বচনে।  
সকলি করিতে পারে, হস্তগত-ধনে ॥  
কেবল বচনে যদি, হয় অধিকার।  
এর চেয়ে উপহাস, কিছু নাই আর ॥  
আমাদের রাজ্যে যদি, শিখিরাজ স্বামী।  
এদেশের রাজা হংস, বলি তবে আমি ॥  
আমার বচনে শুক, কহিল তখন।  
কি বল এখন তুমি, কি বল এখন? ॥  
শেষ আমি কহিলাম, করি অহঙ্কার।  
কি বলিব শুক, তোরে, কি বলিব আর? ॥  
বচনে যদিপি চাও, হইতে প্রবল।  
যুদ্ধ করি দেখ তবে, কার কত বল? ॥

ময়ূররাজ কহিলেন।

আপন রাজ্যে বল, হইতে প্রস্তুত।

আমি কহিলাম।

পাঠাও পাঠাও তবে, আপনার দূত ॥

পরে শিখিরাজ কহিতেছেন।

হে সভাসদগণ! এইক্ষণে তো যুদ্ধ করাই বিধেয় হইতেছে, দূতের পদে নিযুক্ত করিয়া কোন্ ব্যক্তিকে প্রেরণ করা কর্তব্য, সকলে বিবেচনা করিয়া বল দেখি? একর্ম সামান্য লোকের কর্ম নহে। বিদ্যা চাই, বুদ্ধি চাই, সাহস চাই, বক্তৃতাশক্তি চাই, ক্ষমতা চাই, বহুদর্শিতা চাই, ক্ষমা চাই, ধৈর্য চাই, ইত্যাদি সকল প্রকার গুণ চাই। সর্ব-বিষয়েই নিপুণ হইবে, অনুরক্ত হইবে, শুচি হইবে, পরধর্মবেত্তা হইবে, অনুভাব-শক্তি-দ্বারা ভবিষ্যৎ হিতাহিত স্থির করিতে পারিবে, এতাদৃশ ব্যক্তিই কেবল দূতের যোগ্য।

শিখীশরের এই বচনে গুধুমন্ত্রী কহিলেন। অনেকের দূত আছে বটে, কিন্তু এই কর্মে ত্রাঙ্গণকেই দূতের পদে অভিষিক্ত করিয়া প্রেরণ করা কর্তব্য হইতেছে। যথা—

পাঠ ।

সাপুজন, ধনলোভ, মনে কতু ধরে না।  
প্রভুর করুণা বিনা, অন্য আশা করে না ॥  
হর-কণ্ঠে কালকূট, কোনোখানে চরে না।  
কোনো কালে কখনই, শুভ-শোভা হরে না।

পরে সেই রাজা কহিলেন।

এই কন্ঠের উপযুক্ত কেবল শুক-  
কেই দেখিতেছি।— অতএব তাহা-  
কেই প্রেরণ করা যাউক।— ওহে  
শুক! তুমি এই বকের সহিত সেখা-  
নে গমন করিয়া আমারদিগের বা-  
ঞ্ছিত-বিষয় সকল ব্যক্ত করিয়া এসো।

শুক কহিল।

মহারাজের শ্রীমুখের আজ্ঞা শি-  
রোভূষণ করিতে হইবে। কখনই  
অবহেলন করিবার নহে। কিন্তু এই  
বক অতি ধূর্ত, দুর্ভ-লোক, একারণ  
ইহার সহিত আমি গমন করিব না।  
কেননা সঙ্গদোষ বড় দোষ।

পাঠ ।

কুজন কুকর্ম দোষে, করে ঘোর পাপ।  
সঙ্গ হেতু সৃজনের, ঘটে তায় তাপ ॥  
রামের জানকী হোরে, লইল রাবণ।  
প্রতিবাসি জলধির, হইল বন্ধন ॥  
তাই বলি শঠ-সঙ্গে, বাস বিধি নয়।  
গমন করিলে পরে, সর্বনাশ হয় ॥  
হংস এক বাস করি, কাক-সন্নিধানে।

হিত কোরে মারা গেল, পথিকের বাণে ॥  
বালিহাঁস কাক সহ, করিয়া গমন।  
বিনা দোষে গোপ-হস্তে, হইল নিধন ॥

মহারাজ তবে শ্রবণ করুন!

জয়পুর যেতে এক, জামবৃক্ষ পরে।  
কাকের সহিত এক, হাঁস বাস করে ॥  
একদিন গ্রীষ্মকালে, পাছ একজন।  
কার্য্যবশে সেই পথে, করিছে গমন ॥  
খরতর রবিকর, সহ্য নাহি হয়।  
সেই ভরতলৈ গিয়া লইল আশ্রয় ॥  
তীর ধনু তুমে রেখে, শয়ন করিল।  
পাইয়া শীতল ছায়া, নিদ্রিত হইল ॥  
পতি যথা গতি করে, তথা যায় জায়া।  
ক্ষণপরে মুখ হোতে, শোরে গেল ছায়া ॥  
মরাল বিহঙ্গ নিজে, দয়াশীল হয়।  
দেখে হোলো তার মনে, দয়ারু উদয় ॥  
তপনের তপ্ত তাপ, করিতে সংহার।  
পক্ষ হোয়ে নিজ পক্ষ, করিল বিস্তার ॥  
পথিকের এইরূপ, দেখে নিদ্রা-সুখ।  
বায়সের বুক ফাটে, মনে ঘোর দুখ ॥  
বলে “বাটা, বড় সুখে, করেছ শয়ন।  
কিস্থ কেনন সুখ, দেখাই এখন? ॥  
এত বলি তার মুখে, ভাগ করি মল।  
খপ্ কোরে, কিছু দূরে, উড়ে গেল খল ॥  
ঘুম ভেঙে, উকি মেরে, চেয়ে দেখে গাছে।  
ডালের উপরে এক, হাঁস বোসে আছে ॥  
ভাবিলেক, এই কর্ম, করিয়াছে হাঁস।  
তীর মেরে তখনি, করিল, তারে নাশ ॥  
সঙ্গদোষে এইরূপ, সর্বনাশ হয়।  
এই বক, অতি ঠক, সঙ্গ নেয়া নয় ॥

মহারাজ! সঙ্গদোষের কথা এই-  
তো কহিলাম, পরন্তু শঠ-সঙ্গে গম-  
নের যে দোষ, তাহা নিবেদন করি,  
অনুকম্পা পূর্বক শ্রবণ করিয়া কৃতার্থ  
করুন।

যথা।

পাঠ ।

ভগবান গরুড়ের, যাত্রার উৎসব।  
সিন্ধু তটে চলিয়াছে, পক্ষিকুল সব ॥  
ছুট এক দাঁড়কাক, যায় সেই স্থলে।  
শিষ্ট এক পাতিহাঁস, সঙ্গে তার চলে ॥  
কষ্ট করি কঁাকে লোটে, দখিভাণ্ড-তার।  
বাজারে বেচিতে যায়, গোপের কুমার ॥  
বার বার নষ্ট কাক, বাজরায় গয়া।  
ঠোটে তুলেদই খায়, খাবল পুরিয়া ॥  
অতি ব্যস্ত হোয়ে গোপ, তার নামাইল।  
কাক আর পাতিহাঁসে দেখিতে পাইল ॥  
গোপের কোপের ভঙ্গি, করি অহুমান।  
কুস্ কোরে ধূর্ত কাক, করিল প্রস্থান ॥  
মৃদুগতি পাতিহাঁস, উড়িতে না পারে।  
তেড়ে গিয়ে ঢেলা মেরে, বিনাশিল তারে ॥  
শঠ-সহ বাস হোলে, বিড়ম্বনা আছে।  
গমন করিলে-সঙ্গে, প্রাণে নাহি বাঁচে ॥

তাহার পর বক কহিল।

তাই শুক! তুমি এ কি কথা  
কহিতেছ? আমার বিষয়ে শ্রীযুত  
মহারাজ যেক্ষণ, তুমিও সেইরূপ।

শুক কহিল।

মরি কি মধুর কথা, আহা মোরে যাই।  
বটে বটে, তাই বটে, তাই বটে তাই ॥  
খল যদি মনোগত, প্রিয়-কথা কয়।  
অকাল-পুষ্পের ন্যায়, ভয়ানক হয় ॥  
প্রয়োজন নাহি আর, অন্য উপমার।  
আপনার বাক্যে তুমি, সাক্ষ্য দিলে তার ॥  
দেখ দেখ, এই দেখ, তোমারি কথায়।  
অনর্থক দুঃখ হয়, রাজায় রাজায় ॥  
স্থির নাই, কোন্ পক্ষে, জয় পরাজয়।  
উভয়ের সর্বনাশ, নাহিক সংশয় ॥  
ধন-নাশ, মান-নাশ, আর প্রাণ-নাশ।  
হইবে পৃথিবী জুড়ে, কুনাম প্রকাশ ॥  
পরন্তু শুন।

করিছে সাক্ষ্যকারে, কত অপকার।  
যার চেয়ে কষ্টকর, কিছু নাই আর ॥  
পেলেপরে স্তব স্তুতি, বিশেষ বিনয়।  
সহ্য করি মূঢ়জন, শাস্ত হোয়ে রয় ॥  
রাজা কহিলেন।

সে কি প্রকার?

শুক কহিল। মহারাজ।

তবে শ্রবণ করুন।

শ্রীপদী।

গোপীগঞ্জে বাস করে, গোপীনাথ নাম ধরে,  
গণ্ড গবা গোপ একজন।  
গারো সহ নাহি দ্বন্দ্ব, নাহি জানে ভাল মন্দ,  
সদানন্দ পূর্ণ তার মন ॥

নিজে উপার্জন করে, সুখে খায়, সুখে পরে।  
 কারো দ্বারে নাহি পাতে পাত ।  
 গুটিকত আছে গাই, দই, দুধ বেচে তাই  
 গোচেনাচে করে দিনপাত ।  
 দ্বিচারিণী দারা-তার, কাণাকণি সমাচার,  
 ঠারু-ঠারু-শোনে দ্বারে দ্বারে ।  
 চোখে নাহি দৃষ্ট হয়, গুমুরে গুমুরে রয়,  
 হাতে-নোতে ধরিতে না পারে ॥  
 একদিন করি ছল, প্রকাশিয়া বুদ্ধি-বল,  
 গোয়ালা কহিছে “গোয়ালিনি !”  
 ভাত দেও তাড়াতাড়ি, গিয়ে মামাদের বাড়ী,  
 ভাল এক গাই কিনে আনি ।  
 আজ্ঞেতে দেখে দেখে, খুব সাবধানে থেকো,  
 সকালো সকালো খেয়ো ভাত ।  
 বেলাবেলি পাট সেরে, শুয়ে থেকো চুপ-সেরে,  
 ঘোর খুলো হইলে প্রভাত ॥  
 কাল বেলা দেড়পরে, ফিরিয়া আসিব ঘরে,  
 শিরু কথা বোলে এই যাই ।  
 ভাতে-পোড়া জোড়ে যাহা, রাখিয়া রাখিবে,  
 তাহা, খাবা-কত খেতে যেন পাই ॥  
 ভাত খেয়ে তার পর, আঁচাতে না সহে ভর,  
 দুর্গা বোলে করিছে প্রস্থান ।  
 মাগী বলে “হেগু-মেনে, এত তাড়াতাড়িকেনে,  
 হাত ধুয়ে হাতে দিই পান ॥  
 কাঁটালটা নেও সাতে, একপেঁ কি গুপুহাতে,  
 কুটুমের বাড়ী আছে যেতে ? ।  
 চিড়ে গুড় কিনে নিও, মাসাসের হাতে দিয়ে,  
 ছেলে পুলে পায় যেন খেতে ॥

কাঁটাল মাতায় নিয়া, বাটির বাহিরে গিয়া,  
 একটাই হইল গোপন ।  
 গোপীর বাড়িল ভূর, বালাই হইল দূর,  
 সুখে নিশি করিব স্বপন ।  
 বাটে যাই, মাঠে ঘাই, ছল নাই, ছুড়ো নাই  
 নাগর কানাই এনে ঘরে ।  
 মাধুপুরে খায়াইব, এই খাটে শোয়াইব,  
 ভয়-ভুতো কেবা আর করে ।  
 এত ভেবে গোয়ালিনী, হোয়ে অতি আমো-  
 দিনী, এদিগে করিছে আয়োজন ।  
 ওদিগে “আয়ান” এসে, খাটতলে ছদ্মবেশে,  
 আড়িপেতে করিল শয়ন ॥  
 দিবস না হোতে শেষ, গোয়ালিনী বাঁধে কেশ,  
 বেশ করি বেশ করি সাজে ।  
 রাখে ছানা, সর, ক্ষীর, কপূর-বাসিত-নীর,  
 তুষিতে রসিক রসরাজে ॥  
 খাটেতে বিছানা কোরে, পান-সেজে বাসি  
 . ভোরে, উর্দ্ধে চেয়ে এক এক বার ।  
 বসি “মরু পোড়া রবি,” এখনো ঢাকেরি  
 ছবি, সন্ধ্যা কি হবেনা আজ আর ? ॥  
 ভিতরে ভিতরে ধ্যান, পলকে প্রলয় জ্ঞান,  
 দিনে দিনে প্রদীপ জ্বালিয়া ।  
 বাতানে গাবীর মত, “ছট্ফট্” অবিরত,  
 বেড়াতেছে দাপিয়া দাপিয়া ॥  
 সন্ধ্যা হোলে তার পর, আইল নাগর-বর,  
 ইচ্ছামত খায়াইল তায় ।  
 আপনি কিঞ্চিৎ খেয়ে, হাত ধোরে নিয়ে দেখে,  
 শয়ন করিল বিছানায় ॥

মিলিত করিয়া অঙ্গ, নানারূপ রসরঙ্গ,  
 আমোদ প্রমোদ কত করে ।  
 মা হোতে অবশেষ শেষ, পতির মাতার কেশ,  
 ঠেকিল সে কামিনীর করে ।  
 কান্তের কপট-ভাব, মনে করি অসুভাব,  
 আড়ক হইয়া রসবতী ।  
 ভাবে ছল প্রকাশিয়া, একপাশে সোরে  
 গিয়া, জানাতেছে যেন কত সতী ।  
 উপপতি বলে তার, কিসে আজ্ঞা প্রকার,  
 বিপরীত ব্যবহার হেন ? ।  
 রসালাপে এত দুখ, মলিন নলিনমুখ,  
 কোন্ ছেড়ে সোরে গেলে কেন ? ॥  
 ঝাড় ঝোপ বহুতর, মাট, ঘাট, গলম্বর,  
 আনাচ্ কানাক্ নাই বাদ ।  
 শুয়ে কাঁটামুয়-ভূমি, আমার মিলনে ভূমি,  
 হাতে পাও আকাশের চাঁদ ॥  
 এমন্ সুখের যোগ, এমন্ সুখের ভোগ,  
 নাথ নাই নিবাসে তোমার ।  
 হেসেখুসে কথা কোয়ে, এই ছিলে আমি  
 লোয়ে, আচম্বিতে কেন মুখ-ভার ? ॥  
 চাতুরী তুলিয়া তারি, কহিছে গোপের নারি,  
 কপালে করিয়া করাঘাত ।  
 শোন ওরে জুয়োচোর, প্রাণনাথ আজ্ঞা মোর,  
 ভাল কোরে খান্ নাই ভাত ॥  
 “দুদোলো” গরুর তরে, গেলেন মামার ঘরে,  
 হেঁটে যেতে পেয়েছেন দুখ ।  
 খেতে শুতে কষ্ট হবে, কেবা তাঁর তত্ত্ব লবে,  
 তাই ভেবে মনে নাই সুখ ॥

ভাবিতেছি মনে মনে, কাল্ তিনি কতকণে,  
 ভাল ভাল আসিবেন ঘরে ।  
 ভাবে হোয়ে গদগদ, পূজিয়া পতির পদ,  
 ভাত দিব অতি সমাদরে ॥  
 হেসে কয় উপপতি, তোমার সে “ভেমো পতি,”  
 এতদূর প্রিয় হোলো কবে ? ।  
 এখনই এইরূপ, এর পরে অপরূপ,  
 না জানি কতই আরো হবে ? ॥  
 গোপী কয় পাপমতি, তুই হোয়ে উপপতি,  
 কি বলিস্ মোলো মোলো মোলো ।  
 ফুল, পান, যেইরূপ, তোর ভোগ সেইরূপ,  
 হোলো হোলো, না হোলো, না হোলো ॥  
 কতদূর পাপ তোর, সতীর সতীত্বচোর,  
 অলিগলি মর ঘুরে ঘুরে ।  
 পাপ ভোগ আছে জাই, ভোরে নিয়ে থাকি  
 তাই, কালে-ভজ্ঞে অপূরে সপূরে ॥  
 মাঝে তারে ভালবাসি, আমি তার কেনাদাসী,  
 পতি বিনে গতি নাই আর ।  
 কচিতে বধিতে পারে, দিতে পারে যারে তারে,  
 হর্তা, কর্তা, ভর্তা, সে আমার ॥  
 হৃদয়বল্লভ যিনি, চিরকালে বন্ধু তিনি,  
 প্রিয় কেবা তাঁহার মতন ।  
 গৃহে নাই গুণগ্রাম, জনপূর্ণ এই গ্রাম,  
 দেখি যেন নিবিড়কানন ॥  
 বিধুগুণে মূহু হাসি, যখন সে গুণরাশি,  
 আমারে “আমার আমি” কয় ।  
 আদরেতে গোলে যাই, হাতে যেন স্বর্গ পাই,  
 সে সুখ কি আর কিসে হয় ? ॥

অভেদে তাহার সহ, যোগাযোগ অহরহ,  
যে প্রকার ফুল আর বাস।  
তিনি তরু, আমি ছায়া, তিনি আত্মা আমি  
মায়া, এ মায়ায় কে বুঝে আভাস ?।  
পাপলোক সমুদয়, মিছে কোরে যত কয়,  
সে কথা-তো আনেনা বিশ্বাসে।  
অকপট আচরণে, সে আমারে মনে মনে,  
প্রাণের অধিক ভালবাসে।।  
সেই সে প্রাণের প্রাণ, না হোলে প্রাণের  
টান, এত কেন পড়িব প্রমাদে ?।  
ঘরে নাই এক নিশি, নাহি পাই দিশি পিসি,  
থেকে থেকে প্রাণ তাই কাঁদে।।  
পতি বিনে সতী-বালা, ভিতরে বিরহ জ্বালা,  
সহ্য করে কেমন করিয়া ?।  
সে যদি এখানে রোতো, দেখাবার যদি হোতো,  
দেখাতেম্ হৃদয় চিরিয়া।।  
এখানে একরূপ আমি, সেখানে আমার স্বামী,  
না জানি করিছে কত খেদ।  
এ যাতনা নাহি সয়, হায় কেন নাহি হয়;  
দেহ হোতে প্রাণের বিচ্ছেদ।।  
মুখে বলে সে আমার, আমি কত বলি তায়,  
বাঁধাবাঁধি মনের ভিতর।  
যেখানেতে থাকে “অন্ধি,” সেখানেই থাকে  
“লক্ষী,” ঝল্লি হোলে শুভে যায় ঘর।।  
হাজার রাঙা চোক, হাজার বেজার হোক  
হাজার কুখ্যা কোক্ মুখে।  
চরণে থাকিলে মতি, অলু কুল হোয়ে পতি,  
সময়েতে টেনে লয় বুকে।।

যে হয় পতির “দুয়ো,” নাহোক্ নাহোক্  
“সুয়ো,” তাতে কিছু ক্ষতি নাই তার।  
পতি-পদধূলি লোয়ে, মরিলে সখবা হোয়ে  
করে গিয়ে স্বর্গ অধিকার।।  
পতিই সতীর গতি, পরম দেবতা পতি,  
পতি হোতে শুরু নাই আর।  
পতি যার ভালবাসা, সে পায় কৈলাসে বাসা,  
ভাগ্যবতী সম কেবা তার ?।।  
যাহারে বিমুখ পতি, যেন মদনের রতি,  
হেন রূপবতী যদি হয়।  
মণিময় অলঙ্কার, সকল শরীরে তার,  
সে শোভা-তো শোভা নয় নয়।।  
পতি সদা ডুফে যারে, মণি-মুক্তা অলঙ্কারে,  
কিছু তার নাহি প্রয়োজন।  
যেখানে সেখানে রবে, শচী-সমু স্ত্রী হবে,  
ভূমিতল ইন্দ্রের ভবন।।  
পতি যদি মূর্খ হয়, গুণ, জ্ঞান, নাহি রয়,  
তবু-তো সে মাতার ভূষণ।  
হয় হোক্ দীন-হীন, তখাচ সে চিরদিন,  
রমণীর অভ্যাস রতন।।  
খেটে খুটে সারা হই, পেতে দই ঘোল মই,  
কিছুতে না ভিন্নভাব ধরি।  
কচকচ কত করে, মাঝে মাঝে কাঁটা ধরে,  
তার লাথি ব্রহ্মজ্ঞান করি।।  
তোর সঙ্গে এক লেখা, ছমাসে নমাসে দেখা  
ইথে কি সতীত্ব হয় নাশ।  
সতী কে আমার চেয়ে, আমি যে কেমন মেয়ে  
কার কাছে করিব প্রকাশ ?।।

দ্রৌপদী, গৌতমদারী, মন্দোদরী, কুন্তী, ভারা;  
পঞ্চ কন্যা সতী যথা বলে।  
আমি তার এক নারী, প্রকাশ করিতে নারি,  
শাঁপজুটা জন্ম ভূমণ্ডলে।।  
পতিই সর্বস্ব-ধন, পতি প্রাণ পতি মন,  
পতি ধ্যান শয়নে স্বপনে।  
পতি বেঁচে আছে যাই, আমি বেঁচে আছি  
তাই, মরিবই পতির মরণে।।  
পতি রেখে আগে যাই, মনে মনে ইচ্ছা তাই  
কপালে কি ঘটবে তেমন ?।  
আমি যদি হই হত, পাড়ার কুলোক যত,  
শেষকালে করিবে রোদন।।  
সন্তি কোরে ডেকে কই, দিকি নাই যাহা বই  
আগে হোলে নাথের মরণ।  
আমু-শাখা করে ধরি, শাঁখা খাড়ু শাড়ী পরি,  
সঙ্গে আমি করিব গমন।।  
সতী যেই সঙ্গে যায়, লোমকূপ যত গায়,  
ততকাল পতিধনে নিয়া।  
মনোমত বস্তু যত, সব করি হস্তগত,  
সুখে থাকে স্বর্গপুরে গিয়া।।  
বাহুবলে আপনার, সাপুড়িয়া যে প্রকার,  
গর্ভ হোতে নিয়ে যায় সাপ।  
সে রূপ করিয়া আমি, স্বর্গে নিয়ে যাব আমি  
ঘুচাইয়ে নরকের পাপ।।  
একথা শুনিয়া গোপ, করে লোপ পূর্ব-কোপ  
মনে মনে আনন্দ অপার।  
নষ্ট বলে নষ্ট যত, আমার নারীর মত,  
ত্রিঙ্গতে সতী নাই আর।।

মরিলে আশ্রণ থাকে, সঙ্গে যাবে উদ্ধারিবে,  
ঘুচাইবে পাপ সমুদয়।  
ভাৰ্য্যা যার এপ্রকার, তার চেয়ে ভাগ্য আর,  
সংসার-সদনে কার হয় ?।।  
মনেতে ভাবিয়া এই, খেই খেই, খেই খেই,  
মহানন্দে মাতিয়া উঠিল।  
জার সহ জায়া খাটে, মাথায় করিয়া হাটে,  
নেচে নেচে বেড়াতে লাগিল।।  
অতএব মহীপতি, করিলাম অবগতি,  
এরূপে প্রমাণ কি আছে ?।  
দাস বই অন্য নই, যদ্যপি অধিক কই,  
অপরাধ ঘটে তায় পাছে।।  
সাক্ষাতে করিলে দোষ, মূঢ়-জনে ছাড়ে রোষ,  
যদি পায় বিনয় প্রণয়।  
কিন্তু প্রভু নষ্ট খল, মুখে ভাল পেটে ছল,  
কিছুতেই বাধ্য নাহি হয়।।  
হংসরাজ কহিলেন।  
তাহার পর কিরূপ ঘটনা হইল ?  
বক বলিতেছে।

তাহার পর সেই ময়ূররাজ রাজ-  
কীয় প্রথানুসারে যথা সম্মান পুরঃসর  
আমায় বিদায় প্রদান করিলেন,  
আমি অগ্রসর হইয়া আগমন করি-  
লাম। শুক আমার পশ্চাতেই  
আসিতেছে, আগত প্রায়, এখন  
যাহা বর্তব্য তাহাই করুন? সমুদয়  
বৃত্তান্ত নিবেদন করিলাম।

রাজমন্ত্রী চক্রবাক কহিলেন।

হে ধর্মাবতার! এই বক অতি মূর্থ, হিতাহিত বিবেচনা মাত্রই নাই। আপনার ও পরের বল-বিক্রমের ভেদাভেদ বিবেচনা করে নাই। দেশ ভ্রমণে গিয়া কেবল আমোদ প্রমোদ পূর্বক কাল-হরণ করিয়াছে এবং সর্বত্রই শুদ্ধ আত্ম-গরিমা দ্বারা স্বকীয় স্বভাবদোষের পরিচয় প্রকাশ করিয়াছে।—মুঢ়-জনেরদের কার্য্যই এই রূপ।

পত্নী।

পূজ্যপাদ মহারাজ, করুন প্রবণ।  
নীতিশীল পণ্ডিতের, একরূপ বচন ॥  
শত যদি দিতে হয়, তা করিবে দান ॥  
তথ্যচি বিবাদ করা, না হয় বিধান ॥  
কোনোরূপ বিরোধের, নাহিকো সঞ্চার।  
কি কারণে যুদ্ধ হবে, করুন বিচার? ॥  
অকারণে যুদ্ধ করে, মূর্থ হয় যেই।  
আপনার সর্বনাশ, ডেকে আনে সেই ॥

হংসরাজ কহিলেন।

চক্রবাক, ভব বাক, বটে নীতিমত।  
কিন্তু তাহে কি হইবে, যা হয়েছে গত ॥  
উপস্থিত যে ঘটনা, হতেছে এখন।  
তাহার বিহিত কর, উচিত যেমন ॥

রাজার এই বচনে মন্ত্রী কহিলেন।

হে মহারাজ! অতি সংগোপনে সমুদয় নিবেদন করিব, এই বিষয়টি প্রকাশ করিয়া কহিবার নহে।  
পদ্য।

শরীরের ভাব-ভঙ্গি, আকার প্রকার।  
চোখের বিকার, আর, মুখের বিকার ॥  
ধ্বনি আর প্রতিধ্বনি, বর্ণ আর ভাব।  
ইঙ্গিত গমন চেষ্টা, করি অমুভাব ॥  
বুদ্ধিশালী বিচক্ষণ, চতুর যে জন।  
ভিতরের ভেদ যত, করে নিরূপণ ॥  
গোপনে কহিব কথা, বিশেষ সময়।  
প্রকাশেতে বলিবার, বিষয় এ নয় ॥

অনন্তর কেবল রাজা আর মন্ত্রী সেই স্থানেই রহিলেন, অপরাপর সকলে স্থানান্তরে গমন করিল।

চক্রবাক মন্ত্রী কহিলেন।

একপ অনুমান হইতেছে, আমা-  
রদিগের কোনো নিয়োগি-লোকের  
প্রেরণ প্রয়াসেই এই বক এবম্প্রকার  
কার্য্যের অনুষ্ঠান করিয়াছে। যথা—  
পণ্ডিতের জীবন, কেবল মূর্থগণ।  
ভদ্রজ্ঞাতি শুণ্ড হয়, সতের জীবন ॥  
রোগী হোলে হস্তগত, বৈদ্যের মঙ্গল।  
নিয়োগির শুভ হয়, ব্যসনি সকল ॥

রাজা কহিলেন।

ভাল, সে বিবেচনা পরে করা

যাইবে! এক্ষণকার কি বর্তব্য তাহাই  
নিশ্চয় কর?

চক্রবাক কহিলেন।

দূত অগ্রে গমন কুরুক। পরে  
বলাবল বিবেচনা পূর্বক উচিত-মত  
অনুষ্ঠান করা যাইবেক। যথা—  
পদ্য।

স্বদেশ কিদেশে হয়, যে সব ব্যাপার।  
রীতি নীতি, কার্য্যাকার্য্য, অশেষ প্রকার ॥  
এসকল বিষয়েতে, থাকিবে দর্শন।  
দূতের মতন হয়, দূত সেই জন ॥  
সেই দূত ভূপতির, নয়ন-স্বরূপ।  
হেন দূত নাহি যার, অন্ধ সেই ভূপ ॥  
যথা যথা তীর্থ আর, দেবতার স্থল।  
তথা তথা দূত হবে, বিদ্বান্ সকল ॥  
তপস্বির ভেক ধরি, করিয়া গমন।  
গোপনে হইবে জ্ঞাত, শুণ্ড-বিবরণ ॥  
সঙ্কেতে পাঠাবে লিখে, সব সমাচার।  
অপরেতে ভেদ মাত্র, পাইবেনা তার ॥  
জল স্থল উভয়, চরের যেই চর।  
সেই হয় এক্ষণের, উপযুক্ত চর ॥  
শাস্ত্র আর যুক্তি মত, বলি নৃপবর।  
অতএব বক যাক, হোয়ে বার্তাহার ॥  
দ্বিতীয় বকোট এক, বিশ্বাসী যে হয়।  
মনে তার মলিনতা, কিছু নাহি রয় ॥  
এক, মনে, এক পণে, হোয়ে তার সাতি।  
সঙ্কে সঙ্কে চোলে যাক, সেই মীনঘাতি ॥

অতিশয় সংগোপনে, পাঠাইব তারে।  
তাহার গৃহের লোক, থাক রাজদ্বারে ॥

বিশেষ বিরল স্থল, করি বিবেচনা।  
উভয়ে একত্র হোয়ে, করিবে মন্ত্রণা ॥  
এক “তীর্থসেবী”, গিয়া, কেবল ঘুরিবে।  
দ্বিতীয় “দান্তিক”, শুধু, গোপনে রহিবে ॥  
তথ্য “তাপস”,\* করি একরূপ প্রকার।  
মাঝে মাঝে এনে দেবে, শুণ্ড সমাচার ॥  
কিন্তু মহারাজ এই, মন্ত্র সমুদয়।  
প্রকাশ না হয় যেন, প্রকাশ না হয় ॥  
চুপি চুপি, চারি কাণে, গোপন রহিবে।  
ছয়-কাণ হোলে পরে, প্রমাদ ঘটিবে ॥  
কারো কাছে কিছুতে, না, প্রকাশ পাইবে।  
রাজা আর মন্ত্রী বিনা, কেহ না জানিবে।  
মন্ত্রণা প্রকাশ পেলে, বিপরীত হয়।  
পরে আর, প্রতীকার, হইবার নয় ॥  
পরে রাজা বিবেচনা করিয়া  
কহিলেন, আমি এক অতি উত্তম উপ-  
যুক্ত চর নিরূপণ করিয়াছি।

তদনন্তর দ্বারপাল আসিয়া নি-  
বেদন করিল। “হে রাজাধিরাজ!  
দেবীদ্বীপ হইতে ‘ময়ূররাজের দূত  
শুক আসিয়া সিংহদ্বারে উপস্থিত  
হইয়াছেন’” তজ্জবনে হংসরাজ মন্ত্রি-

\* তাপস, বক, তীর্থ-সেবী, মীনঘাতি,  
বকোট, কঙ্ক, দান্তিক, শুক্রবায়স, চন্দ্র-  
বিহঙ্গম, নিশ্চলান্দ, শিখী ইত্যাদি।

র মুখেরদিকে দৃষ্টি করাতে সচিব  
কহিলেন “আপাততঃ দূতকে বাসা  
দিয়া যথা সম্মানে স্নান ভোজন ক-  
রাও, পশ্চাতে সময়ক্রমে রাজসভায়  
আহ্বান করা যাইবেক”। এই আজ্ঞা  
পাইয়া দ্বারি তাহাকে সমাদর পূর্ব-  
ক বাসায় লইয়া গেল।

রাজা কহিলেন যুদ্ধতো উপ-  
স্থিত, এইক্ষণে কর্তব্য কি?

মন্ত্রী কহিলেন।

অগ্রে যুদ্ধ করা কোনোমতেই  
কল্যাণকর হয়না।—এই বিগ্রহ কে-  
বল বিগ্রহবিনাশক নিগ্রহজনক,  
অনর্থক কলহ করিলে গ্রহগণ কখনই  
অনুগ্রহ করেননা, যাহার কুগ্রহ  
থাকে, সেই ব্যক্তিই বিগ্রহ করিতে  
বাসনা করে, সন্ধি এবং শান্তিসুখের  
অপেক্ষা সুখ আর কিছুই নাই, রাজা-  
দিগের মধ্যে পরস্পর একতা ও বন্ধু-  
তাই শ্রেয়।

পত্নী।

প্রভুর প্রতুল-পথ, যে করে প্রয়াশ।  
ধর্মশীল, বিবেচক, সেই দাস, দাস ॥  
বিবেচনা না করিয়া, মন্ত্র বলে যেই।  
দাস নয়, দাস নয়, দাস নয়, সেই ॥  
কিছুই নিশ্চয় নাই, কি ঘটবে পাছে।

এমন প্রবৃত্তি দান, করিতে কি আছে? ॥  
আচরিতে ভয় পেয়ে, স্থান-ভ্যাগ করা।  
অকস্মাৎ রণসাজে, অসি, চর্ম ধরা ॥  
এমন প্রবৃত্তি দান, কোরে বসে যেই।  
মন্ত্রী নয়, মন্ত্রী নয়, মন্ত্রী নয়, সেই ॥  
জয়লক্ষ্মী লাভ হবে, জানিয়া নিশ্চয়।  
তখন প্রবৃত্তি-দান, সুবিহিত হয় ॥  
সাম, আর, দান, ভেদ, কত সুখ তায়।  
করিতে বিপক্ষ বশ, এ তিন উপায় ॥  
একে হয়, দুয়ে হয়, কিয়া হয় তিনে।  
থাকিবে, থাকিবে, শত্রু, থাকিবে অধীনে ॥  
শুদ্ধ চাই, শত্রু-স্রোত, রুদ্ধ যাহে রয়।  
কোনোমতে, ক্রুদ্ধ হোয়ে, যুদ্ধ করা নয় ॥  
অস্ত্র ধরি, যুদ্ধ কভু করে নাই যারা।  
মনে মনে আপনারে, বীর ভাবে তারা ॥  
যতক্ষণ পর-বল, জানিতে না পারে।  
ততক্ষণ গর্ষ করি, মরে অহঙ্কার ॥  
পেলে পরে, পর-পরাক্রম-পরিচয়।  
খোঁতাযুগ, ভোঁতা, করি, নত হোয়ে রয় ॥  
এখন যে বলী হয়, অতিশয় বলে।  
ক্ষণপরে তার বল, যায় রসাতলে ॥  
কখন কি ঘোটে উঠে, কে জানে নিশ্চিত।  
বলের গৌরব করা, না হয় উচিত ॥  
সদাকাল অনিশ্চিত, ধন, জন, বল।  
অতএব যুদ্ধ করি, কিছু নাই ফল ॥  
আশা নাহি পূর্ণ হয়, প্রকাশিল বল।  
কৌশলে করিতে হয়, মানস-সফল ॥  
পাতর চাণাতে গেলে, ঘটে কত দায়।  
কাঁট যোগে তোলাে তারে কষ্ট নাহি তায় ॥  
মহৎ, যে, কার্য্য হয়, সহজ কৌশলে।  
মন্ত্রের সফল তারে, সকলেই বলে ॥

রণের ঘটনা হবে, নিশ্চয় যখন।  
বিধিবে ব্যবহার, করিব তখন ॥  
ধরা কারো ধরা-নয়, করা নয় রণ।  
এই হিত উপদেশ, করুন গ্রহণ ॥  
সময়ে সফল দেয়, বরষার জল।  
নীতি নীর সর্বকালে, দেয় শুভফল ॥  
নিজ-মান, নিজ-পদ, রক্ষা করা চাই।  
তাই বলি নৃপবর, যুদ্ধে কাজ নাই ॥

হে রাজন! অবধান করুন।

যদবধি কার্য্য নাহি, সমাধান হয়।  
বড় যারা, তদবধি, তারা করে ভয় ॥  
কার্য্য হোলে সমাধান, বীরত্ব তখন।  
মহতের এই দুই, গুণের লক্ষণ ॥  
বিপদ যখন হবে, ওহে নৃপবর।  
সে সময়ে ধৈর্য্য গুণ, অতি শুভকর ॥  
প্রথমে যে তেতে উঠে, না কোরে বিচার।  
সমুদয় কার্য্যে যেন, বিঘ্ন হয় তার ॥  
স্থির হোয়ে কার্য্য করে, সুবোধ সকল।  
যথা, গিরি ভেদ-করে, সুশীতল জল ॥  
মহাবল পরাক্রান্ত, ময়ূর-রাজন।  
সহজ ব্যাপার নহে, তার সহ রণ ॥  
করিলে সমর-সাজ, ঘটবে কি দশা।  
সম-যোদ্ধা কভু নয়, হাতি আর মশা ॥  
সিংহ সহ করে রণ, শৃগাল হইয়া।  
আপনার মৃত্যু আনে, আপনি ডাকিয়া ॥  
পীপিড়ার পাখা যথা, নাশের কারণ।  
ঝাঁকে ঝাঁকে, উড়ে উড়ে, হতেছে নিধন ॥  
বলি সহ দুর্জলের, যুদ্ধ সেইরূপ।  
স্বকরে, খনন করে, মরণের কূপ ॥  
সময় সুযোগ মত, হোলে সুগোচর।

তখন যতন পেয়ে, করিব সমর ॥  
প্রহারের পীড়া পেয়ে, বুদ্ধিমান যত।  
শরীর-সঙ্কোচ করে, কচ্ছপের মত ॥  
কিন্তু হোলে সুসময়, দল বল লোয়ে।  
ফোঁস কোরে, দংশে গিয়া, কাল-সর্প হোয়ে ॥  
দেখ দেখ, মহারাজ, করিয়া বিচার।  
বেগবতী, স্রোতস্বতী, যেরূপ প্রকার ॥  
বরষায় আপনার, প্রভাব প্রকাশে।  
ছোটো, বড়, যত তরু, সমভাবে নাশে ॥  
অবল, সবল, আদি, শত্রু সমুদয়।  
সেরূপে নিপাত করে, কৌশলী যে হয় ॥  
যদবধি নাহি হয়, দুর্গ সজ্জীভূত।  
তদবধি বিগ্রাম, করুক, সেই দূত ॥  
সুখ যেন পায় শুক, বিবিধ প্রকারে।  
সাজানো হইলে গড়, ডাকাইব তারে ॥  
দুর্গ যদি ভালরূপে, দুট করা যায়।  
শত্রুর ঘটাব দুর্গ, সন্দেহ কি তায়? ॥  
এক বীর, ধনু তীর, করিয়া ধারণ।  
দুর্গের প্রাচীরে যদি, করে আরোহণ ॥  
বিপক্ষের শত যোদ্ধা, আসি দুর্গ-দ্বারে।  
তার, অগ্রে, কোনোরূপে, তিষ্ঠিতে না পারে ॥  
এইরূপে শত যোদ্ধা, অস্ত্র যদি ধরে।  
অরিপক্ষ লক্ষ জনে, লক্ষ্য কেবা করে? ॥  
বাড় বেঁধে নীচু-মুখে, সাজাইবে তোপ।  
দেখে শুনে, বিপক্ষের, বুদ্ধি হবে লোপ ॥  
প্রজাপতি, রাজা হোয়ে, দুর্গহীন যিনি।  
সময়ে শত্রুর হাতে, পরাভব তিনি ॥  
ধনু, ধরা, নয়, তরু, গিরি আর জল।  
ছয়রূপ দুর্গ হয়, ভূপতির বল ॥  
বিশেষত, গিরি-দুর্গ, প্রধান সবার।  
শত্রু এসে সহজে, না, পায় অধিকার ॥

জলে মরে, তরিহীন, মানব যেরূপ।  
শত্রু করে মরে তথা, দুর্গহীন ভূপ।  
নদ, গিরি, বন, মাঠ, বিশেষ বিস্তার।  
যত্র আর জলযুক্ত, গড় হবে তার।  
মূর্ত্ত হবে উচ্চতর, অতি বড় খাত।  
রবে তায়, রৌশ্মিত, বস্ত্র বহু-জাত।  
প্রশস্ত, বিস্তীর্ণ, আর, বিশেষ বিষম।  
ধন, ধান্য, রস, আর, রহিত-নির্গম।  
এই হয়, সপ্তবিধ, দুর্গের সম্পদ।  
এরূপ হইলে প্রায়, ঘটনা বিপদ।  
নির্মাণ করিবে পথ, এমত প্রকারে।  
শত্রু যেন প্রবেশ, করিতে নাহি পারে।  
যদ্যপি প্রবেশ করে, কোনো কোনো বীর।  
শেষ যেন নাহি পারে, হইতে বাহির।  
দুর্গ, সেনা, ধন, প্রজা, পাত্র, গিত্ত, ভূপ।  
হিতকর সপ্ত-অঙ্গ, রাজ্য এইরূপ।  
দুর্গপতি, সেনাপতি, আর ধনপতি।  
দূত, বৈদ্য, পুরোহিত, দৈবজ্ঞ স্তমতি।  
সমাদরে সমভাবে, সকলেরে নিয়া।  
রাজ্য করিবেন কার্য্য, মন্ত্রণা করিয়া।  
পরস্পর সকলের, সহায়তা চাই।  
গোপনেতে, সবিশেষ, ব্যক্ত করি তাই।  
একা কিছু রাজ্য হোতে, কার্য্য নাহি হয়।  
এসব না হোলে পরে, রাজ্য নাহি রয়।  
আয়োজন করি আগে, প্রয়োজন যায়।  
পশ্চাতে করিব তার, বিহিত উপায়।

হংসরাজ কহিলেন।

হে পাত্র! দুর্গের অনুসন্ধানার্থ  
কোন ব্যক্তিকে নিযুক্ত করা কর্তব্য?

আপনি কাহাকে এক্ষণের উপযুক্ত  
পাত্র বিবেচনা করেন?

মন্ত্রী কহিতেছেন।

হে রাজন! যে ব্যক্তি যে কর্ম্মে  
উপযুক্ত ও সুদক্ষ, তাহাকে সেই  
কর্ম্মেই ত্রুটি করিতে হইবে। যিনি  
কখনই যে কর্ম্ম নির্বাহ করেন নাই,  
তিনি সাতিশয় সুপণ্ডিত হইলেও  
কদাচই তৎকর্ম্ম সম্পাদনে সমর্থ হ-  
ইতে পারেননা।—অতএব “সার-  
সকেই” আশ্রয় করুন, কারণ তা-  
হার তুল্য এই কার্য্যের সুযোগ্য  
পাত্র দ্বিতীয় আর কাহাকেই দে-  
খিতে পাইনা!

তাহার কিঞ্চিৎ পরেই “সারস”  
আসিয়া উপস্থিত হইল।

তাহাকে দেখিয়া হংসরাজ কহি-  
লেন, ওহে সারস! তুমি শীঘ্রই  
দুর্গের অনুসন্ধান কর, এবং  
যুদ্ধের জন্য যাহা যাহা করিতে হয়  
তাহাই করিয়া আইস।

সারস কহিল,—হে মহারাজ!  
শ্রীচরণে প্রণাম করি। ভাবনার  
বিষয় কি? এই সুদীর্ঘ সরোবরে  
বহুকাল পর্য্যন্তই উত্তম দুর্গ নির-  
পিত আছে, কিন্তু ইহার মধ্যবর্ত্তি

দ্বীপমধ্যে সমর-সম্বন্ধীয়-সামগ্রী স-  
মূহ সঞ্চয় করিতে হইবেক।

যথা।

পাত্র।

এসময় সকলিতো, প্রয়োজন হয়।  
বহু পরিমাণে চাই, ধান্যের সঞ্চয়।  
বাঁচিবে সকল সেনা, অন্ন পেয়ে ধানে।  
রত্ন-মুখে দিয়া কেহ, বাঁচেনাকো প্রাণে।  
আগেতে সংগ্রহ হোক, গম আর ধান।  
আর আর দ্রব্য যত, যথা পরিমাণ।  
সকল রসের সার, লবণ সুরস।  
রসনা রসিক হোয়ে, গায় যার যশ।  
আহার, চলেনা কারো, বিহনে লবণ।  
গোময় সমান হয়, সকল ব্যঞ্জন।  
ষত, তেল, কাষ্ঠ, চিনি, গম, ডাল, ধান।  
কাঁড়ি কোরে লণ রাখি, পর্ত্ত প্রমাণ।

দ্বারি পুনর্বার প্রবেশ করিয়া  
কহিল।—হে রাজাধিরাজ! দণ্ড-  
কারণ্য হইতে মেঘাকার নামে কাক  
শ্রীশ্রীযুতের শ্রীপাদপদ্ম দর্শন কর-  
ণের অভিলাষে সপরিবারে আগমন  
পূর্ব্বক দ্বারদেশে দণ্ডায়মান রহি-  
য়াছে।

রাজা কহিলেন।

কাকেরা সর্ব্বজ্ঞ বহুদর্শি, অত-  
এব এই কাককে সংগ্রহ করিয়া রাখা  
কর্তব্য হইতেছে।

চক্রবাক কহিলেন।

কাক সর্ব্বজ্ঞ এবং বহুদর্শি বটে,  
একথা আমি অবশ্যই স্বীকার করিব,  
কিন্তু ইহারা স্থলচর, আমরা জল-  
চর, অতএব স্থলচর কখনই আমার-  
দিগের মিত্র হইবেনা, এই চিরশত্রুর  
প্রতি বিশ্বাস কি? একারণ কোনো-  
মতেই সংগ্রহ করা উচিত হয়না,  
কেননা পণ্ডিতেরা একপ কহিয়াছেন  
যে মনুষ্য সপক্ষ পরিহার পূর্ব্বক পর-  
পক্ষে প্রেমাগন্ত হয়, সেই মনুষ্য অতি  
মুঢ়, কখনই তাহার কল্যাণ হয়না,  
সে ব্যক্তি বোধবিহীন নীলকলেবর  
শৃগালের ন্যায় পরহস্তে বিনষ্ট হয়।  
রাজা কহিলেন, সে, কি প্রকার?

মন্ত্রী কহিতেছেন।

ত্রিপদী।

বিপিনেতে করে বাস, নাম তার “ছুষ্ট দাস,”  
বড় এক বঞ্চক শৃগাল।  
আহারের অম্বরাগে, নগরের প্রান্ত-ভাগে,  
ইচ্ছামত, চরে চিরকাল।  
এক দিন বাজারেতে, লক্ষ দিয়া ছুটে যেতে,  
নীলকুণ্ডে হইল পতন।  
উঠে ছুটে সংগোপনে, আইল বিরল-বনে,  
নীলমূর্ত্তি করিয়া ধারণ।  
আপনার নবরূপ, হেরে অতি অপরূপ,  
মনে করে মন্ত্রণা এসন।

বন-মাজে রাজা হোয়ে, পশুরাজ-নাম-লোয়ে,  
 সুখে করি জীবন যাপন ॥  
 হেন বুদ্ধি প্রকাশিয়া, স্বজাতির মাজে গিয়া,  
 অহঙ্কারে কহিছে বচন।  
 দেখ দেখ, দেখ সব, আমার এ, অবয়ব,  
 চারু শোভা হয়েছে কেমন? ॥  
 গীত নিশি, শেষ যামে, আসিয়া আমার ধামে,  
 কহিলেন বলের ঈশ্বরী।  
 “এই পুরুষের জলে, স্নান কর কুতুহলে,  
 তোরে আমি আশীর্বাদ করি ॥  
 কাননেতে পশু যত, চরিতেছে শত শত,  
 তোর মত, ভাগ্য কারো নাই।  
 বরপুত্র তুই মোর, শাপভ্রষ্ট জন্ম তোর,  
 আয় তোরে রাজ্য কোরে যাই ॥  
 হৃদমনে, বোসে বনে, সিংহাসন-সিংহাসনে,  
 কর গিয়ে প্রভু প্রচার।  
 ভক্তিতাবে পদ সেবে, যে তোরে না পূজা দেবে  
 তাতে আমি করিব সংহার ॥”  
 পেয়ে বর, তার পর, “নব-নীল-নীরধর,  
 মনোহর কলেবর তাই।  
 দেবী-আজ্ঞা শিরে ধরি, আমায় ভূপতি করি,  
 সুখে থাকো তোমরা সবাই ॥  
 বঞ্চকের হেরে রূপ, মনে মানি অপরূপ,  
 বোধ করি স্বরূপ-বচন।  
 রাজ্য করি যথাচারে, যথাবিধি উপচারে,  
 সকলেই পুঙ্খিল চরণ ॥  
 দেখে নীল কলেবর, বহুতর বনচর,  
 যত পশু নিকটে আইল।  
 ভয়ে ভয়ে সম্মতনে, প্রজাবৎ আচরণে,  
 একে একে প্রণাম করিল ॥  
 কিছুদিন এইরূপে, ছিল শ্যাল চুপে চুপে,

করে নাই স্বভাব প্রচার।  
 হরি, করী, আদি যত, সবে হয় সভাগত,  
 দেখিয়া বাড়িল অহঙ্কার ॥  
 তাবে মনে হরি, করী, ফেরুগণে দৃষ্টি করি,  
 হীন-সঙ্ক জ্ঞান করে পাছে।  
 এইরূপ অহুভবে, স্বজাতি শৃগাল সবে,  
 আসিতে না দেয় আর কাছে ॥  
 কুটুম্বের অপমানে, বড় ব্যথা পেয়ে প্রাণে,  
 শিবা সব হইল কাতর।  
 হাস্য নাই কারো মুখে, মলিন মনের দুখে,  
 পোড়ে আছে বনের তিতর ॥  
 বুদ্ধিমান এক শিবা, কহিছে ভাবনা কিবা,  
 স্থির হও, তোমরা সবাই।  
 এত বড় অভিমান, আমাদের অপমান,  
 যমালয়, এখনি পাঠাই ॥  
 হইলে জ্ঞাতির কোপ, ঝাড়ে বংশে হয় লোপ,  
 কিছুতেই রক্ষা নাই তার।  
 অতি নীচ ঠকুঠাটা, যেমন বজ্রাত ব্যাটা,  
 তেমনি করিব প্রতীকার ॥  
 হইয়াছে সন্ধ্যাকাল, জড় হোয়ে পাল পাল,  
 এসে সবে “ফেকুই” এখন।  
 “হুয়ো হুয়ো, হুকুয়ো, রবেহবে, “আচাভুয়ো”  
 নীরবেতে রবে কতক্ষণ? ॥  
 স্বজাতীয় ধর্ম যাহা, অন্যথা কি হয় তাহা  
 সংশয় নাহিকো ইথে আর।  
 কুবুর হইলে ভূপ, নাহি যায় পূর্বরূপ,  
 “জুতা, পেল, করেই আহা ॥  
 শূকর অমৃত ফেলে, ছুটে গিয়ে বিঠে গেলে,  
 পূজ পেল, মাচি উড়ে বসে।  
 স্বভাবের এই ধর্ম, প্রকৃতির এই কর্ম,  
 গাদা নহে, তৃপ্ত সুধারসে ॥

কেউ ফেউ রব শুনে, স্বকীয় স্বভাব-গুণে,  
 ডাক ছেড়ে ঘটাবে ব্যাঘাত ॥  
 “হুয়ো”রব শুনে কাণে, সিংহ এসে এইখানে,  
 নখাঘাতে করিবে নিপাত ॥”  
 এত বলি, এড়ে এড়ে, একেবারে গলাছেড়ে  
 “হুয়ো হুয়ো” ডাকিয়া উঠিল।  
 ধূর্ত শ্যাল নীলাকার, কতক্ষণ থাকে আর,  
 ফেউ বোলে “ফেকুতে.. লাগিল ॥  
 সেই “ফেকুনিতে”, তার লাভ হোলো যমাগার,  
 তাই বলি শুন মহীপাল।  
 নিজ পক্ষ পরিহারি, বিপক্ষ সপক্ষ করি,  
 সেইরূপ ঘটবে জঞ্জাল ॥  
 ছিদ্র আর মর্ম, বল, খুঁজে ছল শত্রু দল,  
 সবিশেষ হয় অবগত।  
 ভিতর বাহির-দেশ, কিছু নাহি রাখে শেষ,  
 দক্ষ করে, জনলের মত ॥  
 কান্ট বোলে শুধু নয়, অন্তরের সমুদয়,  
 অগ্নি যথা করে ছারখার।  
 বড় খল, ছুট দল, বিশ্বাসের নহে স্থল,  
 অবিকল সেরূপ প্রকার ॥

রাজা কহিলেন।

আপনার এই উক্তি যথার্থই  
 যুক্তি-মূলক বটে, কিন্তু এব্যক্তি বহু  
 দূরদেশ হইতে আগমন করিয়াছে,  
 আপাততঃ বিদায় না করিয়া আ-  
 সিতে বলা যাউক, তাহাকে স্থাপিত  
 করণের বিষয় পরে বিবেচনা করা  
 যাইবেক।

চক্রবাক বলিলেন।

হে প্রভো! “সারস” স্বয়ং আ-  
 সিয়া সংবাদ করিলেন। দুর্গ উত্তম-  
 রূপেই সুসজ্জীভূত হইয়াছে, এবং  
 চরকেও যথারীতিক্রমেই প্রেরণ  
 করা গিয়াছে!—অতএব এইক্ষণে  
 শুককে আনিতে অনুমতি করুন।

দূর হইতে সতর্কভাবে দূতের  
 প্রতি দৃষ্টি করিবেন, রাজা চন্দ্র-  
 নাথের এক বলবান দূত মহেশ্বর  
 রাজাকে বিনষ্ট করিয়াছিল।

তাহার পর শুক এবং কাক রাজ-  
 সভায় আগমন করিল।

রাজদত্ত আসনে উপবিষ্ট হইয়া  
 বদন উচ্চ করত শুক কহিল।

“ওহে হংসরাজ! আমারদি-  
 গের প্রভু সর্বেশ্বর ময়ূর-মহীপ তো-  
 মার প্রতি একপ অনুমতি করিয়া-  
 ছেন, যদি প্রাণের প্রতি প্রীতি ও  
 প্রত্যাশা থাকে, এবং যদি সম্পত্তি  
 সম্ভোগে অভিলষ থাকে, তবে শী-  
 ঘ্রই আসিয়া। আমার পদে প্রণত  
 হও, নতুবা তোমার কিছুতেই নি-  
 স্তার নাই। এই রাজ্য হইতে তো-  
 মাকে দূর করিয়া দিব।,,

হংসরাজ কোপভরে কম্পিত-

কলেবর হইয়া দ্বারপালকে কহিলেন।

যথা।

কো-হ্যায়, কো-হ্যায়, আবি, হিঁয়া আও, শালো।  
নেকালো নেকালো, একো, জুতি-সে নেকালো।  
গেধড়-হারাম্‌জাদ, কাঁহাকো বজ্জাৎ?  
হামারা সামনে আকে, কহে অ্যাসা বাৎ।  
কাক দণ্ডায়মান হইয়া কহিল।

ত্রিপদী।

কঠোর কর্ণস বাক্, কাকা কাকা ডাকে ডাক্,  
উঠে কাক্, করে নিবেদন।  
আপনি জগৎস্বামী, চরণের দাস আমি,  
অনুমতি করুন এখন।  
কোথাকার, ভোমা, ভূত, ছুঁই, ছুরাচার দূত,  
যমদণ্ড হাতে কোরে নিই।  
লোটায়ে লোটন লকা, থাকায় পাঠাই অকা,  
কাশী, গঙ্গা, ফকা ফোরে দিই।

সর্বজ্ঞ মন্ত্রী কহিলেন।

হাঁ, হাঁ, হাঁ, এমন কর্ম কি করিতে  
আছে? রাজারা দূতমুখ, দূত যদি  
ম্লেচ্ছ হয়, তথাচ সে সর্বজ্ঞই অবধ্য।

পদ্য ৬

যে সত্যতে বুদ্ধিমান, বুদ্ধ নাহি রয়।  
সত্য নয়, নয়, সে-তো, সত্য কভু নয়।  
বুদ্ধ হোয়ে কখনো, যে, ধর্ম নাহি কয়।  
বুদ্ধ নয়, নয়, সে-তো, বুদ্ধ কভু নয়।

হায় হায়, যে ধর্মেতে, সত্য নাহি রয়।  
ধর্ম নয়, নয়, সে-তো, ধর্ম কভু নয়।  
হয় হোক সত্য, তাহে, ছল যদি রয়।  
সত্য নয়, নয়, সে-তো, সত্য কভু নয়।

হে মহারাজ! দূতের দোষ  
কি? এ ব্যক্তি আপনার প্রভুর আজ্ঞা-  
নুসরণ কথাই কহিতেছে, দূতের বা-  
ক্যেই কি আপনি অধম হইবেন?  
আর আপনার অপেক্ষা অন্য ব্য-  
ক্তিই কি উচ্চ হইবে?

এই বাক্যে রাজা স্থির হইলেন,  
কাক নীরব হইয়া বসিল।

ত্রিপদী।

তার পর মন্ত্রিবর, ধরি কর, সমাদর,  
সুধাতাষ, বিস্তর কহিল।  
ধন, বস্ত্র, অলঙ্কারে, বহুবিধ পুরস্কারে,  
দ্বিজ-দূতে বিদায় করিল।  
সমাদর সহকার, পেয়ে মান-উপহার,  
দেবীদ্বীপে উত্তরিল আসি।  
পুরস্কার দেখাইয়া, শিখীরাজে প্রণমিয়া,  
কহে শুক, মুখ-হাসি হাসি।  
সন্তোষসন্দীপপতি, অতি ধীর, শান্তমতি,  
দেবীপুত্র দ্বিতীয় দিনেশ।  
মন্ত্রী অতি বিচক্ষণ, স্মৃতে আছে প্রজ্ঞাপণ,  
স্বর্গের সমান তাঁর দেশ।  
ক্রীমুখের আজ্ঞা নিয়া, কহিলাম আমি গিয়া,  
হোলো তায় নিরুপণ রণ।  
বিলম্ব বিহিত নয়, যেরূপ উচিত হয়,  
করুন যুদ্ধের আয়োজন।

শুকের মুখে এই বৃত্তান্ত অব-  
গত হইয়া শিখীশ্বর সভাসদ সক-  
লকে লইয়া পরামর্শ করিতে লাগি-  
লেন এবং কহিলেন, আমার যুদ্ধ  
করাই নিতান্ত বিবেচনাসিদ্ধ হই-  
য়াছে, অতএব আপনারা সকলে এ  
বিষয়ে সম্মতি প্রদান করুন। আমি  
এবম্প্রকারে অলস হইয়া কাল হরণ  
করাতেই কেবল নষ্ট হইতেছি।

পদ্য।

কুলবতী নারী হোয়ে, লজ্জাহীনা, যেই।  
নষ্ট হয়, নষ্ট হয়, নষ্ট হয়, সেই।  
বারবধু বেশ্যা-হোয়ে, লজ্জাবতী, যেই।  
নষ্ট হয়, নষ্ট হয়, নষ্ট হয়, সেই।  
দ্বিজ হোয়ে বিষয়েতে, অসন্তুষ্ট, যেই।  
নষ্ট হয়, নষ্ট হয়, নষ্ট হয়, সেই।  
রাজা হোয়ে, নিজ ধনে, তুষ্ট থাকে, যেই।  
নষ্ট হয়, নষ্ট হয়, নষ্ট হয়, সেই।

দূরদর্শী নামক গৃধ্রমন্ত্রী

কহিতেছেন।

হে দেব! যে স্থলে বাসনের বা-  
হুল্য, সে স্থলে যুদ্ধ করা কখনই বিধি-  
হয়না, এখন সংগ্রামের সময় নহে,  
যৎকালে মন্ত্রী, মিত্র এবং সুকৃত সক-  
ল যথার্থরূপে মনের সহিত বাধ্য  
থাকিয়া আনুগত্য-ধর্মধারণ করে,

আর বিপক্ষপক্ষে সর্বতোভাবেই  
তাহার বিপরীত ঘটনা ঘটয়া উঠে,  
তৎকালেই তদ্বিরুদ্ধে যুদ্ধে প্রবৃত্ত  
হওয়া কর্তব্য, কারণ তাহাতে নিশ্চ-  
য়রূপে মনোরথ-সুসিদ্ধ হইবেই হই-  
বে। ভূমি, বন্ধু এবং সুবর্ণ, সংগ্রা-  
মের এই তিনটি ফল। যখন স্থিররূপে  
এমত নির্দ্ধারিত হইবে, যে, এইক্ষেণে  
শত্রুপাণি হইয়া সমরক্ষেত্রে প্রবেশ  
করিলে “জয়লক্ষ্মী,” লাভ করিবই  
করিব, তখন আমি কদাচই নিষেধ  
করিবনা, যাহারা বিপক্ষবৃহের বল  
বিক্রম বিশেষরূপে বিচার না করি-  
য়া সহসা সাহস-সহকারে সমর স-  
জ্জায় সৈন্য সমূহ সঞ্চালন করে,  
তাহারা কেবল অদৃষ্ট-বৃক্ষের অপ-  
কৃষ্ট ফল-সম্ভোগ করিয়া অকালে  
কাল-কৃতান্তের করালদণ্ডে চর্কিত  
হয়।

শিখীশ্বর কহিলেন।

হে বিজ্ঞোত্তম! অধুনা আমার  
উৎসাহ তক্ষ করা কর্তব্য হয়না,  
জয়েছু লোকেরা যে প্রকারে পর-  
স্থান আক্রমণ পূর্বক কৃতকার্য হয়ে-  
ন, আপনি আমাকে তাহারি উপ-

দেশ করুন। আমার সৈন্যের সংখ্যা  
কৃত, তাহারদিগের মধ্যেই বা কা-  
হার কিকপ পরাক্রম, আর তাহার  
এইক্ষণেই বা কি প্রকার অবস্থায়,  
অবস্থান করিতেছে? তাহা পরীক্ষা  
করিয়া দেখুন। এবং দৈবজ্ঞকে  
আজ্ঞান পূর্বক শুভলগ্ন নির্ণয় করি-  
য়া দিন।

অনন্তর গৃধ্র মন্ত্রী রাজার বদন-  
বিনির্গত এই বচন শ্রবণ করিয়া  
অত্যন্ত দুঃখিত হইয়া স্নানমুখে মনে  
মনে বিবেচনা করিতেছেন।

পত্নী।

একে-তো যৌবন ঘোর, তাহে ধনমদ।  
প্রচুর প্রভুত্ব তায়, পেয়ে রাজপদ॥  
তাহাতে বিবেক-বুদ্ধি কিছু মাত্র নাই।  
কেমনে বুঝাই এরে, কেমনে বুঝাই?॥  
একে, যার রক্ষা নাই, চেরে হোলো যোগ।  
কাজেই ভুগিতে হয়, অধর্মের ভোগ॥  
মরুভূমে জল দিলে, নাহি হয় ফল।  
সেরূপ আমার বাক্য, হোতেছে বিফল॥  
পণ্ডিতেরা বলেছেন, “মাথাদিকি” দিয়া।  
থাকা নয়, থাকা নয়, মূর্থ রাজা নিয়া॥  
যে রাজার, শাস্ত্রবোধ, নীতি-বোধ নাই।  
তার কাছে উপদেশ, ভঙ্গ আর ছাই॥  
রোগী যদি নাহি করে, ঔষধ আহার।  
বৈদ্য, তবে, কেমনেতে, করে প্রতীকার?॥

সুপথ-সুপথ্য সেবা, নাহি করে যেই।  
কুপথ-কুপথ্য-ভোগে, নষ্ট হয় সেই॥  
বিচার-সম্মত নয়, দেশ-পরিহার।  
রাজা পরিত্যাগ করা, না হয় বিচার॥  
কি করি, উপায় নাই, দুঃখ কোথা রাখি?।  
“বৈধে মারে, ময় ভাল” সহ কোরে থাকি॥

হে নরপতে! আপনি যুদ্ধ করি-  
তে নিতান্তই উৎসুক হইয়াছেন,  
কিন্তু কি করি। বারম্বার এবম্পু-  
কার নিষেধ করিয়া আপনার  
আজ্ঞাহেলনরূপ অপরাধ গ্রহণ-করা  
আমার কণ্ঠব্য হয়না, অতএব  
যেকপ অবগত আছি তাহাই নিবে-  
দন করি।

যে যে স্থানে গিরি, গহন, নদী  
এবং দুর্গাদির আশঙ্কা আছে, সেই  
সেই স্থানে সেনাপতি ব্যাবহিক পু-  
র্বক সেনার সহিত গমন করিবেন,  
প্রধান সেনাপতি বড় বড় বীর-পু-  
ত্র লইয়া অগ্রে যাইবেন, আর  
মধ্যভাগে রাজার সঙ্গে সঙ্গে স্ত্রীগণ,  
ভাণ্ডার এবং সুশিক্ষিত বল সকল  
গমন করিবে, ইহার দুই পাশ্বে ঘো-  
টক, ঘোটকের পাশ্বে রথ, রথের  
পাশ্বে হস্তি, এবং হস্তি সকলের  
পাশ্বে পদাতিক সেনারা যাইবে।  
এই সকল সম্প্রদায়ের সেনাপতিগণ

মন্ত্রী এবং বড় বড় যোদ্ধার সহিত  
সংযুক্ত হইয়া বিত্তমান নিরুৎসাহি  
সেনাদিগে সাহস, আশ্বাস ও উৎ-  
সাহ প্রদান করিতে করিতে পশ্চাৎ  
পশ্চাৎ আস্তে আস্তে গমন করি-  
বেন। রাজা জলযুক্ত-পর্বতময় উঁচু  
নীচু-দেশ মধ্যে হস্তি-সংযোগে,  
সমভূম-দেশ মধ্যে অশ্বাবলম্বনে,  
এবং জলপথে নৌকারোহণে সৈন্য  
সঞ্চালন করিবেন, এবং সর্বত্রই পদা-  
তিকের সহিত গমন করিবেন।

বর্ষাকালে কুঞ্জরারোহি, অন্য-  
কালে অশ্বারোহি এবং সততই পদা-  
তিক সেনার চালন করা বিধেয়।—  
পর্বতে এবং দুর্গমপথে রাজাকে  
অতি সাবধান পূর্বক রক্ষা করিতে  
হইবে। রাজা অতিশয় সুবিস্থানি  
বলবান বীর-কর্তৃক রক্ষিত হউন,  
কিন্তু তিনি যোগি পুরুষের ন্যায়  
অতি অপেক্ষাকাল মাত্র শয়ন করিয়া  
নিদ্রাসুখ সন্ভোগ করিবেন, কারণ  
সাবধানের বিনাশ নাই, সমর সম-  
য়ে রাজার দীর্ঘ-নিদ্রা অতিশয় দোষ  
বলিয়াই কথিত হইয়াছে। অপিচ  
কটক স্বরূপ সামান্য সামান্য শত্রু  
দ্বারা বৈরিকে বিনাশ করিবে এবং

আকর্ষণ করিবে, যাহাতে বিপক্ষের  
দুর্গ নষ্ট হয় এমত কৌশল ও উপায়  
নির্ণয় করিবে, আর পরদেশ প্রবেশ  
সময়ে বনজ ব্যক্তিকে সঙ্গে লইয়া  
অগ্রগামি করিয়া গমন করিতে হ-  
ইবে।—ভূপতি স্বয়ং যে স্থানে অব-  
স্থান করিবেন, সেই স্থানেই কোষ  
রাখিতে হইবে, ধন ব্যতীত রাজ্য  
রক্ষা হয়না, ধন ব্যতীত যুদ্ধে জয়  
হয়না, সেই ধনাগার হইতে দাস-  
দিগে নিয়মিতরূপে বেতন দান  
এবং সময়ে সময়ে পারিতোষিক  
প্রদান করিতে হইবেক।—যোদ্ধারা  
কেবল ধনের প্রত্যাশাতেই প্রাণের  
মায়া পরিহার পূর্বক ধনদাতার বাধ্য  
হইয়া অতি ভয়ঙ্কর নিদারুণ নিষ্ঠুর  
সামরিক-ব্যাপারে প্রবৃত্ত হইয়া-  
থাকে।—হে মহারাজ! আপনি  
নিশ্চয় জানিবেন, মানব সকল কথ-  
নই রাজার ভৃত্য নহে, শুদ্ধ ধনের  
ভৃত্য। দেখুন ধনের প্রভাবেই মানুষ-  
ষের মহত্ব, এবং ধনের অভাবেই  
মানুষের নীচত্ব প্রকাশ পাইতেছে,  
অতএব দান দ্বারা সেনাপতি এবং  
সেনাদিগে সর্বদাই সন্তুষ্ট রাখিতে  
হইবেক।—পরন্তু সৈন্যদিগের মধ্যে

পরস্পর বিশেষ ঐক্য ও প্রণয়-বন্ধ থাকাই রাজার মঙ্গল, কারণ তাহা হইলে তাহারা তাবতেই সম্ভাব সংযোগে ঐক্য হইয়া প্রাণপণে যুদ্ধ করিবে, রক্ষা করিবে। আর সর্বশ্রেষ্ঠ উৎকৃষ্ট বলের দ্বারা বাহ-বিন্যাস করিতে হইবে।—সেনার অগ্রে পদাতিক নিযুক্ত হইবে, বৈরিকে বেষ্টিত করিয়া তাহার গতি রোধ করিবে, এবং তাহার রাজ্যকে প্রচুররূপে পীড়া প্রদান করিবে।

সমভূমিতে রথ ও অশ্বরোহণে যুদ্ধ করিবে, জলপ্লাবিতদেশে রণতরি এবং হস্তি চড়িয়া যুদ্ধ করিবে। রণতরির প্রধান অস্ত্র তোপ। হৃক্ষলতা-কটকাকীর্ণ-দেশে, ধনুর্ধ্বাণ লইয়া সমর করিবে, অপরঞ্চ স্থলেতে খড়্গ, চর্ম্ম এবং নানাবিধ অস্ত্র দ্বারা সংগ্রাম করিবে। দুর্গের প্রাচীর, তড়াগ ও পরিখাদি আক্রমণ পূর্বক অতিক্রম করিয়া বলের বলে বিপক্ষ রুন্দের অন্ন, জল, তুণ, কাষ্ঠ নষ্ট করিতে হইবে।—সমর সময়ে অপর কেহই গজের অপেক্ষা কল্যাণকর নহে, কারণ বারণ বৃহদ্পু ধারণ করাই এই অর্চাযুদ্ধের কার্য সম্পন্ন

করে। আর অশ্ব সকল সজীব সচল দুর্গের ন্যায়। যে রাজার অধীনে অধিক সুশিক্ষিত-অশ্ব থাকে, তিনিই স্থল-যুদ্ধে জয়যুক্ত হইবেন। অশ্বরূঢ় যোদ্ধাগণকে দেবতারাও জয় করিতে পারেননা। কেননা তাহারা অতি-শীঘ্রই অনায়াসে অতি দূরস্থ অরি-কুলকে হস্তগত করে। যুদ্ধের প্রধানাঙ্গ প্রথমে সেনা সকলকে রক্ষা করা, দিগ্ সকল নির্ণয় করা, পথ সকল পরিষ্কার ও প্রশস্ত করা, এবং সেনাপতিদিগের রক্ষা করা, এই কার্য্য পদাতিকের কার্য্য। স্বভাবত অতি বীর, ধীর, উদ্বেগি, সাহসি, পরিজ্ঞান, অবিরক্ত অনুরক্ত এবং রণবিদ্যাবিশারদ, এই সমস্ত গুণযুক্ত সেনারাই সেনার প্রধান, স্বামি-কর্তৃক সম্ভাবিত সম্মান প্রাপ্ত হইলে যোদ্ধারা যেকপ যত্ন-যোগে যুদ্ধ করে, প্রচুর ধন প্রাপ্ত হইলেও সেকপ করেনা, উপযুক্ত উত্তম সেনার সংখ্যা অল্প হওয়াও ভাল, তথাচ বহু-সংখ্যক অনুপযুক্ত অধম সেনা ভাল নহে, কেননা অধম সেনার সংসর্গদোষে উত্তম সেনারাও ভয়োদ্যম হয়।—যুদ্ধস্থলে রাজার

অপ্রসন্নতা, ব্যয়কপ্পে রূপণতা, অর্থক সময় সম্বরণ, অনাগমন, বেতনাদি দানে বিলম্ব করণ, এবং প্রতীকার না করণ, এই সমস্ত উদাস্য এবং অমঙ্গলের চিহ্ন। যে রাজা নিতান্তই জয়ের ইচ্ছা করেন, তিনি যে প্রকারে হউক, প্রবল শত্রুর সেনাদিগে সর্বদাই পীড়া প্রদান করিবেন, এবং কৌশল পূর্বক শত্রুর গৃহবিচ্ছেদ করিয়া দিবেন, ভেদকারক যুবরাজ অথবা মন্ত্রির সহিত সন্ধি করিয়া কার্য্যসিদ্ধ করিবেন, মতান্তর জন্য বিপক্ষবর্গের মধ্যে পরস্পর অপ্রণয় হইলেই তৎক্ষণাৎ তাহারদিগের সর্বনাশ হইবে, তখন আর ভাবনার বিষয় কি? অপরন্তু খল মিত্রকে অগ্রেই যুদ্ধে ভঙ্গ দিয়া নষ্ট করিতে হইবে, আর আপনার রাজ্য অগ্রে অতি সচুপায়ে রক্ষা করিয়া পরিশেষ পররাজ্য আক্রমণ করাই কর্তব্য।

রাজা কহিলেন।

আঃ কি পাপ? তোমার, যে, আপনার কথাই পাঁচ কাহন, বুড়ো হোলেই বুদ্ধি যায়, ডাকের কথা

মিথ্যা নহে।—এত বকাবকি করিয়া মাথা ধরাইবার আবশ্যক কি? যেটা কাজের কথা তাই বল। যাহারা কৃতি-পুরুষ, তাহারা কেবল বিপক্ষের হানি করিয়া আপনার শ্রীবৃদ্ধিসাধন করিবে, এইরূপ-জ্ঞানে যে-ব্যক্তি কার্য্য করে, তাহাকেই আমি বৃহস্পতি তুল্য পণ্ডিত বলি।

মন্ত্রী হাস্য পূর্বক কহিলেন।

আমি কাহাকে উপদেশ করিতেছি, একাধারে আলো এবং অন্ধকারের অবস্থান হইতে পারেনা, গোমূত্র পরিপূরিত-পাত্র মধ্যে গোরস রাখা কিরূপে সম্ভব হইতে পারে? এই হিত কথা-গুলীন যদি স্যাৎ জলে নিক্ষেপ করিতাম, তবুতো গোটা ছই ভুড় ভুড়ি উঠিত, সকলি রথা হইল, যাহা হউক, কপালে যাহা লেখা আছে, ভবিষ্যতে তাহাই হইবে।

হে'রাজন্! আপনার যদি সংগ্রামে নিতান্তই অভিলাষ হইয়া থাকে, তবে সজ্জা করুন।

পদ্য।

রণকার্য্যে-রত যত, ধীর বীরগণ।  
সমাদরে সকলেরে, ডাকুন এখন॥

যে কর্মেতে যার যার, আইহে অধিকার ।  
তার তার প্রতি দিন, সে কর্মের তার ॥  
মহারথী সেনাপতি, যে হন প্রধান ।  
প্রথমে ডাকিয়ে তাঁরে, করুন সম্মান ॥  
সহকারি শত্রুধারি, রণচারি যত ॥  
নিজ-বলে, নিজ-বলে, করুক সম্মত ॥  
বল বল বাহুবল, বলের, সে, বল ।  
ধরি বল, অরিবল, নাশুক সকল ॥  
ভাল করি, ভাল করি, সজ্জা করি, রাখে ।  
যত হয়, তত হয়, যেন লয়, জাঁকে ॥  
সাজাক্ বলদ, উট, সকল বাহন ।  
বিচালি সংগ্রহ হোক, কাহন কাহন ॥  
রথের স্রসজ্জা করা, সারথির তার ।  
মজুরে করুক গিয়া, পথ-পরিষ্কার ॥  
অশ্বারোহি, পদাতিক, গোলেম্বাজ যারা ।  
নিজ নিজ শ্রেণীবদ্ধ হোক সব তারা ॥  
করিতে সমর-সজ্জা, যথোচিত রবে ।  
সেনারে সাহস দিন, সেনাপতি সবে ॥  
ডাকাইয়া আনুন, নাবিক-সেনাপতি ।  
রণতরি, সাজাতে, করুন অনুমতি ॥  
গুলি, গোলা, তোপ, আর, বারুদ, বন্দুক ।  
যত পারে গাড়ি আর, নৌকায় রাখুক ॥  
জলে, স্থলে, গিরিময়, বনের তিতর ।  
যেখানে সেখানে হবে, করিতে সমর ॥  
শিবিরাদি শয্যা আর, সজ্জা হয় যত ।  
সংগ্রহ করুক সব, প্রয়োজন মত ॥  
সমুদয় খাদ্য দ্রব্য, রাশি রাশি লবে ।  
ধনের ভাণ্ডার সদা, সজ্জা সজ্জা রবে ॥  
এরূপে লইতে হবে, দ্রব্য সমুদয় ।  
একগাচি খড়িকার, অভাব না হয় ॥  
যথা যথা অধিকার, তথা যাক্ দূত ।

রাখুক সকল দ্রব্য, করিয়া প্রস্তুত ॥  
অস্ত্রবৈদ্য কবিরাজে, দিন এই তার ।  
ঔষধ, অস্ত্রাদি, নিম্ন, অশেষ প্রকার ॥  
ভুলি, খাট, শয্যা চাই, আঘাতের তরে ।  
ভিষক রবেন সজ্জা, সকল সমরে ॥  
পাত্র, মিত্র, গণকাদি, বৈদ্য, পুরোহিত ।  
যুদ্ধকালে, সবে রবে, রাজার সহিত ॥  
এই সব, আর যত, সেনাপতি নিয়া ।  
মন্ত্রণা করিতে হবে, একত্র হইয়া ॥  
শঠ-মিত্র সজ্জা যেন, না থাকিতে পারে ।  
ক্ষণমাত্র রাখা-নয়, বিনাশিবে তারে ॥  
প্রিয়-কথা সহকারে, করি ধন দান ।  
বাচাবেন্ রাজা, নিজ, ধন আর প্রাণ ॥  
পুরস্কারে সেনাদের, ভক্তি বেড়ে যায় ।  
প্রাণ-পণে, কোষ, আর, রাজারে বাচার ॥  
ধন, জন, আদি করি, বস্তু সমুদায় ।  
রাজা না বাঁচিলে পরে, সকলি বুধায় ॥  
এ ভাবে রবেন রাজা, হোয়ে সাংখ্যন ।  
কোনোমতে শত্রু যেন, না পায় সন্ধান ॥  
সহুপায়ে স্বদেশ, রাখিতে হবে আগে ।  
আর গায়ে যেন কিছু, আঘাত না লাগে ॥  
নিজ-দেশ রক্ষা করি, এরূপ প্রকার ।  
সরে গিয়া, পরদেশ, কর অধিকার ॥  
স্থানে স্থানে গুপ্তচর, করিয়া প্রস্থান ।  
বিপক্ষের ভেদ যত, করুক সন্ধান ॥  
সন্ধি করি, 'পারে যদি, ঘর ভেঙে দিতে ।  
সহজে শত্রুর দেশ, পারিবেন নিতে ॥  
যথা শত্রু সমুদয়, করি আয়োজন ।  
রণবাদ্য বাজাইয়া, করুন গমন ॥

তাহার পর দৈবজ্ঞ আসিয়া ক-  
হিলেন, ধর্ম্মাবতার ! এই লগ্ন অতি

শুভলগ্ন, দেখুন, দক্ষিণভাগে গো,  
মৃগ, দ্বিজ ও বামভাগে শব এবং শিবা  
রহিয়াছে । এই চিহ্ন মঙ্গলের চিহ্ন,  
“শুভলগ্ন শীঘ্রং” — “শুভলগ্ন শীঘ্রং”  
অতএব শীঘ্রই শুভযাত্রা করুন । —  
এই সুসময়ে দেবদ্বিজে দান করি-  
লে নিশ্চয়রূপেই মঙ্গল হইয়া থাকে  
শাস্ত্রে এমত কহিতেছেন । ত্রিঞ্জী-  
করণাময়ী কল্যাণকারিণী কাত্যা-  
য়নী কালী আপনার কল্যাণ করি-  
বেন । মহারাজের জয় হউক, জয় হ-  
উক, এই লগ্নে যাত্রা করিলে মহা-  
রাজ যদি জয়যুক্ত না হইলেন, তবে  
ধর্ম্ম মিথ্যা, দেবতা মিথ্যা, শাস্ত্র  
মিথ্যা, ব্রাহ্মণ মিথ্যা, এবং ব্রাহ্ম-  
ণের বাক্যই মিথ্যা, আমি পাঁজী  
পুঁতি সমুদয় জলে ফেলিয়া ব্যবসায়  
তুলিয়া দিব ।

অনন্তর ময়ূরমহীপ হংসরাজের  
অধিকার অধিকার-করণের অভি-  
প্রায়ে শুভলগ্নে তুর্গা বলিয়া যাত্রা  
করিলেন ।

পদ্য ।

মহারোল, হরিবোল, গঙগোল, উঠিছে ।  
হন হন, সন সন, সেনাগণ ছুটিছে ॥

যত রথি, সেনাপতি, দ্রুতগতি, সাজিছে ।  
ঘোর হাঁক, জোর ডাক, রণচাক, বাজিছে ॥  
ছেয়ে পথ, রণরথ, বায়ু বৎ, যেতেছে ।  
দেশময়, জনচয়, দেখে ভয়, পেতেছে ॥  
চাপে হত, প্রাণি কত, শতশত, মরিছে ।  
ধরাতল, দল মল, টল মল, করিছে ॥  
বুড়া, নব, হয় সব, চিহ্নিব, ছাড়িছে ।  
গজগুল, কর্ণকুলা, শুঁড়ে ধূলা, ঝাড়িছে ॥  
বলশালি, যত ঢালি, জয় কালী, বলিছে ।  
থাপে থাপে, লাপে লাপে, বীরদাপে, চলিছে ॥  
পেয়ে পদ, ঘোর মদ, জোরে পদ, ফেলিছে ।  
পদধূলি, শূন্যে তুলি, যেন ছলি, খেলিছে ॥  
ধূলা বুষ্টি, করি সৃষ্টি, দিগ্‌দৃষ্টি, হরেছে ।  
সবাকার, নেত্র-দ্বার, অন্ধকার, করেছে ॥  
তাড়াতাড়ি, কাড়াকাড়ি, মাড়ামাড়ি, হতেছে ।  
যাহে যার, অধিকার, সেই তার, লতেছে ॥  
দুরা করি, খুলে তরি, হরি হরি, করিছে ॥  
জল-বল, দল দল, রণবল, ধরিছে ॥  
জয়-রব, করি সব, কলরব, হেঁকেছে ।  
তরি, রথ, জলপথ, স্থলপথ, ছেঁকেছে ॥

তদনন্তর প্রেরিত দূত হংসরা-  
জের নিকট আগমন পূর্বক নিবেদন  
করিল ।

হে দেব ! ময়ূর-রাজা আগত-  
প্রায় । সংপ্রতি স্ত্রুমেব শিখর স-  
ন্নিধান সমাগত হইয়া নিরন্তর কে-  
বল তুর্গের দ্বার অনুসন্ধান করিতে-  
ছেন, তাহার অনুচর কোনো ব্যক্তির  
সহিত কাপট্যরূপে সদালাপ করাতে

সে ব্যক্তি আমার প্রতি বিশ্বাস করিয়া ইজিতে ভজিতে একপ আভা-  
ষ প্রকাশ করিল, যে, উক্ত বিপক্ষ-  
রাজা ইতিপূর্বে একজন গুপ্তচর  
প্রেরণ করিয়াছেন, সেই ব্যক্তি অতি  
খল, প্রবঞ্চনা পূর্বক মিত্রবৎ-আচ-  
রণে আমারদিগের দুর্গ মধ্যে অব-  
স্থান করিতেছে ।

চক্রবাক কহিলেন ।

মহারাজ ! একথা যথার্থই  
বটে, অসম্ভব নহে, খুঁত কাকই সেই  
গুপ্তচর ।

রাজা উত্তর করিলেন ।

একথা কখনই সত্য নহে, আমি ই-  
হাতে বিশ্বাস করিনা, কাক বহুদিন  
এখানে আসিয়াছে, সে আমারদি-  
গের অত্যন্তই অনুগত অথচ আত্মীয়,  
সে যদি বিপক্ষ হইবে, তবে শুককে  
সংহারার্থ যথোচিত যত্ন কেন করি-  
বে ? আর দেখ, এই উপস্থিত যুদ্ধে  
সেই ব্যক্তিই সকলের অপেক্ষা অধি-  
ক উৎসাহ প্রকাশ করিতেছে ।

মন্ত্রী কহিলেন ।

তথ্যচ আগন্তুককে কদাচই বি-  
শ্বাস করিবেনা ।

রাজা কহিলেন ।

কোনো কোনো সময়ে আগ-  
ন্তুককেও অতিশয় উপকারি দেখা  
যায় ।

পত্নী ।

শুন শুন, বীরবর, মন্ত্রী মহাশয় ।  
আত্ম-পর, ভেদ করা, শত্রু অতিশয় ॥  
অতি পর, বন্ধুবৎ, আচরণ করে ।  
বন্ধু হোয়ে কেহ কেহ, শত্রু ভাব-ধরে ॥  
দেহ-জাত রোগ করে, দেহের সংহার ।  
ঐশ্বর্য থাকিয়া বনে, করে প্রতীকার ॥  
শূদ্রক রাজার দ্বারে, এসে বীরবর ।  
অল্প কালে করিল কি, কার্য্য মনোহর ॥  
আপনার পুত্র ধনে, বলিদান দিয়া ।  
রাখিল রাজার লক্ষ্মী, অচলা করিয়া ॥  
শূদ্রকের সরোবরে, করিয়া বিহার ।  
নিজ-নেত্রে দেখিয়াছি, বিশেষ ব্যাপার ॥

মন্ত্রী কহিলেন, সে কি প্রকার ?

রাজা কহিতেছেন ।

রাজার-নন্দন এক, বহু গুণধাম ।  
স্বভাবত বীরবর, বীরবর নাম ॥  
আপনার দারা আর, পুত্রের সহিত ।  
শূদ্রক রাজার দ্বারে, হোলো উপনীত ॥  
কহিল দারির প্রতি, থাকিয়া এখানে ।  
বেতনের বাঞ্ছা করি, রাজ-সমিধান ॥  
রত্নাসনে বোসে রাজা, পণ্ডিত-মণ্ডিত ।  
দারি তারে, তথায়, করিল উপস্থিত ॥

বীরবরে দৃষ্টি করি, নৃপবর কন ।  
মিরুপিত কত টাকা, লইবে বেতন ? ॥  
বীরবর বলে প্রভু, অধিক কি কব ।  
প্রতি দিন পাঁচশত, স্বর্ণমুদ্রা লব ॥ \*  
এত টাকা দিতে হবে, কহিলেন ভূপ ।  
তোমা হোতে কি হইবে, কার্য্য অপরূপ ? ॥  
অসি আর, বাহুবল, বীরবর কয় ।  
ইথেই করিতে পারি, কার্য্য সমুদয় ॥  
সেই দিন পাঁচশত, স্বর্ণমুদ্রা দিয়া ।  
রাখিলেন রাজা তারে, আশ্বাস করিয়া ॥  
ধন পেয়ে তখনই, বীর বলবান ।  
দেব দ্বিজে, অর্দ্ধ ভাগ, করিল প্রদান ॥  
তার অর্দ্ধ দীনজন, করি বিতরণ ।  
শিকি ভাগে, পরিবার, করিল পালন ॥  
পরদিন কৃষ্ণ-চতুর্দশী, নিশামানে ।  
রোদনের রব গেল, নৃপতির কাণে ॥  
রাজা কন, বীরবর, করহ প্রবণ ।  
এখার রজনী-কালে, কে করে রোদন ? ॥  
কোনোমতে নহে আর, বিলম্ব-বিধান ।  
এখনিই কর গিয়া, বিশেষ সন্ধান ॥  
তখনি, যে আজ্ঞা বলি, সেই মহাবীর ।  
অসি আর চর্ম্ম লোয়ে, হইল বাহির ॥  
ভূপতি ভাবেন মনে, নিশা-অন্ধকারে ।  
একাকি করিবে কর্ম্ম, কিরূপ প্রকারে ? ॥  
প্রতিদিন পাঁচশত, স্বর্ণমুদ্রা লইবে ।  
কত বল, কত বুদ্ধি, দেখিতে হইবে ॥  
এতবলি শত্রুপাণি, হইয়া রাজন ।  
গোপনে পশ্চাতে তার, করেন গমন ॥  
কিছু দূরে গিয়া বীর, করে দরশন ।  
স্বরূপসী, যুবতী, রমণী, এক জন ॥  
মণিময়-অলঙ্কারে, মনোহর-বেশ ।

ডাক ছেড়ে কাদিতেছে, এলাইয়া কেশ ॥  
বিনয়ে কহিল তাঁরে, এরূপ বচন ।  
কেগো, মাগো, একাকিনি, করিছ রোদন ? ॥  
দেবী, কহিলেন বাপু, কি কহিব আর ।  
“রাজলক্ষ্মী”, আমি এই, শূদ্রক রাজার ॥  
এতকাল বাস কোরে, হোলো শেষ দায় ।  
ডাক ছেড়ে কেঁদে তাই, হোতেছি বিদায় ॥  
বীরবর কেঁদে বলে, ধোরে ছুটি পায় ।  
কি হোলে থাকেন মাগো, করি সে, উপায় ॥  
কমলা কহেন, বাহা, শুন বীরবর ।  
বহু গুণযুক্ত তব, পুত্র শক্তিদর ॥  
কালীর নিকটে তারে, দেহ বলিদান ।  
এখানে আমার তবে, হয় অবস্থান ॥  
একথা শুনিয়া বীর, গিয়া নিজ-বাস ।  
দারা-স্বভে, সমুদয়, করিল প্রকাশ ॥  
পুত্র বলে এর চেয়ে, ভাগ্য কিবা আর ।  
প্রভুর কার্য্যোতে হোলে, প্রাণের সংহার ॥  
সুনাম ঘোষণা হবে, কৃতজ্ঞ বলিয়া ।  
বিহিতনা হয় আর, বিলম্ব করিয়া ॥  
চিরজীবি কেহ নয়, আসিয়া সংসারে ।  
ধন, প্রাণ, দিতে হয়, পর উপকারে ॥  
প্রাণ দিলে, রাজার, রাজত্ব যদি রয় ।  
অতি বড় বেতনের, ঋণ শোধ হয় ॥  
শোক তাপ, না করিয়া, পরে তিন জন ॥  
মঙ্গলার মন্দিরে, করিল আগমন ॥  
মঙ্গল-মানস করি, শূদ্রক রাজার ।  
বীরবর পূজা দিয়া, সর্বমঙ্গলার ॥  
নিজ হস্তে সন্তানের, মস্তক কাটিল ।  
রাজলক্ষ্মী জননীয়ে, সদয়া করিল ॥  
তার পরে, মনে করে, এরূপ বিচার ।  
বেতনের ঋণশোধ, হইল আমার ॥

পুঞ্জহীন হোয়ে ধরি, বুধায় জীবন।  
 এত বলি নিজমুণ্ড, করিল ছেদন ॥  
 পুঞ্জনাশ, পাতিনাশ, দেখিয়া তখন।  
 তাজিল বীরের দারা, আপন জীবন ॥  
 অপকৃপ, দেখে ভপ, করেন বিচার।  
 এমন ধার্মিক লোক, দেখিনাই আর ॥  
 দুই দিন পেয়ে মাত্র, কিঞ্চিৎ বেতন।  
 জীবন তাজিল সবে, আগার কারণ ॥  
 আমার গতন নীচ, কত শত জন।  
 বারবার জন্ম লোয়ে, হোতেছে নিধন ॥  
 হারাইয়া এপ্রকার, পরম সৃজন।  
 অনর্থক রাজ্য ভোগে, নাহি প্রয়োজন ॥  
 মঙ্গলারে প্রণমিয়া, পরে নৃপরায়।  
 নিজ করে, নিজ-নাশ, করিবারে চায় ॥  
 তখন করেন দেবী, অভয় প্রদান।  
 তাজনা তাজনা পুঞ্জ, তাজনারে প্রাণ ॥  
 হোলেম্ সদয়া আনি, ভাবনা কি আর।  
 চিরকাল রাজলক্ষ্মী, থাকিবে তোমার ॥  
 দাস প্রতি দয়া, ধর্ম, দেখিয়া তোমার।  
 সদয় হইল আজ, হৃদয় আমার ॥  
 ভূপতি বলেন তবে, করিয়া প্রণতি।  
 সদয়া হোলেন যদি, দেবি ভগবতি ॥  
 দয়া করি দয়াময়ি, দেও এই বর।  
 দারা-পুঞ্জ সহিত, বাঁচুক বীরবর ॥  
 নতুবা রাখিবে মায়া, জীবনের প্রতি।  
 তাদের, যে, গতি, মাগো, আমারো সেগতি ॥  
 প্রসন্ন হোলেন মাতা, “তথাস্তু” বলিয়া।  
 একেবারে তিনজনে, উঠিল বাঁচিয়া ॥  
 চুপি চুপি এলো রাজা, আপন ভবনে।  
 গমন করিল গৃহে, তারা তিনজনে ॥  
 প্রাতে তারে ডাকাইয়া, কহেন রাজন।

গত নিশি কি হইল, বল বিবরণ? ॥  
 বীরবর বলে প্রভু, আমার দেখিয়া।  
 সেই নারী কোথা গেল, অদৃশ্য হইয়া ॥  
 সাধুবাদ প্রদান, করিয়া, মহীপাল।  
 মনে মনে বলিতেছে, ভাল ভাল ভাল? ॥  
 কৃপণতাহীন হবে, প্রিয় করিবারে।  
 সাধুজন কটু-ভাষা, কহিবেনা কারে ॥  
 অপাত্রে, না, ধন দিবে, দাতা যেই জন।  
 বীর নাহি প্রকাশিবে, বলের বচন ॥  
 তারপর নৃপবর, সভায় ডাকিয়া।  
 বীরবরে, তুমিলেন, রাজ্য এক দিয়া ॥  
 তাই বলি বায়সেরে, কোরোনা সংশয়।  
 আগন্তুক সময়েতে, উপকারী হয় ॥  
 হিতকারী জেনে তারে, রাখিয়াছি কাছে।  
 জাতি মাত্রে অবিশ্বাস, করিতে কি আছে? ॥

চক্রবাক কহিতেছেন।

অকার্য্য হইলে কার্য্য, রাজার ইচ্ছায়।  
 কোনোমতে, রাজ্যের, মঙ্গল নাহি ভায় ॥  
 রাজ-মনে দুঃখ দেয়া, বরণ বিহিত।  
 হোয়ায়েরে, ন্যায় করা, না হয় উচিত ॥  
 কহিতে উচিত-কথা, করে যেই ভয়।  
 সৃজন অপাত্র অতি, পাত্র কতু নয় ॥  
 যে রাজার, বৈদ্য, গুরু, মন্ত্রী, প্রিয়ষদ।  
 সে রাজার নাহি থাকে, ধন, ধর্ম, পদ ॥  
 পুণ্য-বলে একজন, যদি পায় ধন।  
 সকলেরি কপালে কি, হইবে তেমন? ॥  
 পরের সৌভাগ্য দেখে, কার্য্য করে যেই।  
 নষ্ট হয়, নষ্ট হয়, নষ্ট হয়, সেই ॥  
 অতিশয় লোভ করি, নাপিত-নন্দন।  
 যেক্রমে হইল নষ্ট, করুন শ্রবণ ॥

শিবপুত্র, অতি দীন, দ্বিজ একজন।  
 ধন-আশে নিত্য করে, শিব-আরাধন ॥  
 শিবদাতা-শিব তারে, সদয় হইয়া।  
 ধনপতি কুবেরে, দিলেন, পাঠাইয়া ॥  
 কুবের কহিল আসি, শুন দ্বিজবর।  
 মহেশ্বর হর এই, দিয়েছেন বর ॥  
 প্রথম প্রহরে অদ্য, মাথা কামাইয়া।  
 বাটি গিয়া বোসে থাকো, লাঠি হাতে নিয়া ॥  
 আসিবে তিস্কুক এক, তিস্কা করিবারে।  
 গুরুতর প্রহারেতে, বিনাশিবে তারে ॥  
 কক্ষের কলস তার, স্তবর্ণ হইবে।  
 তাই নিয়ে চিরকাল, স্মৃতেতে রহিবে ॥  
 কুবেরের আজ্ঞা-মত, করি ব্যবহার।  
 সোণার কলস পেলে, বিপ্রে-কুমার ॥  
 তাই দেখে স্থির করে, নাপিত-তনয়।  
 ধন-লাভ করিবার, উপায় এ হয় ॥  
 এত ভেবে বাঁড়ী এসে, বাড়ি করি ঘাড়ে।  
 রহিল পাতিয়া আড়ি, প্রাচীরের আড়ে ॥  
 তিস্কারি আইল এক, গৃহেতে তাহার।  
 কৌতুকা মেরে, হোঁতকা তারে, করিল স্তম্ভহার ॥  
 হত্যাকরা অপরাধে, রাজদূত আসি।  
 রাজদ্বারে ধোরে নিয়া, দিলে তারে ফাঁসি ॥  
 তাই বলি নৃপধন, নাজেনে নির্যাস।  
 অকস্মাৎ আগন্তকে, কোরোনা বিশ্বাস ॥  
 শূদ্রক রাজার হিল, পুণ্যের সঞ্চার।  
 এই হেতু বীরবর, দাস হোলো তার ॥  
 স্বভাবত ধূর্ত কাক, বিপক্ষের দল।  
 সে কেমনে মিত্র হবে, নিজে যেই খল? ॥

রাজা কহিলেন।

পুরাতন কথার প্রসঙ্গ করণের

প্রয়োজন করেন। এই স্থলে এই  
 দৃষ্টান্ত দ্বারা আত্ম-পর নির্ণয় হইতে  
 পারেনা, যাও উপস্থিত বিষয়ের  
 অনুসন্ধান কর, বিপক্ষেরা যদি সু-  
 মেরু-শিখরে আগমন করিয়া থাকে,  
 তবে এইক্ষণে কিরূপ কার্য্য করা  
 কর্তব্য?।

চক্রবাক, বক্র-বাক, শুনিয়া রাজার।  
 তথ্যচ করিছে অতি, সাধু ব্যবহার ॥

হে ধরণীশ্বর! আমি শ্রবণ ক-  
 রিলাম, সেই শিখীশ্বর অতি মুঢ়, অ-  
 বোধ, আপনার মহামন্ত্রী সুপণ্ডিত  
 গৃধ্রের উপদেশে অনাদর করিয়াছে,  
 অতএব তাহাকে জয় করা বড় ক-  
 ঠিন ব্যাপার নহে। যাহারা লোভি,  
 খল, অলস, মিথ্যাবাদি, অনবধান,  
 মুঢ় এবং যাহারা বীরপুরুষদিগে তা-  
 ছিল্য করে, তাহারদিগে অনায়া-  
 সেই নষ্ট করা যাইতে পারে, অত-  
 এব শক্রগণ যে পর্য্যন্ত এখানে আ-  
 সিয়া আমারদিগের দুর্গের দ্বার অ-  
 বরুদ্ধ না করে, সে পর্য্যন্ত “সারস”  
 প্রভৃতি মহাবল-পরাক্রান্ত সেনাপতি  
 সকল পর্তত এবং বনপথ বেষ্ঠন পূ-  
 র্বক নানাপ্রকারেই তাহারদিগের  
 অনিষ্ট করুক, বিপক্ষ-সেনারা সং-

প্রতি দূরদেশ আসাতে অত্যন্ত  
প্রাস্ত, ক্রান্ত, পীড়িত, অলস, অবশ,  
ক্ষুধিত, তৃষিত, নদী নদ অরণ্য  
অতিক্রমণে আকুল, বায়ু বৃষ্টিতে  
ব্যাকুল, নিদ্রাকুল এবং অত্যন্ত ভীত  
ও চঞ্চল হইয়াছে, এই সময় তাহা-  
রদের বিনাশ করণের অতি সুসময়,  
এতৎ উপায়ে ঐ প্রমাদি রাজা এখ-  
নিই প্রচুর-প্রমাদে পতিত হইবে।  
তদনন্তর সারসাদি সেনাপতি সকল  
গমন করিয়া ময়ূররাজের বিস্তর  
সেনাপতি এবং সেনা সংহার করি-  
ল, বহু প্রকার দ্রব্যাদি হরণ করিয়া  
লইল।

তাহার পর ময়ূরমহীপ অত্যন্ত  
ভাপিত ও ব্যথিত হইয়া বিশেষ-  
রূপ বিনয় পূর্বক গৃধ্রমন্ত্রীর প্রতি  
কহিতেছেন।

হে পিতঃ! আমার এতই কি  
অপরাধ হইয়াছে? আপনি কি  
দোষে আমার প্রতি এতরূপ তুষ্টি-  
ত ও কুপিত হইয়াছেন?

চিত্ররেখা চৌপদী।

রাজ্যলাভ করিয়াছি, অধিপতি হইয়াছি,  
হইন অতিমান মনে, কেহ যেন রাখেন।

অতিমান, অহংকার, সব করে ছারখার,  
ধন, জন, দেহ, প্রাণ, চিরকাল থাকেনা ॥  
অবিনয়ী হোলে পরে, রুট হয় ঘরে পরে,  
তাই বন্ধু কেহ তারে, সমাদরে ডাকেনা।  
অবিনয়ে একবার, অপমান হয় বার,  
কিছুতেই তার আর, সে কলঙ্ক ঢাকেনা ॥

পদ্য।

বৃদ্ধদশা যে প্রকার, দেহশোভা হরে।  
অবিনয়ে সে প্রকার, রাজ্যনাশ করে।  
অবিনয়ে দারা-সুত, বশে নাহি রয়।  
বিনয়েতে দেবগণ, বাধ্য এসে হয় ॥  
বিষয়েতে যোগ্য যেই, বুদ্ধি আছে যার।  
সম্পদ আপনি এসে, ভোগ্য হয় তার ॥  
যেজন সুপথ্যসেবী, কষ্ট কোথা তার?  
সদা স্বাস্থ্য, শিব, সুখ, করে অধিকার ॥  
উদ্যোগী পুরুষ পায়, বিদ্যা-সুখারস।  
ধন, ধর্ম, যশ, হয়, বিনয়ির বশ ॥

দূরদর্শী গৃধ্রমন্ত্রী কহিতেছেনঃ  
হে দেব!—শ্রবণ কর।

যে সকল তরু থাকে, জল-সমিধান।  
বলবান হোয়ে তারি, হয় ফলবান ॥  
আপন সমীপে রেখে, পাত্র গুণবান।  
অজ্ঞ-ভূপ, সেইরূপ, হয় বদ্ধমান ॥  
হানিকর মাদকীয়, দ্রব্য-ব্যবহার।  
নিরন্তর নারী-সহ, বিলাস, বিহার ॥  
মিছে-খেলা, গালগল্প, নৃগয়া-গমন।  
বিনা-দোষে দণ্ড করা, পরস্ব-হরণ ॥

দানপাত্রে কৃপণতা, ককশ্ বচন।  
ভূপতির এই সব, বিষম-ব্যসন ॥  
কেবল সাহস মাত্র, কি হইতে পারে?।  
উপায় করিতে হয়, অশেষ প্রকারে ॥  
ন্যায়-মত কার্য চাই, আর চাই বল।  
তবেই হইতে পারে, মানস সফল ॥  
উপায় না জানে কিছু, নহে শুদ্ধমতি।  
সে, কেমনে হোতে পারে, সম্পদের পতি?  
আপনি হোয়েছ তুমি, অমরাগী রণে।  
করেছ সাহস দান, সেনাদের মনে ॥  
কাণ্ডপেতে শুন নাই, আমার মন্ত্রণা।  
নিজ-দোষে ভুগিতেছ, এসব যন্ত্রণা ॥  
নীতি-বোধ নাহি যার, মায়ায়, সে, নয়।  
কুমন্ত্রণা-দোষে কষ্ট, নষ্ট শেষে হয় ॥  
না শুনে বৈদ্যের কথা, কুপথ্য যে করে।  
সুখ তার কিসে হবে, দুঃখ পেয়ে মরে ॥  
পেয়ে ধন, কোন্ জন, না হয় গর্জিত?।  
নারী-লোক কবে করে, না করে তাপিত?  
এজগতে চিরজীব আছে, কোন্ জন?।  
কোনকালে যম করে, না করে হরণ? ॥  
সংসারের এই ভাব, দেখিয়া শুনিয়া।  
করিবে সকল কার্য, বিচার করিয়া ॥  
আনন্দ বিনাশ করে, নিরানন্দ আসি।  
কণা-মাত্র অনলেতে, নাশে তুলা রাশি ॥  
শিশির আসিয়া করে, শরৎ সংহার।  
প্রকাশিত হোয়ে রবি, নাশে অন্ধকার ॥  
কৃতঘ্নতা নাশ করে, পুণ্যরূপ ধন।  
শোকের সংহার করে, মিত্র-দরশন ॥

ন্যায় নাশে, আপদ, বিপদ সমুদয়।  
অন্যায়ের একেবারে, সর্বনাশ হয় ॥  
সুনীতির শিক্ষা হোলে, থাকে পরিতোষে।  
রাজলক্ষ্মী উড়ে যায়, দুর্নীতির দোষে ॥  
তাহার পর গৃধ্রমন্ত্রী মনে মনে  
এরূপ বিবেচনা করিতেছেন।

যথা।

এ রাজা অবোধ অতি, সন্দেহ কি তার।  
নতুবা, কি, কর্ম করে, আপন ইচ্ছায় ॥  
মিছে বাক-উল্কাপাতে, অন্ধকার করে।  
নীতি-শাস্ত্র চক্রিকার, চারুশোভা হরে ॥  
অন্ধেরে দর্পন দান, সে, যে, ঘোর জ্বালা।  
মূর্থজনে শাস্ত্র কথা, ভ্রমে ঘূত ঢালা ॥  
প্রমাদির কার্য-দোষে হোলো, যা, হবার।  
কি হবে, এখন আর, উপায় কি তার? ॥  
দেবতা, ব্রাহ্মণ, গুরু, গোকুল, আর ভূপ।  
আতুর, বালক, বৃদ্ধ, হয় সমরূপ ॥  
এদের উপরে ক্রোধ, নহেতো উচিত।  
এখন উপায় করি, যে হয় বিহিত ॥

রাজা ক্রুতাজলি হইয়া রোদন-  
বদনে কহিলেন।

তুমি পিতা, আমি পুত্র, তাই জানি মনে।  
এ সময়ে রক্ষা কর, যুক্তি বিতরণে ॥  
মরিয়াছে প্রায় সব, সেনা, সেনাপতি।  
ঘুচিয়াছে, প্রায় সব, সময়-সঙ্গতি ॥

অতি অল্প বাহা আছে, সেনা, সহকারি।  
ভালে ভালে, তাই নিয়ে, দেশে যেতে পারি  
বাঁচাও বাঁচাও প্রাণে, ধরি শ্রীচরণে।  
নাকে খৎ, কাণে খৎ, কাজ নাই রণে।

মন্ত্রী হাস্য পূর্বক কহিতেছেন।

হে মহারাজ! আর ভয় করি-  
বেননা, আমি এই অল্প সংখ্যক  
সেনার দ্বারাই আপনাকে জয়যুক্ত  
করিব।

মন্ত্রির পরীক্ষা হয়, তেদ জ্ঞান-যোগে।  
বৈদ্যের পরীক্ষা হয়, সন্নিপাত রোগে।  
কার্য-তেদে পরীক্ষায়, বুদ্ধি জানা চাই।  
বিনা কার্যে, ঘরে ঘরে, পণ্ডিত সবাই।  
বুদ্ধিহীন জন যত, অল্প কাজ করে।  
তথাপিও, সদাকাল, ব্যস্ত হোয়ে মরে।  
বুদ্ধিমানের কর্ম করে, বড় অতিশয়।  
তথাচও ক্ষণকাল, ব্যাকুল না হয়।  
যে রূপে করিব সেই, দুর্গ-অধিকার।  
আগে আমি, সত্বপায়, করিয়াছি তার।  
আমাদের যত সেনা, প্রকাশিয়ে ক্রোধ।  
এখন করুক গিয়ে দুর্গদ্বার রোধ।  
বেষ্টন করিলে দুর্গ, আর কারে ভয়।  
তা, হোলেই, জয়-লাভ, নিশ্চয়, নিশ্চয়।

অনন্তর হংসরাজের চর বক আ-  
সিয়া নিবেদন করিল।

হে নরসিংহ! দূরদর্শি নামক  
গুহুমন্ত্রির পরামর্শক্রমে সেই শিখী-

শ্বর অবশিষ্ট অত্যাগ সেনা লইয়াই  
আমারদিগের দুর্গ রোধ করণার্থ আ-  
গমন করিতেছেন।

হংসরাজ কহিলেন।

হে সর্দজ! এখনকার উপায় কি?

সর্দজ চক্রবাক বলিতেছেন।

নিজ-চিহ্নিত-সেনাগণকে রত্ন এবং  
বস্ত্রাদি পারিতোষিক প্রদান পূর্বক  
পরিতুষ্ট করিয়া দুর্গ-রক্ষার অনু-  
মতি করুন। সময়ক্রমে অতি অপ-  
বিত্র স্থান হইতেও এক কড়াকড়ি  
তুলিয়া সঞ্চয় করিবে, এবং সময় বি-  
শেষে মুক্তহস্ত হইয়া কোটি মুদ্রাও  
অকাতরে ব্যয় করিতে হইবে। যে  
রাজা এবং প্রকার নীতিশাস্ত্রবৎ ব্যব-  
হার করেন, চঞ্চলা কমলা সেই  
নীতিজ্ঞ নৃপতির নিকতনে অচলা  
হইয়া বাস করেন, তিনি কখনই চ-  
ঞ্চলা হইয়া তাঁহাকে পরিত্যাগ করে-  
ননা। হে নৃপ! যেব্যক্তি যত্ন ক-  
রিবে, সে যেন ব্যয়-বিষয়ে কাতর না  
হয়। যেব্যক্তি বিবাহকর্ম সম্পন্ন  
করিবে, সে যেন ব্যয় করিতে ব্য-  
থিত না হয়। যেব্যক্তি বিপদে প-  
ড়িবে, সে যেন বিপদ উদ্ধারের জন্য

বিত্ত-বসয়ে মুদ্রিতহস্ত না হয়। যে  
ব্যক্তি কোনো এক কীর্তিকর-কর্ম  
করিবে, সে যেন ব্যয়-বিধানে কুণ্ঠিত  
না হয়। যে ব্যক্তি মিত্র-লাভের বা-  
সনা করে, সে যেন ব্যয়শঙ্কায় ব্যা-  
কুল না হয়। যেব্যক্তি বন্ধুলোকের  
উপকারে অমুরত হয়, সে যেন ধন-  
ক্ষয়ে তাপিত না হয়। যেব্যক্তি প্রিয়া  
স্ত্রীকে সন্তুষ্ট রাখিবার প্রার্থনা করে,  
সে যেন সেই প্রণয়িনীর প্রার্থনা  
পরিপূর্ণ-করণে অর্থদানে রূপণ না-  
হয়। এবং যেব্যক্তি শত্রুক্ষয়ে উ-  
দ্যত হয়, সে যেন ধনের মায়া ক-  
রিয়া ব্যয়ের বাপারে কখনই রূপণ  
না হয়। এই অর্কবিধ বিষয়ে বি-  
শেষ ব্যয়ের আবশ্যক করে। যেব্যক্তি  
অতি নিকোঁধ, সে ব্যক্তি অতি অপ-  
ব্যয়ের ভয়ে ভীত হইয়া রূপণতা-  
পূর্বক আপনিই আপনার সর্বনাশ  
করে। যে স্থলে দুই সহস্র ব্যয় ক-  
রিলে অনায়াসেই দুই কোটি মুদ্রার  
সম্পত্তি রক্ষা পায়, সে স্থলে অগ্রেই  
তাহা কর্তব্য, নচেৎ কিছুই থাকেনা,  
যাহারা সুবোধ, তাহারা কি শুল্ক-  
দানের শঙ্কায় মন্তকের মোট পরি-  
ত্যাগ করিয়া থাকে? যদিও সময়-

তেদে অতিরিক্ত ব্যয় বিধেয় নহে,  
কারণ বিপদ-বিনাশের নিমিত্ত ধন  
সঞ্চয় করিয়া রাখিতে হয়, কিন্তু  
বিবেচনা করিতে হইবে, সময় বি-  
শেষে আবার সঞ্চিত সম্পত্তিও বি-  
নষ্ট হয়, লক্ষ্মীও বিদায় হয়েন।  
ফলে ধনবানের কখনই আপদ  
নাই, ধনের বাধ্য হইয়া সকলেই  
সাধ্যমত কার্য সাধনে ক্রটি করেনা,  
অতএব আপনি কার্পণ্যশূন্য হইয়া  
যথা-বিহিত দান ও সম্মান দ্বারা স্বদল-  
বলকে পুরস্কৃত করুন। সেনাপতি,  
সেনা অমাত্য প্রভৃতি সমাদৃত ও  
পুরস্কৃত হইলেই অতি হর্ষে অতি  
সাহসে আপনাপন প্রাণদিয়াও সম-  
য়ে বৈরি-মর্দন করিয়া থাকে। সত্য;  
শৌর্য, দয়া এবং দান, এই কয়েকটি  
রাজার বিশেষ-ভূষণ-স্বরূপ হই-  
য়াছে। ইহার অভাব হইলেই  
রাজার নিন্দিত এবং অবসন্ন হয়েন।  
আপনি যাহারদিগের দ্বারা উন্নত  
হইয়াছেন, এই সময়ে তাহারদিগে  
উন্নত করুন। জ্ঞানহীন, ক্রোধি,  
কৃতঘ্ন, এবং আত্মস্তরিদিগে পরি-  
ত্যাগ করিয়া এইক্ষণে কেবল বিশ্বাস-  
পাত্রের হস্তে ধনভাণ্ডার ও আর

আর কার্যের ভার অর্পণ করন।  
উপস্থিত ব্যাপারে ধূর্ত, স্ত্রী এবং  
বালকের সহিত কোনো বিষয়েরি  
পরামর্শ করিবেননা, কারণ তাহা  
হইলে অন্যায়রূপ-অনিয়ম-কর্তৃক বি-  
ক্ষিপ্ত হইয়া বিপদের সাগরে নিমগ্ন  
হইবেন। মহারাজ অবধান করুন।  
যাহার হৃদয় ও ক্রোধ উভয় সমান,  
শাস্ত্রে বিশেষ জ্ঞান ও অজ্ঞা আছে,  
আর যাহার ভৃত্যের প্রতি স্নেহ এবং  
দয়া আছে, পৃথিবী তাহার পক্ষে  
ধনদায়িনী হয়েন। যাহারা রাজার  
সুখে সুখি ও রাজার দুঃখে দুঃখি,  
রাজার বুদ্ধিতে যাহারদের বুদ্ধি  
এবং রাজার হাসে যাহাদের হাস,  
তাহারদিগকে অমাত্য ও অধীন  
ভাবিয়া অবজ্ঞা করা রাজার কর্তব্য  
হয়না।

তদনন্তর ময়ূররাজের প্রেরিত কাপটি-মিত্র  
কাক আসিয়া প্রণাম করিয়া  
কহিতেছে।

হে প্রভো! অবলোকন করুন,  
সংপ্রতি বিপক্ষগণ দুর্গদ্বারে উপ-  
স্থিত হইয়াছে। যদি ত্রীচরণের অ-  
শ্রুতি হয়, তবে আমি এই দণ্ডেই

বাহিরে গিয়া আপন পরাক্রম প্র-  
কাশ করি।

চক্রবাক কহিলেন।

হাঁ—হাঁ—এমন কর্ম কি করি-  
তে আছে?—যদিহুয়া বাহিরে গি-  
য়াই যুদ্ধ করিতে হয়, তবে দুর্গাশ্র-  
য়ের প্রয়োজন কি?—করাল কলে-  
বর কুম্ভীর জল হইতে বহির্গত হইয়া  
শূলস্থ হইলে তাহার সে পরাক্রম কি  
আর থাকে?—মহাবল-সিংহ বন  
হইতে নগরে আইলে ফেরৎ ভীক  
হইয়া ভয়ে কাঁপিতে থাকে, সেইরূপ  
দুর্গাশ্রয়ি সেনারা দুর্গ পরিত্যাগ  
করিলে অতি দুর্বল শত্রুর নিকটেও  
পরাজিত হয়।

পদ্য।

বল্ বল্, বিদ্যাবল্, মাহুঘের বল।  
বীর আর বল যত, সকলি বিফল ॥  
জলেতে যে করে বাস, বল্ তার জল।  
স্থলেতে যে বাস করে, বল্ তার স্থল ॥  
বাধ করে বনে বাস, বল্ তার বন।  
বালকের বল হয়, কেবল রোদন ॥  
যিনি হন ধরাপতি, মন্ত্রী তাঁর বল।  
মন্ত্রী বিনা নাহি হয়, রাজার মঙ্গল ॥  
রমণীর বল শুধু, সতীত্ব সম্বল।  
দুর্গেতে যে করে বা দুর্গ তার বল ॥

হে মহারাজ! আপনি স্বয়ং  
গিয়া সাহস প্রদান-পূর্বক সৈন্য স-  
ঞ্চালন করুন। যখন স্বামি-কর্তৃক  
সাহসপ্রাপ্ত হইলে কুকুরেরাও সিং-  
হের ন্যায় পরাক্রম প্রকাশ করে,  
তখন আপনার সহায়তায় ও সাহ-  
সে এই সেনারা বিশেষ বীরত্ব প্রকা-  
শ করিবে তাহাতে আর সন্দেহ কি?  
তাহার পর হংসরাজের সেনারা  
দুর্গদ্বারে আগমন পূর্বক ঘোরতর  
যুদ্ধ করিতে লাগিল।—দিবা রাত্রি  
আর সংগ্রামের বিশ্রাম নাই, চতু-  
র্দিকেই যুদ্ধ হইতেছে।

• মালকাঁপ।

রণদক্ষ, দুইপক্ষ, করে পক্ষ, রুদ্ধ।  
জোটেজোটে, চোটে চোটে, চোটে চোটে, যুদ্ধ  
ছেড়ে শোর, বড় জোর, হোয়ে ঘোর, জুদ্ধ।  
নিজনাশ, নাহি হাস, জয় আশ শুদ্ধ ॥  
ধরে বল, যত বল, দুই দল, বাঁকা।  
ছুটফট, লটপট, বাটপট, পাখা ॥  
কিচি কিচি, খিচি মিচি, চিচি, চিচি, ছাড়ে।  
লুটলুটি, ছুটি ছুটি, জোরে বাঁটি, নাড়ে ॥  
কেহ ফের, দেয় ফের, উভয়ের, সেনা।  
শূরপাত্র, চালে গাত্র, সার মাত্র, ডেনা ॥  
লুকোলুকি, হুকোহুকি, রুকোরুকি, চরে।  
ঝুকোঝুকি, বুকোবুকি, মুখোমুখি, করে ॥

যতজন, করে রণ, নিজ-পণ, পালে।  
ধড়াধড়, চড়াচড়, মারে চড়, গালে ॥  
যারে পারে, সারে মারে, করে তারে, হত।  
হাতাহাতি, লাতালাতি, মাতামাতি, কত ॥  
হতোহতি, গতোগতি, জতোজুতি, ক্রিয়া।  
চড়াচড়ি, গড়াগড়ি, লড়ালড়ি, নিয়া ॥  
মহা-জুদ্ধে, বাহুযুদ্ধে, নেচে উদ্ধে, ওঠে।  
হাঁকে হাঁকে, জাঁকে জাঁকে, বাঁকে বাঁকে, ছোটে  
বাজে গাল, পাল পাল, চোকে ভাল, রুকে।  
চোট পাট, কাট কাট, মালসাট, মুখে ॥  
গলাছেড়ে, যাড়নেড়ে, তেড়ে তেড়ে, চলে।  
বার্ বার, সার সার, মার মার, বলে ॥  
দিয়ে চেলা, ধোরে চেলা, কত খেলা, খেলে।  
যেরে হিড়ে, চুকে ভিড়ে, ছিড়ে ছিড়ে, ফেলে ॥  
মুঠাঘাত, ভাঙে দাঁত, রক্তপাত, মরে।  
ধোরে কান্, মেরে টান, খান খান, করে ॥  
বীর পাখি, আগে থাকি, দুই আঁখি, রাঙে।  
কারো নুটি, কারো বাঁটি, কারো টুটি, ভাঙে ॥  
জলপক্ষি, স্থলপক্ষি, যার পক্ষি, যারা।  
দুই পক্ষে, সেই পক্ষে, করে রক্ষে, তারা ॥  
যত জন, প্রাণপণ, নাহি রণ, ছাড়ে।  
চোট তুলি, দ্বিজগুলি, নিজ বুলি, বাড়ে ॥  
মুসো-লড়ে, যাড়ে চড়ে, চেপেপড়ে, বুকে।  
ফাটে, চর্ক, ছোটে খর্ক, টোটে মর্ক, দুখে ॥  
ক্ষীণ যারা, হয় সারা, নয় তারা, শত্রু।  
কলকল, গলগল, তলতল, রক্ত ॥  
কেহ পক্ষ, কেহ বক্ষ, কেহ কক্ষ-হত।  
ধরাগত, শত শত, হতাহত, কত ॥

পেয়ে ভয়, কেহ কয়, নাহি সয়, দুষ্ক।  
 মুক্‌মুক্‌ করে বুক্‌, হোলো মুখ, শুষ্ক ॥  
 ঘোর দায়, নিরুপায়, দুটিপায়, ধরি।  
 হায় হায়, প্রাণ যায়, পিপাসায়, মরি ॥  
 দাঁতে দাঁত, চিৎপাত, বলে হাত, ছেনে।  
 ভোরা কে-রে, সব নে-রে, জল দে-রে, এনে ॥  
 তার-পর, পরস্পর, ধমু-শর, ধরে।  
 ছোটো শর, যত নর, সর সর, করে ॥  
 তাকেতাকে, থাকেথাকে, ফাকেফাকে, জুড়ে।  
 ভোড়ে বীর, ছোড়ে তীর, ওড়ে শির, ফুড়ে ॥  
 হান্‌ হান্‌ ছোটো বাণ, ওড়ে প্রাণ, জাসে।  
 দলদয়, সেনাচয়, গজ, হয়, নাশে ॥  
 করি কোপ, ছোড়ে তোপ, জ্ঞান-লোপ, শঙ্কে।  
 ধীরগণ, স্থির নন, ভয়ে রন, স্তব্ধে ॥  
 দড়্‌দড়্‌, ধড়্‌ধড়্‌, কড়্‌কড়্‌, হাঁকে।  
 ঘন ঘন, ঘন ঘন, যেন ঘন, ডাকে ॥  
 হুম্‌হুম্‌, গুম্‌গুম্‌, উঠে ধুম্‌, স্বর্গে ॥  
 সশঙ্কিত, চমকিত, যমজিত, বর্গে ॥  
 ছোড়ে গুলি, ওড়ে খুলি, পড়ে পুলি-ধামে।  
 কবি কন, যেন রণ, দশানন, রামে ॥  
 রণ ছটা, জোর ভটা, ঘোর ঘট, বটে।  
 জাহি জাহি, পাহি পাহি, তরু নাহি, হটে ॥

পদ্য।

সাক্ষাৎ সমুদ্র বৎ, সমরের স্থল।  
 শোণিতের স্রোত বহে, ঢেউ চল চল ॥  
 ভাসিতেছে, মৃতদেহ, ভরল তুফানে।  
 কেটে গেছে তাই উই, গিরি পরিমাণে ॥

শকুনি, বায়স-সব, সব শব খায়।  
 উদরে ধরিবে কত, হারিয়েনে যায়।  
 কুকুর, শূণাল, স্থলে, দিনে আর রেতে।  
 পরাতব, মানে সব, সব শব, খেতে।  
 ধরিয়েছে রণভূমি, ভীষণ আকার।  
 স্থির হোয়ে দৃষ্টি করে, সাধ্য আছে কার? ॥  
 মরে তবু ছাড়ে নাকো, বিষম-ব্যাপার।  
 সম বল ছুই পক্ষে, রক্ষে নাই আর ॥  
 কারো পিতা, কারো পুত্র, কারো বন্ধু, ভাই  
 কারো কারো বংশে আর, বাতি দিতে নাই।  
 হোয়ে গেল পুত্রহীন, কত পুত্রবতী।  
 অকালে বিধবা হোলো, শত শত সতী ॥  
 এইরূপে দুই ভূপে, মরে পাপ ঘোরে।  
 ধন লোভ, রাজ্য লোভ, বলিহারি তোরে ॥

ময়ূররাজ গুপ্ত-মন্ত্রিকে বিনয় পূর্বক  
 কহিতেছেন।

আপনি যাহা অঙ্গীকার করিয়া-  
 ছেন, হে তাত! তা-ত এপর্যন্ত  
 সুসিদ্ধ হইলনা, অতএব অনুকম্পা-  
 পুরঃসর শীঘ্রই প্রতিজ্ঞা-পালন ক-  
 রুন।

দূরদর্শী মন্ত্রী বলিলেন, স্থির হও,  
 স্থির হও, এই দুর্গ অতি-কঠিন দুর্গ,  
 বিপক্ষ-সেনারা অতি-বলবান, তথা-  
 চ জয়লাভের উপায় নির্ণয় করা হ-  
 ইয়াছে।

তদনন্তর এক দিবস সেই বঞ্চক  
 হলকারি কাকেরা দুর্গমধ্যবর্তি গৃহে  
 অগ্নিসংলম্ করিয়া প্রস্থান করত  
 “দুর্গ অধিকার করিয়াছি, দুর্গ অ-  
 ধিকার করিয়াছি” এইরূপ ভয়ঙ্কর  
 শব্দ করিতে লাগিল, তৎসঙ্গে সঙ্গে  
 স্থলচর পক্ষি সকলেই উড়িঃস্বরে  
 কোলাহল করিয়া উঠিল, সেই চীৎ-  
 কার শ্রবণে এবং প্রজ্বলিত অনল-  
 দর্শনে রাজহংসের সমুদয় সেনা এবং  
 দুর্গবাসি লোকেরা অতি-শীঘ্রই হৃদে-  
 র মধ্যে প্রবেশ করিল।—ইহার কা-  
 রণ, যুদ্ধকালে যখন যেকপ ঘটনা হ-  
 ইবে, তখন অবস্থানুসারে সেইরূপ  
 কার্যই করিতে হইবে। মন্ত্রণা দ্বারা  
 কোনোরূপ সছুপায় করিতে পারে;  
 তাহাই করিবে। বিশেষ বীরত্ব প্রক-  
 শ পূর্বক যুদ্ধ করিতে পারে, তাহা-  
 ই করিবে। নচেৎ অতি সুকৌশলে  
 আত্মরক্ষা করিয়া পলায়ন করিতে  
 পারে, তাহাই করিবে, তখন আর  
 অপর কোনো বিচার বিতর্ক করি-  
 বেনা।

রাজহংস স্বভাবতই মন্দগতি,  
 এজন্য তাহাকে এবং তাহার রক্ষক  
 সেনাপতি সারসকে শত্রু-সেনাপতি  
 কুকুট আসিয়া বেষ্টন করিল।

রাজা রাজহংস সারস সেনাপতিকে  
 কহিতেছেন।

পত্নী।

ওহে তাই, সেনাপতি, সারস স্ত্রজন।  
 নিজে কেন, নষ্ট হও, আমার কারণ? ॥  
 যা, আছে, আমার ভাগ্যে, তাই হবে শেষ।  
 কর কর কর তুমি, সলিলে প্রবেশ ॥  
 সেরূপ উপায় কর, যাহে বাঁচে প্রাণ।  
 আপনারে রক্ষা করা, শাস্ত্রের বিধান ॥  
 “চূড়ামণি” নামে পুত্র, রহিল আমার।  
 চক্রবাকে বোলে তারে, দিও রাজ্যভার ॥  
 সারস কহিছে প্রভু, প্রণাম আমার।  
 এমন দারুণ কথা, বোলোনাকো আর ॥  
 যদবধি রবি-শশি, রহিবে গগনে।  
 তদবধি রাজ্য কর, বোসে সিংহাসনে ॥  
 যদবধি আমার, এ, দেহে প্রাণ রয়।  
 তদবধি আপনার, কিছু নাই ভয় ॥  
 এদুর্গের অধিকারী, হয়েছি যখন।  
 তখন তো করিয়াছি, নিজ-প্রাণ-পণ ॥  
 যতক্ষণ রক্ত আর, মাংস আছে গায়।  
 ততক্ষণ কার সাধ্য, সমুখে দাঁড়ায় ॥  
 যখন এ সমুদয়, হোয়ে যাবে শেষ।  
 তখন আসিয়া শত্রু, করিবে প্রবেশ ॥  
 ক্ষমবান, দাতা তুমি, গুণের আধার।  
 তোমার মতন প্রভু, কোথা পাব আর? ॥  
 রাজা কন প্রাণাধিক, তুমি প্রিয় ধন।  
 মহামতি সেনাপতি, সুপবিত্র মন ॥  
 অম্লরক্ত প্রভুভক্ত, উপযুক্ত জন।  
 কোথা আর পাব আমি, তোমার মতন? ॥  
 তুমি যদি বেঁচে-থাকো, বাঁচে তবে হবে।  
 আমি ক্ষীণ, আমার, জীবনে কিবা হবে? ॥

সারস বিনয় করি, হংসরাজে কয়।  
 এখন বাঁচিলে যদি, মরিতে না হয়।  
 কালেতে কৃতান্ত যদি, প্রাণ নাহি লয়।  
 যুদ্ধ ছেড়ে পলায়ন, বিধি তবে হয়।  
 সেই-তো মরিতে হবে, কিছুদিন বই।  
 তবে কেন পলাইয়া, অপযশ লই।  
 বায়ুর গমনে ঢেউ, গতি করে যথা।  
 এসংসার, অবিকল, ক্ষণস্থায়ী তথা।  
 স্বদেশ করিতে রক্ষা, মোরে যদি যাই।  
 তার চেয়ে পুণ্যকর, কার্য আর নাই।  
 রাজা, আর, প্রজা, দুর্গ, সেনা, আর ধন।  
 স্ত্রী, অমাত্য, আর, নগরস্বগণ।  
 পরস্পর আট অঙ্গ, রাজ্যের বিধান।  
 তার মাজে মহীপতি, সবার প্রধান।  
 রাজা যদি রক্ষা পান, রক্ষা পাবে সবে।  
 রাজার অভাব হোলে, কিছু নাহি হবে।  
 অমাত্য প্রভৃতি যদি, অতি বড় হয়।  
 রাজা ছেড়ে কোনোমতে, বেঁচে নাহি রয়।  
 নাড়ীছাড়া হোলে পরে, য'য় যমাগারে।  
 ধনুস্তরি বৈদ্য আর, কি করিতে পারে?।  
 যে প্রকার না হইলে, রবির উদয়।  
 সরোবরে কমল, প্রকাশ নাহি হয়।  
 ভূপতির অপ্রকাশে, সেরূপ প্রকার।  
 রাজ্যে আর নাহি হয়, প্রাণির প্রচার।  
 কমল প্রকাশে যথা, রবির প্রকাশে\*।  
 প্রজার প্রকাশ তথা, রাজার প্রকাশে।  
 অমুরত যত জন, রাজ অমুরাগে।  
 রাজারে বাঁচাতে হয়, সকলের আগে।

\* প্রকাশ।—রৌদ্র সূর্য্যকর।

অনন্তর কুকুট আসিয়া রাজ-  
 হংসের শরীরে খরতর নখাঘাত ক-  
 রাতে তৎক্ষণাৎ অমনি সারস অতি-  
 বেগে আসিয়া রাজাকে পক্ষ মধ্যে  
 প্রচ্ছন্ন করিয়া জনে বাস্প প্রদান  
 পূর্বক রক্ষা করিল।

তাহার পরে সারস জল হইতে  
 উঠিয়া সমরক্ষেত্রে প্রবেশ পূর্বক প্র-  
 বল পরাক্রম প্রকাশ করিয়া কহিল,  
 “ওরে কুকুড়ো-তোর ছুকুড়ো কড়ি  
 মূল্য নহে। দুর্ব ব্যাটা অস্পৃশ্য, আয়  
 তোরে এখনই যমালয়ে প্রেরণ  
 করি”। এতদ্রূপ অহঙ্কার করত  
 কুকুড়ার বহু সংখ্যক সৈন্য সংহার  
 করিল, কিন্তু পরিশেষে আর আত্ম-  
 রক্ষা করিতে পারিলনা, বিপক্ষ প-  
 ক্ষের পক্ষের আঘাতে এবং চঞ্চল  
 চঞ্চুর প্রহারে ক্ষত বিক্ষত হইয়া  
 সেনাপতি সারস সমরশায়ী হইল।

সারস ধরাতে পতিত হইয়া  
 প্রাণ-পরিভ্যাগ করিলে পর ময়ূর-  
 রাজ সসৈন্যে দুর্গ মধ্যে প্রবেশ পূ-  
 র্বক রাজা রাজহংসের দুর্গস্থ সম্পত্তি  
 সমূহ সংহরণ পূর্বক বন্দীবাহের ম-  
 স্তকে দিয়া জয়ধ্বনি করিতে করিতে  
 শিবিরে প্রস্থান করিলেন।

আচার্যের মুখে এই বিগ্রহ-  
 বিবরণ শ্রবণ পূর্বক নৃপতি-নন্দনগণ  
 কহিলেন, হে গুরো! এই সংগ্রামে  
 সেনাপতি ও সৈন্যসমূহের মধ্যে  
 আমরা সেই ‘সারসকেই’ সাতি-  
 শয় সাধুবাদ প্রদান করিব। যেহেতু  
 ইহার ন্যায় পুণ্যবান ধর্ম্মশীল সা-  
 হসী শূর দ্বিতীয় আর দেখিতে পাই-  
 না। ধন্য ধন্য! আহা এব্যক্তি আপ-  
 নার প্রাণের প্রতি মায়া মাত্রই না  
 করিয়া প্রভুর প্রাণরক্ষা করিয়াছে।  
 গাভিগণ গবাকৃতি সমুদয় সন্তান-  
 কেই প্রসব করে বটে, কিন্তু তন্মধ্যে  
 সুশোভিত-শৃঙ্গবিশিষ্ট সর্ব্বগুণা-  
 শ্রিত গোস্বামিকে প্রায় কেহই প্রসব  
 করেনা।

সিদ্ধান্তশেখর ভট্টাচার্য্য কহি-  
 লেন, হে বৎস! সেই সুবিখ্যাত

মহাবীর পুরুষ সারস অধুনা বিদ্যা-  
 ধরী-পরিবৃত হইয়া স্বর্গ-সুখ সন্তোষ  
 করিতেছে। যে সকল প্রভুভক্ত  
 কৃতজ্ঞ বীরবর স্বদেশ এবং প্রভুর  
 রক্ষার নিমিত্ত রণক্ষেত্রে প্রাণ পরি-  
 ত্যাগ করেন, তাঁহারা অক্ষয়-স্বর্গ  
 ভোগ করিয়া থাকেন, শত্রু-বড়-  
 জালে-আচ্ছন্ন যোদ্ধা সকল ক্ষুণ্ণ,  
 ভীত ও কাতর না হইয়া যেখানে সে-  
 খানে কৃতান্ত-গ্রাসে পতিত হউন,  
 তাঁহারদিগের চিরস্বর্গ-ভোগ হই-  
 বেই হইবে।

বাপু! তোমাদের যেন অশ্ব,  
 গজ ও পদাতি দ্বারা যুদ্ধ করিয়া  
 বিপক্ষ বিনাশ না করিতে হয়, নীতি  
 মন্ত্রণাক্রমে পরম-প্রহারে প্রহারিত  
 হইয়া বৈরিক গিরিগহ্বরে প্রচ্ছন্ন  
 হউক।

ইতি হিতপ্রভাকর পুস্তকে হিতহার নামক

তৃতীয় পরিচ্ছেদঃ।

## সন্ধি

নৃপতিনন্দন।

হে গুরুদেব!—আপনার শ্রীচরণের রূপায় আমরা মিত্রলাভ, সুখ-ভেদ, এবং বিগ্রহ-বিবরণ প্রবণ করিয়া বিবিধ-বিষয়ের সত্বপদেশ প্রাপ্ত হইয়াছি।—যাহার সহিত যজ্ঞপ ব্যবহার করা কর্তব্য তাহাও শিক্ষা করিয়াছি, অধুনা সন্ধির বিষয় শুনবার নিমিত্ত অত্যন্ত লোলুপ হইতেছি, অনুকম্পা-পূর্বক তদ্বিশেষ প্রকাশ করিয়া কৃতার্থ করুন, তাহা হইলেই আমরা সর্ব-বিষয়েই কৃতকার্য হইয়া অতি সুনিয়মে রাজ-কার্য্য ধার্য্য করিতে পারিব।

গুরু।

হে বাপু! সাধু সাধু! তোমরা চিরজীবী হও।—এতদিনের পর আমার সত্বপদেশের সার্থকতা হইল। তোমরা রাজপুত্র, তোমাদিগের স-

ন্ধির বিষয় অবগত হওয়া সর্ব্বাঙ্গেই কর্তব্য হইতেছে, তবে শ্রবণ কর। যোরতর যুদ্ধদ্বারা ময়ূর এবং মরাল-মহীপের বহুসংখ্যক সেনা-বিনষ্ট হইয়া অবশিষ্ট যাহা রহিল, তাহাই উপলক্ষ করিয়া সুখীর সুবিজ্ঞ সুনীতিজ্ঞ গুপ্ত এবং চক্রবাক মন্ত্রী অতি সংক্ষেপ-সময়ের মধ্যেই সদালাপ ও সভাবদ্বারা সন্ধি সংস্থাপন করিয়াছিলেন।

রাজপুত্র।

হে প্রভো! সে কি প্রকার?

আচার্য্য।

ময়ূররাজ হংসরাজের দুর্গস্থ সমস্ত সামগ্রী লুণ্ঠন পূর্বক গমন করিলে-পর রাজহংস জিজ্ঞাসা করিলেন, আমার এই দুর্গমধ্যে কোন্ ব্যক্তি অগ্নি প্রদান করিল? স্বকীয় কোনো

হিতপ্রভাকর।

১৩৭

বিশ্বাসঘাতকি মহাপাতকি লোকের দ্বারা এই সর্ব্বনাশ হইল? অথবা বৈরি-প্রেরিত কোনো-বিশ্ববঞ্চক বিষম-ব্যক্তি কপটভাবে আগমন পূর্বক এতদ্রূপ অনিষ্ট উৎপাদন করিয়াছে?

চক্রবাক-মন্ত্রী কহিতেছেন।

হে ভূপাল! আপনার সেই নিপুণোজ্ঞানীয় অনর্থকর মিত্র-মেঘাকার নামক দুরাচার কাক এবং তাহার পরিবার আর কাহাকেই দুর্গ-মধ্যে দেখিতে পাইনা।—ইহাতেই বিবেচনা করিয়া দেখুন, এককর্ম্ম কাহার কর্ম্ম? স্বভাবগুণ-অপরিচিত-অজ্ঞাতকুলশীল বিপক্ষ-পক্ষকে আশ্রয় প্রদান করিলেই এতদ্রূপ অনিষ্ট ঘটনা ঘটিয়া থাকে।

হংসরাজ কহিতেছেন।

হাঁ—ইহাই সম্ভবপর বটে। বিশ্বাসঘাতকিকে আশ্বাস দিয়া বিশ্বাস করাতেই এইক্ষণে বিশ্বাস ফেলিতে হইল। অধুনা ছুদৈব ভিন্ন অন্য কথা কি আর উল্লেখ করিব?—যেমন কর্ম্ম তেমনি ফল হইয়াছে, আপনার অবিবেচনাক্রম-বিষয়ক্ষের বিষমফল আপনিই ভোগ করি।—পণ্ডিতেরা

কহেন “রাজারা যদি বিশেষ বিবেচনা না করিয়া কোনোপ্রকার দোষের কার্য্য করেন, তাহাতে মন্ত্রির কোনো অপরাধ নাই।”

মন্ত্রী বলিলেন

পাত।

মূঢ়-জন আপনার কার্য্যদোষ জানেনা। কোনোরূপে কিছুতেই, উপদেশ মানেনা। হিতকর কার্য্য যাহা, ধ্যান কভু আনেনা। সুযশ সুরীতি রূপ-রথ-রজ্জু টানেনা। স্বভাবের দোষে ঢেঁকি, ধান বই ভানেনা। “ভোঁতা-অস্ত্র” শাণ দিলে, কখনই শাণেনা।

পর্য্যায়।

কোথা তার পরিতোষ, মরে রোষে রোষে? ছুখ পেয়ে মুখ-লোক, দেবতারে দোষে। ভাল, মন্দ, না জানিয়া, ফেরে যথা তথা। কেবল প্রবল করে, আপনার কথা। নাহি শুনে সজনের, উপদেশ যত। নষ্ট হয় কাষ্ঠচ্যুত, কচ্ছপের মত।

রাজহংস কহিলেন, সে কিরূপ?

চক্রবাক কহিতেছেন।

দ্রাবিড় দেশেতে, গ্রীষ্ম শ্রীরামনগর। সেই গ্রামে, “শান্তি নামে” এক সরোবর। বিমল, বিনোদ, নামে, ছই রাজ হাঁস। বহুকালাবধি তথা, সুখে করে বাস। “কুরব” নামেতে এক, “কমঠ” আসিয়া। রহিল তাদের সহ, প্রণয় করিয়া।

অকপট-প্রেমপাশে, বন্ধ পরম্পরে।  
 প্রফুল্ল অন্তরে চরে, সেই সরোবরে।  
 দৈবাধীন এক দিন, দিবা অবসানে।  
 জাল নিয়া ছুই জেলে, আইল সেখানে।  
 জলাশয় দেখে তারা, স্থিতি অতিশয়।  
 তটে বোসে জাল রেখে, উভয়েই কয়।  
 আজ নিশি এই খানে, যাপন করিব।  
 কুন্দ, মীন, যাহা পাই, প্রভাতে ধরিব।  
 কচ্ছপ জেলের কথা, করিয়া প্রবণ।  
 হাঁসের নিকটে আসি, কহিছে বচন।  
 ওহে ভাই! শুনিলেতো, রজনী প্রভাতে।  
 জালে পোড়ে মারা যাব, ধীবরের হাতে।  
 জালে, বন্ধ হোলে পরে, নিশ্চয় মরণ।  
 অতএব বল বল, উপায় এখন।  
 হাঁসেরা কহিছে ভাই, এ তোমার ভুল।  
 এখনই এত কেন, হোতেছ ব্যাকুল?।  
 রজনী-প্রভাত হোলে, গতিক, যা, হয়।  
 তখন করিব তার, উপায় নির্ণয়।  
 কাতরে কন্ঠ কহে, হইল বিষম।  
 আজ এই সরোবরে, দেখি ব্যতিক্রম।  
 এখনি বিহিত হোলে, বিপদ রবেন।  
 প্রভাত হইলে আর, উপায় হবেন।  
 নবদ্বীপে আছে এক, বড় জলাশয়।  
 প্রবীণ প্রবীণ তিন, মীন তাহে রয়।  
 এ প্রকারে এক দিন, সেই জলাগারে।  
 এসেছিল, ছুই জেলে, মাচ ধরিবারে।  
 জেলেদের দেখে তার, ছুই মাচ কয়।  
 এখন এ জলে আর, থাকা নয় নয়।  
 উপায় থাকিতে কেন, জীবন হারাই?।  
 এই বেলা চল চল, অন্য জলে যাই।  
 এক মাচ বলে ভাই, এ কথা কেমন?।

যেতে হয়, যাও তবে, তোমরা দুজন।  
 মৃত্যু থাকে, মারা যাব, এই সরোবরে।  
 কপালে বিধিরলিপি, খণ্ডন কে করে?।  
 এত বলি সেই মাচ, রহিল সেখানে।  
 জেলের জালেতে পোড়ে, মারা গেল প্রাণে।  
 ছুই মাচ, সেইক্ষণে, বুদ্ধি প্রকাশিয়া।  
 প্রাণে প্রাণে বেঁচে গেল, অন্য হুদে গিয়া।  
 দেহ পেয়ে বুদ্ধি বল, ধরিয়াছে যেই।  
 বিপদের সমাধান, আগে করে সেই।  
 বিপদে ধরিয়া বুদ্ধি, ছল প্রকাশিয়া।  
 অসতী হইল সতী, পতি ভুলাইয়া।  
 হংসেরা কহিল, সেই অসতী কি  
 প্রকারে পতির নিকট সতী হইল?।

কচ্ছপ কহিতেছে।

শান্তিপুত্র, ছিল এক, বণিক কুমার।  
 যুবতী স্ত্রী অতি, প্রণয়িনী তাঁর।  
 পতি প্রতি প্রীতি তার, ছিলনা বিশেষ।  
 নামে মাত্র কুলকন্যা, কুলটার শেষ।  
 গুণের বনিতা বালা, বারবিলাসিনী।  
 কামকলী-কামাসক্তা, কুলকলঙ্কিনী।  
 সুভাবত নারী, বারি, নীচগামী হয়।  
 বিশ্বাসের ধন এরা, কোনোমতে নয়।  
 নিজে যেই সুপুরুষ, রমণীরমণ।  
 সে কখনো নাহি পায়, রমণীর মন।  
 প্রায় নারী নাশ করে, কুলের গৌরব।  
 রাখিতে পারেনা প্রায়, সতীত্ব-সৌরভ।  
 গাভী যথা দৃষ্টি করি, নব নব ঘাস।  
 তখনি ভক্ষণ করে, বিস্তারিয়ে গ্রাস।  
 নারী যত সেই মত, ভোগে রত হয়।  
 পুরুষ দেখিলে পরে, স্থির নাহি রয়।

নারীর অসাধ্য কিছু, নাহি এ সংসারে।  
 সকল করিতে পারে, ইচ্ছা অমুরারে।  
 দয়া, লজ্জা, ধর্ম, ভয়, বিসর্জন দিয়া।  
 প্রকৃতি প্রকৃতি বলে, সিদ্ধ করে ক্রিয়া।  
 যদ্যপি নিয়ত রাখ, নয়নে নয়নে।  
 পলকে প্রলয় তবু, ভয় ক্ষণে ক্ষণে।  
 এত কোরে রাখিলেও, বশে নাহি থাকে।  
 চক্ষের আড়াল হোলে, রক্ষা আর রাখে?।  
 স্থান নাই, ক্ষণ নাই, নাই প্রার্থী-জন।  
 যারে পায়, স্মৃতে তার, তুট করে মন।  
 পাত্রাপাত্র, প্রিয়াপ্রিয়, করেনা বিচার।  
 যার তার, সঙ্গে রঞ্জে, বিলাস, বিহার।  
 ছলনার কার্যে নারী, নিতান্ত-নিপুণ।  
 আহার দ্বিগুণ, আর, বুদ্ধি চতুগুণ।  
 এক দিন, সেই বালা, বণিকের বধু।  
 দিতে ছিল, নিজ-দাসে, মুখপদ্মমধু।  
 নিজ-নেত্রে বেণে, তাহা দেখিতে পাইল।  
 রমণী অমনি এক, ছলনা করিল।  
 “বলে, নাথ! এ দাসের, অতি কুলক্ষণ।  
 চুরি কোরে, নিত্য করে, কর্পূর-ভোজন।  
 মুখ শুঁকে দেখিলাম, এখনি খেয়েছে।  
 এই দেখ, ভর ভর, গন্ধ ছুটিতেছে।  
 এই জন, অভাজন, প্রিয়জন নয়।  
 এমন করিলে চুরি, পুরি কিসে রয়?।  
 সেবকে যদ্যপি করে, চুরি এই মত।  
 তিন দিনে তুট হবে, পুঁজি পাটা যত।  
 সেইক্ষণে সেই দাস, সে কথা শুনিয়া।  
 কহিছে কপট-ক্রোধে, বুদ্ধি প্রকাশিয়া।  
 “আমায় বেতন দিয়া, করুন বিদায়।  
 দাস হোয়ে এখানেতে, বাস করা দায়।  
 চুরি কোরে নাহি খাই, হইয়া চাকর।

ঈশ্বর জানেন শুধু, আমার আঁকর।  
 ভৃত্য হোয়ে নিত্য আমি, মরি মনোহুখে।  
 গৃহিণী বেড়ান, সদা মুখ শুঁকে শুঁখে।  
 কর্পূর কোথায় পাব, দোহাই দোহাই।  
 হাতে কোরে পান্সেজে, আপনি কি খাই?।  
 গৃহিণী আপনি দিলে, তবেইতো পাই।  
 হরণ করিলে কত, কড়ি এক পাই।  
 রাত্রি দিন, খিটখিট ছল ছুতো ধরা।  
 ভাল নয়, এ প্রকারে, শৌকাস্ত কি করা।  
 এত বোলে যায় চোলে, পুঁটুলি লইয়া।  
 বণিক প্রবোধ দিয়া, রাখিল ধরিয়া।  
 ওরে ভাই, বলি তাই, কোরে প্রণিধান।  
 উপস্থিত বিপদের, কর সমাধান।  
 কাতরে-বিনয় করি, হোয়ে নিরুপায়।  
 বাঁচাও বাঁচাও, দোঁহে, বাঁচাও আমায়।

হে ভাই! মনুষ্য অগ্রে আত্মরক্ষা  
 করিয়া পারে যথা রীতক্রমে অন্যকে  
 রক্ষা করিবে, যে ব্যক্তি অযতনে  
 আপনার প্রাণ নষ্ট করে, সে সমুদয়  
 নষ্ট করে।

পদ্য।

আপনার হিত কর, যথা অমুরাগে।  
 আপনারে রক্ষা কর, সকলের আগে।  
 আগে করে, আত্মরক্ষা, সর্বোপায় যে হয়।  
 পরে তারে, রক্ষা করে, আশ্রয়, যে, লয়।  
 বিপদ উদ্ধার হেতু, ধনের সঞ্চার।  
 ধনেতে করিবে রক্ষা, দারা-পরিবার।  
 নীতিমত সংর, ভাব-স্থির রাখি মনে।  
 করহ আপন রক্ষা, ধনে আর জনে।

যদবধি এই দেহে, থাকিবে জীবন।  
তদবধি নানারূপ, স্থখের সাধন ॥  
প্রাণের প্রসাদে যদি, দেহ থাকে বলে।  
অর্থ, অর্থ, মোক্ষ, কাম, পান করতলে ॥  
যতদিন থাকে দেহ, ততদিন সব।  
সমুদয় মিছে হয়, দেহ হোলে শব ॥  
অযতনে নিজপ্রাণ, নষ্ট করে যেই।  
খরাধামে তার চেয়ে, পাণী আর নেই।  
মরণের কালে সেই, কত কষ্ট পায়।  
ইহকাল পরকাল, দুই কাল যায় ॥  
আপনার প্রাণ রক্ষা, করে যেইজন।  
করতলে ধরে সেই, চতুর্দর্শন ॥  
সাধু, সাধু, সাধু, সেই, সুবোধ সুধীর।  
সফল শরীর তার, সফল শরীর ॥

হংসদয় কহিতেছে।

পরমায়ু-পরমরত্ন, তাহার অপে-  
ক্ষা মহারত্ন আর কিছুই নাই,  
যাবৎ পর্যন্ত এই দেহে আয়ুর স-  
ঞ্চার থাকে, তাবৎ পর্যন্ত কোনো-  
কপেই তাহার ধ্বংস হয়না। যখন  
যে জীবের আয়ুর শেষ হয়, তখন  
সৃষ্টিকর্তা স্বয়ং আসিয়া অশেষবিধ  
যন্ত্র করিলেও কোনোপ্রকারেই তাহা-  
র রক্ষা করিতে পারেননা, কেন-  
না কালপ্রাপ্ত হইলে অর্থাৎ পর-  
মায়ু যদি না থাকে, তবে স্বর্গময়-

পুরীমধ্যে স্থাপিত করিয়া রক্ষার  
নিমিত্ত যত প্রকার চেষ্টা করিবে  
সকলি ব্যর্থ হইবে। অপিচ যাহার  
আয়ু থাকে তাহাকে কেহই নষ্ট  
করিতে পারেননা, অকালে কেহই  
কালের-গ্রাসে পতিত হয়না, তাহা-  
কে দৈব আপনি রক্ষা করেন, ত-  
জ্জন্য কোনোরূপ যত্ন, চেষ্টা, আনু-  
কূল্য এবং অর্থাতি সাহায্যের আব-  
শ্যক করেনা। সে ব্যক্তি সীমা-  
শূন্য-সমুদ্র-সলিলে মগ্ন হইলে, অতি  
উচ্চ পর্বত হইতে পতিত হইলে,  
দাবানলে পরিবেষ্টিত হইলে, তরঙ্গের  
অতি-নিবিড়-বিরল-বিপিনে তক্ষক-  
কর্তৃক দংশিত হইলে, এবং ব্যাঘ্রের  
মুখে পতিত হইলে অনায়াসেই প্রা-  
ণপ্রাপ্ত হইবে, তাহার শরীরে কি-  
ছু-মাত্রই ব্যাঘাত হইবেনা।-শত শত  
শরে বিদ্ধ হইলেও প্রাণে মরিবেনা,  
আয়ুর রূপায় সজীব থাকিয়া স্বচ্ছ-  
ন্দে সানন্দে বিশ্ববাসে বিচরণ করি-  
বে। আর যখন কাল নিকটস্থ হইবে  
তখন কুশের অগ্রভাগের আঘাত  
মাত্রের অপেক্ষা করিবেনা, তৎ-  
ক্ষণাৎ অমনি প্রাণ বিয়োগ হইবে।  
হে প্রিয়তম! তুমি এতদ্রূপ কালের

বিচিত্র-গতি দৃষ্টি করিয়া সৃষ্টির কো-  
শল বিবেচনা পূর্বক সৃষ্টিকর্তাকে স্ম-  
রণ কর। পরমায়ুরূপ পরম-রত্ন যত-  
ক্ষণ ক্ষয় না হইবে, ততক্ষণ তোমার  
কিছুমাত্রই ভয় নাই।

পরায়ণ।

যতদিন আয়ু-বায়ু, না হইবে নাশ।  
ততদিন স্থখে কর, জগতে বিলাস ॥  
কালের কুটিল গতি, দেখ দেখ জীব।  
সাধ্যমতে, সিদ্ধ কর, নিজ নিজ শিব ॥  
যদবধি পরমা যু-দেহঘটে রবে।  
তদবধি কিছুতেই, মরণ না হবে ॥  
অজ-বিরল-বনে, করিলে প্রবেশ।  
বাঘ আদি জন্তুগণ, করিবেনা দ্বেষ ॥  
তক্ষক আসিয়া ক্রোধে, দংশে যদি গায়।  
রক্ষক হইয়া বিভু, বাঁচাবেন তায় ॥  
পর্বতের চূড়া হোতে, হইলে পতন।  
যাতনা হবেনা দেহে, যাবেনা জীবন ॥  
গভীর-জলধি-জলে, মগ্ন যদি হয়।  
অন্যাসেই পাবে প্রাণ, নাহিক সংশয় ॥  
দাবানলে বেষ্টিত, যদ্যপি করে তায়।  
অনলের তাপ তার, লাগিবেনা গায় ॥  
পারিবেনা পোড়াইতে, প্রবল অনল।  
আয়ু তারে বাঁচাইবে, করিয়া শীতল ॥  
দৈববলে কোনোরূপ, না হয় ব্যাঘাত।  
প্রবেশ কয়েনা দেহে, অস্ত্রের আঘাত ॥  
তখন মরিব হোলে, জীবন অতীত।  
অকালে কালের করে, কে হয় পতিত? ॥

পরমায়ু মহাধন, স্থির থাকে যার।  
কে পারে অকালে তারে, করিতে সংহার? ॥  
শত শত শরাঘাতে, স্থির হোয়ে রয়।  
উদরে ঢুকিয়ে বিষ, সুখ-সম হয় ॥  
সময় হইয়া শেষ, আয়ু যায় যার।  
কিছুতেই কোনোরূপে, রক্ষা নাই তার ॥  
সত্বে যত সব, বিফল হইবে।  
তুণের আঘাত পেয়ে, তখন মরিবে ॥  
ঈশ্বর আপনি আসি, করেতে লইয়া।  
যদ্যপি ঔষধ দেন, ভিষক হইয়া ॥  
তথ্যচ হবেনা তায়, কিছু প্রতীকার।  
আয়ুর অনাথা করে, সাধা আছে কার? ॥  
কনক-কুটির-কায়, আঁধার করিয়া।  
প্রাণের প্রদীপ যায়, আপনি নিবিয়া ॥  
হোয়ে শব, যায় সব, পড়ে ধরাতলে।  
সে দীপ কি কোনোকালে, পুনর্বার জ্বলে ॥  
এইরূপে চলিতেছে, অখিল-সংসার।  
এই দেখি, এই আছে, এই নাই আর ॥  
এই এই, সেই সেই, করিতে করিতে।  
এইরূপে এক দিন, হইবে মরিতে ॥  
চিরকাল এই ভাবে, কেহ নাহি রবে।  
এই রূপে হয় আর, লয় পায় সবে ॥  
কাল কাল মহাকাল, মহেশ্বর যিনি।  
সদাকাল সমভাবে, স্থির মাজ তিনি ॥  
কালের অতীত সেই, কালের ঈশ্বর।  
সকলি নশ্বর আর, সকলি নশ্বর ॥  
চিরকাল স্থিরকাল, কালে কাল তেদ।  
বুঝিয়ে কালের মর্ম, দূর কর খেদ ॥

কালে হয় রেণুযোগে, পর্তত সৃজন।  
 কালে হয় সেই গিরি, ভূতলে পতন ॥  
 কালে হয় মহাবন, নগর প্রধান।  
 কালেতে নগর হয়, বনের সমান ॥  
 কালেতে গোপ্পদ হয়, সাগর-অপার।  
 কালেতে সাগরে হয়, দ্বীপের সঞ্চার ॥  
 অতিশয় দীন আদি, অধীন স্বাধীন।  
 কালের অধীন-সব, কালের অধীন ॥  
 পরিপূর্ণ হোলে কাল, কেহ নাহি রয়।  
 কালের বিচিত্র খেলা, বুঝিবার নয় ॥  
 কাল প্রাপ্ত হোলে পরে, প্রকাশিয়া গ্রাস।  
 রাজ আর কেতু করে, রবি, শশি গ্রাস ॥  
 নিয়ৎ নিকট হোলে, নাহি রয় কেহ।  
 ভক্ষ্যেতে ভক্ষণ করে, ভক্ষকের দেহ ॥  
 কালেতে বানর, নর, একত্র হইয়া।  
 সবংশে রাবণে দিল, নিপাত করিয়া ॥  
 কালেতে রাক্ষসকুল, না রহিল আর।  
 স্বর্ণময়-লক্ষ্মাপুরী, হোলো ছারখার ॥  
 অতএব প্রিয়তম, সাবধান হও।  
 কালের নিকটে সব, উপদেশ লও ॥  
 এই কাল হইতেছে, যাহাতে সঞ্চার।  
 ক্ষণকাল, প্রেমফুলে, পূজা কর তাঁর ॥  
 যতক্ষণ দেহ আছে, আয়ুর নিবাস।  
 ততক্ষণ কিছুতেই, হবেনা বিনাশ ॥

কল্প কহিছে।

ভাই, তোমাদের কথা সত্য বটে,  
 কিন্তু যদি আয়ু থাকিতে মৃত্যু হয়না,

তবে তৈল থাকিতে প্রদীপ কেন নি-  
 র্বাণ হয়? অতএব আমাকে হৃদা-  
 ন্তরে লইয়া চল।

হংসেয়া কহিতেছে।

পদ্য।

কহিছে সরাল দয়, বল তবে ভাই।  
 কেমনে তোমায় লোয়ে, অন্য জলে যাই? ॥  
 গেলে পরে বাঁচ বটে, কল্যাণ তোমার।  
 কিন্তু ভয়, পাছে হয়, পথেই সংহার? ॥  
 কমঠ কহিছে আর, কি কহিব ভাই।  
 যাতে আমি যেতে পারি, কর কর তাই ॥  
 উভয়ের পক্ষ বল, পক্ষই আমার।  
 শূন্যপথে গেলে পরে, ভয় নাই আর।  
 ঠোটে কোরে লহ ছোঁহে, কাট এক খান।  
 তাই আমি দত্তে ধরি, করিব প্রস্থান ॥  
 হেসে হাঁস, কহে ইহা, সছুপায় বটে।  
 অপায় না ভাব যদি, বিপরীত ঘটে ॥  
 উপায় নির্ণয় যথা, বিহিত-বিচার।  
 অপায় ভাবিতে হবে, সেরূপ প্রকার ॥  
 অপায় না ভেবে কর, উপায় বিধান।  
 কটবে দারুণ-দশা, বকের সমান ॥  
 কুর্গ কহে, কি প্রকারে, হোলো, সে ঘটন? ॥  
 হাঁসেরা কহিছে তবে, শুন বিবরণ ॥

দীর্ঘ-ত্রিপদী।

অগ্রদীপ-পুণ্যধাম, অতিশয় গণ্ডগ্রাম,  
 গোপীনাথ-বিরাজিত যথা।  
 গঙ্গার উপরচরে, অশখবক্ষের পরে,  
 বকাবকী বাস করে তথা ॥

অতি-বড় ভয়ঙ্কর, কাল এক বিষধর,  
 গায়ে আঁস চিকিৎসে যেন পান।  
 ডালে ডালে ছুটে ছুটে, বকের বাসায় উঠে,  
 ধোরে ধোরে খায় সব ছানা ॥  
 সাপেতে শাবক খায়, উপায় না পায় ভায়,  
 হায় হায়, করিছে সকলে।  
 বকা-বকী শোকে দুখে, করাঘাত করি বৃকে,  
 ভাসিতেছে নয়নের জলে ॥  
 মালা করি ঠক্ ঠক্, বলে এক বুড়ো-বক্,  
 কেন আর কর, হা, হতাস? ॥  
 শোক, তাপ, পরিহরি, থাক সবৈ ধৈর্য্য-ধরি,  
 আমি করি, বিপক্ষ-বিনাশ ॥  
 সারিগেথে মাচ নিয়া, সাপের বিবরে দিয়া,  
 নিয়ে যাও, বেজির-বাসায়।  
 বেজি তার স্বদ-পেয়ে, এখন আসিবে খেয়ে,  
 পেটপূরে খাবার আশায় ॥  
 নকুল দেখিলে পর, দেখতাবে বিষধর,  
 ফণাধরি, হবে খুব তেজি।  
 সাপের সে তেজ হেরে, ঘাড়ের এক লাফে মেরে,  
 তখনি বধিবে তারে বেজি ॥  
 সে উপায়ে মোলো সাপ, কিন্তু হোলো মনস্তাপ  
 “খাল্কেটে” লোণাজল আনা।  
 গাছে হোতে শব্দ পেয়ে, সেই বেজি গেল  
 খেয়ে, অবশিষ্ট যত ছিল ছানা ॥  
 অতএব বলি ভাই, পরিণাম রক্ষা চাই,  
 একে যেন নাহি হয় আর।  
 তুমি যাহে ভাব-হিত, হোলে তায় বিপরীত,  
 তবে আর হবেনা নিস্তার ॥

ভাগ্যেতে করিয়া ভর, এখানেই বাস কর,  
 ভাগ্য-ছাড়া কিছু নাহি হয়।  
 উপায় করিয়া হেন, মরিতে যাইবে কেন,  
 পথে গেলে মরণ নিশ্চয় ॥  
 তোমায় লইয়া ভাই, যদ্যপি উড়িয়া যাই,  
 দেখে লোক কত কথা কবে? ॥  
 উত্তর করিলে তার, বাঁচিবেনা তুমি আর,  
 ভূমে পোড়ে জ্ঞাননাশ হবে ॥  
 হাসিয়া কাছিম কয়, আমিতো তেমন নয়,  
 কিছুতেই কথা নাহি কব।  
 কারো কথা পথে-যেতে, শুনিবনা কাণপেতে,  
 মুখবুজ্জে বোবা হোয়ে রব ॥  
 তার পরে ছুই হাঁসে, কচ্ছপেরে খণ্ড-বাঁশে,  
 তুলে নিয়ে গগনে উঠিল।  
 ভাই দেখে শত শত, লোভ-বশে লোক যত,  
 পাছে পাছে, বেগেতে ছুটিল ॥  
 কেহ কয়, হায় হায়, যদি এটা পোড়ে যায়,  
 এখনই মারি যাড় ধোরে।  
 কেটে-কুটে পোড়াইয়া, তেল, লুণ, ঝাল দিয়া,  
 খাই বোসে ভাগাভাগি কোরে ॥  
 কেহ বলে বাড়ি নিয়া, অথি আমি খাই গিয়া,  
 ভাল কোরে করিয়া রন্ধন।  
 আমোদে উল্লাস মনে, প্রতিবাসি বন্ধুগণে,  
 ভোজনে করিব নিমন্ত্রণ ॥  
 কেহ কহে, তাজা তাজা, ছাঁকাতলে মাংস  
 তাজা, মজা কোরে, দিই আমি মুখে ॥  
 কেহ বলে হাঁড়ি ভোরে, তিন দিন বাসিকো,  
 কিছু কিছু, খাই আমি অথি ॥

এ কথাই করি কোপ, কসঠের জ্ঞান লোপ,  
ভুলে গেল পূর্বের বচন।  
“ওরে তোরা, কোথা-খাবি, ছাই খাবি, কলা,  
খাবি” এই কথা বলিল যেমন ॥  
বাক্যদোষে, ঠৈর্য্যদোষে, কাট হোতে মুখ  
খোসে, ভূমিতলে পড়িল অমনি।  
ঘোরতর কলরবে, ছুটে গিয়া লোক সব,  
ধোরে তারে, অধিল তখনি ॥  
হে দেব! যে ব্যক্তি হিতাভি-  
লাষি-মিত্রের শুভকর-বাক্য অবহে-  
লন করে, সে ব্যক্তি অচিরে যন্ত্রণা-  
জালে জড়িত হয়।—গতায়ু-লোকেরা  
সুহৃদজনের বাক্য গ্রহণ করেনা,  
অরুদ্রতীক্ষ্ণ দেখিতে পায়না,  
এবং প্রদীপনির্ব্বাণের গন্ধ পায়না।  
পদ্য।

অতিশয় হিতকর, বন্ধু যেই হয়।  
শিবকর বাক্য তার, যে জন না লয় ॥  
অচিরে হয় তার, বিপদ বিশেষ।  
যাতনার জালে পোড়ে, পায় কত ক্লেশ ॥  
মরণ নিকটে যার, প্রকাশে প্রকোপ।  
একবারে বল, বুদ্ধি, হয় তার লোপ ॥  
জানিতে না পারে কিছু, নিগূঢ়-বচন।  
সুহৃদের উপদেশ, করেন গ্রহণ ॥  
পনার কার্য্যদোষে, করে হায় হায়।  
দীপ নিবিলে তার, গন্ধ নাহি পায় ॥  
দেখে না দেখিতে পায়, অরুদ্রতী-তার।

পৃথিবী ত্রিভায় শুণু, ফেলে নেত্রধারা ॥  
ন্যায়মত উপদেশ, বাক্য যেই ধরে।  
সে কি আর পরে কত, হাহাকার করে? ॥  
মঙ্গলার বরে তার, মঙ্গল সদাই।  
কিছুতেই অমঙ্গল, নাই, নাই, নাই ॥

তদনন্তর হংসরাজের অনুচর বক আসিয়া  
নিবেদন করিল।

হে মহারাজ! আমি দুর্গ-শোধ-  
নার্থ পূর্ব্বকই পুনঃপুনঃ অনুরোধ করি-  
য়াছিলাম, তৎকালে আপনি এই অ-  
ধীন ভৃত্যের বাক্যে একটিবারো কর্ণ-  
পাত করিলেননা, সেই অনবধানতা  
জনাই এই অমঙ্গলের ঘটনা হইল।  
“মেঘাকার” নামক দুর্ভট বায়ুস-ময়ূর-  
রাজের মস্তি দূরদর্শি গুণ-কর্তৃক অতি  
গোপনে প্রেরিত হইয়া সপরিবারে  
অগ্নিগমন করিয়াছিল, তাহারাই এই  
দুর্গ দাহ করিয়াছে।

এই কথা শ্রবণে রাজহংস এক  
দীর্ঘনিশ্বাস নিষ্ক্রেপপূর্ব্বক গালে হাত  
দিয়া ক্ষণকাল নীরব থাকিয়া কহি-  
লেন।

পদ্য।

গাছের আগায় গিয়া, করিয়া শয়ন।  
যেজন নিদ্রিত হয়, মুদিয়া নয়ন ॥  
যতক্ষণ, সেই জন, না হয় পতন।  
ততক্ষণ সমভাবে, থাকে অচেতন ॥

কে তারে, জাগাতে পারে, গাছেতে চড়িয়া?।  
পড়িলেই জেগে উঠে, চেতন পাইয়া ॥  
বিপক্ষে বিশ্বাস করি, সেরূপ প্রকার।  
বিপদে চেতন হোলো, এখন আমার ॥  
ঘোরতর নিদ্রায়, ছিলেম অচেতন।  
চিকু যেন ঘুম ভেঙে, পেলেম চেতন ॥  
উপকার লাভ হবে, এই ভেবে মনে।  
পালিলাম পাপি-জনে, প্রেম-বিতরণে ॥  
মা শুনিয়া সজ্জনের, সার উপদেশ।  
কুজনে পোষণ করি, অপমান শেষ ॥  
পণ্ডিতের কথা যেই, শ্রবণ না করে।  
সেজন আপন পাপে, অমৃতাপে মরে ॥  
আগে যদি শুনিতাম, মন্ত্রির বচন।  
তততো হোতো না আর, বিপদ এমন ॥

বক কহিতেছে।

হে প্রভো! সেই ক্রুর-কাক দুর্গ-  
দাহ করিয়া এই স্থান হইতে গমন  
করিলেপর শিখাস্বর তাহাকে দে-  
খিয়া প্রসন্নচিত্তে পুনঃপুনঃ প্রশং-  
সা করিয়া কহিলেন, এই মেঘাকার  
কাকই সর্ব্বাপেক্ষা আমার পরম-  
সুহৃদ-ভৃত্য, কারণ কেবল ইহারি  
দ্বারা আমরা কৃতকার্য হইয়াছি,  
অতএব ইহাকেই সন্তোষসন্দীপের  
রাজপদে অভিষিক্ত করা কর্তব্য হই-  
তেছে।—এ ব্যক্তি আপনার বুদ্ধি-  
কৌশল এবং চাতুর্য্য প্রকাশে সবি-

শ্বাসে বিপক্ষবাসে বাস করিয়া দুর্গ-  
দাহ না করিলে আমরা কখনই জয়-  
লাভ করিতে পারিতামনা।—পণ্ডি-  
তেরা কহেন “কৃতকৃত্য-ভৃত্যকে সমু-  
চিত সম্মান-সহকারে প্রকৃতরূপ পুর-  
স্কার প্রদানপূর্ব্বক পুরস্কৃত এবং পরি-  
তুষ্ট করিবে”।

চক্রবাক-মন্ত্রী কহিলেন।

বল বল, তার পর, তার পর।

বক কহিল।

ময়ূর-রাজের এই উক্তি শ্রবণ  
করিয়া বিজ্ঞবর গুণমন্ত্রী উত্তর করি-  
লেন, “হে মহারাজ! এমন কর্ম্ম কি  
করিতে আছে? মহতের স্থানে নীচ  
ব্যক্তিকে নিযুক্ত করা উপযুক্ত হয়না,  
কাককে পারিতোষিক-স্বরূপ অপর  
কোনো বস্তু দান করুন। নীচ কথ-  
নই রাজত্ব পাইবার পাত্র নহে।—  
অধমের উপকার করা আর বালু-  
কাতে প্রস্রাব-পরিত্যাগ করা, এই  
দুই তুল্য জানিবেন।—নীচলোক  
প্রশংসার-পদ প্রাপ্ত হইলে মুনি  
কর্তৃক-বর্দ্ধিত-ইন্দুরের ন্যায় আপনার  
প্রভুকে বিনাশ করণের বাসনা করে”।

ময়ূর-মহীপ কহিলেন।

সে কিরূপ ?।

গৃধ্র কহিতেছেন।

হে ভূপ ! তবে শ্রবণ করুন।

যথা।--মহাভারতীয় রাজধর্ম্মে  
“পুনর্মুখিকোত্তর” এই উপাখ্যানটি  
বর্ণিত আছে, এই স্থলে তাহাই  
উল্লেখ করি।

ত্রিপদী।

পূর্বকালে এক জন, মহামুনি-তপোধন,  
তপস্যা করেন মহাবনে।  
জ্যোতির্ময় কলেবর, দয়াশীল ঋষিবর,  
পরম-আনন্দ সদা মনে ॥  
এক দিন ঋষিরাজ, স্নান, পূজা, নিত্যকাজ,  
সাক্ষ করি আশ্রমে আগত।  
বিড়াল দিয়েছে তেড়ে, একটি ইঁদুর খেড়ে,  
তবে এসে হোলো পদানত ॥  
হেসে কন জটধারী, তুমি-তো অনিষ্টকারী,  
খল বোলে সকলেই জানে।  
মাতুষ্য তোমার অরি, এখনি নাশিবৈ ধরি,  
কি সাহসে আইলে এখানে? ॥  
কাঁদিয়া মৃষিক কয়, দয়াময় মহাশয়,  
পদদ্বয়, করেছি আশ্রয়।  
প্রভুর আশ্রমে রোয়ে, শিবাসে নিবাস হোয়ে,  
প্রাণ লোয়ে পলাতে বা হয় ॥  
শ্রীপদের কৃপাবলে, চিরকাল এই স্থলে,  
সুখে করি আহার বিহার।  
পাতের উচ্ছিষ্ট খাই, ফল, পুষ্ট, তুষ্ট তাই,  
ছুষ্ট ভয়, ছিলনা আমার ॥

বিধাতার মনে রোষ, আমার ভাগ্যের দোষ,  
কোথা হোতে এসেছে বিড়াল।  
“মেও মেও” শব্দ কোরে, আমায় খাইবে  
খোরে, প্রকাশিয়ে বিরূম-বিশাল ॥  
প্রভু-হে বিপদকারি, আমার বিপদ তারি,  
শ্রীপদ করেছি শুধু সার।  
বাস ছেড়ে কোথা যাই, কোথা গেলে রক্ষা পাই?  
বল নাথ! কি হবে আমার? ॥  
বিনয়-বচন শুনি, কহিছেন মহামুনি,  
অনুগত তুমি প্রাণাধিক।  
ইঁদুর ইঁদুর হও, সিংহবরণ বও,  
গণেশের বাহন-মৃষিক ॥  
বাগুরে কোরোনা ভয়, তপোবল যদি রয়,  
“বাঁচাইব” অভয় করিয়া ॥  
“মেও মেও” ডেকে মুখে, নিত্য থাক চিৎ  
সুখে, বলবান্ বিড়াল হইয়া ॥  
তাপসের বর লোয়ে, তখনি মার্জার হোয়ে,  
খেয়ে দেয়ে বিপিনে বেড়ায়।  
দেখিয়া বিড়াল-বেশ, শৃগাল করিয়া দ্বেষ,  
“কেকুরিয়ে” ধরিবারে ধায় ॥  
ঋষি-বরে, তার পরে, শ্যাল হোয়ে বনে চরে,  
শুনি করে তাহারে ভাড়া।  
যথা তথা ছুটে যায়, কুকুর পশ্চাতে ধায়,  
হোলো তায় প্রমাদ ঘটনা ॥  
ভীকু ফেরে ভয় পেয়ে, ঋষির নিকটে যোয়ে,  
করিল বিশেষ নিবেদন।  
তাপস দিলেন কোয়ে, এখনি কুকুর হোয়ে,  
কর গিয়ে শৃগাল-শাসন ॥  
কুকুরের দেহ ধরি, ঘেউ ঘেউ, শব্দ করি,  
তাড়ায় বনের শ্যাল যত।  
শুনি-স্বরে করি রাগ, বড় এক কেঁদো বাঘ,  
সমুখে হইল সমাগত ॥

“কেঁউ কেঁউ” ডাক দিয়া, মুখে লাজ্জ ওড়া-  
ইয়া, ব্যাঘ্র ভয়ে ব্যাগ্র অতিশয়।  
ছুটে এলো তপোধন, কহিলেন তপোধন,  
হও গিয়ে শার্দূল প্রলয় ॥  
শার্দূল-শরীর ধরি, মস্তকরী, দৃষ্টি করি,  
ভয় পেয়ে ভেগে পলাইল।  
দয়া করি মুনিবর, তখনি দিলেন বর,  
পশুরাজ-কেশরী হইল ॥  
করি-অরি-দেহ ধরি, সেই করী, নাশ করি,  
বনরাজ্যে রাজা হোয়ে রয়।  
কত পশু পালে পালে, সব এসে আত্ম পালে,  
কারে আর নাহি করে ভয় ॥  
তার পরে অষ্টপদ, পশু মাঝে শ্রেষ্ঠপদ,  
“সরভ” করিল আগমন।  
পোড়ে না আছাড় খায়, বুকে পিঠে চোলে  
যায়, ছুদিগেই রয়েছে চরণ ॥  
তার কাছে পেয়ে ভয়, রণে হোয়ে পরাজয়,  
আসিয়া মুনির সন্নিধানে।  
ব্যক্ত করি সমুদয়, চরণে ধরিয়া কয়,  
বাঁচাও বাঁচাও, প্রভু প্রাণে ॥  
আটপেয়ে এক পশু, নাশিতে আমার অস্থ,  
করেছে কানন অধিকার।  
ভয়ানক শক্তি ধরে, ছুদিগেই গতি করে,  
তার হাতে নাহিক নিস্তার ॥  
শেষের বিনয় শুনি, সদয়হৃদয়-মুনি,  
কহিলেন, সরভ হইয়া।  
সর্বজয়ী হোয়ে রণে, অদ্যাবধি রবে বনে,  
তারে তুমি বধ কর গিয়া ॥  
পূজিয়া ঋষির পদ, ভয়ঙ্কর অষ্টপদ,  
হোয়ে বনে বিনাশিল তারে।  
তদবধি একেশ্বর, না রহিল কারো ডর,

রাজ্য করে ইচ্ছা অমুসারে ॥  
বনে ছিল পশু যত, ক্রমেতে করিল হত,  
অস্তুরে বাড়িল অহঙ্কার।  
ভাবে বনে সমুদয়, মুনির ইঁদুর কয়,  
এর চেয়ে কলঙ্ক কি আর? ॥  
ঋষিরে করিয়ে গ্রাস, এ কলঙ্ক করি নাশ,  
অভিলাষ পূর্ণ হয় তবে।  
তাহা হোলে এজগতে, আমা হোতে কোনো-  
মতে, বড় আর কেহ নাহি রবে ॥  
মনে এই করি ছিল, আশ্রমেতে গিয়া খল,  
ওঁৎ করি রহিল বসিয়া।  
বুঝিয়া তাহার মন, ত্রিকালজ্ঞ তপোধন,  
কহিছেন হাসিয়া হাসিয়া ॥  
হাঁরে ওরে, ছুরাচার, এই তোর ব্যবহার,  
কিসে হোলো এত অহঙ্কার? ॥  
আমারি প্রসাদ লোয়ে, আমা হোতে বড় হোয়ে,  
শ্রেষ্ঠ তুই, হলি সবাকার ॥  
প্রথমে ইঁদুর ছিলি, বিড়ালের বপু নিলি,  
বরে হলি শৃগাল, কুকুর।  
ছিলি বাঘ, হলি হরি, শেষে অষ্টপদ ধরি,  
হোয়েছিস পশুর ঠাকুর ॥  
মুনির পালিত কয়, তাহা নাহি সহ হয়,  
করিতে, সে, কলঙ্ক মোচন।  
বসিয়াছ ওঁৎ পেতে, এসেছ আমারে খেতে,  
খাও তবে, খাও, বাপুধন ॥  
অধমে বাড়ালে পশুর, প্রভুর প্রভু হইবে,  
ধর্ম্ম কর্ম্ম কিছু তার নাই।  
কি আর অধিক কব, “পুনশ্চ-মুখিকোত্তর,”  
যাহা ছিলে, পুন হও তাই ॥  
চরণ-শরণ লোয়ে, বরেতে প্রবল হোয়ে,  
ক্রমে হোলো বনের ঠাকুর।

প্রভু নাশ ইচ্ছা-পাপে, পোড়ে কোপে ব্রহ্ম-  
সীপে, হোলো শেষে নেঙটে ইঁদুর ॥  
তাই বলি মহাশয়, অধমে বাড়ানো নয়,  
বাড়ালেই বাড়ে তায় দায়।  
মাথার ভূষণ যাহা, মাথায় পরিবে তাহা,  
সুখের পরিতে হয় পায় ॥  
পায়েতেই জুতো পরে, জুতো কি মাথায় ধরে  
জুতো হোতে নীচ হয় নীচ।  
স্বভাব কি যায় যোলে, “ছাতারে” গরুড়  
হোলে, বিষ্ঠা খেয়ে করে কিছ' মিছ ॥

হে নৃপ! অসার কখনই সার  
হয়না, নীচ কখনই মহৎ হয়না।

অসারে পড়িলে বীজ, না হয় অঙ্কুর।  
পর্কতে পড়িলে হীরা, ভেঙে হয় চূর ॥  
বিষধরে ক্ষীর দিলে, বিষ বাড়ে তার।  
উপকার নাহি তায়, ঘটে অপকার ॥  
বিদ্যাহীন অতি-মূঢ়, নীচ যেই হয়।  
তারে উপদেশ দান, বিধি কতু নয় ॥  
বোধ নাই, কিসে মূঢ়, উপদেশ ধরে?।  
দোষ ভেবে রোষ করি, বিপরীত করে ॥  
আদরে পুষিয়া বক, খাদ্য কর দান।  
কখনই হবেনা, সে, শুকের সমান ॥  
নিয়ত পড়াও তারে, বিশেষ যতনে।  
কৃষ্ণনাম স্মৃতিবেনা, বকের বদনে ॥  
স্বভাবত কটুভাষি, বিষ্ঠাভোজি কাক।  
কাণ হয় ঝালাপালা, শুনে যার ডাক ॥  
উপকারে অপকার, যে করিতে পারে।

জপদে অভিষেক, কোরোনাকো তারে ॥

হে অধীশ্বর! মূর্খ-জনেরা কেবল  
জনর্গক আমোদ প্রমোদে কালক্ষয়

করে।--- উপযাচক হইয়া লোকের  
সহিত বিবাদ করিয়া প্রমাদ ঘটায়,  
অতএব অতি অবোধ তুচ্ছ লোককে  
উচ্চপদে অভিষিক্ত করা কোনো-  
মতেই কর্তব্য হয়না।---সাধু-জনেরা  
শুদ্ধ সদালাপে সাধু-ব্যবহারে সম-  
য়ের সার্থকতা করিয়া থাকেন, একা-  
রণ সাধুসুজনকেই প্রধানের পদে  
নিযুক্ত করিতে হইবে।

পদ্য।

অতি ক্ষীণ, বোধহীন, মূর্খ যেই হয়।  
প্রধানের যোগ্য সেই, নয়, নয়, নয় ॥  
নাহি করে সাধু-কর্ম, সত্যের সাধন।  
কেবল অনিষ্ট-ক্রিয়া, মূঢ়ের লক্ষণ ॥  
নিয়তই নারীসেবা, মৃগয়াগমন।  
মিছে গল্প, মিছে গান, মিছে পর্যটন ॥  
অনিয়মে আহার, দিবসে, নিদ্রা যায়।  
গায়ে পোড়ে দন্দু করে, কথায় কথায় ॥  
ক্ষুণ্ণমাত্র, নাহি হয়, হিত-কর্মে রত।  
এইরূপে কাল হরে, মূঢ়-লোক যত ॥  
মূঢ়-জনে গুঢ়-মর্ম, কিছুই না পায়।  
অকস্মাৎ রুঢ়, কোয়ে, প্রমাদ ঘটায় ॥  
সকলেই শত্রু তার, মিত্র কেহ নয়।  
দারা, স্ত্রী, আদি কেহ, বাধ্য নাহি রয় ॥  
অতি নীচ, নরাধম, এমন যে জন।  
কেমনে করিবে সেই, পৃথিবী-শাসন? ॥  
সাধু-সহ সম্ভাষণে, সুখীর সকল।  
সতত করেন সুখে, সময় সফল ॥

যদি যায় আপনার, প্রাণ আর ধন।  
পরের অনিষ্ট তবু, করেনা সুজন ॥  
সত্য বিনা নাহি জানে, মিথ্যা-ব্যবহার।  
সদালাপ সহকার, সদা সদাচার ॥।  
এমন সুজন যেই, ধোরে তার পদে।  
নিয়োগ করিতে হয়, প্রধানের পদে ॥

শিখীশ্বর কহিতেছেন।

হে তাত! এই কাক যে কর্ম  
করিয়াছে, ইহাতে রাজ্য-দান কোন্  
তুচ্ছ, প্রাণ-দান করিলেও ইহার ঋণ-  
পরিশোধ হইবার নহে।--- আমি  
আপনার কথা লক্ষ্যন করিতে পারি-  
না, বলিতে ভয় করে, কাক যদিও  
নীচ বটে, কিন্তু উচ্চপদ প্রাপ্ত হই-  
লেই মহতের ন্যায় কার্য সাধন করি-  
তে পারিবে। লোক, পদেই মহৎ হই-  
য়া থাকে, বিনা-পদে কোন্ ব্যক্তি  
কোন্ কালে মহৎ হইয়াছে? রাখা  
লেরা গোচারণে গমনপূর্বক গোষ্ঠে  
বসিয়া যৎকালে ক্রীড়াচ্ছিলে আপ-  
নারা কম্পিতরূপে রাজা হয়, তৎ-  
কালে তাহার প্রকৃতরূপ রাজার  
ন্যায় সুবিচার করিয়া থাকে।

গুপ্তমন্ত্রী (হাস্যপূর্বক) কহিতেছেন।

কখনই একপ সম্ভব হইতে পারে-  
না, সে ব্যক্তি কি কখনো সে বিষয়ের

যোগ্য হইতে পারে? অজ কখনই  
গজের ভার-বহন করিতে পারেনা,  
অতএব যোগ্য-জনকেই যোগ্যপদে  
নিযুক্ত করিতে হয়।

পদ্য।

পাত্র-ভেদে, পদ-দান, বিহিত বিধান।  
অপদে আপদ নানা, নাহি সুখ, মান ॥  
নীচেরে প্রধান-পদ, উচিত না হয়।  
কোথায় সে পাবে গুণ, গুণী যেই নয়? ॥  
যার যাহা গুণ আছে, তাতেই সম্ভবে।  
বিপরীত যদি কর, বিপরীত হবে ॥  
তাঁতি, যদি তিলি হয়, কে কাটিবে সূতো?।  
চামারে, কামার হোলে, কে গড়িবে জুতো? ॥  
কাটুরে, পুঞ্জারি হোলে, কে কাটিবে গাচ?।  
জেলে, হোলে, কবিরাজ, কে ধরিবে মাচ? ॥  
ঘেসুড়ে ঘরামি হোলে, কে ঢুলিবে ঘাস?।  
চামায়, আচার্য হোলে, কে করিবে চাস? ॥  
সারথি, হইলে রথি, কে চালাবে রথ?।  
বাহকে হইলে বাবু, কে চলিবে পথ? ॥  
শুঁড়ি, যদি সুর হয়, কে চোঁয়াবে ধানি?।  
কলুতে, কায়েৎ হোলে, কে ঘোরাবে ঘানি? ॥  
কুমারে, মোদক হোলে, কে গড়িবে হাঁড়ি?।  
বৈদ্য, যদি বিপ্র হয়, কে টিপিবে নাড়ী? ॥  
অপটু কেমন কোরে, পটু হবে কাজে?।  
যার যাহা ব্যবসায়, তারে তাহা মাজে ॥  
ধান বিনা কখনো কি, ঘাসে হয় ভাত?।  
নাসিকার গুণ কতু, নাহি ধরে দাঁত ॥  
প্রবণের গুণ কতু, না পায় নয়ন।  
বদনের গুণ কতু, না পায় চরণ ॥

চরণে আলক্ত-আভা, শোভার কারণ।  
 নয়নে অঞ্জন হয়, নয়ন-রঞ্জন ॥  
 নয়নে আলতা দিলে, না হয় সুরূপ।  
 অঞ্জন মাখিলে গায়, দেখিতে কুরূপ ॥  
 গলাতেই শোভা পায়, গলার ভূষণ।  
 মাথায় সাজেনা কভু, কটির বসন ॥  
 যার যাহা সম্ভাবিত, তার তাই বিধি।  
 পুরুষের কি হয় কভু, সাগরের নিধি ॥  
 পরিহাস হয়, যদি, দাস হয় প্রভু।  
 কাঙালেরে ঘোড়ারোগ, সাজেনাকো কভু ॥  
 ভোগী যদি যোগী হোয়ে, যোগে করে আশ।  
 কাজে কাজে, সকলেই, করে উপহাস।  
 মহারাজ, কার ভার, দিতে চাও কারে? ॥  
 শূণ্য কি কোনো কালে, সিংহ হোতে পারে? ॥  
 অজ্ঞেরে গজের ভার, সম্ভাবিত নয়।  
 গাদারে পিটুলে কভু, ঘোড়া নাহি হয় ॥  
 মেঘেরে হাতির ভার, অসম্ভব যথা।  
 ছাগলে মাড়িবে যব, পাংগলের কথা ॥  
 এর চেয়ে আর কিছু, নাহি উপহাস।  
 কর্তার ইচ্ছায় কর্ম, “মরুভূমে চাস” ॥  
 কার রাজ্যে রাজ্য করি, কাহারে বসাবে? ॥  
 কাক যদি রাজ্য হয়, বিষ্ঠা কেটা খাবে ॥

হে নৃপতে! আপনি যে মনে  
 মনে লক্ষ্য-ভঙ্গ করিয়া কাককে স-  
 স্তোষসন্দীপের অধিপতি-করণের  
 অনুমতি করিতেছেন, সংপ্রতি ইহা  
 আপেক্ষা সম্ভব হইতে পারে?  
 আপনি কি এমত নিশ্চয় করিয়াছেন,  
 এই যুদ্ধেই আপনার জয়লাভ

হইয়াছে? তাহা-তো হয় নাই।—ক্র-  
 মশঃ অনেক কাল-পর্যন্ত যুদ্ধ করিয়া  
 পরিশেষে কি হইবে অদ্যাপি তাহার  
 নিশ্চয়তা কিছুই নাই।—যেমন এক  
 বঞ্চক-বক বঞ্চনা পূর্বক বহু প্রকার  
 মৎস্য ভক্ষণ করিয়া পরে এক কর্ক-  
 টের দন্তের আঘাতে কৃতান্তের কুটীরে  
 নীত হইয়াছিল, আমারদিগের ভাগ্যে  
 অবশেষে তাহা না হইলেই রক্ষা  
 পাই।

ময়ূর কহিতেছেন, সে কি রূপ?

গুপ্ত কহিলেন, শ্রবণ করুন।

ত্রিপদী।

পুরাতন মশোহরে, “সত্য” নামে সরোবরে-  
 শক্তিহীন বুড়ো এক বক।  
 পেটে, পেটে ছিল ধরি, মলিন-বদন করি,  
 বোসে আছে বিষম বঞ্চক ॥  
 কাঁকড়া মধুর-স্বরে, বকেরে জিজ্ঞাসা করে,  
 দেখে আজ হোলেম্ তাপিত।  
 কেন তাই এ প্রকারে, বোসে আছ অনাহারে,  
 মুখখানি ভাবিত ভাবিত? ॥  
 বক বলে, আর তাই, বলিবার শক্তি নাই,  
 পুড়িয়াছে কপাল আমার।  
 অবিলম্বে এসে জেলে, সরোবরে জাল ফেলে,  
 সব মীন, করিবে সংহার ॥  
 কেবল আমিষ খাই, মাচ বিনে গতি নাই,  
 এই মাচ করিলে হরণ।

তখন কোথায় যাব, কি আর ধরিয়া খাব,  
 অনাহারে হইবে মরণ ॥  
 মাচেরা আমার প্রাণ, নিত্য করে প্রাণ-দান,  
 তারা মোলে মরিতে-তো হবে।  
 মরণ বারণ নাই, দুঃদিনের তরে তাই,  
 কেন আর হিংসা করি তবে? ॥  
 পূর্বে পাপ ছিল জাই, পাখি-জন্ম হোলো তাই,  
 কর্মভোগ খণ্ডন না হয়।  
 তাই ভেবে ধ্যান ধরি, চিন্তামণি চিন্তা করি,  
 পরকালে তাল যেন হয় ॥  
 শুনিয়া বকের বাণী, মনে মনে ভয় মানি,  
 মীন সব করে আন্দোলন।  
 নিকট বিকট কাল, জেলেতে ফেলিবে জাল,  
 কি হইবে, উপায় এখন? ॥  
 এই বক এ সময়, উপকারী যদি হয়,  
 হোলেও-তো, হোতে তাহা পারে।  
 ঘটেছে দারুণ দায়, কি উপায়, করা যায়,  
 জিজ্ঞাসা করহ সবে তারে ॥  
 যে, না করে উপকার, “মিত্র নাম” মিছে তার,  
 মিছে ভাব, তাহার সহিত।  
 শত্রু হোলে উপকারী, সেধে হোয়ে আজ্ঞাকারী,  
 সন্ধি করি, তাহার সহিত ॥  
 নামে মিত্র, মিত্র নয়, কাজেতেই মিত্র হয়,  
 পরীক্ষায় প্রমাণ এমন।  
 উপকার, অপকার, এই দুই ব্যবহার,  
 মিত্র আর শত্রুর লক্ষণ ॥  
 হোয়ে শেষে এক মত, ছোটো বড়, মীন যত,  
 মুখ তুলে বকেরে সুধায়।  
 রক্ষা নাই জেলে এলে, বিনাশিবে জাল ফেলে,  
 কি হইবে প্রাণের উপায়? ॥  
 দিকি কোরে বক কয়, এখন উপায় হয়,

কোনো ভয় তাহে আর নাই।  
 তোমাদের ধোরে ধোরে, একে একে মুখে  
 কোরে, অন্য সরোবরে নিয়ে যাই ॥  
 মাচেরা কহিল তাই, যদি ইথে রক্ষা পাই,  
 কর তবে মিত্র-ব্যবহার।  
 সেই হল প্রকাশিয়া, বক, একে একে নিয়া,  
 দূরে গিয়া করিল আহার ॥  
 ‘কুলীর’ বকেরে বলে, আমি যাব সেই জলে,  
 যেখানেতে গিয়েছে সকলে।  
 মীনঘাতি হুট হোয়ে, ঠোঁটে কোরে তারে  
 লোয়ে, দূরে গিয়ে রেখে দিলে স্থলে ॥  
 মনে মনে হোয়ে তুট, একপ ভাবিছে হুট,  
 হব পুট কাঁকড়া ভক্ষণে।  
 দশ-পায়ে আছে খাড়া, ভয়ানক দুই দাড়া,  
 উদরেতে গিলিব কেমনে? ॥  
 মাচের কাঁটায় পথ, পূর্ণ দেখি দশরথ,  
 ভয় পেয়ে করিছে বিচার।  
 মোলো ঠক, প্রতারক, বঞ্চনা করিয়া বক,  
 আমারেও করিবে আহার ॥  
 বেজন ভক্ষক হয়, সে কভু রক্ষক নয়,  
 সাফাং, সে, তক্ষক সমান।  
 সময় আসন্ন হোলে, হিতবুদ্ধি যায় চোলে,  
 এই তার প্রবল প্রমাণ ॥  
 যাবৎ আসিয়া ভয়, উপস্থিত নাহি হয়,  
 তাবৎ করিতে হবে ভয়।  
 ঘটনা হইলে তার, ভয় করিবেনা আর,  
 সাহস করিবে সে সময় ॥  
 প্রাণ রবে যতক্ষণ, ততক্ষণ, এই পণ,  
 করি রণ, মারি কিষা মরি।  
 কালের উচিত যাহা, এখন করিব ত,  
 দেখি শেষ কি করেন হরি ॥

তার পরে বক তারে, যেই গেল খরিবারে,  
অমনি, সে, কেটে নিল গলা।  
লোভে পাপ,পাপে নাশ কঁকড়া করিতে গ্রাস,  
আপনি খেলেন শেষ কলা ॥  
তাই বলি হিত-কথা, মাচ খেয়ে বক যথা,  
মারা গেল কর্কটের কাছে।  
পররাজ্যে লোভ করি, সমরেতে অস্ত্র-ধরি,  
সেইরূপ দশা হয় পাছে ॥

একাবলী।

নৃপতি বিনতি, করিহে আমি।  
হয়েছ প্রধান,ভুবনস্বামী ॥  
প্রধান হইয়া, মহান হবে।  
তবে-তো মহীতে, মহিমা রবে? ॥  
সুজন সহিত,সুভাবে রহ।  
আমোদ কোরোনা, কুজন সহ ॥  
কুজন কুটিল, কণ্টক প্রায়।  
ছুটিবে শোণিত, ফুটিবে পায় ॥  
যেজন সুজন, নহে ব্যাভারে।  
কোরোনা, কোরোনা, প্রধান তারে ॥  
সদা সদাচারে, হইয়া রত।  
কর ব্যবহার, রাজার মত ॥  
প্রধানে রাখিলে, প্রধান-পদে।  
তবেতো আধনি, থাকিবে পদে ॥  
কুসাজ করিলে, কুরব রক্ত।  
প্রমাদী হইলে, প্রমাদি ঘটে ॥  
মানি জনে সদা, রাখিলে মানে।  
নি বোলে তবে, সকলে মানে ॥  
দ্যপি তুমি না, মানিরে মান।  
তোমারে কেহ-তো, দিবেনা মান ॥

মানির মর্যাদা, অধমে দিলে।  
জগতে স্রবশ, নাহিকো মিলে ॥  
প্রধান করিলে অধম দাসে।  
অধম বলিয়া, সকলে হাসে ॥  
স্বরূপে বিরূপ, হইলে পরে।  
কিরূপ করিয়া, যাইবে ঘরে ॥  
গমন হবেনা, আপন দেশে।  
ঈশ্বর বিরূপ, হবেন শেষে ॥

ময়ূররাজ কহিলেন।

ওহে মন্ত্রী! আমি নিতান্তই অ-  
জ্ঞান নহি।—আমাকে এত করিয়া  
উপদেশ দিতে হইবেনা।—তোম-  
র ও সকল কথার আলোচনা পরে  
করা যাইবেক, ভাল জিজ্ঞাসা করি,  
প্রিয়তম মেঘাকার কাক, সন্তোষ-  
সন্দীপ হইতে যে সমস্ত অতি উপা-  
দেয় সুন্দর সুন্দর সামগ্রী-সংগ্রহ  
করিয়াছে, তৎ সমুদয় ব্যবহার পু-  
রুষক আমরা স্বচ্ছন্দে মহানন্দে দেবী-  
দ্বীপে সুখি হইতে পারিব।—অত-  
এব তাহা লইয়া যাওয়া কর্তব্য  
কি না?।

গধু পুনর্বার হাস্য করিয়া কহিলেন।

আপনি এখনো যে বালকের মত  
কথা কহিতেছেন। সেই সমুদয় কি  
আপনার হস্তগত হইয়াছে? তাহাতে

কি আর কোনোরূপ বিড়ম্বনা ঘট-  
নার সম্ভাবনাই নাই? যে ব্যক্তি অনু-  
পস্থিত বিষয়ের আন্দোলন করিয়া  
হর্ষ প্রকাশ করে, সে ব্যক্তি ভগ্ন-  
ভাণ্ড ব্রাহ্মণের ন্যায় পরিশেষ পর-  
কর্তৃক তিরস্কৃত হয়।

হে ভূপ? তবে শ্রবণ কর।

পত্নী।

“বলদেব” নামে এক, বিপ্রেস্বর তনয়।  
বংশবাটী গ্রামে বাস, দুঃখী অতিশয় ॥  
এক দিন শ্রাদ্ধ-বাড়ী, করিয়া গমন।  
পেট-পূরে লুচি, চিনি, করিল ভোজন ॥  
শ্রাদ্ধ-ঘরে গণ্ডাকত, কড়ি পেয়ে দান।  
যগা দিজ তথা হোতে, করিয়া গ্রহান ॥  
খরতর রবি-ক্রাপে, হইয়া তাপিত।  
কুমারের বাড়ী এসে, হোলো উপনীত ॥  
যে ঘরেতে শরা, ভাঁড়, মাটির বাসন।  
এক পাশে গিয়া তার, করিল শয়ন ॥  
শুয়ে আছে, কিন্তু মনে, করিতেছে ভয়।  
পাছে কেহ, কড়ি গুলি, চুরি কোরে লয় ॥  
ধড়-ফড় কোরে দিজ, তখনি উঠিল।  
লাঠি এক হাতে কোরে, বসিয়া রহিল ॥  
মনে মনে, মনোরাজ্য, করিছে তখন।  
কিরূপেতে পাব আমি, উপযুক্ত ধন? ॥  
এই কড়ি নিয়ে যদি, শরা কেনা যায়।  
বাজারে দিগুণ মূল, হোতে পারে তায় ॥  
বারবার এ রূপেতে, কড়ি যাহা হয়।  
নারিকেল, সুপারি, তাহাতে, করি ক্রয় ॥  
হাটে হাটে, বেচে কিনে, পেয়ে কিছু ধন।  
ভাঁড়ের বাড়ীতে গিয়ে, কিনিব বসন ॥

কাপড় বেচিলে হবে, অধিক বিষয়।  
তখন হইবে ভাল, স্রবশের সময় ॥  
মনোমত বাড়ী ঘর, শয্যা আদি করি।  
বিবাহ করিব চারি, পরমাঙ্গুরী ॥  
যখন যাহাতে ইচ্ছা, হইবে আমার।  
তখন তাহারে নিয়া, করিব বিহার ॥  
মনোহর খাটে আমি, করিব শয়ন।  
একে একে এসে সবে, সেবিবে চরণ ॥  
পঞ্চাশ ব্যঞ্জন ভাত, প্রস্তুত করিয়া।  
বাড়িয়া সোণার খালে, গলে বস্ত্র দিয়া ॥  
“এসো এসো, খাও নাখাও, বলিবে রমণী।  
“নেহি খাঙ্গা, নেহি যাঙ্গা,” বলিব অমনি ॥  
সতীনে সতীনে দন্দু, করিবে যখন।  
লাটি মেরে, এই রূপে, করিব শাসন ॥  
যেমন মাটিতে লাটি, করিল প্রহার।  
ভাড়-কোঁড়, ভেঙে গিয়ে, হোলো চুরমার ॥  
ভাঁড় ভাঙা শব্দ গেল, কুমারের কাণে।  
তখন অমনি ছুটে, আইল সেখানে ॥  
বল-দেব, কি করিলে, চোঁচায়ে কহিল?।  
বলদেব ঘাড়গু জে, নীরব রহিল ॥  
ক্ষতিগ্রস্ত কুন্তকার, মুখে হায় হায়।  
তিরস্কার করি কত, করিল বিদায় ॥  
তাই বলি মহীপাল, নিশ্চিত যা নয়।  
তাহাতে আমোদ করা, উচিত কি হয়? ॥  
আপনার বস্ত্র যাহা, তাই কর ভোগ।  
পরধনে লোভ করা, সে, যে, ঘোর রোগ ॥

ময়ূররাজ মন্ত্রির কাণে কাণে  
কহিলেন।

হে মহাশয়! এইক্ষণকার কি

কর্তব্য? অতি গোপনে আমাকে  
তাহার উপদেশ করুন?।

দূরদর্শী কহিলেন।

বিপথগামি-মাতাল-মাতঙ্গের  
মাতৃত যেকপ সেই বারণের মন্ততা  
বারণ করিয়া বশে আনিতেন না পা-  
রিলে অত্যন্তই নিন্দিত হয়, সেইকপ  
উন্মার্গগামি-জ্ঞানহীন-মদাক্ত রাজার  
অমাত্যগণ সত্বপদেশ দ্বারা সেই রা-  
জাকে সুপথে আনিতেন না পারিলে  
সর্বত্রই নিন্দাতাজন হইয়া থাকেন।  
—তাল আপনি বিবেচনা করিয়া  
দেখুন দেখি, আমারদিগের বাহু-  
বলের দ্বারা কি হংসরাজের দুর্গভঙ্গ  
করা হইয়াছে, তাহাতে হয় নাই,  
তবে আপনার পুণ্য-প্রতাপে যে  
এক সত্বপায় নির্ণয় করা হইয়াছিল,  
তদ্বারাই কার্য সিদ্ধ হইয়াছে।

ময়ূর কহিলেন।

সেই সত্বপায় কেবল আপনার  
রূপাবলে ও বুদ্ধিকৌশলেই হই-  
য়াছে।

গধ কহিতেছেন।

যদি আমার পরামর্শ গ্রহণ করা  
কর্তব্য বোধ করেন, তবে এই দণ্ডেই

স্বদেশে গমন করুন।—দুর্গ ভগ্ন করা  
গিয়াছে, ইহাতে সুখ্যাতি-সঞ্চয় হ-  
ইল, এইক্ষণে সন্ধি করিয়া দেশে  
চলুন, তাহাতে সুখ-সম্পদের সীমা  
থাকিবেকনা, সুনাম হইবে, সুখ  
হইবে, সম্মান বাড়িবে, সকলি শো-  
ভার নিমিত্ত হইবে, আমার এই অ-  
তিপ্রিয় সদভিপ্রায়, আপনি বিশেষ-  
রূপে বিবেচনা করুন।—যে ব্যক্তি  
ধর্মের প্রতি দৃষ্টি রাখেন সেই ব্যক্তি  
প্রভুর মন-রক্ষার নিমিত্ত কখনই  
অন্যায়কে ন্যায় করিয়া প্রিয় হই-  
ননা, প্রভু বিরক্ত হউন, আর দূরীভব  
করুন, ধার্মিক মন্ত্রী তথ্য সত্য ক-  
হিতে পরাজুখ নহেন। কারণ তাহা  
অপ্রিয় হইলেও সুপথ্য-স্বরূপ হই-  
তেছে, যে রাজা অনুরাগী হইয়া সেই  
সুপথ্য সেবন করেন, তিনি সুমন্ত্রির  
সহায়তায় সর্বত্রই জয়-লাভ করিয়া  
থাকেন।

মহারাজ প্রণিধান করুন।—

সুহৃৎ, সৈন্য, রাজ্য, আশ্রয়, এবং  
কীর্তি, সংগ্রামস্থলে এই সমুদয় যে-  
প্রকারে সংশয়রূপ-দোলে দোহুল্য-  
মান হইতে থাকে, তাহাতে কখন  
কি হইবে ইহার স্থিরতা কি! ক্ষণ-

কালের মধ্যেই এই সমুদয় বিনষ্ট  
হইতে পারে। যেস্থলে উভয় পক্ষেই  
তুল্যরূপ-পরাক্রান্ত সেস্থলে জয়ের  
নিশ্চয়তা নাই, অতএব সন্ধি করাই  
কর্তব্য। কারণ সুন্দ এবং উপসুন্দ,  
দুই সহোদর সমতুল্য বলবান হইয়া  
সমর-স্থলে উভয়েই উভয়ের প্রহারে  
এককালেই প্রাণত্যাগ করিয়াছে।

শিখীশ্বর কহিলেন।

সে কি রূপ?।

দূরদর্শী মন্ত্রী কহিতেছেন।

পাদ্য।

“সুন্দ” আর “উপসুন্দ,” দুজন দানব।  
যাদের নামেতে কাঁপে, দেবতা, মানব ॥  
তুল্য বল-পরাক্রম, সমান দুতাই ॥  
কোনোদিনে কিছুমাত্র, ভেদাত্মক নাই ॥  
ত্রিসংসার, অধিকার, পাইবার তরে।  
বহুকাল হরের, ভজনা দোহে করে ॥  
ক্রমেতে বাড়িল তপ, পর পর পর।  
কঠোর-তপস্যা আর, নাহি বার পর ॥  
সদয় হইয়া শেষে, তোলা-মহেশ্বর।  
কহিলেন “ওরে বাপু, লও লও বর” ॥  
চাপিল তাদের ঘাড়, দুফসরবতী।  
অন্তরে উদয় হোলো, তখনি কুমতি ॥  
বিস্মৃত হইয়া গেল, বাঞ্ছিত-বিষয়।  
বিপরীত বর চায়, দুই দৈত্য-দয় ॥

বলে হর, কৃপাকর, এই বর চাই।  
পার্বতী প্রদান কর, গৃহে নিয়ে যাই ॥  
জগতের কিছুতেই, আশা নাই আর।  
ভবানী ভবনে রেখে, করিব বিহার ॥  
শিবের হৃদয়ে হোলো, ফোঁসের উদয়।  
ভিতরে ভিতরে রাগ, প্রকাশিত নয় ॥  
হর, কন, বরদান, সুবিধান বটে।  
হেন বর দিই যাতে, সর্বনাশ ঘটে ॥  
তার পর তেবে তেবে, ভব ভগবান।  
নির্মাণ করিয়া নারী, উমার সমান ॥  
“ঘরে নিয়ে যাও” বোলে, দিলেন দুজনে  
নারী লোয়ে উভয়েতে, যায় হৃষ্টমনে ॥  
যেতে যেতে পথে রামা, সহাস্যবয়ানে।  
সমান কটাক্ষ করে, দুজনের পানে ॥  
উভয়েই মনে মনে, ভাবিছে এমন।  
আমাত্তেই মজিয়াছে, রমণীর মন ॥  
না হবে এমন যদি, না হবে এমন।  
আমা-পানে চেয়ে কেন, ঠারিবে নয়ন? ॥  
আমি হই রূপবান, তাহে অতিক্রী।  
প্রকৃতির গুণে হবে, আমারি প্রকৃতি ॥  
রূপে-গুণে, ও কিছু, আমার মত নয়।  
রমণীর ওতে কেন, হইবে প্রণয়? ॥  
আমিই করিব ভোগ, ঘরে জাগে যাই ॥  
ফাকি দিয়ে, ওড়ে দিব, ভস্ম আর ছাই ॥  
চলিতেছে করিয়া, একরূপ আন্দোলন।  
মাজ্জানে রামা চলে, দুপাশে দুজন ॥  
ক্রমেতে কামিনী আরো, কপটতা করে  
উভয়ের জ্ঞান হরে, নয়নের শরে ॥

একজনে দৃষ্টি করি, এক এক বার।  
 হেসে হেসে গায়ে গিয়ে, ঢোলে পড়ে তার ॥  
 যখন যেদিনে ঢলে, তার মনে তোষ।  
 তা দেখিয়া অপরের, মনে হয় রোষ ॥  
 বাড়িবাড়ি হোয়ে ক্রমে, ঐধ্য নাই আর।  
 এ'বলে, আমার ধন, ও বলে, আমার ॥  
 এক গাভী দুই ষাঁড়, বিরাজিত যথা।  
 এইরূপ হুড়াহুড়ি, শুভোশুভি তথা ॥  
 জগতে অনর্থকরী, শুধুমাত্র নারী।  
 হায়রে "অনঙ্গ" তোরে, যাই বলিহারি।  
 ভঙ্গি-ভাব হোতে হোতে, এরূপ প্রকার।  
 বাড়িল দৌহার মনে, বিষম-বিকার ॥  
 "সুন্দ" বলে, প্রিয়ে কেন, ও' কাছে যাও ?  
 আমার নিকটে থাকো, মাথা খাও খাও ॥  
 সুপুরুষ নহে ওটা, আমার মতন।  
 পেট মোটা বুদ্ধি-মোটা, চটা চটা মন ॥  
 কাক সম কটুভাষি, মিষ্ট নয় বাক।  
 ওই দেখ, বোজা-চোক, খাঁদা খাঁদা-নাক ॥  
 গড়ন গাড়ন দেখ, মন্দ অতিশয়।  
 চলন বলন ও'র, কিছু ভাল নয় ॥  
 যেরূপ দেখিছ ধনি, আকার প্রকার।  
 ভিতরে দেখিতে পাবে, সেরূপ ব্যাপার ॥  
 হোক হোক হোলো হোলো, হোলো যেন তাই  
 অতিশয় অরসিক, রস-বোধ নাই ॥  
 বগা হোয়ে চিরকাল, ফেরে দেশে-দেশে।  
 রং করেনি কভু, বাপের বয়েসে ॥  
 তুমি প্রেম পাবে, প্রেম নাই যাতে ?।  
 পাঁচ শায় শালগ্রাম, রাখালের হাতে ॥

ভয়র বিহনে প্রিয়ে, সুখ কোথা যটে ?।  
 নলিনী কি প্রেম পায়, ভেকের নিকটে ? ॥  
 রাখিব মাথায় তুলে, কোথাও না যাবে।  
 আমার প্রেমসী হোলে, কত সুখ পাবে ॥  
 আগা-গোড়া সাজাইব, রত্ন-অলঙ্কারে।  
 যোগি-ঋষি মুচ্ছ যাবে, হেরিলে তোমারে ॥  
 যখন যা ইচ্ছা হবে, দিব আমি তাই।  
 ত্রিভুবনে আমার অসাধ্য কিছু নাই ॥  
 ও'র পানে আর তুমি, চেওনা চেওনা।  
 ও'র দিগে আর ধনি, ধেওনা ধেওনা ॥  
 চরণ-কোমল তব, সুললিত কায়।  
 আহা মরি হেঁটে যেতে, বাজিতেছে পায় ॥  
 চোলে যেতে গোলে যাও, ননির পুতুলি ॥  
 এসো এসো এসো প্রিয়ে, কাদে আমি তুলি ॥  
 চরণের পানে ধনি, চাহিয়া তোমার।  
 হৃদয়েতে শেল যেন, ফুটিছে আমার ॥  
 "উপসুন্দ", কহে প্রিয়ে, কি কহিব আর।  
 এজগতে কেহ নাই, সমান আমার ॥  
 রূপ-গুণে আমার মতন, আর নাই।  
 যেখানে সেখানে, চলে, আমার দোহাই ॥  
 যখন যা মনে করি, তা করিতে পারি।  
 স্বর্গের দেবতা যত, সদা আজ্ঞাকারি ॥  
 এখনি দেখাব হোয়ে, রাজ্যে অভিষেক।  
 স্বর্গ, মর্ত্য, পাতাল, করিব সব এক ॥  
 সাক্ষী তার দেখিলে-তো, তোমারি শঙ্কর।  
 আমারেই আগে ডেকে, দিয়েছেন বর ॥  
 আমারি তপস্যা-বলে, সদয় গৌণাই।  
 একবারে ও'র সঙ্গে, কথা কন নাই ॥  
 ও'র কথা কাণপেতে, শুননা শুননা।  
 নাহি বলিয়া ও'রে, গুণনা গুণনা ॥

একেতো কুরূপ, তায়, অতি কটুভাষা।  
 অরসিক, অপ্রেমিক, চাশা ওটা চাশা ॥  
 "কাপুরুষ" এর কাছে, ছাই নয় ছাই।  
 পুরুষার্থ নাই, ও'র, পুরুষার্থ নাই ॥  
 কেন ও'রে জন্ম-দান, করেছেন পিতা ?।  
 লজ্জা হয় "তাই" বলে, পরিচয় দিতে ॥  
 গুণ নাই, জ্ঞান নাই, অতিশয় হীন।  
 বাহুবলে যদি, জোঝে, তাতে হবে ক্ষীণ ॥  
 ওতে মোতে তেদাভেদ, হাতি আর মশা।  
 না হোলে আমার ভাই, কি হইত দশা ? ॥  
 অহঙ্কার করিতেছে, ও আমার দাদা।  
 ছোটো হোলে, ঘোড়া আমি, ও হইবে গাদা ॥  
 নিজ-মুখে নিজগুণ, বলা ভাল নয়।  
 নিজ-গুণ প্রকাশিলে, অহঙ্কারী কয় ॥  
 যে হয় ব্যথার বাথী, তারে বলা চাই।  
 তোমারে সকল কথা, কহিলাম তাই ॥  
 বস্তু আর কিছু নাই, তোমার মতন।  
 অতুল অমূল তুমি, রমনীরতন ॥  
 প্রকাশ, যা, করিলাম, নিজ-পরিচয়।  
 মিছে কিছু নয়, এ'র, মিছে কিছু নয় ॥  
 বিশ্বাস না হয় যদি, বিশ্বাস না হয়।  
 শপথ করিলে পরে, ঘুচিবে সংশয় ॥  
 এখনি প্রত্যয় হবে, সন্দেহ না হবে।  
 তোমারি চরণ ছুঁয়ে, বলি আমি তবে ॥  
 রতিরস-রঙ্গ আমি, ইচ্ছা যদি করি।  
 স্বর্গ ছেড়ে ছুটে এস, স্বর্গবিদ্যাধরী ॥  
 যদ্যপি জানিতে পারে, আমি অমরত।  
 এখনি আনিয়া রতি, হয় পদানত ॥  
 গভীর স্বতাব ধরি, এলোমেলো নই।  
 প্রায় আমি একরূপ, জিতেজ্রিয় হই ॥  
 আমার ইচ্ছা কভু, বিচলিত নয়।

এই হেতু যারে তারে, ইচ্ছা নাই হয় ॥  
 হাড়ি নই, মুচি নই, আমি অতি শুচি।  
 এঁটো খেতে, কোনোমতে, নাই হয় রুচি ॥  
 প্রাণপ্রিয়ে এঁটোকরা, তার সমুদয়।  
 পরবশু মধুপানে, প্রবৃত্তি কি হয় ? ॥  
 তবে যে তোমার প্রেম, মজিয়াছে মন।  
 ইহার ভিতরে আছে, বিশেষ কারণ ॥  
 রমনী-রতন হেন, কোথা আর পাই।  
 তোমার তুলনা তুমি, তুল্য আর নাই ॥  
 শিবের সর্বস্বধন, শিবা তুমি হও।  
 সদাকাল সুপবিত্র, এঁটো কভু নও ॥  
 আমিও সাক্ষাৎ সেই, শিবের সমান।  
 সদানন্দ সমভাব, মান অপমান ॥  
 অন্তর ঝহির সদ, সমান আমার।  
 মনে নাই অভিমান, নাই অহঙ্কার ॥  
 আমায় "আমার", বলে, যে করে ব্যাভার।  
 প্রাণ দিয়ে, আমি গিয়ে, কেনা হই তার ॥  
 প্রেমিক কেমন আমি, পুরুষ কেমন ?।  
 দেখিবে তখন প্রিয়ে, দেখিবে তখন ॥  
 তোমায় আমায় হবে, মিলন এমন।  
 পুরজ্ঞন \* পুরজ্ঞনী†, অভেদ যেমন ॥  
 পুরুষ, প্রকৃতি, হব, এরূপ প্রকার।  
 "তুমি, আমি, ভেদ মাত্র, না রহিবে আর ॥  
 তোমার নিকটে পাব, প্রণয়ের সুখ।  
 একেবারে দূর হবে, সমুদয় দুখ ॥  
 চড়িবেনা কারো মণি, কোনোরূপ দাগ।  
 হইবেনা কারো সহ, প্রণয়ের ভাগ ॥  
 রাগা রাগি দাগাদাগি, ভাগাভাগি, যাবে ॥  
 একেশ্বরী হোয়ে তুমি, কত সুখ পাবে ॥

\* পুরজ্ঞন।—জীব।

† পুরজ্ঞনী।—সাত্বিকী-বুদ্ধি।

মাড়ামাড়ি, কাড়াকাড়ি, ছাড়াকাড়ি নাই।  
 বিচ্ছেদপাবেনা কাছে, বসতির ঠাই।  
 বহিতে হবেনা শিরে, কলঙ্কের ডালা।  
 কখনো হবেনা ভোগ, বিরহের জ্বালা।  
 ডাকিতে হবেনা আর, 'তুমি' 'আমি' বোলে।  
 দুজনার প্রেম-রসে, ঘোঁহে যাব গোলে।  
 একের জীবনে রবে, ঘোঁহার জীবন।  
 একের মরণে হবে, ঘোঁহার মরণ।  
 একখান, এক জ্ঞান, সকলি সমান।  
 দুয়ে এক, একে দুই, এক মন, প্রাণ।  
 উভয়েরি লাভ হবে, মনের মতন।  
 তাই আমি করিতেছি, তোমায় যতন।  
 ওর সহ, প্রেমালাপ, তোমার কি খাটে?।  
 ভূতে কি বসিতে পারে, দেবতার পাটে?।  
 পশুপতি প্রিয়া তুমি, শৃগাল, ও, হয়।  
 ও, তোমার পদধূলি, তুল্য নয় নয়।  
 "সুন্দ" বলে "উপসুন্দ" ওরে ছরাচার।  
 তোর মত কুলাঙ্গার, নাহি দেখি আর।  
 বোয়েগেলি, হোয়ে তুই, ক্ষত্রির সন্তান।  
 লঘু গুরু, বোধ নাই, এমন অজ্ঞান।  
 আমি তোর জ্যেষ্ঠ হই, মিছে কিছু নয়।  
 "জ্যেষ্ঠ ভাতা-সম-পিতা" শাস্ত্রে এই কয়।  
 কারে কি বলিতে হয়, হোলোনা গোচর।  
 এত দূর অহঙ্কার আমার উপর?।  
 ছোটো হোরে বড়রে, কি, বড় কথা কয়?।  
 ওরে তোর অহঙ্কার, ভাঙ্গি নয় নয়।  
 সেই কথা কোন্ যাহে, মর্মভেদ হয়।  
 করিলে পরে, ধর্ম নাহি সয়।  
 যদি রাগ করি, আপন প্রভাবে।  
 প দিলে একেবারে, ছারেখারে যাবে।  
 সুপাদ্ সপর্ক ছেড়ে, কথা জোর জোর।

"এই নারী", মাতৃসম "বড় ভাজ" তোর।  
 এখনি জননী বোলে, কর্ণকর্ণ গড়।  
 কোরেছি অপরাধ, পায়ে পড় পড়।  
 নতুবা, এ পায়ে তোর, নিস্তার-তো নাই।  
 স্নেহ কোরে কথা কই, বোলে ছোটোভাই।  
 "প্রেমসি! এ, উপসুন্দ, "দেওর" তোমার।  
 এর প্রতি, পুজবৎ, কর ব্যবহার।  
 ধরেছে বিরূপ-ভাব, অজ্ঞান হইয়া।  
 অপরাধ, ক্ষমা কর, বালক বলিয়া।  
 পড়িবে প্রণত হোয়ে, চরণে তোমার।  
 এ প্রকার পাপ কথা, কহিবেনা আর।  
 "উপসুন্দ", কহিতেছে, জোরে ছেড়ে গলা।  
 "কাগী বগী", ভয় নয়, সাঁপ দেবে কলা?।  
 বড় ভাই বটে তুমি, সংশয় কি তার।  
 ব্যবহার কই দাদা, সেরূপ প্রকার?।  
 ভেবে দেখ, এখনি যে, কথাগুলি কোলে।  
 ঠিক যেন "চাট্‌গোয়ে", বড় ভাই, হোলে।  
 এ-রাগ কখনো কারো, নাহি যায় মোলে।  
 মহা আনি করিলাম, "বড়ভাই", বোলে।  
 এম আপনি রাখ, আপনীর মান।  
 কর্ম-দোষে কেন আর, হও অপমান?।  
 মমতে "ভাজবধু", এ "নারী", তোমার।  
 ছুঁওনা, ছুঁওনা, এর, ছুঁওনাকো আর।  
 কাছ থেকে, সোরে যাও, সোরে যাও আগে।  
 কি জানি হঠাৎ পাছে, গায়ে গায়ে লাগে।  
 "ভাজবউ" পরশেতে, ঘোরতর পাপ।  
 কিছুতেই, নাহি ঘোচে, নরকের তাপ।  
 পই পই বলিতেছি, হও সাবধান।  
 এর প্রতি দৃষ্টি কর, কন্যার সমান।  
 "প্রাণপ্রিয়ে" ইনি হন, "ভাস্কর" তোমার।  
 মাগার আঁচল তুমি, খুলোনাকো আর।

দূরহোতে "গড়" করি, পুজিয়া চরণ।  
 মনে মনে, ভক্তি কর, পিতার মতন।  
 কুহকী কামিনী ধনি, কুহক করিয়া।  
 কহিছেন, উভয়েরে, হাসিয়া, হাসিয়া।  
 মনে যত সাধ আছে, করিবে বিহার।  
 আমিই তোমার, নাথ, আমিই তোমার।  
 এদিগেতে দুই ভাই, রেগে হয় খুন।  
 ধুঁয়ে ধুঁয়ে, পুড়িতেছে, তুঁষের আগুন।  
 এ, বলে, আমার নারী, ও, বলে, আমার।  
 না পায় মধ্যস্থ পথে, কে কল বিচার।  
 এমন সময় প্রভু, দেব-পঞ্চানন।  
 প্রাচীন ব্রাহ্মরূপ, করিয়া ধারণ।  
 কোমর পড়েছে ভূয়ে, কাঁপিতেছে ঘাড়।  
 লেছে সকল মাস, দেখা যায় হাড়।  
 কাণ দুটি কাল। কাল।, পাকিয়াছে কেশ।  
 মলিন-বসন-পুরা, ভিখারির বেশ।  
 চোখে ঠুলি, কাঁকে ঝুলি, গালে ঝরে রস।  
 ঠেঙা হাতে, যান পথে, ঠেঙস্ ঠেঙস্।  
 দূরে হোতে দেখে তাঁরে, দুজনেই কয়।  
 এদিগেতে আসুন, ঠাকুর মহাশয়।  
 হাতনেড়ে ডাকিতেছে, এসো এসো বোলে।  
 ঠাকুর, ও, ঠাকুর, যেওনাকো চোলে।  
 ছলনা করিয়া প্রভু, আরো হন কাল।  
 ঘোঁহে বলে, আরো মোলো, একি হোলো জ্বালা!  
 টেঁচাতে টেঁচাতে ছুটে, তখনি ধরিল।  
 ব্রাহ্মণ মেলিয়া আঁখি, শিহরে উঠিল।  
 কাঁপিতে কাঁপিতে বুড়ো, কহিছে তখন।  
 কে বাপু, কে বাপু, বল, তোমরা দুজন?।  
 মনে করি, হবে বুঝি, রাজার নন্দন।  
 সঙ্গতে রূপসী রামা, উমার মতন।  
 কাণে কিছু খাটো খাটো, শুনিতে না পাই।

বল বাবা, কি বলিবে, শুনি আমি তাই।  
 এই দেখ, বাপু আমি, দরিদ্র ব্রাহ্মণ।  
 চলিয়াছি, নগরেতে, ভিক্ষার কারণ।  
 একেতো প্রাচীন দীন, তাহাতে অচল।  
 প্রতিদিন নাহি জোড়ে, অন্ন আর জল।  
 ঝুলি এই, খালি দেখ, কড়া-কড়ি নাই।  
 পরিয়াছি ছেঁড়া ধুতি, মৃতন না পাই।  
 তোমাদের দেখে বাপু, ভয়ে ভয়ে মরি।  
 আমায় বোলোনা কিছু, আশীর্বাদ করি।  
 হরিবোল, হরিবোল, হরেরাম হরে।  
 দুখিনী ব্রাহ্মণী বুড়ী, একা আছে ঘরে।  
 কাল রেতে দুজনেতে, আহি অনাহারে।  
 আজ গিয়ে কতক্ষণে, খেতে দিব তারে।  
 দুঃখ নাই, অনাহারে, আমি মোরে গেলে।  
 ত্রিভুবন শূন্য দেখি, ব্রাহ্মণী, না খেলে।  
 গৃহস্থের বাড়ী গেলে, কিছু দিতে পারে।  
 রাম রাম, হরে হরে, শ্রীহরে, মুরারে।  
 প্রণাম করিয়া দৈত্য, দুজনেই কয়।  
 প্রাচীন ব্রাহ্মণ তুমি, কিছু নাই ভয়।  
 আমাদের বিচার, করিয়া সমাপন।  
 যেখানেতে, ইচ্ছা হয়, করুন গমন।  
 দেখুন, রমণী এই, সুরূপসী-ধন।  
 আমাদের দিয়েছেন, দেব ত্রিলোচন।  
 আমরা পুরুষ দুই, নারী একাকিনী।  
 আমাদের মাঝে হবে, কার বিলাসিনী?।  
 ব্রাহ্মণ, কহেন বাপু, সংশয় কি আর।  
 এখনি করিয়া দিই, অতি সুবিচার।  
 যেখানে আছেন যত, পণ্ডিত ব্রাহ্মণ।  
 জ্ঞানবলে, তাঁহারাই, পূজনীয় হন।  
 বাহুবলে করিয়া, অবনী অধিকার।  
 বলবান ক্ষত্রি হন, পূজ্য সবাচার।

গৃহ-ভরা ধন, ধান, ব্যবসায় রয়।  
এরূপ হইলে বৈশ্য, পুঞ্জীয় হয়।  
নিয়ত ব্রাহ্মণ-সেবা, ভক্তি অমুসারে।  
“সাপু শূদ্র” বোলে সবে, মান্য করে তারে।  
তোমরা ক্ষত্রিয় জাতি, অতি বলবান।  
অতএব যুদ্ধ করা বিহিত-বিধান।  
রীতিমত রণ করি, জয় হবে যার।  
চিরস্থখে এই নারী, ভোগ্য হবে তার।  
তখন প্রফুল্ল হোয়ে, কহে পরস্পরে।  
পণ্ডিত না হোলে পরে, বিচার কে করে?।  
কোমর বাঁধিয়া শেষ, উঠিল দুজনে।  
মার মার শব্দ করি, প্রবেশিল রণে।

সুন্দ আফালন পূর্বক  
কহিতেছে।

আর কেন মন্ত হোস্ রূপবতী হেরে?।  
মর-মর, হতোভাগা, করে? তুই করে?।  
সমরেতে এখনিই; যাবি শেষ হেরে।  
দেব দেব, দেব তে,রে, একেবারে সেরে।  
মরণ নিকট তোর, রহিয়াছে ঘেরে।  
পড়িবি কালের হাতে, পলাতে না পেরে।  
পায়ে-ধোরে এই নারী, আনায়েই দেরে।  
বিষয় বিভব গত, তুই গিয়ে নেরে।  
ফের যদি কথা কোন্, আঁখি-ঠেরে চেরে।  
পাঠাইব, যমালয়, এক চড়ু মেরে।।  
কোন সুখে; কুলঙ্গার, নিতে চাস্ এর?।  
মর মর হতোভাগা, করে? তুই করে?।

উপসুন্দ ক্রোধভরে বাহুবিস্তার  
পূর্বক উত্তর করিতেছে।

হুঃরেতে মুখ দেখ, কালামুখা কাল।  
বচনে করিস্ কেন, নিছে কালাপালা?।

আমারে দিলেন শিব, নারী কণ্ঠমালা।  
তুই তার পতি হবি, এ, যে, ঘোর জালা।।  
ভাল চাস, প্রাণ নিয়ে, পালা, পালা, পালা।  
নহে তোর, দেহ চিরে, করি ফালা ফালা।।  
তুই নিবি, প্রিয়ভা, এরূপদী বাল।।  
নে, তবে, কেমনে, নিবি, আয়-দেখি শা-লা।।

এইরূপ গু:তাগুতি, হাতাহাতি কোরে।  
মুখ ফুট রক্ত-উঠে, গেল দৌঁহে মোরে।।  
তাই বলি, যেমনেতে, তুল্য বল হয়।  
সেখানেতে যুদ্ধ করা, যুক্তি কতু নয়।  
ছুই রাজা পরস্পর, হোলে একমত।  
সেখানেতে গন্ধি হোলে, স্মৃথ তায় কত।।

এই উপাখ্যান শ্রবণ করিয়া  
ময়ূররাজ কহিলেন।

আপনারা পূর্বে আমাকে এ-  
কথা কেন বিশেষ করিয়া কহেন-  
করাই? তাহা হইলে আমি এবস্ত্র-  
কার কষ্ট স্বীকার পূর্বক সমর-সজ্জা  
করিয়া কখনই আগমন করিতামনা,  
অনর্থক অর্থনাশ, সৈন্যনাশ এবং  
সুহৃৎনাশে মনস্তাপ ভোগ করিতে  
হইতাম।

মন্ত্রী কহিতেছেন।

আপনিতো তৎকালে আমার  
কথায় কর্ণপাত করেন নাই, আমি  
সমস্ত বিষয় নিবেদন করিতেছিলাম,

তাহাতে শেষ-পর্যন্ত না শুনিয়া  
আমার উপর বিরক্ত হইলেন, আমি  
এই যুদ্ধ-কার্যে সম্মত হই নাই, বার-  
বার কেবল নিষেধ করিয়াছি।—  
কারণ আমি বিশিষ্টরূপেই অবগত  
আছি, হংসরাজ অতিপ্রধান, অতি-  
মহৎ এবং সর্বগুণশালী, এজন্য তাঁ-  
হার সহিত কলহ করিয়া বিগ্রহ করা  
কোনোমতেই কর্তব্য হয়না। হে  
ভূপাল! নীতিজ্ঞ মহাশ্রী একরূপ  
কহেন, যে, যেক্ষণ সত্যবাদী, তাঁ-  
হার সহিত কখনই যুদ্ধ করিবেনা,  
প্রণয়ভাবে সন্ধি করিতে হইবে, কে-  
ননা সত্যবাদি-লোক শুদ্ধ সত্য-পা-  
লন করিয়া থাকেন, প্রাণান্তেও মি-  
থ্যার বাতাস স্পর্শ করেননা, স্মৃত-  
রাং এতদ্রূপ সতের সহিত বিবাহ  
করাই অসতের কর্ম।—যে ব্যক্তি  
পুজ্য, সকলেই তাঁহার পূজা করিয়া  
থাকে, এমত পুজ্য ব্যক্তিকে অপূজা  
করিয়া তাঁহার সহিত অপ্রণয় করি-  
লে ভগবান কখনই সহ্য করেননা।  
যে পুজ্য তাহার পূজা করিতেই হই-  
বে।—যে রাজা ধর্মশীল, তিনি প্রা-  
ণান্তেও রাজধর্মের অন্যথাচরণ করি-  
য়া অন্যায-কার্য করেননা, প্রজাবৎ-

সল হইয়া অতি সুনিয়মে শাসন  
এবং পালন করেন, ইহাতে প্রজা-  
রাও কৃতজ্ঞতাধর্ম প্রতিপালন পূর্বক  
যথার্থরূপে রাজানুগত্য ব্যবহার-দ্বারা  
সেই রাজার এবং রাজ্যের মঙ্গলার্থ  
ধন, প্রাণ যথা-সর্বস্বই সমর্পণ করেন,  
ধার্মিক রাজার প্রজা এবং সৈন্য স-  
কল কখনই অবাধ্য হইয়া বিদ্রোহি  
হয়না, এই প্রযুক্ত উক্ত ধার্মিক রা-  
জার সহিত কলহ না করিয়া সম্ভাব  
করাই বিধেয়,—যে রাজার প্রজা ও  
সৈন্য সকল রাজতত্ত্ব, সেই রাজার  
শত্রুর নিকট ভয় মাত্রই নাই।—রাজা  
স্বয়ং সুধার্মিক হইয়া প্রজাপুঞ্জের  
স্ব স্ব জাতীয় ধর্ম সমানরূপে প্রতি-  
পালন করিলে তাঁহার আর বিপদ  
হয়না।—যে সময়ে ঘোরতর বিপদ  
অর্থাৎ মৃত্যু সম্ভাবনা এমত বোধ  
হইবে, সেই সময়ে নীচ-ব্যক্তির  
সঙ্কেত সন্ধি করিবে, সম্ভাব দ্বারা  
তাহাকে আশ্রয় করিয়া রাখিতে-  
হইবেক, তন্নিম্ন তাহার সহিত অন্য  
প্রকার ব্যবহার করা উচিত হয়না,  
কেননা তদ্বারা অনিষ্ট ব্যতীত ইচ্ছা  
লাভের উপায় মাত্রই নাই।—যে  
রাজা ভ্রাতৃ ও বন্ধু বান্ধবে পরিবে-

কিত, তাঁহার সহিত অগ্রেই সন্ধি করিতে হইবে, তাঁহার সঙ্গে বিরোধ করা আর আপদকে আকর্ষণ করা এই দুই তুল্য জানিবেন,—যে বংশ ঘোর-ঘন-নিবিড়-কটকে আবৃত থাকে, তাহার কাঁটা অগ্রে দূর করিতে না পারিলে যেমন সেই বাঁশকে কখনই ছেদন করা যাইতে পারেনা, সেইরূপ ঐ ভ্রাতা জাতি, কুটুম্ব এবং বন্ধুবিশিষ্ট রাজার ঐ সমস্ত ভাই, বন্ধু, জাতি, কুটুম্বাদিকে অগ্রে বিনষ্ট করিতে না পারিলেতো তাঁহাকে সংহার করণের সম্ভাবনাই নাই।

যে রাজা বলবান, অতি যত্ন-পূর্বক তাঁহার সহিত মৌর্য্য করিবে, বলির প্রতি বল প্রকাশ করিলে আপনাকে আপনিই বলি হইতে হয়, বলবানের সহিত যুদ্ধ, ইহার নিদর্শন প্রদর্শন হয়না, দেখুন মেঘ সকল কখনই বিলোম-বায়ুতে গতি করেনা।—আর যে রাজা বহু-যুদ্ধ জয় করিয়াছেন, তিনি পরশুরামের ন্যায় বিশ্বমান্য হইয়া এক স্থানে বস্হান পূর্বক সমস্ত স্থানের সমস্ত পতিই সমুহ-সুখে-সন্তোষ করিয়া থাকেন, অতএব তাঁহার সহিত সন্ধি

সংস্থাপন করা সর্বাগ্রেই প্রার্থনীয়, কারণ ঐ বহুযুদ্ধ-জৈতার সহিত প্রায় হইলে বিপক্ষ সকলে ভয়ে ভয়ে শীঘ্রই আসিয়া বশীভূত হয়।

হে রাজন্! এই সপ্তবিধ লোকের সহিত সন্ধি করা সর্বথাই রাজনীতি-সম্মত।

সর্বজ চক্রবাক মন্ত্রী কহিলেন।

ওহে দূত! তুমি পুনর্বার সর্বত্রই গমন করিয়া সমুদয় অনুসন্ধান লইয়া শীঘ্রই আগমন কর।

রাজহংস কহিলেন।

হে নুরুণ! কত প্রকার লোকের সহিত সন্ধি করা কর্তব্য হয়না তাহা অবগত হইতে অভিলাষ করি।

চক্রবাক কহিতেছেন।

বালক ১। বৃদ্ধ ২। চিররোগী ৩। জাতিবহিষ্কৃত ৪। ভীত ৫। ভীকু-সৈন্যবিশিষ্ট ৬। লোভী ৭। লুক্ক-সংসর্গাধীন-পুরুষ ৮। বিরক্ত-স্বভাব ৯। বিশেষরূপ-বিষয়াসক্ত ১০। অনবস্থিত ১১। দেব-দ্বিজ-নিন্দক ১২। দৈবোপহত ১৩। দৈবপরায়ণ ১৪। চূর্তিষ্করূপ-ষিপদাকুল ১৫। ব্যসনী-সৈন্যযুক্ত ১৬। বিদেশস্থ ১৭। বিবি-

ধ-বৈরিবিশিষ্ট ১৮। অকালযোদ্ধা ১৯। এবং সত্যধর্ম্যচ্যুত ২০। এই বিংশতি-প্রকার লোকের সহিত সন্ধি করা উচিত নহে, কারণ ইহার। অসম্মত।—ইহারদিগের সঙ্গে কেবল যুদ্ধ করিতেই হইবে। যেহেতু ইহার। অসমর্থ-প্রযুক্ত যুদ্ধে পরাজয় হইয়া শীঘ্রই শত্রুর অধীনতা স্বীকার করে।

বয়োধর্ম-প্রযুক্ত দুর্বলতা-জন্য বালক যুদ্ধ করিতে ইচ্ছা করেনা, কেননা, শিশু যুদ্ধাযুদ্ধের ফল বিবেচনা করিতে সমর্থ হয়না।—বৃদ্ধ ব্যক্তি প্রায় চিররোগী হয়, একারণ উৎসাহ, সাহস এবং সামর্থ্যশূন্য-জন্য ভয়ে আপনিই পরাজয় হয়।

জাতি এবং জাতির সহিত যুদ্ধ হার বিরোধ, সে ব্যক্তি পরাভবের পদতলেই পতিত রহিয়াছে, সেই সকল জাতি কুটুম্বেরাই প্রতিকূল হইয়া তাহাকে বিনষ্ট করে।

ভীকু ব্যক্তি স্বকীয় স্বভাব-ধর্ম্মে সমরে বিরত হইয়া আপনিই দুর্বল ও পরাজয় হয়। আর ভীকু-সৈন্যের অধিপতি রাজাও সৈন্যের দোষে ঐ প্রকারে অবসন্ন হইয়া থাকেন।

লোভি-রাজা সমীপস্থ সমস্ত সম্পত্তি স্বয়ং সংগ্রহ করেন, এজন্য তাঁহার অনুচর-গণ অত্যন্ত অবাধ্য হইয়া যুদ্ধে অনুরাগ প্রকাশ করেনা, এবং যে রাজার অধীনে লোভশীল-মনুষ্য থাকে সেই লুক্ক-দাস বিপক্ষ-কর্তৃক স্বর্গাদি উৎকোচ গ্রহণ করিয়া অনায়াসেই স্বীয় স্বামিকে সংহার করিতে পারে, অতএব এই দুইজন সহজেই পরাভব হয়।

যে ব্যক্তি স্বভাবত বিরক্ত, তাঁহার সৈন্য সামন্ত কেহই রাজভক্ত ও অনুরক্ত হয়না, অনর্থক বাক-কলহ সহ্য করিতে না পারিয়া সকলে সমর-সময়ে তাঁহাকে পরিত্যাগ পূর্বক প্রস্থান করেন।

বিশেষরূপ বিষয়াসক্ত-ব্যক্তিকে অনায়াসেই অধীনতাপাশে বদ্ধ করা যায়। আর যে রাজা অনবস্থিত অর্থাৎ সমরসমাজে স্বয়ং সমাগত না হইয়েন, মন্ত্রিগণ তাঁহার সহিত মন্ত্রণাদি কোনোরূপ কার্যের সম্বন্ধ-গন্ধ রাখেননা।

যে রাজা এমত বিবেচনা করেন যে, সম্পদ এবং বিপদ, এই উভয়ে কারণ মাত্রই কেবল এক দৈব,

তিনি দৈবপরায়ণ হইয়া দৈবের উপর নির্ভর পূর্বক সমস্ত বিষয়ে চেষ্টাশূন্য হওয়াতে আপনাকে আপনিই বিনষ্ট করেন।

ছুর্ভিক্ষরূপ বিপদাকুল-রাজ্য খাদ্যাদি বহুবিধ বস্তু-বিরহে আপনিই অবসন্ন হইবেন।—আর ব্যসনি-সৈন্য-সমভিব্যাহারি-ভূপতির ব্যুহ-রচনা দি অতি-কর্তব্য-কার্য্য সকল সম্পন্ন হয়না, একারণ তাঁহাকে পরাক্রমের অধীন করিতে অধিক আশ্রয় প্রকাশ করিতে হয়না।

দেবতা ত্রাষ্ণের দ্বৈধধর্ম্ম কর্ম-বিহীন এবং দৈবোপহত ব্যক্তিরা পাপপ্রযুক্ত আপনাই কাতর ও ব্যাকুল হইতে থাকে।

যেমন জল-মধ্যে অতি-বৃহৎ হস্তিকেও ক্ষুদ্র এক কুণ্ডীরে ধৃত করিতে পারে, সেইরূপ স্বদেশবাসী এক দুর্বল রাজ্য অতি অল্প সংখ্যক সৈন্যের সহায়তাক্রমে বিদেশস্থ এক মহাবল মহীপালকে স্বপে-সা-ধ্যেই সংহার করিতে পারেন।

যে রাজার বহু শত্রু, তিনি চতু-দিক হইতেই বিপদজালে আচ্ছন্ন হইতে থাকেন, যেমন শ্যেন-পক্ষির

মধ্যস্থিত কপোতগণ ভীত হইয়া যে পথে গমন করে, সেই পথেই মারা-পড়ে, সেই প্রকার ইনি শত্রু-বড়-জালে আচ্ছন্ন হইয়া সকল দিক হইতেই বিনষ্ট হইবেন।

যে রাজা “অকালযোদ্ধা” তাঁহার পক্ষে কিছুতেই মঙ্গল নাই, যেমন কৈশিক অর্থাৎ কাকভিষবৎ জ্যোৎস্নাময়ী-রজনীর মধ্যভাগে কাক সকল দৃষ্টিদোষে পেচক-কর্তৃক নিহত হয়, সেইরূপ অকালযোদ্ধা রাজ্য কালযোদ্ধা রাজার সহিত যুদ্ধ করিয়া অবিলম্বেই ইহলোক হইতে অবসৃত হইবেন। অপিচ যে রাজা সত্যধর্ম্মচ্যুত, তাহারতো আর কোনো কথাই নাই, সে মনুষ্যই নহে, তাহার সহিত কখনই সন্ধি করিবেনা, কেননা অসত্যপরায়ণ অসচ্চরিত্র ব্যক্তি নিয়তই মিথ্যার মোহে মুগ্ধ, ইহাতে সত্য এবং প্রতিজ্ঞাপাশে বদ্ধ থাকিতে না পারিয়া অতি শীঘ্রই সন্ধির সূত্র সংছেদন করে।

হে ধর্ম্মাবতার! আরো নিবেদন করি, সন্ধি, বিগ্রহ, যান, আসন, সংশ্রয়, এবং দৈবীভাব, এই ছয় প্রকার গুণ কর্ম্মারম্ভের উপায়রূপে নির্ণীত আছে।

যথা।

“সন্ধি” অর্থাৎ পরস্পর বিরোধ না করিয়া মিলন ও একতা পূর্বক প্রণয়-ভাবে অবস্থান।

“বিগ্রহ” অর্থাৎ পরদেশ-দাহ-করণ এবং অত্যাচার পূর্বক লুণ্ঠনা-দি, এবং পরস্পর বিরোধ ও যুদ্ধ।—

“যান” অর্থাৎ বিপক্ষের বিরুদ্ধে যুদ্ধে যাত্রা।

“আসন” অর্থাৎ বিগ্রহাদি বি-দ্রোহিতার নিবৃত্তির অবস্থা। অপিচ আমি এইক্ষণে যুদ্ধ করিতে পারিবনা, ইত্যাদিহলে সেনা এবং দুর্গাদি বৃদ্ধি-করণ।

“সংশ্রয়” অর্থাৎ বলবান শত্রুর শাসনে অক্ষম হইয়া অপর এক ধার্ম্মিক রাজার আশ্রয় গ্রহণ, অথবা সেবা কিম্বা ধনাদি দানদ্বারা পূর্বো-ক্ত বলিষ্ঠ বিপক্ষের আশ্রিত হইয়া অবস্থান-করণ।

“দৈবীভাব” অর্থাৎ একের সহিত সদ্ভাব পূর্বক অপরের সহিত বিবাদ।—

মহারাজ, মন্ত্রণা পাঁচ প্রকার।

যথা।

পুরুষার্থ। দ্রব্যসম্পত্তি। দেশ-

কাল বিবেচনা। বৈরিমর্দনের প্রতী-কার এবং কর্ম্মসিদ্ধি।

“পুরুষার্থ” বীরত্ব প্রকাশ এবং মনোরথ পূর্ণ করণের মন্ত্রণা।

“দ্রব্যসম্পত্তি”—দ্রব্যাদির স-ঞ্চয় করণ।

“দেশ-কাল-বিবেচনা” দেশ-কাল বিবেচনা পূর্বক কার্য্য সাধন।

“বৈরিমর্দনের প্রতীকার” শত্রু শাসনের উপায় নিরূপণ।

“কর্ম্মসিদ্ধি” যাহাতে কর্ম্মসিদ্ধি হয় এমত পরামর্শ।

উপায় চারিপ্রকার।

যথা।

সাম, দান, ভেদ, এবং দণ্ড।—

“সাম” প্রিয়বাক্য এবং আ-শ্রয়তা দ্বারা ক্রোধ নিবারণ পূর্বক শমতা করিয়া প্রণয় স্থাপন।

হে রাজন্! শত্রু ধার্ম্মিক এবং আপনার ন্যায় তুল্য পরাক্রান্ত হই-লেই “সাম” উপায়ের দ্বারা তা-হার সহিত প্রণয় করিতে হইবে, অন্যের সহিত নহে।

“দান” পরস্পর বিরোধের যদি শমতা না হয়, তবে যৎকিঞ্চি-

বস্ত্র-দান দ্বারা বিবাদ-ভঞ্জন।-যে বি-  
পক্ষ অধিক বলশালী অথচ লোভী,  
শুদ্ধ সেই শত্রুর প্রতি “দান” উ-  
পায় অবলম্বন করাই কর্তব্য।

“ভেদ” সুকৌশলে বিপক্ষের  
গৃহবিচ্ছেদ করিয়া দিয়া তৎপক্ষীয়  
ব্যক্তি বিশেষকে স্বপক্ষ করণ। যে  
শত্রু অত্যন্ত বলবান অথচ অলোভী,  
“সুহৃদ্ভেদ” রূপ উপায় দ্বারাই শুদ্ধ  
তাহাকে পরাজয় করা কর্তব্য।

“দণ্ড” যুদ্ধ দ্বারা শত্রু-শাসন।  
যে স্থলে উক্ত তিন প্রকার উপায়  
অসিদ্ধ হয়, সে স্থলে এমত উপায়ে  
সংগ্রাম করা উচিত, যাহাতে বিপক্ষ  
ব্যক্তি বিশিষ্টরূপেই স্তম্ভিত হয়।

হে ভূপ! যে বিপক্ষ রাজা পাপ-  
কারি, চুরাচারি, সর্বভূতের উদ্বেগ-  
কারি অধার্মিক, কেবল সেই ব্যক্তিই  
দণ্ডের যোগ্য, “দণ্ডরূপ” উপায় দ্বারা  
তাহাকেই শাসন করিতে হইবে।

শক্তি তিন প্রকার।

যথা।

উৎসাহশক্তি, মন্ত্রণাশক্তি এবং  
প্রভাবশক্তি।

“উৎসাহশক্তি” আপন উৎ-  
সাহে প্রভুত্ব প্রকাশ।

“মন্ত্রণাশক্তি”—সন্ধি প্রভৃতি  
কার্যে যথা স্থান ও নিয়মাদি  
নির্দেশ।

“প্রভাবশক্তি” কোষ, দণ্ড,  
এবং প্রভুত্বাদি।

বর্গ আট প্রকার।

কৃষক ১। বণিক ২। পথ ৩।  
দুর্গ ৪। সেতু ৫। হস্তি ও অশ্বশালা  
৬। খননযন্ত্র ও অস্ত্রাদি ৭। এক  
শিবির ৮।

ইহার অন্তর্গত তিনবর্গ।

ক্ষয় ১। স্থান ২। বৃদ্ধি ৩।—  
উক্ত অষ্ট বর্গের হানির নাম “ক্ষয়”  
আগতের নাম “বৃদ্ধি” এবং যাহা-  
তে হানি অথবা বৃদ্ধি না হয়, তাহার  
নাম “স্থান”

প্রধান প্রধান মহাত্মা লোকেরা  
এই সমস্ত বিষয়ের পর্যালোচনা  
পূর্বক দ্বেষ হিংসাদি পরিহার করি-  
য়া জীবনের সার্থকতা করেন।

প্রাণদান-রূপ মহামূল্যের বিনি-  
ময়ে যে সমুদয় সুখের সম্পত্তি সঞ্চয়  
করিতে না পারা যায়, সেই সমস্ত

সুখের সামগ্রী নীতিনিপুণ ব্যক্তি  
ব্যতীত গৃহে আপনিই আগমন করি-  
য়া নিয়তই নিশ্চল হইয়া অবস্থান  
করে।

পদ্য।

চিতরূপ বিস্তার, না হয় চঞ্চল।  
অন্তর বাহির সদা, স্তাব্যে সরল।  
দূত যার অতিশয়, সুবিশ্বাসি হয়।  
মন্ত্রণা কাহার গৃহে, গোপনেতে রয়।  
রসনা পবিত্র যার, সদা সুধাময়।  
প্রিয় বিনা, ভ্রম নাহি, কটু কথা কয়।  
সঙ্গীত বসুমতী, সে করে শাসন।  
কিছুতেই, তার আর, না হয় পতন।  
সকলেই বাধ্য হয়, অবাধ্য-বা কেবা।  
সাধ্যমত, সমাদরে, সবে করে সেবা।

হে নরপতে!—যদিহ্যাৎ সেই  
মহামন্ত্রী গৃহে অধুনা সন্ধি সহকারে  
সভাবে সংযতশীল হইয়া প্রণয়-প্রস্তু-  
পনের প্রস্তাব-প্রসঙ্গ প্রকাশ করিয়া  
থাকেন, সে ভালই বটে, ময়ূররাজ  
সেই প্রসঙ্গে কখনই অসম্মত হইবেন-  
না। কেননা তাঁহার মনে এতদ্রূপ  
অহঙ্কার জন্মিয়াছে, যে, আমরা যুদ্ধে  
জয়ী হইয়াছি।—একারণ সন্ধি করা  
সম্মত বটে, এতদ্বারা নৈপুণ্য, বৈচ-  
ক্ষণ্য, কারুণ্য, এবং সৌজন্য জন্য  
সর্বত্র মান্য হইয়া অগণ্য ধন্যধনি

লাভ করা যাইবেক।—একণ্ঠে এত-  
দ্রূপ অবস্থায় সহসা সন্ধি-করা আ-  
মার বিবেচনায় কর্তব্য হয়না।  
কেননা তাহা হইলে লোকে আমার-  
দিগে ভীত এবং দুর্বল কহিবে,  
অতএব সর্বসিদ্ধিদাতা জগদীশ্বরকে  
স্মরণ পূর্বক আমি এক বিশেষ সঙ্ক-  
পায় দ্বারা অগ্রেই শত্রু পক্ষের সর্ব  
গর্ব খর্ব করি, পশ্চাতে তখন প্রণ-  
য়ের প্রসঙ্গ বিবেচনা করা যাইবেক।

রাজহংস অতিশয় ব্যস্ত হইয়া  
কহিতেছেন।

হে মহাশয়! সে কিরূপ উপা-  
য়? বলুন বলুন, শুনিবার জন্য আ-  
মার চিত্ত অত্যন্তই চঞ্চল হইয়াছে।

চক্রবাক কহিলেন।

ত্রুদদেশে “মহাবল” নামে  
সারস রাজা আছেন, তিনি আমার-  
দিগের পরম-হিতাভিলাষি—বন্ধু,  
ঐ মহাবল মহাবল, অর্থে সামর্থ্যে  
সর্ব বিষয়েই প্রধান।—সম্প্রতি ক্ষণ-  
কাল বিলম্ব মাত্র না করিয়া তাঁহার  
নিকট পত্র লিখিয়া “গুণ্ডচর”  
রণ করা যাউক।—এই পত্র  
পাঠ করিবা-মাত্রই তিনি সসজ্জা

সমৈন্যে সমাগত হইয়া দেবীদ্বীপ  
আক্রমণ পূর্বক ময়ূর রাজার রাজ্যে  
আঘাত করিবেন, সেই বিষয়মাঘাতে  
বিপক্ষেরা ব্যতিব্যস্ত হইয়া মাথার  
ঘায়ে ছট্ ফট্ করিবে; ব্যাকুল ও  
ব্যথিত হইয়া আপনারাই মেল করি-  
বার পথ পাইবেনা, বিনত হইয়াই  
ভয়ে ভয়ে আসিয়া প্রণয়বদ্ধ করিবে,  
আর যদিহাৎ দুর্বুদ্ধিবশত সন্ধি  
না করিয়াই পুনর্ব্বার অস্ত্র ধরিয়া সং-  
গ্রাম করণে উত্তত হয়, তবে আমরা  
তুই পক্ষ তুই দিগ্ হইতে পরাক্রম  
প্রকাশ পূর্বক ছিন্ন ভিন্ন করিয়া  
উচ্ছিন্ন দিব।—সারসরাজ সম্পূর্ণ হ-  
ইতে সংহার করিতে থাকিবেন,  
আর আমরা পশ্চাৎ পশ্চাৎ ধাবিত  
হইয়া যমদণ্ড প্রহারে খণ্ড খণ্ড ক-  
রিয়া লণ্ডভণ্ড করিয়া দিব।

হংসরাজ কহিলেন।

ও মহাশয়! আর বিলম্ব করি-  
বেননা, আর বিলম্ব করিবেননা; এখ-  
নিই পত্র লিখিয়া বিশ্বাসি এক দূতকে  
প্রেরণ করুন।

গাহার পর চক্রবাক-মন্ত্রী “বি-  
শ্বাসি” নামক বিশ্বাসি-দূত বকের  
দ্বারা “সুগুণ্ড লিপি” প্রদান পূর্বক

সারস-সত্রাটের নিকট ব্রহ্মদেশে  
প্রেরণ করিলেন।

অনন্তর হংসরাজের চর আসিয়া  
কহিল।

হে দেব! বিপক্ষ বর্গের  
বৃত্তান্ত শুনুন।

সেখানে গৃধুমন্ত্রি এইরূপ কহিয়া-  
ছেন। “হে রাজন! মেঘাকার বহু-  
দিন-পর্যন্ত হংসরাজের অধীনে বাস  
করিয়াছে, অতএব তাহাকে ডাকিয়া  
জিজ্ঞাসা করুন, সেই রাজা কিরূপ  
মহৎ ও কিরূপ গুণশালী?”

ময়ূররাজ কাককে ডাকিয়া জিজ্ঞা-  
সা করিলেন। ওহে কাক! রাজহংস  
কেমন রাজা?—এবং সেই চক্রবাক  
মন্ত্রিইবা কেমন মন্ত্রী?

কাক কহিল।

হে প্রভো!—রাজা রাজহংস  
যুধিষ্ঠির তুল্য মহাশয় ব্যক্তি, এবং  
চক্রবাকের ন্যায় সর্বগুণজ্ঞ অমাত্যও  
কুত্রাপি দৃষ্ট হয়না।

ময়ূর কহিলেন।

যে স্থলে একরূপ ব্যাপার, সে  
স্থলে তুমি কি প্রকারে তাহারদিগে  
বঞ্চনা করিলে?

কাক হাস্য করিয়া কহিল।

পদ্ম।

করণ প্রকাশ করি, যে দেয় আশ্রয়।  
বিশ্বাস করিয়া যেই, কোলে টেনে লয় ॥  
তাহারে বঞ্চনা করা, সহজেই হয়।  
পুরুষার্থ নয়, এতো, পুরুষার্থ নয় ॥  
সুজন, আশ্রয় যারে, দেয় একবার।  
দেখে যদি শত শত, মন্দরীতি তার ॥  
সমুদয় সহ্য করে, ভিতরে ভিতরে।  
তবু তারে কোনোমতে, নষ্ট নাহি করে ॥  
আমাকে দেখিবা মাত্র, সেই চক্রবাক।  
হংসরাজে কহিলেন, দুই এই কাক ॥  
আসিয়াছে “গুণ্ডচর, ময়ূরের দাস।  
কোরোনা বিশ্বাস, এরে, কোরোনা বিশ্বাস ॥  
রাজা অতি মহাশয়, না শুনে সে কথা।  
গড়ে নিয়ে রাখিলেন, নিজ-বাস যথা ॥  
বিশ্বাসেতে প্রবঞ্চনা, এরূপ প্রকারে।  
আমি বোলে, শুধু নয়, সকলেই পারে ॥

হে ধরনীশ্বর! যে সাধু ব্যক্তি  
খলকে আপনার ন্যায় সত্যবাদী  
বলিয়া বিশ্বাস করেন, তিনি সেই প্র-  
কারে বঞ্চিত হইবেন, যেমন এক সত্য-  
ভাষি ব্রাহ্মণনন্দন একটা ছাগের  
জন্য তিন জন প্রতারক ধৃতক-ধৃতক  
প্রতারিত হইয়াছিলেন।

শিখীরাজ কহিলেন, সে কিরূপ?

কাক কহিতেছে।

পদ্ম।

বর্দ্ধমানে, কোনো এক, ব্রাহ্মণনন্দন।

গঙ্গলার মন্দিরেতে, বলির কারণ ॥  
কোমোর বাঁধিয়া দ্বিজ, দ্রুতগতি ধোরে।  
যান এক, মিশ্কালা ছাগ ঘাড়ে কোরে ॥  
তিনজন দুই তাহা, করি দরশন।  
পরস্পর বন্ধাবলি, করিছে এমন ॥  
ফাকি দিয়ে, খেতে যদি, পারি, এ, ছাগল।  
বুদ্ধির কৌশল, তবে, বুদ্ধির কৌশল ॥  
তিনজন, যুক্তি করি, এইরূপ ছলে।  
বসিয়া রহিল গিয়া, তিন তরুতলে ॥  
প্রথম গাছের কাছে, আইলে ব্রাহ্মণ।  
হাসিয়া কহিল ডেকে, ধৃত একজন ॥  
একি একি, খেপেছেন, বামুণ ঠাকুর।  
ছিছি, ছিছি, বামুণের, ঘাড়েতে কুকুর ॥  
দ্বিজ কন, মর ব্যাটা, ব্যালীক পাগল।  
কুকুর কোথায়, এ, যে, দেবীর ছাগল ॥  
দ্বিতীয় তরুর তলে, করিলে গমন।  
দ্বিতীয় বঞ্চক হেসে, কহিছে বচন ॥  
হ্যাঁদে দেখ, হ্যাঁদে দেখ, সকলে আসিয়া।  
যান দ্বিজ, কঁাদে কোরে, কুকুর লইয়া ॥  
এমন অজ্ঞান, হোয়ে, ব্রাহ্মণ-সন্তান।  
যদ্যপি কামড় মারে, হারাবে প্রাণ ॥  
যে কুকুর ছুঁলে, মুচি, মূনি গিয়ে করে।  
তাই দেখি, ঠাকুরের, মাথার উপরে ॥  
সে কথায় ভূমিতলে, ছাগ নামাইল।  
বারবার ভালকোরে, দেখিতে লাগিল ॥  
শুনি নয়, ছাগল, এ জানিয়া নিশ্চয়।  
ঘাড়ে কোরে নিয়েগেল, ব্রাহ্মণতনয় ॥  
তৃতীয় তরুর তলে, গেলেন যখন।  
তৃতীয় বঞ্চক তাঁরে, কহিল তখন ॥  
শুন শুন, শুন ওহে, ঠাকুর, ঠাকুর।  
তোমার মাথায় ওটা, কুকুর, কুকুর ॥

বারবার তিনবারে, হইয়া পাগল ।  
মান করি গেল দ্বিজ, ফেলিয়া ছাগল ॥  
বঞ্চকেরা সেই পাঁটা, করিয়া রক্ষন ।  
অনায়াসে রজনীতে, করিল ভোজন ॥  
ভাই বলি, সত্যবাদি, সাধু, পুণ্যবান ।  
খলোরে ভাবিয়া সাধু, আপন সমান ॥  
অরুপট-ভাব ধরি, করেন প্রণয় ।  
সে প্রণয়ে শেষে তাঁর, সর্বনাশ হয় ॥

হে নরেশ্বর !—মনুষ্য যত বুদ্ধি-  
বান হউন, কিন্তু শঠের শঠতা-জালে  
আচ্ছন্ন হইয়া তাঁহার চিত্তে চাপল্য  
জন্মেই জন্মে।—ইহার নিদর্শন  
“হর” নামক এক হরিণ, শঠ-মিত্র  
শার্দূল, শূগাল, এবং বায়সের বঞ্চনা-  
বাক্যে বিশ্বাস করিয়া শমনের সহিত  
সাক্ষাৎ করিয়াছিল ।

শিখী কহিলেন, সে কিরূপ ?

কাক কহিতেছে ।

পদ্য ।

পশুপতিপর্ষতে, পারীন্দ্র-পশুপতি ।  
সুখীর, স্রজন, সাধু, অতি মহামতি ॥  
“সিংহাসন” সিংহাসন, তাহে স্রুখে বাস ।  
শার্দূল, শূগাল, কাক, এই তিন দাস ॥  
ভালরূপে খায়, পরে, রাজার প্রসাদে ।  
তিন অল্পচরে তারা, থাকে অবিবাদে ॥  
র প্রচ্ছন্ন পেয়ে, প্রভাব ধরিয়া ।  
ইল প্রতাপে ফেরে, প্রধান হইয়া ॥  
ধর্মিকের কাছাকাচে, রাজ-সমিধানে ।

এদিগেতে, পীড়া দেয়, প্রজাদের প্রাণে ॥  
রাজার ভয়েতে কেহ, ফুটে নাহি কয় ।  
হাটে ঘাটে, ছুটে ছুটে, লুটেপুটে লয় ॥  
একদিন তিনজন, ভ্রমিতে ভ্রমিতে ।  
“হর” নামে হরিণের, পাইল দেখিতে ॥  
মিষ্টভাষে, তুষ্ট করি, কুরঙ্গের মন ।  
রাজার নিকট গিয়া, করিল অর্পণ ॥  
মৃগপতি মৃগেরে, অভয় করি দান ।  
প্রণয়ে পালন করে, প্রাণের সমান ॥  
একদিন, দৈবধীন, বরষা সময় ।  
অবিশ্রাম পড়ে জল, বিশ্রাম, না, হয় ॥  
একে বৃষ্টি, তাহে ঝড়, প্রলয় লক্ষণ ।  
সমুদয় জলময়, বনে ভাসে বন ॥  
ঘরেতে কাপড় গায়, শীত শীত করে ।  
বাহির হইলে পরে, কেঁপে সবে মরে ॥  
সে দিন হুর্দ্দিন হেতু, না হয় শিকার ।  
আহরণ হইলনা, রাজার আহার ॥  
বিষম ব্যাকুল শেষ, হইয়া অস্থির ।  
চুপি চুপি, কাক এই, যুক্তি করে স্থির ॥  
জিজ্ঞাসে এই হরিণেরে, সংহার করিয়া ।  
প্রসাদ পাইব স্রুখে, রাজভোগ দিয়া ॥  
ভুগ খায়, পাতা খায়, মুছ, এই জন ।  
আমাদের মৃগ নিয়া, কিবা প্রয়োজন ? ॥  
ব্যস্ত বলে, কেমনে, এ, সম্ভাবনা হয় ? ॥  
বধিবার নয়, এতো, বধিবার নয় ॥  
রাজা যারে, করেছেন, অভয় প্রদান ।  
কিরূপে আগরা তার, বিনাশিব প্রাণ ? ॥  
কাক কয়, অতি ক্ষুধাতুর, পশুপতি ।  
এসময়ে পাপ-কর্মে, করিবেন মতি ॥  
ক্ষুধার সময় ভাই, ক্ষুধার সময় ।  
আহারের দ্রব্য যদি, নিকটে না রয় ॥

সে সময়ে কারো নাহি, থাকে ধর্ম-ভয় ।  
সকল করিতে পারে, হইয়া নিদয় ॥  
প্রাণ যায়, যায়, ভাই, নাপেয়ে আহার ।  
কেমনে থাকিবে আর, ধর্মের বিচার ? ॥  
জঠরের যাতনায়, জ্বলাতন যাত্রা ।  
নিজ নিজ দারা, স্রুত, ত্যাগ করে তারা ॥  
দেখনা ক্ষুধার কালে, সাপিনী যেমন ।  
আপনার অণু করে, আপনি ভোজন ॥  
ক্ষুধিতে, কি, দ্রব্যভেদ, পাত্ৰভেদ করে ? ॥  
ক্ষুধার চোটেতে, দাঁতে, পাটকেল ধরে ॥  
যেজন যদিরা পানে, মত্ত হোয়ে রয় ।  
সে সময়ে কোথা তার, থাকে ধর্ম ভয় ? ॥  
যেজন প্রমত্ত হয়, তত্ত্ব কোথা তার ? ॥  
সেপারে করিতে সব, ইচ্ছা যে প্রকার ॥  
যেজন পাগল হয়, সকল, সে, করে ।  
তার আর, দোষ, গুণ, কেহ নাহি ধরে ॥  
প্রাণজন ভ্রান্ত সদা, ধর্মশীল নয় ।  
লোভি, ভীকু, রুচ-জন, সেইরূপ হয় ॥  
এখনি না হোলে নয়, এখনিই চাই ।  
এমন যে জন, তার, ধর্মবোধ নাই ॥  
বাচস্পতি সম, লোকে, বিজ্ঞ বলে থাকে ।  
কামাতুর হোলে তার, ধর্ম নাহি থাকে ॥  
সেইরূপ ক্ষুধানলে, পোড়ে যেই জন ।  
কি প্রকারে, ধর্মপথে, থাকে তার মন ? ॥  
বিচারেতে এইরূপ, করি নিরূপণ ।  
সিংহের নিকটে সবে, করিল গমন ॥  
পারীন্দ্র তাদের দেখে, কহে প্রিয়স্বরে ।  
করেছ উপায় কিছু, আহারের তরে ? ॥  
শুনিয়া রাজার কথা, কহিল সবাই ।  
প্রাণপণে যত্ন কোরে, কিছু পাই নাই ॥  
“পঞ্চানন” সে কথায় বলেন তখন ।

কেমনে হইবে আজ, জীবন ধারণ ? ॥  
কাক কহে “মহাবীর”, কি কহিব আর ।  
আপনার অধীনেই, রয়েছে আহার ॥  
যেতে আর হইবেনা, দূর দূরান্তরে ।  
এখনিই বলি দিই, আত্মা হোলে পরে ॥  
“বলী” বলে, “বলি” যদি, নিকটেই থাকে ।  
এতক্ষণ খেতে কেন, দেওনি আমাকে ? ॥  
কাক গিয়ে, চুপি চুপি, কাণে কাণে কয় ।  
এইতো রয়েছে মৃগ, দেখ মহাশয় ॥  
বলে হরি, হরি হরি, রাম রাম, শিব ।  
দুইকাণে হাত দিয়া, দাঁতে কাটে জিব ॥  
পৃথিবীতে দান আছে, যে সব প্রকার ।  
অভয় দানের চেয়ে, দান, নাই আর ॥  
ভূমি, গাভী, স্বর্ণ-দান, আর অন্ন-দান ।  
এই দান, মহাদান, সবার প্রধান ॥  
যত কিছু দান বল, দান মাত্র কয় ।  
মহাদান নয়, সেতো, মহাদান নয় ॥  
সব আশা পূর্ণ হয়, অশ্বমেধ যাগে ।  
তার ফল, কখনো, না, লাগে এর আগে ॥  
যেজন শরণ লয়, রক্ষা কর তারে ।  
তার চেয়ে ধর্ম আর, হইতে কি পারে ? ॥  
কাক কয়, আপনার, আশ্রিত যে দাস ।  
করিবেনা, তারে ভূমি, আপনি বিনাশ ॥  
করি তবে এ প্রকার, কৌশল এখন ।  
যেচে এসে দেয় যাতে, আপন জীবন ॥  
সে কথা শুনিয়া “শুনী” রহিল নীরবে ।  
বায়স বঞ্চনা করি, নিয়ে এলো সবে ॥  
প্রথমেতে নষ্ট কাক, কহে তার কাছে ।  
মরি মরি, অনাহারে, মুখ শুখায়াছে ॥  
এখনিই, এত ক্লেশ, সন্ধ্যা এই সবে ।  
না জানি, নিশিতে আরো, কত কষ্ট হবে ॥

অতএব কোরে আজ্, আমায় ভোজন ।  
বাঁচান্ বাঁচান্, প্রভু রাখুন জীবন ॥  
আপনি পাইলে রক্ষা, রক্ষা পায় সুব ।  
নতুবা বুথায় এই, বিষয় বিভব ॥  
স্বামী হন, পাত্র আদি, সকলের মূল ।  
কিছু নাই তুল, তায়, কিছু নাই তুল ॥  
স্বভাবত যেই তরু, ফুল-ফলময় ।  
বিশেষ যতনে তারে, বাঁচাতেই হয় ॥  
মরি মরি, অনাহারে, “মহানাদ” কয় ।  
এমন প্রবৃত্তি যেন, কারো নাহি হয় ॥  
“শ্যাল, বলে, আমারেই, করুন ভোজন ।  
“কেশী” কয়, ছিছি, ছিছি, বোলোনা এমন ॥  
“বাঘ” বলে কর তবে, আমায় আহা ।  
অনায়াসে পূর্ণ হবে, উদর তোমার ॥  
“হরি” বলে হইয়াছে, ক্ষুধার নিবৃত্তি ।  
কেন সবে দেহ আজ্, এমন প্রবৃত্তি ? ॥  
মনের বিশ্বাসে মৃগ, কহিল সেরূপ ।  
আমায় ভক্ষণ আজ্, কর তবে ভূপ ॥  
বাঘ শুনে হরিণের, এরূপ বচন ।  
অমনি করিল তার, বক্ষ-বিদারণ ॥  
অতএব মহারাজ, প্রণাম আমার ।  
শঠের অসাধ্য কোনো, কর্ম নাই আর ॥  
খল-জনে, আশ্রয় সম, বিশ্বাস যে করে ।  
অবশেষ অকালেতে, এইরূপে মরে ॥

ময়ূরমহীশ্বর কহিলেন ।

ওহে মেঘাকার ! তুমি এতদিন  
কি প্রকারে সেই বিপক্ষদিগের মধ্যে  
রিয়াছিলে, ? এবং কি প্রকা-  
কপট-ভক্তি-দ্বারা তাহাদিগো  
করিতে ? ।

মেঘাকার কহিল ।

হে নাথ ! প্রভুর এবং আপনার  
কার্য উদ্ধারের নিমিত্ত লোকে সক-  
লি করিতে পারে । দেখুন, যে কাষ্ঠ  
জাল দিয়া অন্ন ব্যঞ্জনাদি পাক করি-  
তে হয়, সেই কাষ্ঠকে অগ্নেই মাথায়  
করিয়া বহন করা যাইতেছে । আর  
দেখুন, নদীকূল তরুমূলকে ক্ষালন  
করিয়া উৎপাটন করে । পণ্ডিতেরা  
একপ কহেন, যে, সুবোধ জনেরা  
কার্য-সাধনের জন্য শত্রুকে মন্তকে  
তুলিয়া বহন করিবেন, ইহার দৃষ্টান্ত  
এক প্রাচীন-সর্প এবং বিশ্বাসপ্রাপ্ত  
মণ্ডুকগণ ।

ময়ূর কহিলেন সে কিপ্রকার ? ।

কাক কহিতেছে, তবে শ্রবণ করুন ।

ত্রিপদী ।

উচিয়ায় বালেশ্বরে, সাপ্ এক বাস করে,  
হয়েছে, সে বৃদ্ধ অতিশয় ।  
নাহিপারে চোরেখেতে, নাহিপারে সোরেখেতে,  
পুকুরের পাড়ে পোড়ে রয় ॥  
কহে দেখে, এক হরি, \*আহারের চেন্টা হরি,  
কেন হরি হয়েছ এমন ? ।  
রাগ ছেড়ে, নাগ কয়, আর তুমি মহাশয়,  
কি সুপাও আনায় এখন ? ॥

\* হরি । — ভেক ।

হরি । সর্প ।

পদ্য ।

কপাল ভাঙিলে পরে, কেবা আর রক্ষা করে,  
কিছুতেই বাঁচেনা জীবন ।  
করিয়াছি ঘোর পাপ, কর্মফলে ভুগি তাপ,  
বলিবার নাহি প্রয়োজন ॥  
মণ্ডুক কহিছে ফিরে, মহাশয় মাথার কিরে,  
নিতান্ত শুনিতে আমি চাই ।  
কেন হোলে এপ্রকার, গোপন রেখনা আর,  
বল বল, না ভাই, না ভাই ॥  
কণি কয়, শুন “ভেক” “সাপুসঙ্গ” গ্রামে এক,  
শুদ্ধ সাধু কুলীন ব্রাহ্মণ ।  
একমাত্র পুত্র তাঁর, বিতীয় নাহিক আর,  
সুকুমার, সর্ব-স্বলক্ষণ ॥  
সেই গ্রামে আমি গিয়া, খলধর্ম প্রকাশিয়া,  
সেই সূত্রে করেছি দংশন ।  
বিষের জ্বালায় জ্বরে, হটফট কোরে কোরে,  
গেল মোরে ব্রাহ্মণ নন্দন ॥  
সুতশোকে বিপ্রগণি, করি হাহাকার-ধ্বনি,  
মূর্ত্তাপত পড়ে ধরাতলে ।  
চেতন করিলে তায়, মুখে মাত্র হায় হায়,  
ভেসে যায় নয়নের জলে ॥  
গ্রামবাসি লোক যত, আগ্নায় কুটুম্ব কত,  
আসিয়া হইল উপনীত ।  
বালকেরে মনে করে, সকলেই কেঁদে মরে,  
পরস্পরে সবাই তাপিত ॥  
উৎসবে, বিপদে, রণে, উপদ্রব-বিঘটনে,  
দুর্ভিক্ষে, শ্মশানে, রাজদ্বারে ।  
যেজন সমান রয়, সুখে, দুখে, অংশ লয়,  
প্রাণাধিক মিত্র বলি তারে ॥  
এইরূপ জনে জনে, অতিশয় ক্ষুব্ধমনে,  
মিত্রবৎ করে ব্যবহার ।  
কেহ কয় স্থির হও, তুমিতে অবোধ নও,  
কেঁদোনা কেঁদোনা, ভাই আর ॥

“কপিল” নামেতে এক, জ্ঞানি বিপ্রবর ।  
সুপণ্ডিত, অমায়িক, নাহি যার পর ॥  
কহিলেন, পুত্রহীনে, প্রবোধ-বচন ।  
শোকাকুল হোয়ে কেন, করিছ রোদন ? ॥  
শোকে তাপে, দুঃখ পায়, মূর্খ যেই জন ।  
তুমি কেন মুগ্ধ হও, পুত্রের কারণ ? ॥  
সকলি অনিত্য, মিছে, মায়াব ব্যাপার ।  
অনিত্যসংসার, এই, অনিত্যসংসার ॥  
মিছে এই ধন জন, মিছে পরিবার ।  
কেবা কার পিতা, মাতা, পুত্র কেবা কার ? ॥  
যখন ভূমিষ্ঠ হয়, প্রথমে তনয় ।  
“অনিত্য” আসিয়া আগে, কোলে করি লয় ॥  
তার পরে, কোলে কোরে, লয় তারে খাই ।  
অবশেষে খায় শিশু, জননীর মাই ॥  
যদ্যপি এমন, ভাই, যদ্যপি এমন ।  
মিছে কেন হাহাকার, কর অকারণ ? ॥  
তুমি কেবা যদি তাহা, না হয় নিশ্চয় ।  
তোমার ত-নয়, তবে, তোমার তনয় ॥  
ধন, জন, সেনা, মন্ত্রী, যান শত শত ।  
সমাগরা পৃথিবীর, অধিপতি যত ॥  
কোথায় গেলেন তাঁরা, চির নাহি আর ।  
কেবল পৃথিবী একী, সাক্ষী আছে তার ॥  
জন্মিলেই, মৃত্যু আছে, সংশয় কি তার ।  
সম্পদ কেবল হয়, বিপদের দ্বার ॥  
হোলে ধন, উপার্জন, ব্যয়ে পায় ক্ষয়,  
এ জগতে, কোনো কিছু, চিরস্থায়ী নয় ॥

যতই নিকট হয়, মরণের দিন।  
 ততই ক্রমেতে দেহ, হোতে থাকে ক্ষীণ ॥  
 কাঁচাকলসির মাঝে, সলিল যেমন।  
 সেইরূপ দেহঘটে, জীবন-জীবন ॥  
 তিতরেতে ক্ষয় পায়, কিরূপ প্রকারে।  
 কে বলিতে পারে, তাই, কে বলিতে পারে ?।  
 যে সকল পশু থাকে, বলির কারণ।  
 নিকট যেমন হয়, তাদের ছেদন ॥  
 পদে পদে, অবিকল, সেরূপ প্রকার।  
 শমনের পদ হয়, নিকট সবার ॥  
 জীবন, যৌবন, রূপ, মিত্রের প্রণয়।  
 ধন আদি যত কিছু, চিরধন নয় ॥  
 সংসারের এই সব, হোয়ে অবগত।  
 আকুল না হন কভু, জ্ঞানবান যত ॥  
 সিদ্ধ-জলে দুই কাষ্ঠ, পড়িলে যেমন।  
 নানা দেশে গতি করে, করিয়া মিলন ॥  
 প্রাণিদের সমাগম, সেরূপ প্রকার।  
 এই দেখি, যোগাযোগ, পরে নাই আর ॥  
 তরুতলে, পথিকের, ছায়াভোগ যথা।  
 আমাদের বার বার, যাতায়াত তথা ॥  
 পঞ্চভূতে জড়ীভূত, এই দেহ হয়।  
 পুনরায় সেই ভূত, ভূতে পায় লয় ॥  
 বিদ্যা আছে, কুদ্বি আছে, যে হয় পণ্ডিত।  
 করেনা বিশেষ প্রেম, পশুর সহিত ॥  
 সকল অনিত্য, মনে, করিয়া নির্ণয়।  
 ন দেহের স্নেহে, মোহিত না হয় ॥  
 কার জন্ম আর, মৃত্যু পরিচ্ছেদ।  
 প্রকার, পুত্র, মিত্র, প্রণয়, বিচ্ছেদ ॥

প্রাণিনি সহ প্রেম, আশু সুখকর।  
 পরিণামে হয় তায়, কষ্ট বহুতর ॥  
 করিলে কুপখ্য-সেবা, খেতে খেতে সুখ।  
 নাহি হয় পরিপাক, শেষে কত দুখ ॥  
 যেমন নদীর স্রোত, তাঁটিপথে যায়।  
 প্রবাহিত হোয়ে নাহি, আসে পুনরায় ॥  
 হরণ করিয়া যত, জীবের জীবন।  
 সেইরূপ দিবা নিশি, করিছে গমন ॥  
 যে যায়, সে যায়, আর, ফিরে নাহি আসে।  
 তখাচ মোহিত লোক, কালের আশ্বাসে ॥  
 সাধুসঙ্গ, যার চেয়ে, সুখ নাহি আর।  
 পরিশেষ হয় তাহা, দুখের আধার ॥  
 যখন মিলন হয়, তখনই সুখ।  
 বিচ্ছেদ হইলে শেষ, ঘোরতর দুখ ॥  
 লোকে তাই “সাধুসঙ্গ”, নাহি করে আশ।  
 বিচ্ছেদের অসি যার, মন করে নাশ ॥  
 সৃজনের বিচ্ছেদে, যে, পীড়া হয় তাই ॥  
 তাহার ঔষধ আর, ত্রিভুবনে নাই ॥  
 “সিগর” প্রভৃতি রাজা, হইয়া প্রধান।  
 করেছেন কতরূপ, ক্রিয়ার বিধান ॥  
 সে সকল ক্রিয়া নাই, কেহ নাই তাঁর।  
 চিরকাল এইরূপ, সংসারের ধারা ॥  
 বরষার বারি পেয়ে, শরীরে যেমন।  
 শিথিল হইয়া যায়, চর্ম্মের বন্ধন ॥  
 যমেরে স্মরণ করি, মনে পেয়ে জ্ঞান।  
 শিথিল হতেছে ক্রমে, সকল প্রয়াস ॥  
 প্রথমে জঠরজ্বালা, ভুগিয়া বিশেষ।  
 প্রতিদিন, মৃত্যু সম, দুঃখভোগ শেষ ॥

অতএব শাস্ত হও, প্রবোধ ধরিয়া।  
 সংসারেতে শোক করা, অজ্ঞানের ক্রিয়া ॥  
 বিয়োগেতে, এত কেন, হোলে অচেতন ?।  
 অজ্ঞানতা শুধু হয়, শোকের কারণ ॥  
 প্রথমেতে যত হয়, শোকের উদয়।  
 পুরাতন, হোলে কিছু, তত নাহি রয় ॥  
 যতই প্রবোধে হয়, ধীরতা-সঞ্চার।  
 ক্রমেতে ততই হয়, শোকের সংহার ॥  
 হাহাকার, করা আর, না হয় বিধান।  
 এখন আপনি কর; আপন-সম্মান ॥  
 না করিবে যত তুমি; শোকের চালনা।  
 ততই বিনাশ হবে, মনের যাতনা ॥  
 কপিলের মুখে শুনি, এ সব বচন।  
 শ্রীমৎ পেয়ে উঠিলেন, তাপিত ব্রাহ্মণ ॥  
 তখন দেহের ভাব, হইল এমন।  
 নিদ্রা হোতে, যেন এই, পেলেন চেতন ॥  
 ব্রাহ্মণ উঠিয়া কন, দাদা মহাশয়।  
 তোমার বচনে হোলো, বোধের উদয় ॥  
 সংসার-নরকভোগে, নাহি প্রয়োজন।  
 অল্পমতি কর, করি, অরণ্যে গমন ॥  
 কপিল কহেন তাই, রাগি যেই হয়।  
 বনবাস করা তার, বিধি কভু নয় ॥  
 স্বরে বোসে কর তুমি, ইন্দ্রিয় সংহার।  
 তার চেয়ে উপম্যার, কৰ্ম নাহি আর ॥  
 করিয়া পবিত্র ক্রিয়া, বিরাগী যে জন।  
 আপন ভবন তার, হয় তপোবন ॥  
 কি ফল বিফল, তব, কাননে গমন ?।  
 কোনোকপ ভেক ধোরে, নাহি প্রয়োজন ॥  
 রক্তবাস পরিলে কি, পুণ্যশীল হয় ?।  
 পরিচ্ছদ পুণ্যের, আধার নয় নয় ॥

সর্বজীবে সমভাব, করিয়া ধারণ।  
 মনের সুখেতে কর, ধর্ম্ম-আচরণ ॥  
 শরীর ধারণ-হেতু, আহার বাহার।  
 সন্তানের হেতু মাত্র, দারী-পরিবার ॥  
 সন্তোর কারণে শুধু, বাক্য ব্যবহার।  
 সদাকাল সুখী সেই, বিপদ কি তার ? ॥  
 আত্মা-নদী, তীর্থ তায়, ইন্দ্রিয়-দমন।  
 সত্য-জল, শীল-ভট, সদা সুশোভন ॥  
 করুণা-তরঙ্গ সদা, খেলিছে লহরী।  
 শুদ্ধ হও, এই জলে, নিমজ্জন করি ॥  
 রহিবেনা কোনো জ্বালা, এই ধরাতলে।  
 মন কি শীতল হয়, অন্য কোনো জলে ? ॥  
 জন্ম, জরা, মৃত্যু, ভয়, রোগ, শোক, তাপ।  
 সংসারেতে, এই সব, ঘোরতর পাপ ॥  
 ব্যথিত না হয় যেই, এ সব ব্যাপারে।  
 সাধু সাধু, সাধু সেই, সুখী বলি তারে ॥  
 সংসারের যাতনায়, যে নয় কাতর।  
 তারে বলি সাধু সাধু, সাধু সেই নর ॥  
 বৃথায় সম্মাস তব, বৃথা বনবাস।  
 তাই তুমি সাধু সঙ্গে, সুখে কর বাস ॥  
 যদ্যপি নিতান্ত হয়, মনেতে বিকার।  
 কেবল ভাষ্যার সহ, করিবে বিহার ॥  
 ব্রাহ্মণ তখন ভুলে, সন্তান-সন্তাপ।  
 ক্রোধভরে, আমারে, দিলেন এই সাঁপ ॥  
 অদ্যাবধি বিষহীন, হইয়া এখন।  
 মণ্ডুক নাথায় কক্তি, করহ জয়ন ॥  
 আর তাই, বিষ নাই, নাই সেই দিন।  
 একেবারে হইলাম, ভেকের অধীন ॥  
 ব্রাহ্মণের বাক্য কভু, লজ্জাবার নয়।  
 তাই এসে তোমাদের, লয়েছি আশ্রয় ॥

আমার মস্তকে সবে, করি আরোহণ।  
 যেখানে সেখানে ইচ্ছা, করহ গমন ॥  
 সে, তেক, বিশ্বাস করি, বচনে তাহার।  
 ছুটে গিয়া তেকরাজে, দিলে সমাচার ॥  
 তেকরাজ বলে এসে, প্রফুল্ল হইয়া।  
 আমার বহন কর, মস্তকে তুলিয়া ॥  
 তখনি ভুজঙ্গ তারে, মাথায় তুলিয়া।  
 ভ্রমিল নগরনয়, নাতিয়া নাতিয়া ॥  
 সাপের মাথায় পদ, নহে, যা, হবার।  
 মণ্ডকের আল্লাদের, সীমা নাই আর ॥  
 পরদিন সেই খল, ছল প্রকাশিয়া।  
 বাক্য নাই, পোড়ে আছে, অচল হইয়া ॥  
 ব্যঙ্গরাজ দেখে তারে, কহিছে তখন।  
 কেন ভাই আজ তুমি, হয়েছ এমন? ॥  
 মর্পকয়, আর প্রভু, মরি মনোহর ॥  
 অনাহারে প্রাণ যায়, বাক্য নাই মুখে ॥  
 রাজা কন, হোয়ে মম, আজ্ঞার অধীন।  
 এক এক, তেক খাও, এক এক দিন ॥  
 রাজ-আজ্ঞা পেয়ে নাগ, তাগ্ কোরে কোরে।  
 যত পায়, তত খায়, ব্যাঙ ধোরে ধোরে ॥  
 এইরূপে যত ব্যাঙ, হইলে নিধন।  
 তেকরাজে ধোরে পরে, করিল ভক্ষণ ॥  
 অতএব মহারাজ, বলি আমি তাই।  
 খলের অসাধ্য আর, কোনো কর্ম নাই ॥  
 শঠের কুহকে পোড়ে, না হয় তাপিত।  
 কোথাও কি আছে হেন, ছতুর পণ্ডিত? ॥  
 আপনার কার্য হেতু, সব করা যায়।  
 ক্ষ নাচাতে হয়, তুলিয়া মাথায় ॥

মহারাজ! আর অধিক গম্প-  
 নর প্রয়োজন করেনা, এইক্ষণে

রাজকার্যের পর্যালোচনা করাই  
 কর্তব্য হইতেছে।—হংসরাজ সর্ব-  
 প্রকারেই প্রণাম, অতএব এতদ্রূপ  
 মহাত্মা-মনুষ্যের সহিত সন্ধি করাই  
 উচিত।

ময়ূররাজ কহিতেছেন।

তোমারো কি এই অভিমত?—  
 দূরদর্শি-মন্ত্রী এবং তোমরা সকলেই  
 যদি সন্ধি করিতে অনুরোধ কর,  
 তবে আমি তোমাদের কথার নিতা-  
 ন্ত অবাধ্য হইতে পারিনা। আজ্ঞা,  
 তাহাই কর, কিন্তু সে ব্যক্তি পরাভূত  
 হইয়াছে, আমরা তাহাকে জয় করি-  
 য়াছি, অতএব অধুনা হংসরাজদি নম্র-  
 ভাবে আনুগত্য প্রকাশপূর্বক আমা-  
 রদিগের নিকট অধীনতা স্বীকার  
 কর, তবেই তাহার পক্ষে মঙ্গল।—  
 আমরা অনুগ্রহ করিয়া ক্ষান্ত হইয়া  
 তাঁহার রাজ্য তাহাকেই দিয়া স্বরা-  
 জ্যে গমন করিব, নতুবা তাহার যত  
 সাধ্য, যত সাহস ও যত শক্তি থাকে,  
 তাহাই অবলম্বন করিয়া যুদ্ধ করুক।  
 এমত সময়ে ময়ূররাজের দূত শুক আসিয়া  
 নিবেদন করিল।

হে ধর্ম্মাবতার! এখানে নিশ্চিন্ত  
 হইয়া কি করিতেছেন? সেখানে

যে, সর্বনাশ উপস্থিত! ভূদ্রদেশ  
 হইতে সারস-রাজা আগমন পূর্বক  
 আমারদিগের “দেবীদ্বীপ” আক্রমণ  
 করিয়াছেন, তাহার সহিত অগণ্য  
 সৈন্য আসিয়াছে এবং সম্যক প্রকার  
 সমরসামগ্রী, যে, কত, তাহার সংখ্যা  
 হয়না। হস্তি, অশ্ব, উষ্ট্র, গো, রথ,  
 শকট, শিবির এবং খাদ্য-দ্রব্যাদিতে  
 একটা দেশ আচ্ছন্ন করিয়াছে, সে-  
 নারা সিংহনাদ হাড়িয়া প্রবল-পরাক্রম  
 প্রকাশ পূর্বক দেশটা তোলপাড়  
 করিতেছে, রণতরিতে নদী সকল পূর্ণ  
 হইয়াছে। প্রজা সকল ভয়াকুল হইয়া  
 গৃহাদি সমুদ্রয় বিষয়বিভব পরিহার  
 পুরঃসর পলায়ন করিতেছে। অধি-  
 কার মধ্যে নদ-নদীর ঘাট, বাট, বা-  
 জার হাট, দোকান পাট, সকল বস্তু  
 হইয়াছে, একেবারে পারাবার র-  
 হিত। “খেয়া” আর চলেনা, সাধু  
 কি, এ গাঁয়ের লোক ও গাঁয়ে যায়।  
 লোকের স্নানাহার রহিত। চারিদিগে  
 কেবল “হৈ হৈ” রব উঠিয়াছে।  
 সকলেই “পালাই পালাই” ডাক ছা-  
 ডিতেছে। তাবতেই গেলেম্ গেলেম্  
 মলেম্ মলেম্ করিতেছে।—মহারাজ  
 সংপ্রতি এদিগ্ ওদিগ্ কোন্দিগ্ রক্ষা  
 করিবেন?

ময়ূর অত্যন্ত ব্যস্ত হইয়া কাঁপিতে

কাঁপিতে কহিলেন।

কি? কি? কি বলিলে? কি  
 বলিলে?

গুণ্ড মন্ত্রী (মনে মনে)।

সাধুরে, সর্বজ্ঞ মন্ত্রী! চক্রবাক  
 তুমিই যথার্থ অমাত্য, সাধু সাধু।  
 আহা! কি অত্যাশ্চর্য্য কৌশল প্র-  
 কাশ করিয়াছ, তোমার এই অভি-  
 সন্ধিরূপ কন্দিদ্বারা আমরাই অগ্রে  
 সন্ধির সূত্রে বন্ধি হইলাম। ধন্য ধন্য,  
 সাবাস্ সাবাস্, আমি “মেঘাকার”  
 কাককে গোপনে গোপনে তোমার  
 ছুর্গে প্রেরণ পূর্বক যে প্রকার চতু-  
 রতা প্রকাশ করিয়াছিলাম, তুমি  
 আপনার স্থানেই অবস্থান পূর্বক  
 সারস রাজকে সংগ্রামে সম্মত করিয়া  
 তাহার অপেক্ষা সহস্রগুণেই বুদ্ধি-  
 কৌশল প্রকাশ করিলে, অতএব  
 হে ভাই! আজ মনে মনে তোমার  
 চরণে প্রণাম করি, এমন মন্ত্রী না  
 হইলে কি রাজার রাজ্য রক্ষা পায়  
 এবং রাজার সম্পদ ও মহিমা হ্রাস  
 হয়?

শিখীরা পুনর্বার রাগাঙ্ক  
হইয়া কহিলেন।

কি শুক!—কি শুক! সারস,  
সে—কে?—তাহার বুঝি মরণকুবুঝি  
ঘুনিয়াছে?

শুক পুনর্বার পূর্বকথা নিবেদন  
করিলে পর রাজা ক্রোধ তরে কহি-  
লেন।

এখন রাজহংস থাকুক, চল আ-  
মরা অগ্রেই গিয়া সেই সারসের  
মাংস পারশ করিয়া কুলদেবতা-কু-  
লকে ভোজন করাই। উঠ উঠ, এখ-  
নিই সেই ছুরাঙ্গাদিগে সমূলে নি-  
শূল করিয়া সকলে গিয়া শোণি-  
তের সমুদ্রে সাতার পাড়ি।

বীররঞ্জিনী হৃদয়ঃ।

কেটা, সে, সারস, কি, তার সাহস,  
কোথা হোতে এলো ভণ্ড?

সম্পদ হরিব, প্রহার করিব,  
ধরিব দারুণ-দণ্ড॥

বড়, যে, বেড়েছে, বড়, যে, এড়েছে,  
বড়, যে, গেড়েছে আড়াল।

চল চল যাই, ঘুচাই বালাই,  
ভেঙে খাই, তার ঘাড়ডা।

হোলে পরে রণ, স্থির হোয়ে রন,  
দেখিব কেমন শক্ত?

কুকুর শৃগাল, এসে পাল পাল,

যত পারে থাকুক  
ওরে ওরে কাক, বীর থাক ডাক,  
হাঁক হাঁক হাঁক, কুকে।  
প্রকাশিয়ে বল, লোয়ে দল বল,  
চুকে চল, যুকে।  
ওরে সেনা সব, কোরে কলরব  
ছুটে গিয়ে তারে ধোঁগে।  
ঘটায় ব্যাঘাত, করিয়ে আঘাত,  
সমূলে নিপাত কোর্গে।  
রুকে রুকে রুকে, খুঁকে খুঁকে খুঁকে,  
ঠুকে ঠুকে, কোসে মার্কি।  
শরণ যাচিবে, তবু না বাঁচিবে,  
একেবারে সব মার্কি।  
এমনি কসাবি, ভুতলে বসাবি  
খসাবি সবাবি মুণ্ড।  
প্রহারে প্রহারে, নড়িতে না পারে,  
নাড়িতে না পারে খুঁও।  
বুকেতে দাঁড়ায়, ছুপায় মাড়ায়,  
আখ মাড়া যেন মাড়বে।  
চেপে বোসে ঘাড়ে, খুঁয়ে হাড়ে হাড়ে,  
এক গাড়ে সব গাড়বে।  
হোয়ে পদানত, কুকুরের মত  
শুয়ে শুয়ে লাজ নাড়বে।  
দেখিয়ে প্রতাপ, পেয়ে পরিতাপ,  
বাপ বাপ-ডাক ছাড়বে।  
দেখিবে যখন, পলাবে তখন,  
পারিবেনা কিছু কোর্তে।  
পীপিড়ি হইয়া, পালক লইয়া,  
আপনি এসেছে মোর্তে।  
থাকুক মরাল, এ নহে করাল,  
শেষে এসে, এরে ধোঁকো।

সারসে এখন, করিয়ে জিহন,  
ব্রহ্মদেশ গিয়ে হোকো।  
রাজ্য অধিকার, আছে যত যার,  
অধিকার সব কোর্ক।  
হব একেশ্বর, সজ্জিবে কহ  
সুখেতে তাণ্ডার ভোঁক।  
আমার দেশেতে, এসেছে ঘেঘেতে,  
মনেতে না করে শঙ্কা।  
দিই গিয়ে সাজা, রথ সাজা সাজা,  
বাজাবাজা, রণডকা।

দূরদর্শিমন্ত্রী হাস্য পূর্বক  
কহিতেছেন।

পদ্য।

ওহে ভূপ, শরদের, মেঘের মতন।  
কোরোনা, কোরোনা, আর-বুধায় গর্জন॥  
মহৎ যে হয়, ভূপ, মহৎ যে হয়।  
তাহার স্বভাব কভু, এপ্রকার নয়॥  
ভাল মন্দ, যত কিছু, পরের ব্যাপার।  
কখনই নাহি করে, আলোচনা তার॥  
শত্রুর অধিক সংখ্যা, হয় যে সময়।  
তখন সময় করা, সুবিহিত নয়॥  
যদি তুমি বহু অংশে, বলবান হও।  
সবার সহিত রণে, যোগ্য তবু নও॥  
বহুতর কীট হোলে, এক একেবারে।  
বলবান এক সাপে, কি করিতে পারে?॥  
করিলে সকল কীট, প্রতাপ প্রকাশ।  
হবেই হবেই সাপ, হবেই বিনাশ॥

হে ভূপাল! মরালরাজের সহিত  
সন্ধি-সংস্থাপন না করিয়া আপনি

কি প্রকারে গমন করিতে পারেন?  
এইকালে যদি আমরা ওদিকে যাত্রা  
করি, তবে এদিকে হংসরাজের সে-  
নারা সংগর্ভকপ সমর-সজ্জায় আমা-  
রদিগের পশ্চাৎ পশ্চাৎ ধাবিত হ-  
ইবে, তখন আর চোখে কাণে দে-  
খিতে শুনিতে পাইবেননা, একে-  
বারে সমুদয় অন্ধকার দেখিতে হ-  
ইবে, যেমন দৈবযোগে দাবানল  
প্রবলরূপে প্রজ্জ্বলিত হইলে হরিণাদি  
পশু সকল নিরুপায়ে দগ্ধ হইয়া বি-  
নষ্ট হয়, সেইরূপ চতুর্দিক হইতে  
শত্রু সমূহের সমরানল প্রজ্জ্বলিত হ-  
ইলে তখন আর কোনোদিকেই  
নিস্তারের পথ দেখিতে পাইবনা,  
সকলেই বেড়া-আগুণে পুড়িয়া ভস্ম  
হইব।—আপনি কি সেই সারস-রা-  
জকে অবগত নহেন? তিনি এই রাজ-  
হংসের পরমাত্মীয় বন্ধু, অতি প্রধান,  
অদ্বিতীয় বীরপুরুষ। এই যে, উপ-  
স্থিত ঘটনা, ইহা কেবল সেই সর্বজ্ঞ  
মন্ত্রির কার্য্য-কৌশল মাত্র। অতএব  
এই কাণ্ড অতি প্রকাণ্ড হইয়াছে,  
ইহাকে সামান্য জ্ঞান করিবেন  
যে ব্যক্তি যথার্থরূপ কারণ নির্ণয়  
করিয়া সহসা কোপের বশীভূত হন।

সে ব্যক্তি নকুলনিপাতকারি ব্যাকুল  
ব্রাহ্মণের ন্যায় ব্যথিত হইয়া পুরি-  
শেষে আপনার দোষে আত্মনিহ  
হাহাকার করিতে থাকে।

ময়র কহিলেন, সে কিরূপ ?।

গুপ্ত কহিলেন, তবে শ্রবণ করুন।

পদ্য।

দেবগ্রামে দেবীবর, নামে দ্বিজবর।  
সবে তাঁর এক মাত্র, শিশু বংশধর।  
দারা তাঁর, শিশুটিরে, রাখিয়া নিকটে।  
গেলেন করিতে স্নান, জাহ্নবীর তটে।  
হেনকালে আসিয়া, কহিল একজন।  
রাজার পার্শ্ব-শ্রদ্ধে, কর-সে ভোজন।  
একেতো ব্রাহ্মণ-জাতি, তাহে অতি দীন।  
“ফলারের” গন্ধে হোলো, লোভের অধীন।  
ভাবে মনে, বালকের, কাছে কেহ নাই।  
কেমনে রাখিয়া একা, রাজগৃহে যাই ?।  
“নলপত” কোরে যদি, না যাই এখন।  
অপরে এখনি গিয়ে, করিবে ভোজন।  
সকলি প্রস্তুত আছে, যাব আর খাব।  
আহারের পরে শেষ, দক্ষিণাও পাব।  
বিলম্ব করিলে পর, ফোকে যেতে হবে।  
কিছুই, না, রবে শেষ, কিছুই না রবে।  
বেজিটিরে, পুষিতেছি; পুত্রের সমান।  
এর কাছে রেখে যাই, প্রাণের সম্ভান।

বলি সেইখানে, নকুল রাখিয়া।

জন করিতে দ্বিজ, গেলেন চলিয়া।

এক কাল সর্প, বালকের কাছে।

শন করিবে বোলে, ফণা ধোরে আছে।

নকুল তাঁর তাহা, করি দরশন।  
খণ্ড খণ্ড করি সাপে, করিল ভোজন।  
তার পরে, ব্রাহ্মণ, আসিয়া উপনীত।  
নকুল ব্যাকুল অতি, হোয়ে ভুরাশিত।  
মুখেতে লেগেছে রক্ত, ভুজঙ্গ তক্ষণে।  
লুটায় পড়িল গিয়া, বিপ্রেয় চরণে।  
রক্তরেখা দেখে মুখে, কুপিত হইল  
শিশুরে খেয়েছে, বোলে, সংহার করিল।  
পরেতে দেখিল গিয়ে, শিশু বেঁচে আছে।  
মৃত-সাপ খান্ খান, পোড়ে তার কাছে।  
তখন জানিতে পেরে, কাঁদিতে লাগিল।  
নকুলের শোকে শেষ, ব্যাকুল হইল।  
তাই বলি মহারাজ, কর অবধান।  
হঠাৎ, যে, করে ক্রোধ, না জেনে সন্ধান।  
নকুল নিপাতকারী, ব্রাহ্মণের মত।  
ততই ব্যাকুল হয়, পাপ করে যুত।

হে নৃপতে !

ক্রোধ, ক্রোধ, লোভ, মোহ, মদ আর মান।  
শত্রু আর কেহ নাই, এদের সমান।  
ভোজন, এ ছয়-বর্গ, করে পরিহার।  
মশরীরে, করে সেই, স্বর্গ অধিকার।  
বিশেষত রাজা হোলে, রিপুর অধীন।  
বিষয়েতে স্মৃথ নাহি, পান এক দিন।  
রাজা হোয়ে যদি করে, রিপুর শাসন।  
সুখী আর কেবা আছে, তাহার মতন।  
হবেন ভূপতি নিজে, ধর্ম-অবতার।  
নিরপেক্ষ নীতিশালী, মন্ত্রী হবে তাঁর।  
উভয়ে সমান হোলে, তবেই মঙ্গল।  
অনায়াসে কেটে যায়, বিপদ সকল।

তাল তাল যত কিছু, রাখিবে স্মরণ।  
বিশেষ বিতর্ক করি, কার্য-আলোচন।  
হিতাহিত কার্য যত, করি নিরূপণ।  
মন্ত্রণা করিবে সদা, হইয়া গোপন।  
এগুন, পরমগুন, নীতিশালী কর।  
এই সব গুণে মন্ত্রী, হয় গুণময়।  
কর্মের আগেতে বাপু, বিবেচনা চাই।  
হঠাৎ করিলে কর্ম, শুভ তায় নাই।  
আগে, না, মন্ত্রণা করি, কার্য করে যেই।  
পদে পদে, বিপদের, পদে পড়ে সেই।  
যুক্তি করি করে যেই, কার্য সমুদয়।  
সম্পদ, আসিয়া তার, পদানত হয়।  
ভূমি, রত্ন, আদি করি, বিতব বিপুল।  
শুণের লোভেতে তার, সদাই ব্যাকুল।  
ধন, পদ, যেচে লয়, গুণির আশ্রয়।  
বিনা-গুণে, ধনে, জনে, মান্য কেবা হয় ?।  
যদ্যপি শুনিতে চাও, আমার বচন।  
কোরোনা, কোরোনা, তবে, কোরোনাকো রণ।  
চিরকাল সম-সুখে, রাজ্যভোগ হবে।  
প্রণয় করিয়া চল, দেশে যাই তবে।  
চতুর্দিক উপায়, নির্ণীত, আছে বটে।  
সাধ্যের সাধনা হোলে, শুভ তায় ঘটে।  
সাধনা সমাধা হোলে, সমরূপ ফল।  
বল্ বল্, সর্ববল্, মন্ত্রণাই বল্।

সংগীত।

রতন রাখিয়া দেহরূপ কোয়ে,  
থাক থাক থাক, থাক পরিতোষে,  
আপনা আপনি আপনার দোষে,  
মোরোনা, মরোনা, মোরোনা রে।  
মানে যানে রহ নিজ-মানভরে,

অপমান যেন কেহ নাহি করে,  
মানে তুমি আর অভিমান-ধরে,  
মোরোনা, মোরোনা, মোরোনা রে।  
সাধুভাব ধর সকলেরি সহ,  
সহ-সহবাসে সাধু কথা কহ,  
কাহারো সহিত যাচিয়া কলহ,  
কোরোনা, কোরোনা, কোরোনা রে।  
ন্যায়েতে যে ধন উপার্জন হবে,  
সেই ধন সুখে ভোগ কর সবে,  
ন্যায়াতীতধন উপার্জন পথে,  
চোরোনা, চোরোনা, চোরোনা রে।  
ধর ধর ধর, উপদেশ ধর,  
হর হর হর, লোভ-পরিহর,  
লোভের সলিলে মন-সরোবর,  
ভোরোনা, ভোরোনা, ভোরোনা রে।  
যে সব বিভব স্বভাবে সম্ভব,  
পুলক-পূরিত সে সব প্রভব,  
বিষম-বিষয়-বাহ্যরূপ-ধব,  
পোরোনা, পোরোনা, পোরোনা রে।  
যদি চাও তুমি আপনার হিত,  
হও তবে নিজে অহিতরহিত,  
দেষ্টাব কড়ু কাহারো সহিত,  
ধোরোনা, ধোরোনা, ধোরোনা রে।  
রাখ রাখ রাখ পদে রাখ পদ,  
খেওনা খেওনা মদরূপ-মদ,  
করি পঙ্ক্তিদ পরের সম্পদ,  
হোরোনা, হোরোনা, হোরোনা রে।

লবঙ্গলতা চৌপদী।

অবসান হয় বেল, স্নান করিয়া  
মিছে আর ছেলেখেলা, খেলোনারে, খেলো,

তুফানে ছাড়িলে হাল, হবে "মাং" আজ কাল,  
এ সময়ে বাজে চাল, চেলোনারে, চেলোনা ॥  
চালো "ডরি" সাধুসঙ্গ, দিওনা সাধুসঙ্গে তাল,  
চেউ দেখে সোঁতে অঙ্গ, চেলোনারে, চেলোনা ॥  
যখন, রয়েছে "দাবা" তখন কি করে "বাবা"  
পর-চলে হোয়ে "হাবা" এলোনারে, এলোনা ॥  
প্রকাশিয়ে নিজ বল, নাশে, বিপদের বল,  
আপন-হাতের বল, ফেলোনারে, ফেলোনা ॥  
আত্মসার আগে কর, নিজে নিজ তত্ত্ব ধর,  
সুজনের বাক্য কত, চেলোনারে, চেলোনা ॥  
পাইবে বিষম তাপ, প্রাণ যাবে বাপ বাপ,  
ছুড় দিয়ে কাল-সাপ, পেলোনারে, পেলোনা ॥  
দানপাত্র দেখে যারে, দান কর একবারে,  
মিছে কথা কোয়ে তারে, চেলোনারে, চেলোনা ॥  
কেমন কপাল পোড়া, হেলায় হারালে গোড়া,  
রাগরূপ বিষ-ফোড়া, গেলোনারে, গেলোনা ॥  
প্রিয়া তব নিশাচরী, প্রবৃত্তি-প্রমাদকরী,  
তার পানে পাপ আঁখি, মেলোনারে, মেলোনা ॥  
ভ্রান্তি করি পরিহার, শান্তি জল, কর সার,  
মনের আগুণ আর, জ্বেলোনারে, জ্বেলোনা ॥  
স্থির থাক এক মতে, গতি কর এক পথে,  
কোনো রূপে কারো মতে, হেলোনারে, হেলোনা ॥

বোসে থাকে চুপে চুপে, দিন যাবে ভালরূপে,  
মায়ায় গভীর-কূপে, উলোনারে, উলোনা ॥  
ভাবিলে পরম-ভাব, স্বভাব সন্তোষ-লাভ,  
মনের নিগূঢ় ভাব, খুলোনারে, খুলোনা ॥  
কোমিছে-গোলে, কর্মিতে কি কর্মভোলে  
আশা-দোলে, ছলোনারে, ছলোনা ॥  
হিঁকর্ণনাশে, আশা করি যায় আসে  
আশার পাশে, খুলোনারে, খুলোনা ॥

নিন্দাকাঙ্ক্ষি দুরাচার, নিন্দা করে বার বার,  
নিন্দাময়ে তুমি আর, তুলোনারে, তুলোনা ॥  
বিপরে রাখিয়া বশে, তুচ্ছ কর নিন্দা, যশে,  
তোষামুদি বাক্য রসে, ফুলোনারে, ফুলোনা ॥  
হোঁচপারে অকার, সমুদয় কলিকার,  
মোহর নিশান আর, তুলোনারে, তুলোনা ॥  
নাহি জেনে সার-তত্ত্ব, করিতেছ কার তত্ত্ব,  
মত্ত হোয়ে তত্ত্বপথ, তুলোনারে, তুলোনা ॥

### চম্পকলতিকা চৌপদী ।

হে ভূপ! মানস রায়, স্থির রাখ অতিপ্রায়,  
সোহাগের সোহাগায়, সোণা হোয়ে গোলোনা ॥  
পদে রাখ নিজ-পদ, নতুবা হারাবে পদ,  
ইচ্ছা হয় খাও মদ, মদে যেন টোলোনা ॥  
বপুসে রিপুদলে, পরম-রতন দলে,  
মিশিয়া তাদের দলে, মহাধন দোলোনা ॥  
কত লোক কত ছলে, তোমায় যদি পি ছলে,  
তুমি মন ছল কোরে, কারো মন ছোলোনা ॥  
বলুয়ে, যত বলে, সকলেই বলে বলে,  
বল কোরে তুমি কারে, কোনো কথা বোলোনা ॥  
তুচ্ছ কর রসনায়, বিভূষণ যেন গায়,  
কুজনের কুকথায়, কোপানলে জ্বোলোনা ॥  
ধর্মপথ সোজা অতি, সে পথেই কর গতি,  
সোজাপথ ছেড়ে কতু বাঁকাপথে চোলোনা ॥  
যে, তোমার, তুমি তার, এই মাত্র ব্যবহার,  
চলাচল কোরে আর, কারো ভাবে চোলোনা ॥  
গত হয় যত দিন, ততই হোতেছ দীন,  
তোমার সুখের দিন, এক দিনা হোলোনা ॥  
পরমপদার্থনাশা, হৃদয়ে লয়েছ বাসা,  
হায় হায়, -পাপ আশা, হোয়ে কেন মোলোনা ॥

ময়র রাজ কহিলে,  
কি উপায়ে এই সজ্জি নির্দারিত হইবে ?  
দুরদর্শি-মন্ত্রী কহিতেছেন :

হে মহীপাল ! অতি সহজে অতি শীঘ্রই এই সজ্জি-  
কার্য সম্পন্ন করিয়া দিব ।—বিশ্বাস-  
পাত্রকেই বিশ্বাস করিবে, অবিশ্বাস-  
সিকে বিশ্বাস করা কোনোমতেই  
কর্তব্য হয়না, খল-শত্রুকে আশ্রয়  
দেওয়া ও তাহার আশ্রয় লওয়া এই  
উভয়-পক্ষই অমঙ্গলের কারণ ।—কে-  
ননা মণিভূষিত ফণি কি প্রাণনাশক  
হয়না ? অপিত ছুটলোকেরা মৃতা-  
ণ্ডের ন্যায় অসার । সাধু লোক স্বর্ণ-  
পাত্রের ন্যায় সার । অতএব যে যে  
ব্যক্তির সহিত প্রণয় ও সজ্জি-করা ক-  
র্তব্য এবং যাহারদিগের সহিত সন্নিবিষ্ট  
এবং মিলন করা অকর্তব্য, তদ্বিশেষ  
বিস্তারিতরূপে নিবেদন করি, অব-  
ধান করুন ।

পয়ার ।

মাজ্জার, মহিষ মেঘ, তিন স্থলচর ।  
কটুভাষি, কাক আর, কাপুরুষ-নর ॥  
আদর করিলে পরে, প্রভু সম হয় ।  
এদের বিশ্বাস করা, বিধি কত নয় ॥

স্থির, ধীর, স্বভাবত, সরল যে হয় ।  
তার সহ, চপলুর, কোথায় প্রণয় ? ॥  
দৈবদর্শি নয়, শঠের সহিত ।  
সিদ্ধি তাহে নাহি হয়, ঘটে বিপরীত ॥  
দাবানল আগে যদি, জাল দেও জল ।  
সে জল করিবে তবু, নির্মাণ অনল ॥  
স্বভাবে দুর্জয় যেই, দুর্ভাব ধরে ।  
সে যদি সকল শাস্ত্র, অধ্যয়ন করে ॥  
তবু সেই কতু নয়, বিশ্বাসের স্থল ।  
স্বভাবের দোষে হবে, কেমনে সরল ? ॥  
মণিতে ভূষিত-ফণি, দৃশ্য মনোহর ।  
তথ্য সে বিষয়, অতি ভয়ঙ্কর ॥  
কার সাধা, তাহার, খোবোলে দেয় কর ।  
ছোবোলে বধিবে প্রাণ, মনে এই ডর ॥  
খল-শত্রু ধনী হয়, কিয়া হয় দীন ।  
অধীন কোরোনা তারে, হয়োনা অধীন ॥  
কোনোমতে ভাল নহে, তাহার নিশান ।  
কোরোনা কোরোনা কতু, কোরোনা বিশ্বাস  
অধীন হইলে তার, কত অপমান ।  
অধীন করিলে তারে, কবে যাবে প্রাণ ॥  
স্বামিতে-বিরতা-নারী, ভয়ঙ্করী হয় ।  
কখনো উচিত নহে, তাহারে প্রত্যয় ॥  
সকলি করিতে পারে, কুলটা-কামিনী ।  
পুরপ্রেমপরায়ণী, প্রত্যয়যাতিনী ॥  
যার যাহা যোগ্য হয়, তাই বিধি বটে ।  
বিপরীত হোলে শেষ, বিপরীত ঘটে ।  
মনেতে বুঝিয়া দেখ, বিবেচনা করি  
জলেতে কি গাড়ি চলে, স্থলে চলে ॥

হীনজন বৃত্তিকার, কলসির প্রায় ।  
 তেঙে তারে পুনরায়, গড়া নাহি যায় ॥  
 সূজন সূবর্ণঘট, গুণের আধার ।  
 অনায়াসে তেঙে তারে, গড় পুনরায় ।  
 বাহিরের ভজিতাবে, কিছুই না করে ।  
 সূজনের সার থাকে, মনের ভিতরে ।  
 উত্তম যে হয়, হয়, সহজে সরল ।  
 নারিকেল-ফল সম, অন্তর শীতল ॥  
 কুলফল, সম, নীচ, দেখিতে সূন্দর ।  
 বাহিরে কোমল কিন্তু, কঠিন-অন্তর ॥  
 অসতের মন কভু, না হয় প্রচার ।  
 মুখে বলে একরূপ, কাজে করে আর ॥  
 সতের মতের কভু, ভেদাভেদ নাই ।  
 মুখে বাহা, মনে তাহা, কাজে কপ্তে তাই ॥  
 খল জন, কথায়, কোশল করে নানা ।  
 সত্য আর মিথ্যা যায়, ব্যবহারে জানা ॥  
 সদাই সন্তোষ মনে, স্থিরভাবে আছে ।  
 ছল নাই, মিথ্যা নাই, উত্তমের কাছে ॥  
 জব্যযোগে দ্রব হয়, খাতু সমুদয় ।  
 পরস্পর সবে তাই, মিলনেতে রয় ॥  
 বনে আর বৃক্ষে দেখ, পশু পক্ষিগণে ।  
 পরস্পর মিল হয়, বিশেষ কারণে ॥  
 ভয়ে আর লোভে হয়, মূর্খের মিলন ।  
 উত্তমে উত্তমে মিলে, হেঁটিল দরশন ॥  
 সত্যবাদী, সদালাপী, সদা সদাচারী ।  
 র অসুরাগী, সর্বশুভকারী ॥  
 যে সমতাব, বিষয়ে নিপুণ ।  
 মিত্রের হয়, এই সব গুণ ॥

উত্তমতঃ প্রভাবে, একরূপ বোধ ।  
 ছলনা, চতুরী, নাই, নাই হিংসা, ক্রোধ ॥  
 আপনাই প্রাণ সম, ভাবে আপনার ।  
 স্বপনেও নাহি জানে, মিছে ব্যবহার ॥  
 যত্নে বসন্ত রজন, জলের লিখন ।  
 ফলের সহিত তার, না হয় মিলন ॥  
 অধর্মের সহ যেন, ঘটেনা প্রণয় ।  
 তাহে তুমি মিত্র বল, উত্তম যে হয় ।  
 অমৃত নিঃসৃত হয়, সাধুর বদনে ।  
 পাষাণেরে, দ্রব করে, মধুর বচনে ॥  
 খরতর রবিকরে, হোয়ে জ্বালাতন ।  
 স্নান করি খায় যেই, শীতল জীবন ॥  
 নীহার বিহার করে, যে ফুলের দলে ।  
 তাহাতে শয়ন করে, সূশীতল স্থলে ॥  
 চন্দনে চর্চিত করে, অঙ্গ অনিবার ।  
 গলায় ধারণ করে, মুকুতার হার ॥  
 তাহাতে কি হয় তার, সূখের ঘটনা ।  
 কখনো না দূর হয়, মনের বাতনা ॥  
 ধার্মিকের “বদন নীরদগত” নীর ।  
 একেবারে স্নিদ্ধ করে, অন্তর-বাহির ॥  
 আকর্ষণী মন্ত্র সম, করি আকর্ষণ ।  
 মধুদানে মুগ্ধ করে, সকলের মন ॥  
 রসভরে, বশ করে, হরে সব দুখ ।  
 বাল, বৃদ্ধ, সকলের, সমভাবে সুখ ॥  
 সূজনের হোলে পরে, প্রেমের বিচ্ছেদ ।  
 তখাচ না হয় ভায়, গুণের প্রভেদ ॥  
 স্বভাবে সরলতা, স্থির হোয়ে রয় ।  
 কোনোমতে অন্তরেতে, বিকার না হয় ॥

পদ্মের মৃণাল যথা, ভেঙে গেলে ॥  
 দুই ভাগে সূত্রের, সংযোগ পরস্পর ॥  
 ভক্তের যোগের ছেদ, না হয় যেমন ।  
 সতে, সতে, সেইরূপ, মতের মিলন ॥

সাধুব্যক্তির সহিত প্রণয় বন্ধনই  
 কর্তব্য, যেহেতু সূজনের মনে কি-  
 তেই বিকার জন্মেনা।—সদা সূর্য  
 মহাশয় ব্যক্তি কোনো কারণে ক্রুদ্ধ  
 হইলেও সেই ক্রোধে কখনই অনিষ্ট  
 জন্মেনা। যেমন তুণের অনল কোনো  
 কালেই সমুদ্রের জলকে তপ্ত করিতে  
 পারেনা, সেইরূপ চণ্ডাল-ক্রোধ ক-  
 স্মিন্‌কালেই সুলোকের চিত্তকে  
 চঞ্চল করিতে পারেনা।

পদ্য ।

বিশেষ কারণে সাধু, যদি করে ক্রোধ ।  
 তবু তার মন হোতে, নাহি যায় বোধ ॥  
 সে রাগ, সুরাগ, ভায়, নাহি কিছু ভয় ।  
 বোধের উদয় থাকে, ক্রোধের সময় ॥  
 হিতকর ক্রোধ সেই, স্বভাবে সঞ্চার ।  
 কদাচ না হয় ভায়, মনের বিকার ॥  
 যদ্যপি জলিয়া উঠে, তুণের অনল ।  
 তাহাতে কি তপ্ত হয়, জলধির জল ? ॥  
 অতএব থাকো সদা, সাধু-সমিধান ।  
 রাগ আর তুষ্টি যার, উভয় সমান ॥  
 সূজনের প্রেমে কভু, নাহি অপকার ।  
 যোমে, তোমে, উপদেশে, কত উপকার ॥

সাধু-নক্ষ নাহি যার, মিছে সেই নর ।  
 মিছে তার জন্ম-লাভ, মিছে কলমের ॥  
 জীবন সফল করি, হবে আর কবে ? ।  
 মিছে যার, মিছে পরে, মিছে চরে ভবে ॥

যেমন কুসুম-স্তবক আপনার  
 সাধু-স্বভাব কখনই পরিত্যাগ করে-  
 না, হক, মনুষ্যকর্তৃক সমাদরে গৃহীত  
 হইয়া দৈবার্চনায় ব্যবহৃত হয়, নয়,  
 বনেতেই বিশীর্ণ হইয়া লয় প্রাপ্ত  
 হয়, সেইরূপ মহানুভাব, হয়তো সর্ব-  
 শ্রেষ্ঠ হইয়া সকলের উপরেই কর্তৃত্ব  
 করেন, নয়তো গোপনে গোপনে  
 আপনার ভাবে আপনাই থাকেন।

পদ্য ।

ফুলের স্তবক হয়, যেরূপ প্রকার ।  
 অবিকল সেরূপ, সতের ব্যবহার ॥  
 হয় গিয়া চড়ে ফুল, মাথার উপর ।  
 নতুবা বিলয় হয়, বনের ভিতর ॥  
 হয়, হয় নরশ্রেষ্ঠ, মহৎ যে হয় ।  
 নতুবা বিজন বনে, দেহ করে লয় ॥

সংসার বিষের তরু, সহজে সরল ।  
 তাহাতে ফলেছে দুই, সুরসাল ফল ॥  
 এক ফল “কাব্য সুধারস-আস্বাদন” ।  
 আর ফল, “সূজনের-সহিত মিলন” ॥  
 হবেনা বিফল, কভু, হবেনা বিফল ।  
 যাহে যার অভিকৃতি, লহ সেই ফল ॥  
 প্রথম ফলের স্বাদে, তৃপ্ত হয় মন ।

দ্বিতীয় ফলের স্বাদে, সফল জীবন ॥  
তাই বলি মহারাজ, স্থির বেখে মন।  
উভয় ফলের রস, কর আশ্বাদন।  
বুধায় বিবাদ, দেখ, করি পরিহার।  
সুখে বোসে রাজপাটে, করহ বিহার ॥  
পরস্পর প্রেমভাবে, ভাত ব্যবহার।  
তার চেয়ে কিছুমাত্র, সুখ নাই আর ॥

যে ব্যক্তি অজ্ঞানী, সেই ব্যক্তি  
সুখেতেই উপাস্ত হয়। বিষয়জ লোক  
অতিশয় সুখেতেই আরাধ্য হয়।  
যাহার বুদ্ধির লেশমাত্রই নাই,  
ব্রহ্মা স্বয়ং আগমন পূর্বক উপাসনা  
করিলেও তাহাকে অমরজ্ঞ করিতে  
পারেননা। হংসরাজ সাক্ষাৎ বুদ্ধি-  
ষ্ঠির, তাহার মন্ত্রী চক্রবাক সর্বজ্ঞ।  
অতএব তাহার সহিত সন্ধি করিতে  
আর যেন বিলম্ব না হয়, যত বিলম্ব  
করিবেন, ততই বিপদ বৃদ্ধির সম্ভা-  
বনা, আমরা এখানে যদি সন্ধি না  
করি তবে কি আর রক্ষা থাকিবে?  
আমি পূর্বেইতো সমুদয় নিবেদন  
করিয়াছি, যে রাজা আপন রাজ্য-  
রক্ষা না করিয়া পণ্ডার রাজ্য আক্র-  
মণ করেন, তিনি আপনার পূর্ব-স-  
ম্পত্তিকে বিপত্তিসাগরে বিস-  
র্জন করেন।—পররাজ্য ও পরধন-  
হরণে লোভ করা রাজধর্মের অতীত-

কর্ম, তাহার অপেক্ষা অধর্ম আর  
কিছু নাই। লঙ্কেশ্বর-দশানন যদি-  
মুখ্য সাধিসতী সীতাকে হরণ না  
করিতেন, আর তিনি যদি সন্ধি ক-  
রিতেন, তবে কখনই সর্বংশে নির্যাতন  
হইতেননা।—রাজা দুর্ঘোষন যদি-  
স্বাৎ পঞ্চপাণ্ডবকে পাঁচখানি গ্রাম  
প্রদান করিয়া সম্ভাব রক্ষা করিতেন,  
তবে কুরুকুল একে কালে সমূলে নি-  
র্মূল কেনই হইবে? এই যুদ্ধের অ-  
পেক্ষা অধিক অনিষ্টকর পাপের  
কর্ম আর কি আছে? ইহাতে অতি  
ধার্মিক জিতেন্দ্রিয় সত্যবাদি জনে-  
রাও চিত্তের চাপল্য নিবারণ করিতে  
পারেননা, যুদ্ধকালে জয়েছায়  
বৈধাক ও ক্রোধাক-হইয়া অনায়া-  
সেই প্রতারণাপরতন্ত্র হয়েন, দেখুন,  
বর্মপুত্র বুদ্ধিষ্ঠির “অশ্বখামার” বিষ-  
য়ে কৌশলে মিথ্যা কথা কহিবায়  
গুরু-দ্রোণাচার্য্য-বধের পাপভাগী  
হইয়া নরক-দর্শন করেন, ঐ যুদ্ধে  
আরো কত প্রবঞ্চনা হইয়াছে।  
পতিতপাবন শ্রীরামচন্দ্র বিনা-দোষে  
বালিরাজাকে বিনাশ করেন, এই-  
রূপ যে যে স্থানে রাজায় রাজায়

যুদ্ধ হইয়াছে, সেই সেই স্থানেই ছ-  
লনা, চাতুরী ও আর আর কার  
অনর্থকর মিথ্যা-ব্যবহারের ফল  
নাই, অতএব রাজাদিগের মধ্যে  
স্পর ভ্রাতৃত্বাবে প্রণয়পাশে আবদ্ধ  
থাকাই বিধেয় হইতেছে, কারণ ইহা-  
তে পুণ্য হয়, প্রতিষ্ঠা হয়, আর ধর্ম  
এবং পুরুষার্থ রক্ষা পায়।

শিখীশ্বর কহিলেন।

আর অধিক বাক্য-ব্যয়ের আব-  
শ্যক করেনা, হংসরাজ যে অতি ম-  
হাত্মা ব্যক্তি, কাকের দ্বারাই আমি  
তাহার প্রমাণ পাইয়াছি, এইক্ষণে  
যাহা কর্তব্য তাহাই কর।

এই রাজাজ্ঞা প্রাপ্ত হইয়া গৃধু-  
মন্ত্রী যথারীতিক্রমে দুর্গমধ্যে গমন  
করিলেন।

রাজহংসের দূত বক আসিয়া নিবে-  
দন করিল।

হে মহারাজ! মহামন্ত্রী দূরদ-  
র্শি-গৃধু সন্ধি-করণের অভিপ্রায়ে  
শ্রীশ্রীযুতের শ্রীচরণের নিকট আগ-  
মন করিয়াছেন।

তদ্রূপে রাজহংস কহিলেন।—  
ওরে দেখ দেখ, পুনর্বীর কোন্ ধূর্ত-  
ব্যক্তি সন্ধান লইতে আসিয়াছে?

সর্বজ্ঞ-মন্ত্রী হাস্য করিয়া কহিলেন।

মহামন্ত্রী! ইহাতে শঙ্কার  
কিছুই নাই, ইনি মহাত্মা দূর-  
দর্শি-গৃধু। বঞ্চক নহেন, সন্ধি-  
করণে মানসে আগমন করিয়া  
দ্বারে উপস্থিত হইয়াছেন।

পদ্য।

বঞ্চনায় বঞ্চিত, যে, হয় একবার।  
তার মনে ভয় বটে, এরূপ প্রকার ॥  
বুদ্ধিমান-রাজহংস, নিশা আগমনে।  
সরোবরে কুমুদ-মণ্ডল-অবেষণে ॥  
তার প্রতিবিম্ব-জলে, দরশন করি।  
আহারে বঞ্চিত হয়, মনে ভয় ধরি ॥  
সেই ভয় মনে তার, জাগে সর্বক্ষণ।  
দিবসেও শ্বেতপদ্মে, করেন দংশন ॥  
কুজনের কুহকেতে, যে ফেলে নিশাস।  
সুজনেও তার মনে, নাহি বিশ্বাস ॥  
যে শিশুর, পায়সেতে, মুখপুড়ে যায়।  
সেই শিশু, “ফুঁ”, পাড়িয়া, দধি তবে খায় ॥  
হে দেব! এইক্ষণে গৃধুমন্ত্রির  
সম্মানের জন্য যথাসম্ভব রত্ন-উপহার  
প্রভৃতি সামগ্রী সকল প্রস্তুত করুন।  
অনন্তর উপহার প্রস্তুত হইলে  
সর্বজ্ঞ-মন্ত্রী অগ্রসর হইয়া দুর্গদ্বার  
হইতে দূরদর্শি-মন্ত্রিকে যথা স-  
দরে রাজার নিকট আনয়ন পূর্ব  
সাক্ষাৎ করাইলেন। গৃধু অমাত্য,

রাজ-প্রদত্ত আসনে উপবিষ্ট হই-  
লেন।

চক্রবাক কহিলেন।

হে মহানুভব! এই মিস্ত্র সন-  
তিই আপনারদিগের আয়াধীন,  
অতএব যথেষ্টক্রমে এই রাজ্য উপ-  
ভোগ কর।

গৃধ্র কহিলেন।

যদিও সাধুজনের বাক্যই এই-  
রূপ বটে, কিন্তু সুপ্রতি মিথ্যা-  
বাক্যালাপের প্রয়োজন করেনা, কা-  
রণ লোভিলোককে ধনের দ্বারা বশ  
করিবে, দান্তিক-লোককে করযোড়  
করিয়া বশ করিবে, মূর্থলোককে  
ছল-দ্বারা বশ করিবে, পণ্ডিত ব্য-  
ক্তিকে সত্যের দ্বারা বশ করিবে।  
মিত্রকে প্রীতি দ্বারা বশ করিবে,  
বান্ধবকে সম্মানের দ্বারা বশ ক-  
রিবে, ভাৰ্য্য ও ভৃত্যকে দান ও মান  
দ্বারা বশ করিবে, এবং ইতর-লো-  
ককে সরল-ব্যবহারদ্বারা বশ ক-  
রিবে, এই নিমিত্তই প্রস্তাব করি-  
তেছি, ময়ূর-মহারাজ পরাক্রমী,  
অতএব তাহার সহিত সন্ধি করাই  
কর্তব্য।

চক্রবাক কহিলেন।

সন্ধি-বিষয়ে আপনার কিরূপ  
আজ্ঞা তাহা ব্যক্ত করুন।

গৃধ্র কহিলেন।

সন্ধি কত প্রকার।

গৃধ্র কহিতেছেন।

সন্ধি ষোড়শ প্রকার।

যথা।

কপাল ১। উপহার ২। সন্তান ৩।  
সম্ভত ৪। উপন্যাস ৫। প্রতীকার ৬।  
সংযোগ ৭। পুরুষান্তর ৮। অদৃষ্ট-  
নর ৯। আদিষ্ট ১০। আত্মাদিষ্ট ১১।  
উপগ্রহ ১২। পরিক্রম ১৩। উচ্ছন্ন  
১৪। পরভূষণ ১৫ এবং ক্ষনোপনয়  
১৬।

শুদ্ধ সমতাতে যে; সন্ধি হয়,  
তাহার নাম “কপাল” সন্ধি।  
ধনাদি দ্বারা যে সন্ধি হয়, তাহার  
নাম “উপহার”।—দাসী-বেশ্যাদি-  
দান দ্বারা যে সন্ধি হয় তাহার নাম  
“সন্তান”।—মিত্রতাদ্বারা যে সন্ধি  
হয়, তাহার নাম “সম্ভত”।—যাব-  
জীবন উভয়ের এক বিষয়, এক  
প্রয়োজন, সকলি সমান, সম্পদে  
বিপদে কিছুতেই বিচ্ছেদ হয়না।  
এই প্রযুক্ত এই “সম্ভত সন্ধি” সৰ্ব্ব-  
কর্তব্য।

পেক্ষাই উৎকৃষ্ট, সন্ধিজন-  
রা ইহাকে “কাঞ্চন-সন্ধি” বলিয়া  
থাকেন।—ধন ও কার্যের

এতরূপ উদ্দেশ্য করিয়া  
স্থাপিত হয়, তাহার নাম “উপ-  
ন্যাস”। আমি ইহার উপকার করি-  
য়াছি, এ ব্যক্তিও আমার উপকার  
করিবে, এইরূপ নির্দেশ করিয়া যে  
সন্ধি হয়, তাহার নাম “প্রতীকার”।

—এই সন্ধি ত্রিরাম সুগ্রীবের সন্ধির  
ন্যায়।—একমাত্র উদ্দেশ্যে কার্যের  
প্রমাণ করিয়া যে সন্ধি করা যায়,  
সেই সন্ধির নাম “সংযোগ”।—

যে স্থলে পরস্পর তিন বিরোধি  
শত্রু উপস্থিত, তাহার মধ্যে এক  
ব্যক্তি অন্য ব্যক্তিকে একরূপ কহে,  
যে, তোমার এবং আমার উভয়  
পক্ষের সেনাপতি ও সেনার দ্বারা  
ঐ তৃতীয় ব্যক্তিকে পরাজয়-করণের  
যে প্রয়োজন, সেই কার্য-সাধন  
ইউক, এমত পণ করিয়া যে সন্ধি হয়,  
তাহার নাম “পুরুষান্তর”।

কেবল তোমার দ্বারাই আমার  
এই কার্য সুসাধ্য হইবে, শত্রু এব-  
ম্প্রকার পণ করিয়া যে সন্ধি করে,  
সেই সন্ধির নাম “অদৃষ্টনর”। বিবাদ-

স্থলে ভূমির একদেশ-পণে শত্রুর  
সহিত যে সন্ধি হয়, তাহার নাম  
“আদিষ্ট”।—

উৎকৃষ্ট-পীড়িত শত্রুর উপকা-  
র সৈন্যে গমন পূর্বক তাহার  
সহিত সংযোগ-করণ, এই সন্ধির  
নাম—“আত্মাদিষ্ট”।—

আপনার প্রাণ রক্ষার নিমিত্ত  
সর্বস্ব দান দ্বারা যে সন্ধি হয়, তাহার  
নাম—“উপগ্রহ”।—

বলবান বিপক্ষ আসিয়া রাজ্যে-  
র ক্রিয়দংশ হরণ করিয়াছে, তৎ-  
কালে আপনার ভাণ্ডারস্থ যৎকি-  
ঞ্চিৎ ধন, কিম্বা অর্দ্ধাংশ ধন, অথবা  
সমস্ত অর্থ দিয়া অবশিষ্ট-ভূমি প্রা-  
মাদি রক্ষার নিমিত্ত যে সন্ধি হয়,  
তাহার নাম—“পরিক্রম”।—

উত্তম ভূমির দ্বারা যে মিলন হয়,  
তাহার নাম—“উচ্ছন্ন-সন্ধি”।—

ভূমি-জাত শস্যাদি দান-দ্বারা  
যে সন্ধি হয় তাহার নাম—“পরভূ-  
ষণ”।

এবং ভূমির উৎপাদিত শস্যাদি  
আপন ভৃত্যের দ্বারা বিপক্ষের  
কট প্রেরণ-করণের পণে যে  
সেই সন্ধির নাম—“ক্ষনোপে-

পরন্তু পরম্পর উপকার, মিত্র-  
তা, সম্বন্ধক, এবং উপহার এই চারি  
প্রকার বিশেষ সন্ধি।

আমার বিবেচনায় “উপহার”  
সন্ধিই সর্বশ্রেষ্ঠ, কারণ, কে  
এক উপহার ব্যতীত অপর কো-  
নো প্রকার সন্ধিতে মিত্রতা সম্বন্ধ হই।

যে স্থলে বিপক্ষ ব্যক্তি বল প্রযু-  
ক্ত রাজ্য-গ্রহণ না করিয়া অস্ত্র পরি-  
ত্যাগ পূর্বক শান্তিগুণ ধারণ করেনা,  
সে স্থলে “উপহার” ব্যতীত অপর  
কোনো সন্ধি, সন্ধি বলিয়াই গণ্য  
হইতে পারেনা।

চক্রবাক কহিলেন।

পদ্য।

আমার আত্মীয় ইতি, তিন হন পর।  
এরূপ যে ভেদ করে, নীচ সেই নর।  
নিজে সেই অতি ক্ষুদ্র, ক্ষুদ্র মন তার।  
স্বভাবের দোষে করে, ক্ষুদ্র ব্যবহার ॥  
স্বভাবে সরল, ধীর, মহৎ, যে, হয়।  
তার কাছে, আত্মপর, ভেদ নাহি রয়।  
সমভাবে, সবে ভাবে, আমার আমার।  
পৃথিবীর, সকলেই, অন্তরঙ্গ তার।  
সেই,  
যি তবুও জান করে, জননীর প্রায়।  
কর্তব্য লে তার-পানে, কখনো না চায় ॥

কেবল আশা ধনে, যে রাখে প্রয়াস।  
পরধন জন্ম করে, ধুলা আর পাঁশ ॥  
আত্ম-বোধ, যে করে ধারণ।  
করিতেন, সাধ সেই, পণ্ডিত সূজন ॥  
হংসরাজ কহিলেন।

আমারা উভয়েই প্রধান এবং পণ্ডিত,  
তবুও যাহা কর্তব্য তাহাই করুন।

গৃধ্র কহিলেন।

আঃ। এ, কি কহিতেছ?

পদ্য।

শারীরিক, মানসিক, পীড়ার কারণ।  
কলেবর, জরজর, সদা সর্বক্ষণ ॥  
এমন অনিত্য-দেহ, করিয়া ধারণ।  
কোন লোক কোরে থাকে, পাপ আচরণ।  
জলমাঝে চাঁদ হয়, যেরূপ চঞ্চল।  
সকল প্রাণির প্রাণ, সেরূপ চঞ্চল ॥  
এরূপ নিশ্চয় জেনে, সাধুজন যত।  
সুখ, পুণ্যকর, কর্মে হন রত।  
মৃগতৃষ্ণা সম এই, অসার-সংসার।  
কখন সংহার হবে, স্থির নাই তার ॥  
এইহেতু ধর্ম আর, স্নেহের কারণ ॥  
সাধুসহ, বাস করে, সকল সূজন ॥  
তাই বলি স্থির-রেখে, সত্য-অতিপ্রায়।  
সন্ধিপাশে বন্ধি হও, উভয় রাজ্য ॥  
পুণ্যের প্রধান হয়, “অশ্বমেধ যাগ”।  
জগতে সবাই করে, যার অহুরাগ ॥

ত শত “অশ্বমেধ” তুমায় তুলি।  
ক “সত্যকথা” তার, এক পাশে দিয়া ॥  
জনে হইল গুরু, “সত্য সূধাভা”।  
যু হোয়ে “অশ্বমেধ” হোলো।  
বিলে স্বর্ণ-সন্ধি, সত্য প্রতিজ্ঞা।  
ভয়ের চিরস্থখ, ভোগ হবে তায় ॥

সর্বজ্ঞ কহিলেন।

এইস্থলে স্বর্ণসন্ধিই গিধেয়  
হইতেছে।

এইরূপ স্থির হইলে দূরদর্শী অ-  
মাত্য-মরাল-মহীপ কর্তৃক ব্যাযোগ্য  
সমন ভূষণে সম্মানিত হইয়া সর্বজ্ঞ  
ক্রিয়াক-মন্ত্রিকে সমভিব্যাহারে লই-  
য়া ময়ূর মহারাজের সমীপে সমা-  
প্ত হইলেন, শিখীধর সেই স্বর্ণ-  
সন্ধিতে সম্মত হইয়া বিশেষরূপ দান  
এবং সমাদর পূর্বক সর্বজ্ঞকে সন্তুষ্ট  
করিয়া বিদায় করিলেন।

দূরদর্শী কহিলেন।

হে মহারাজ! যুদ্ধান্তে সন্ধি-  
স্থাপন হইবায় মনোরথ পরিপূর্ণ  
হিল, এইক্ষণে স্বরাজ্য-দেবীদ্বীপে  
মন করুন।

সেই বাক্যে ময়ূর রাজ স্বদল-  
ল সমভিব্যাহারে স্বরাজ্যে পুনরাগ-  
ন করিলেন।

মুন পূর্বক পরম-সুখে বাস করিতে  
লাগিলেন।

শ্রীশৈব শেখর ভট্টাচার্য্য কহিলেন।

হে বৎস! “মিত্রলাভ, সুরভেদ,  
বিগ্রহ এবং সন্ধি” এই চারি প্রকার  
রাজ্য-বহার বিস্তারিতরূপে ব্যাখ্যা  
করিনাম, এইক্ষণে আর কোন্ বিষয়  
শুনিতে অভিলাষ হয়?।

মুপতিনন্দনগণ কহিলেন।

হে গুরো! আপনার ত্রীপাদ-  
পাদ্মর প্রসাদে আমরা রাজকীয়  
ব্যবহার বিশেষরূপে অবগত হইয়া  
কৃতার্থ হইলাম, অধুনা এতদ্বিষয়া-  
ধীন যে কোনো প্রসঙ্গ অথবা অপর  
যে কোনো বিষয় আমারদিগের  
পক্ষে কল্যাণকর হয়, এমন হইয়া  
তাহাই প্রকাশ করুন।

ভট্টাচার্য্য।

হে শিষ্য! সাধু সাধু, সর্ব-মঙ্গল-  
ময় মহাদেব তোমাদের সর্ব প্রকা-  
রেই মঙ্গল করুন, এখনো অনেক  
বিষয়ের উপদেশ প্রদানের আব-  
শ্যক করে, আশি ক্রমে ক্রমে  
সমুদয় উপদেশ করিতে আ-  
লাল্য করিবন।

পরন্তু পরস্পর উপকার, মিত্র-  
তা, সম্বন্ধক, এবং উপহার এই চারি  
প্রকার বিশেষ সন্ধি।

আমার বিবেচনায় “উপহার”  
সন্ধিই সর্বশ্রেষ্ঠ, কারণ, কে  
এক উপহার ব্যতীত অপর কো-  
নো প্রকার সন্ধিতে মিত্রতা সম্বন্ধ হই।

যে স্থলে বিপক্ষ ব্যক্তি বল প্রযু-  
ক্ত রাজ্য-গ্রহণ না করিয়া অস্ত্র পরি-  
ত্যাগ পূর্বক শান্তিগুণ ধারণ করেনা,  
সে স্থলে “উপহার” ব্যতীত অপর  
কোনো সন্ধি, সন্ধি বলিয়াই গণ্য  
হইতে পারেনা।

চক্রবাক কহিলেন।

পদ্য।

আমার আত্মীয় ইন্দ্র, উনি হন পর।  
এরূপ যে ভেদ করে, নীচ সেই নর।  
নিজে সেই অতি ক্ষুদ্র, ক্ষুদ্র মন তার।  
স্বভাবের দোষে করে, ক্ষুদ্র ব্যবহার।  
স্বভাবে সরল, ধীর, মহৎ, যে, হয়।  
তার কাছে, আত্মপরি, ভেদ নাহি রয়।  
সমভাবে, সবে ভাবে, আমার আমার।  
পৃথিবীর, সকলেই, অন্তরঙ্গ তার।  
মেই,  
তবে ত জ্ঞান করে, জননী প্রায়।  
কর্তব্য বল তার-পানে, কখনো না চায়।

কেবল আত্ম ধনে, যে রাখে প্রয়াস।  
পরধন জর্জর করে, ধূলা আর পাশ।  
অ-বোধ, যে করে ধারণ।  
সেই, পণ্ডিত সূজন।  
হংসরাজ কহিলেন।

আমি নারী উভয়েই প্রধান এবং পণ্ডিত,  
তবে যাহা কর্তব্য তাহাই করুন।

গুণ কহিলেন।

আঃ। এ, কি কহিতেছ?

পদ্য।

শারীরিক, মানসিক, পীড়ার কারণ।  
কলেবর, জরজর, সদা সর্বক্ষণ।  
এমন অনিত্য-দেহ, করিয়া ধারণ।  
কোন লোক কোরে থাকে, পাপ আচরণ।  
জলমাঝে চাঁদ হয়, যেরূপ চঞ্চল।  
সকল প্রাণির প্রাণ, সেরূপ চঞ্চল।  
এরূপ নিশ্চয় জেনে, সাধুজন যত।  
পুণ্যকর, কর্মে হন রত।  
মৃগতৃণ সম এই, অসার-সংসার।  
কখন সংহার হবে, স্থির নাই তার।  
এইহেতু ধর্ম আর, সুখের কারণ।  
সাধুসহ, বাস করে, সকল সূজন।  
তাই বলি স্থির-রেখে, সত্য-অতিপ্রায়।  
সন্ধিপাশে বন্ধি হও, উভয় রাজ্য।  
পুণ্যের প্রধান হয়, “অশ্বমেধ যাগ”।  
জগতে সবাই করে, যার অনুরাগ।

ত শত “অশ্বমেধ” তুলায় তুমি  
ক “সত্যকথা” তার, এক পাশে দিয়া।  
জনে হইল গুরু, “সত্য সূখাভি।  
যু হোয়ে “অশ্বমেধ” হোলো।  
বিলে সুবর্ণ-সন্ধি, সত্য প্রাতঃস্মরণ।  
ভয়ের চিরস্থখ, ভোগ হবে তার।

সর্বজ্ঞ কহিলেন।

এইস্থলে সুবর্ণসন্ধিই বিধেয়  
হইতেছে।

এইরূপ স্থির হইলে দূরদর্শী অ-  
মরাল-মহীপ কর্তৃক যথাযোগ্য  
সমন্বয় সন্মানিত হইয়া সর্বজ্ঞ  
ক্রমিক-মন্ত্রিকে সমভিব্যাহারে লই-  
য়া ময়ূর মহারাজের সমীপে সমা-  
প্ত হইলেন, শিখীশ্বর সেই সুবর্ণ-  
সন্ধিতে সম্মত হইয়া বিশেষরূপে দান  
এবং সমাদর পূর্বক সর্বজ্ঞকে সন্তুষ্টি  
করিয়া বিদায় করিলেন।

দূরদর্শী কহিলেন।

হে মহারাজ! যুক্তান্তে সন্ধি-  
প্রাপ্ত হইয়া মনোরথ পরিপূর্ণ  
হইল, এইক্ষণে স্বরাজ্য-দেবীদ্বীপে  
মন করুন।

সেই বাক্যে ময়ূর রাজ স্বদল-  
ল সমভিব্যাহারে স্বরাজ্যে পুনরাগ-  
ত করিলেন।

মুন পূর্বক পরম-সুখে বাস করিতে  
লাগিলেন।

কান্ত শেখর ভট্টাচার্য্য কহিলেন।

হে বাপু! “মিত্রলাভ, সুরুদ্ধেদ,  
বিএ এবং সন্ধি” এই চারি প্রকার  
রাজ্য-বহার বিস্তারিতরূপে ব্যাখ্যা  
করিলাম, এইক্ষণে আর কোন্ বিষয়  
শুনিতে অভিলাষ হয়?

নৃপতিনন্দনগণ কহিলেন।

হে গুরো! আপনার ত্রীপাদ-  
পাদ্যের প্রসাদে আমরা রাজকীয়  
ব্যবহার বিশেষরূপে অবগত হইয়া  
কৃতার্থ হইলাম, অধুনা এতদ্বিষয়া-  
ধীন যে কোনো প্রশঙ্গ অথবা অপর  
যে কোনো বিষয় আমারদিগের  
পক্ষে কল্যাণকর হয়, এসময় হইয়া  
তাহাই প্রকাশ করুন।

ভট্টাচার্য্য।

হে শিষ্য! সাধু সাধু, সর্ব-মঙ্গল-  
ময় মহাদেব তোমাদের সর্ব প্রকা-  
রেই মঙ্গল করুন, এখনো অনেক  
বিষয়ের উপদেশ প্রদানের আব-  
শ্যক করে, আমি ক্রমে ক্রমে  
সমুদয় উপদেশ করিতে আরম্ভ  
আলম করিবনা।

পদ্য।

এজগতে বিরাজিত, যত মহীপতি  
সবাই মহৎ, হোন্ হোন্, মহামতি  
পরস্পর, সহোদর, হেন ভাব হবে  
পরস্পর প্রেম-পাশে, বদ্ধ হোয়ে ব ॥  
পরস্পর, রাজা যদি, দ্বেষভাব হুে ॥  
পরস্পর, রাজা যদি, প্রেমভাব ধরে ॥  
পরস্পর রাজা যদি, বিবাদ না করে ॥  
পরস্পর যুদ্ধ করি, যদি নাহি মরে ॥  
দ্রোণ, হিংসা, ঘুচে যায়, যায় সব পাপ ॥  
সমান প্রকাশ পায়, সবাই প্রভা ॥  
সন্ধি সহ সদালাপে, থাকিলে সবাই ॥  
ভার চেয়ে অর্থ আর, কিছুইতো নাই ॥

ওরে, পালগণ! প্রণয়েতে রহ ॥  
কাহারে, সহিত কেহ, কোরোনা কলহ ॥  
অনিষ্ট বিতর্ক এই, স্থির জেনে মনে ॥  
দুর্ফিরেখে, পালো প্রজাগণে ॥  
বিচারে যে সব পাক, আছেন এতবে ॥  
অমোদ প্রমোদে সদা, অর্থি হোন্ সবে ॥  
অতি সজ্জন আর, যত যত নর ॥  
সবারি কুশল হোক, উত্তর উত্তর ॥  
সচিবের জদয়েতে, সদাকাল নীতি ॥  
বেশ্যার সমান ধরি, সকল প্রকৃতি ॥  
প্রতিক্ষণ আলিঙ্গন, করিয়া প্রদান ॥  
করুক 'দুহন' 'করি, দুখ-সুখপান ॥  
প্রতিদিন বৃদ্ধি হোক, মহা মহোৎসব ॥  
ঘুচে-যাক, নিরানন্দ, হাহাকার রব ॥

ইতি হিতপ্রভাকর পুস্তকে হিতহার অন্তর্গত

“সন্ধি” নামক চতুর্থ পরিচ্ছেদঃ।

প্রবৃত্তি সমাপ্ত।